

HORÆ SUBSECIVÆ
MARBURGENSES

ANNI M DCC XXIX,

QUIBUS

PHILOSOPHIA

AD

PUBLICAM

PRIVATAMQUE UTILITATEM

APTATUR.



AUTORE

CHRISTIAN. WOLFIO,

CONSILIARIO AULICO HASSIACO, MATHEMATUM
AC PHILOSOPHIÆ PROFESSORE PRIMARIO IN ACADEMIA MAR-
BURGENSI ET ORDINIS PHILOSOPHORUM p. t. DECANO, PROFES-
SORE HONORARIO PETROPOLITANO, SOCIETATUM REGIA-
RUM BRITANNICÆ AC BORUSSICÆ
SODALI,

TRIMESTRE BRUMALE.

FRANCOFURTI & LIPSIAE MDCCXXIX.
PROSTAT IN BIBLIOP. RENGIERIANO.

THE UNIVERSITY OF CHICAGO

LIBRARY

1913

THE UNIVERSITY OF CHICAGO

LIBRARY

THE UNIVERSITY OF CHICAGO

LIBRARY

ILLVSTRISSIMO ATQUE EXCELLEN-
TISSIMO

DOMINO,

DN. IO. REINHARDO,
L.B. A DALWIGK,

DYNASTÆ IN VIERMUNDEN,
ET WOHRA,

SERENISSIMI AC POTENTISSIMI
HASSIÆ LANDGRAVII

MINISTRO STATUS INTIMO

ET

CAMERÆ PRÆSIDI,

DOMINO SUO GRATIOSO.



ILLUSTRISIME
ATQUE
EXCELLENTISIME DOMINE.



Uim speciminibus
luculentis osten-
dere constitui,
quomodo philo-
sophia ad publi-
cam privatamque utilitatem
aptari debeat ; institutum
hoc

DEDICATIO.

Hoc viris intelligentibus valde probatum, quibus de eodem dixeram, Te potissimum Autore aggressus sum. Neque enim Te fugit philosophiæ solidæ principia rebus gerendis utiliter adhiberi, solidam autem doctrinam a superficiali ipso usu discerni, cum expertus asseveres, si philosophia non profit, id non philosophiæ sed philosophi esse omnes muneris sui partes neutiquam adimplentis. Quemadmodum itaque, Vir Illustrissime, genuinum a spurio pragmatico quodam acumine separas; patrocinium quoque

)(3

Tuum

DEDICATIO.

Tuum indulges iis, qui solidam ac Reip. utilem doctrinam promovent. Utilitatem autem provide æstimans non contemnis, quæ sublimia sunt, & nimia subtilitate quæfita videntur hominibus de rebus per transennam inspectis temere statuentibus, quippe omnium optime gnarus, vel maxime obvia non sine subtili acumine in eam formam redigi, ut amplam atque arduam utilitatem consequantur & philosopho in sterilibus, quæ videntur speculationibus longo sæpius tempore esse verifandum, ut per eas ad veritates

tes

tes momentosas ac Reip. im-
mo toti generi humano infi-
gniter profuturas perveniat.
Impense igitur mihi gratu-
lor, Domine, quod divina
providentia Te Patronum
nactus sim eo potissimum
tempore, quo philosophiam
universam certam ac utilem
efficere studeo, ut, quod
continuo multorum anno-
rum labore assecutus sum,
Tuo patrocinio adjutus in
publicum proferre valeam.
Quamobrem ne deesset oc-
casio ingentia Tua in doctri-
nam solidam ac Reip. utilem
doctrinam merita publice
prædicandi Tuumque in me

DEDICATIO.


tavorem pietate venerandi ; prima
hæc philosophiæ ad publicam priva-
tamque utilitatem aptatæ specimina
Illustrissimo Nomini Tuo dedicare
debui. Accipe igitur, quod Tibi,
Mecænas Maxime, humillima mente
offero, vultu gratioſo meque favo-
re Tuo perenni complecti perge.
Deus Te ſervet ac Neſtoreis frui iu-
beat annis ! Dabam Marburgi Cat-
torum die 3. Aprilis A. O. R. 1729.

ILLUSTRISSIMI ATQUE EXCELLEN-
TISSIMI

NOMINIS TUI

Cultor devotiſſimus

Christianus Wolfius.



PRÆFATIO.

LECTORI BENEVOLO
SALUTEM.



ET si magna negotio-
rum mole quoti-
die me obrutum
esse non ignorent,
qui labores meos
perspectos habent;
in felicitatem tamen generis hu-
mani pronus cum id unice mihi
datum esse existimem ut aliis in-
serviendo consumar, Patronis ju-
bentibus, amicis rogantibus, fa-
cile me adduci passus sum, ut
speciminibus docerem, quomo-
) (5 do

PRÆFATIO.

do philosophia ad publicam privatamque utilitatem aptanda sit, cum longum iter per præcepta, breve per exempla deprehendatur. Tempus igitur huic labori impendendum ordinariis negotiis detrahere debui quasi animum labore fessum recreaturus, cum voluptatem noverim nullam nisi quæ ex studio aliis inserviendi proficiscatur. Atque ea ratio est, cur specimina ista sub titulo horarum subsecivarum per trimestria intervalla in locum prodeant. Cum vero Marburgi hoc otio mihi perfrui datum sit, quo non ad pompam, sed utilitatem philosophari licet; horas istas subsecivas Marburgenses appellandas esse duxi, ut omnes intelligant Marburgum esse eam Musarum sedem, ubi non ventositati, sed soliditati ac utilitati litatur.

PRÆFATIO.

tatur. Quod ipsa attinet rerum argumenta, quibus illustrandis impendentur horæ istæ subserviæ, operam dabimus ut varietate lector delectetur atque ad solide philosophandum excitetur. Utilitatem unice spectantes non rara &, quæ paradoxa videntur, conquiremus: sed placebunt maxime obvia, ubi nobis ostendere licuerit, utilitatem insignem ob eorum contemptum non fuisse animadversam. Neque tamen ideo aspernabimur quæ sublimia ac profundius hausta sunt, ubi non minus quam in obviis inexpectatam deprehendemus utilitatem. Cumque facultatum, quas superiores appellare consuevimus, in Rep. usum nemo non noverit; philosophiam utilem effecturi auxilia quoque delineabimus, quæ illis affert, ut & ipsæ

PRÆFATIO.

ipsæ evadant utiliores, sed more nostro per exempla, minime per præcepta, nisi quatenus exemplis ipsa præcepta insunt. Atque sic tempus nostrum, quod nobis a negotiis ordinariis superfuerit, aut iisdem subtrahi ratio suaserit, multo rectius nos collocaturos existimamus, quam si altercationibus inutilibus & a bonis moribus abhorrentibus idem terere constitueremus, ad quas nos variis technis inducere tentant homines, quorum interest, ne doctrina solida ac Reip. utilis invalescat. Atque ea in re non modo philosophi officium adimpleo, sed Apostoli quoque vestigia premo voce vere divina, nec nisi ab impiis contemnenda (a) eum, qui contentiosus esse velit, nosse iubentis se
atque

(a) 1. Cor. XI. 16.

PRÆFATIO.

atque ecclesiam Dei ab hac consuetudine procul abesse. Neque enim sine ratione præcipit (b), servum Domini non oportere litigare; cum servus Domini esse nequeat, qui dictis ejus fidem non habet eaque non agit, quæ voluntati ipsius conformia sunt. Hæc est vox Domini, quam non attendunt rixatores, quod de omni verbo otioso, quod locuti fuerint homines, rationem reddent in die judicii (c). Parum autem me movet calumnia, quasi causam desperatam defendere nesciens hoc pietatis utar prætextu: etenim si quis nescio quæ mendacia effutire non erubuerit, ut famam meam proscindat & veritatis progressui obicem ponat, iis contraria ipso opere

(b) 2. Tim. II. 24. (c) Matth. XII. 36.

PRÆFATIO.

opere ostensurus sum, ut sic ipso facto fiant infames, qui furori fræna laxantes linguæ impotenti moderari nequeunt. Hæc enim ea est methodus, qua aliorum calumnias refellimus non modo a verbis otiosis ipsimet abstinentes, verum nec aliis ansam dantes, verba otiosa, immo otiosis pejora porro eructandi. Neque aliam rationem Salvatori optimo, cujus nobis exemplum Petrus (d) commendat, fuisse pro certo habeo, cur cum malediceretur non malediceret, cum pateretur, non comminaretur, sed Deo judici causam omnem committeret. Doleo corruptos seculi mores, quo homines singularem cum Deo communionem

(d) 1. Petr. II. 23.

PRÆFATIO.

nem jactantes & alto non minus supercilio, quam temerario judicio alios eadem excludentes nequidem in iis vitam Christi præcepto atque exemplo conforment, quæ nec Philosopho solo lumine rationis utenti difficilia fuisse monumenta veterum loquuntur. Eam philosophandi ingressus sum viam, teste opere Logico, ut mihi a calumniis & falsis imputationibus metuendum non sit atque in his horis subsecivis eas ipso opere, absque verbis otiosis, citra ipsorummet calumniatorum injuriam refellendi occasio non deerit. Nemini suam, qua fruitur, gloriam invideo, si vel maxime nullo fundamento nitatur, vel artificiis parum honestis fuerit comparata. Ab aliis igitur per-

strin-

PRÆFATIO.

stringendis qui semper fui alienus, nec contrarios in hisce Horis sequar mores: absit enim ut maledicendi, calumniandi & cavillandi studio eminere velim! Absit procul a me ista animi impotentia, ut morem, quem detestor vel invitus sequar! Deus corrigat pravos seculi mores, ne, qui artes se fideliter didicisse gloriantur, sint adeo feri, ut animantia bruta rationis usu destituta rectius tamen iisdem utantur ratione! Dabam Marburgi

d. 3. Aprilis A. O. R.

1729.



HORÆ SUBSECIVÆ MARBURGENSES,

ANNI M DCC XXIX.

Trimestre brumale

I.

*De habitu philosophiæ ad publicam
privatamque utilitatem aptæ.*

§. I.

Cum speciminibus luculentis ^{Ratio in}
docere constituerimus, quas ^{statuti}
nam philosophia tum ad vi- ^{Autoris}
tam, tum ad Remp. bene pruden-
terque agendam utilitates afferat;
ne institutum nostrum inane a pleris-
que existimetur, id nobis principio in-
cumbere existimamus, ut habitum phi-
losophiæ ad tam præclaros usus aptæ
delineemus. Vereor enim ne plerique
ex ea, quam usu sibi compararunt, no-
tione de philosophia statuentes in sen-
tentiam abeant ab ea, quam tuemur,
prorsus diversam, nihil profecto certi-
us, nihil evidentius esse rati, quam
(Hor. subf. 1729.) A quod

quod domestica experientia suffultum clarissime contuentur.

Philosophia quando ad vitam utilis : §. 2. Ad vitam bene & prudenter agendam philosophia utilis, dum actionum liberarum directioni inservit : quem usum cum agnosceret *Cicero*, eam nunc magistram, (a), nunc ducem vitæ (b) appellavit, vitam sine philosophia nullam esse persuasissimus.

quando ad Remp. agendam utilis, §. 3. Ad Remp. bene & prudenter agendam philosophia utilis, dum Reip. constituendæ, constitutæ conservandæ, collapsæ autem instaurandæ opem affert, ut, quæ circa eam moliuntur rerum gerendarum peritia instructi, singula in salute ac tranquillitate illius terminentur : quod cum olim *Plato* perspiceret, eam demum Remp. beatam fore pronunciavit, ubi vel philosophi imperant, vel Reges philosophantur, non invito Sinarum priscorum exemplo, quemadmodum alibi me ostendisse memini. (c)

Differentia Cognitionis philosophicæ ab histo- §. 4. Cognitionis philosophicæ ab histo-

(a) *Quæst. Tuscul. lib. 2.* (b) *Quæst. Tuscul. lib. 5.*
(c) in *Oratione de Sinarum philosophia practica* p. 6.

historica seu communi & mathematica *philosophica*
 differentiam primi, (d) quantum no- *a communi & mathe-*
 vimus, distincte tradidimus, etsi con- *matica*
 fuse eam dudum viderint alii; mox ta- *tica.*
 men, quæ notionum confusarum fors
 est, philosophicam cum historica &
 mathematica confundentes: quod vel
 ex eo patet, quod non modo disce-
 ptatum fuerit, utrum disciplinæ ma-
 thematicæ in numerum philosophica-
 rum sint referendæ, nec ne; verum
 etiam se philosophari hodiernum exi-
 stiment, qui vel virorum doctorum
 sententias de rebus quibusvis memoriæ
 mandant, vel promiscue colligunt, quæ
 non satis cauta observatio suggerit.
 Cognitionem philosophicam ab histo-
 rica ita nos distinguimus, ut, dum
 hæc in nuda facti notitia subsistit, illa
 ulterius progressa rationem facti in
 aprium producit, ut intelligatur, cur
 istiusmodi quid fieri possit, atque adeo
 accurate innotescat, quandonam idem,
 A 2 quod

(d) in Præf. ad Aërometriæ elementa A. 1709. edi-
 ta; im Vorbericht von der Welt-Weisheit S. 3 &
 seqq. & S. 13 zu den Gedanken von den Kräften
 des Verstandes & in Discursu præliminari de
 philosophia Logicæ præmissa c. 1, integro;

quod antea factum meminimus, de-
nuo fieri debeat: mathematicam ve-
ro nonnisi ei concedimus, qui quan-
tatem rerum determinare in dato ca-
su valet.

*Exemplo
discrimen
illustra-
tur.*

§. 5. Etsi autem de his, quemadmo-
dum arbitramur, alibi (e) diximus, quae
abunde satisfaciant; cum tamen non
cujusvis sit alibi dicta evolvere & ea
qua in systemate opus est, attentione
perpendere, non inconsultum duci-
mus totum illud discrimen, quod tan-
ti in praesenti negotio momenti est
exemplo aliquo obvio, sed manifeste
illustrare. Iridem subinde in caelo plu-
vio comparere & colore quintupliciter
variegatam esse norunt omnes, qui fe-
rente ita occasione oculos in caelum
attollentes eam non obiter contue-
dignati sunt. Philosophus in causa
phaenomeni inquirens accuratius
terminat, quando iris comparere
debeat, & rationem reddit, cur his, non
aliis coloribus superbiat. Mathem-
ticus denique metitur altitudinem
eius & locum centri ejus, nec non
altitudinem solis supra horizontem

illu-

(e) locis modo citatis.

illius genesin requisitam & quantitatem anguli, sub quo radii guttulas pluviae ingrediuntur, ut refractione in colores mutantur, determinat. Ecquis vero non videt cognitionem vulgi hic differre a cognitione Physici, & cognitionem utriusque a cognitione Mathematici. Quamvis autem exemplum ex Physica fuerit desumptum aut ex numero phaenomenorum naturalium, quae parum nos tangere videntur, petitum; nihil tamen nominaveris, in cuius cognitione idem discrimen notare non licuerit, utut non ubique in nostra positum potestate deprehendamus omnem objecti ideam triplici ista cognitione exhaurire: neque enim jam quaerimus, quanam in nostra potestate sit cognitio, sed quam quodcunque cognoscibile involvat & intellectui potenti offerat.

§. 6. Si determinationes subiecti nobis fuerint perspectae, sub quibus praedicatum eidem tribuitur, ex iis tamen directe idem deducere minime valeamus, rationem confuse percipimus, ob quam praedicatum convenit suo subiecto.

*Ratio
quando
confuse,
quando
distincte
cognoscatur.*

A 3

phia

phia prima, in qua omnis cognitionis solidæ fundamenta prima & genuina ponuntur(f), in istis determinationibus contineri rationem, ob quam prædicatum subjecto suo convenit. Quod si vero ex determinationibus subjecti demonstrare valeamus, quod prædicatum aliquod eidem tribui debeat; rationem distincte cognoscimus, cur prædicatum subjecto sit tribuendum.

Discrimen istud exemplis illustratur.

§. 7. Equidem clarissimum est discrimen, quod inter confusam & distinctam rationis cognitionem intercedit, dum modo principia nostra logica & ontologica habueris perspecta, quæ notiones terminorum ingrediuntur; ne tamen quicquam obscuritatis relinquatur ceteris, quibus minime vacat illa sibi reddere familiaria, exemplis nonnullis idem illustrare placet. Si quis novit in triangulo angulos ideo esse æquales, quia æqualia sunt latera, etsi ex assumpta laterum æqualitate directæ consequentiæ filo angulorum æqualitatem deducere nequeat; is rationem nonnisi confuse cognoscit, cur
in

in triangulo æquilatero æquales sint anguli. Enimvero si ex assumpta laterum æqualitate angulorum æqualitatem directe demonstraret, quemadmodum in Geometriæ Elementis fieri solet; tum demum distincte cognoscit rationem, cur in triangulo æquilatero æquales sint anguli. Falluntur enim, qui sibi persuadent, a Geometris non genuinas adduci eorum, quæ affirmant, rationes, unde claritas nascatur in ideis. Sed de his forsan alias ex instituto dicemus. Addamus nunc exempla alia, quæ magis sunt ad plurimorum palatum. Qui experientia magistra didicit, si lapis aut corpus aliud quodcunque grave ex alto demittatur, motum ejus continuo accelerari; is rationem motus accelerati nonnisi confuse cognoscit. Quod si vero ex eo, quod lapis aut corpus quodcunque grave ex alto decidat, directe demonstraret motum ejus continuo accelerari debere, tum demum rationem distincte cognoscit atque clare perspicit, cur motus continuo accelerari debeat. Similiter qui experientiæ fide novit, si hominem, cujus miseriam intuemur,

amamus, ad misericordiam nos per-
moveri; is rationem confuse agnoscit,
cur misericordia ejus tangamur, cujus
miseriam contuemur. Qui vero de-
monstrat, quomodo fiat, ut alterius
miseria moveamur, dum eam intue-
mur, miserum vero amamus; is de-
mum rationem distincte cognoscit, cur
fieri possit, ut ad misericordiam per-
ducamur.

*Qualis
sit philo-
sophia u-
sus in ne-
gotiis
vita.*

§. 8. Videmus adeo, quanam sit
cognitio philosophica, & a quibus ini-
tiis ad fastigium ascendat. Agedum
vero! contemplemur eam adhuc tan-
tisper, dum luculenter appareat, quo
eam habitu indutam esse oporteat, ut
ad vitam atque ad Remp. bene pru-
denterque agendam utilitatem afferat.
Cum in opere Logico (g) usum Logicae
in praxi vitae traderemus; evidentissi-
me evictum dedimus (h), omnis co-
gnitionis acquisitae usum in negotiis vi-
tae ad applicationem definitionum &
propositionum redire. Quae igitur
ibidem in genere enunciantur; ea quo-
que ad cognitionem philosophicam
applicari debent. Ejusdem quoque
non

(g) sect. 6. c. 1. (h) §. 1212.

non alium concipere licet usum in negotiis vitæ, nisi qui in applicatione definitionum ac propositionum consistit. Omnes mentis operationes ad tres reducuntur classes, notionem, iudicium atque discursum. Ideo & in philosophia non occurrunt nisi definitiones & propositiones una cum probationibus, quarum illæ notionibus respondent, quas solas primæ mentis operationi reservamus, istæ iudicia exhibent, hæ tandem propositionum veritatem palam faciunt. Probationum igitur non alius usus est, quam ut assensus iudiciis discursivis præbendus eliciatur, atque adeo earum in applicatione propositionum nullus est. Nil ergo restat in omni philosophia, quod in negotiis vitæ applicari possit præter definitiones ac propositiones. Unde colligitur, in philosophia tradendas esse definitiones ac propositiones, quales ad casus obvios applicare licet.

§. 9. Videamus vero porro aliquanto propius, quomodo ista applicatio fiat, ut inde dilucidius appareat, quales in philosophia tradendæ sint definitiones.

Modus applicandi doctrinam philosophicam

ad casus
vitae hu-
manae,

nes ac propositiones. Quando de rebus obviis judicamus, vel iisdem tribuimus, quæ in iis aut de iis observamus, vel quæ iis quidem insunt, aut inesse possunt, observari tamen a nobis nequeunt. Ista *judicia intuitiva* hæc *discursiva* appellare soleo, propterea quod in his prædicatum subiecti tribuendum ratiocinando colligitur. Ad intuitiva judicia non opus est ni attentione atque acumine ad pervendendum ac discernendum ea, quæ in rebus nobis obijciuntur: ad posteriora rite formanda nunc definitionibus opus est, nunc propositionibus, quæ tanquam præmissæ ingrediuntur syllogismos, quibus ratiocinia constant. Ad res nimirum obvias attenti has vel istas notas iisdem inesse judicamus, hoc est, hanc vel istam iis competere definitionem affirmamus; unde beneficio definitionis colligimus, hoc vel istud eidem convenire definitum, hoc est, rem nobis in præsentia obviam ad hoc vel istud genus, hanc vel istam speciem rerum pertinere, cui hoc vel istud nomen imponi solet. Quod si jam constiterit
qua

quænam generi vel speciei data conveniant attributa, si absolute, si sub data quadam conditione eidem tribuenda, porro inde colligimus rei obviæ hoc ipsum prædicatum actu convenire, vel sub data conditione convenire posse. Quod si ergo rem eandem attentione perlustrare pergas atque conditionem præsentem esse intelligas; hinc porro inferre datur, rei obviæ istud quoque prædicatum actu convenire, quod sub data conditione generi vel speciei competere constat. Non absimili modo pervenitur ad judicia discursiva negativa, in quibus de re obviæ negatur, quod ad hoc vel istud genus, aut ad hanc vel istam speciem referatur, quodque eidem hoc vel istud attributum absolutum aut negativum conveniat. Hisce continetur omnis cognitionis philosophicæ ad casus obvios applicatio, quatenus certa haberi potest: De probabilibus enim conjecturis, quibus haud raro opus est in negotiis vitæ humanæ, in præsentem nobis sermo non est. Trademus autem alias, quæ in hoc casu usui esse possunt, tum quan-

quando olim ex instituto Logicam probabiliū in formam artis sumus redacturi, tum in his ipsis operis subscevis, occasione ita ferente.

*Modus
iste ex-
emplis
illustra-
tur.*

§. 10. Etsi ea, quæ modo diximus de doctrina philosophica ad casus vitæ humanæ applicanda, satis clara & perspicua sint, modo Logicæ nostræ theoriam, quæ minimam operis partem constituit, vel primis labris degustaveris, ita ut potiora tantummodo de tribus mentis operationibus definitionum ope probe intellecta tibi familiaria reddideris; consultum tamen judico, dicta exemplo illustrari, ut mentem nostram assequantur vel ii, quibus seria attentione Logicæ theoriam perlustrare non vacat. Sumamus vero exemplum facile, ne inde difficultates nectantur, quæ doctrinæ magis obscurandæ, quam illustrandæ servant. Ponamus igitur nobis objici fontem ex saxis artificiose casis constructum. Ubi latera numeramus, ex quibus perimenter constat, numero sex deprehendimus: dum eadem mensura applicata metimur, ea inter se æqualia esse reperimus: angulos denique

que dum exploramus, eos itidem inter se æquales esse experimur. Constat igitur per ea, quæ intuitive cognoscimus aut a nobis cognosci sumimus (neque enim in analysi præsentis cognitionis ad prima principia descendendum); perimetrum fontis constare ex sex lineis rectis inter se æqualibus & sub æqualibus angulis sibi invicem junctis. Quamobrem ubi ex elementis Geometriæ succurrit definitio, quod hexagonum regulare sit figura plana sex lineis rectis inter se æqualibus & sub æqualibus angulis invicem junctis terminata; perimetrum fontis esse hexagoni regularis concludimus, vel quod perinde est, basin fontis esse hexagonum regulare inferimus. Jam cum ex Geometria elementari porro constet, centrum hexagoni regularis inveniri, si super latere triangulum æquilaterum erigatur; inde inferimus, centrum fontis determinari posse, si ad latus perimetri applicetur triangulum æquilaterum, cujus latus eidem æquale. Equidem exemplum ex Geometria petatum est, non ex philosophia; in præsentem tamen negotio philosophico æquipollet.

let. Quodsi tamen non sufficere videatur, agendum addamus alterum. Si Titius homicidium commisit, ex circumstantiis facti colligitur quod idem sciens ac volens commiserit. Quamobrem ubi recordamur homicidium culposum definiri, quod a sciente ac volente committatur; applicatione definitionis facta inferitur, Titium commisisse homicidium culposum. Quodsi jam porro constet de homicidio culposo, quod, qui id commisit, ultimo supplicio sit afficiendus; applicatione hujus propositionis facta inferitur, Titium ultimo supplicio afficiendum esse. Exemplum hoc Philosophiæ cum jure civili commune est: unde vel ex eodem apparet, quæ de philosophiæ applicatione diximus, eadem quoque de applicando jure civili ad casus obvios valere.

*Quem in
finem
philosophia
discatur.*

§. II. Ipsa autem hac philosophiæ applicatione docemur, quem in finem eandem addiscere teneamur, nimirum ad formanda judicia discursiva ex intuitivis, quæ casus obvii nobis insinuant. Nihil decernimus, nihil agimus, ubi judiciis discursivis non sit locus:
immo

mmo ubi nostrum de rebus obviis iudicium alteri exponimus, ut plurimum ratiocinando ad idem pervenimus. Ex propositione unica, quæ intuitivo cuidam iudicio respondet, nulla infertur conclusio, qualis est omne iudicium discursivum: sed duabus præmissis opus, quarum altera ex philosophia petenda, quotiescunque de rebus ad forum ejus spectantibus agitur. Philosophia igitur principia ratiocinandi generalia nobis suppeditare debet, quibus utimur tanquam propositione majore in syllogismo de re aliqua obvia, ex eo, quod in eadem perspicimus, aut de eadem tanquam certum sumimus, illaturi quod observare non licet aut in assumpto non continetur. Neque vero putandum est rarissimum sic fore philosophiæ usum: qui enim ad animum revocaverit, quæ de cognitione philosophica paulo ante attulimus, usum philosophiæ hinc longe amplissimum agnoscat, propterea quod nihil detur, si ab iis discefferis, quæ a Deo revelata sanctissimæ nostræ religionis fundamenta sunt, quod cognitionem philosophicam non admittit.

*Habitus
philoso-
phiæ ad
vitam
utilis.*

§. 12. Ex eadem quoque applicatio-
ne philosophiæ ad casus in vita humana
obvios clarissime perspicitur, quomodo
philosophia sit concinnanda, ut usum,
quem intendimus, præstare possit. Ete-
nim in ea prostare debent definitiones
accuratæ generum atque specierum, per
quas res obviæ agnosci & ad sua ge-
nera & species reduci possunt. De-
finitionibus jungendæ sunt propositio-
nes determinatæ, in quibus notio sub-
jecti nec plura continet, nec paucio-
ra, quam quæ ad determinandum præ-
dicatum requiruntur, seu, quod eo-
dem recidit, singulis generibus singu-
lisque speciebus sua tribuenda sunt
prædicata, tum quæ iisdem absolute
conveniunt aut solius vi definitionis,
tum quæ sub data demum conditione
competunt, aut sub determinationi-
bus definitioni superaddendis. Quod si
definitiones deficient accuratæ eo qui-
dem in casu, ubi notiones claræ, sed
confusæ rebus certo agnoscendis & ab
aliis accurate discernendis minime suf-
ficiunt, non modo impossibile est, ut
res obviæ in omni casu sine errore ad
genus vel speciem suam revocentur,
sed etiam non verum

verum etiam fieri nequit, ut, quæ generibus ac speciebus convenient prædicata, accurate determinetur, ne de rebus obviis judicaturi per errorem eadem tribuant, cui non conveniunt. Quomodo vero condantur definitiones ac propositiones tam præclari usus, in opere nostro Logico docuimus: non igitur hic repetenda sunt, quæ ibidem legi possunt. Mathematici scientiam amplissimi usus tradunt, quemadmodum attentos experientia docet dudumque ostenderunt alii, qui de usu Matheseos commentati sunt. Si vero in rationem inquisiveris, cur adeo certam habeat utilitatem, id definitionibus exalciatis & propositionibus determinatis tribuendum esse agnosces. Ex principiis autem, quæ de ente in genere in philosophia prima propono, luce meridiana clarius liquet, philosophiæ non repugnare, quod in Mathesi suspicimus; sed perinde in philosophia ac in Mathesi prædicata subjecto tribuenda partim per definitionem, partim per determinationes eidem adjiciendas determinari. Fidem oculatam
(*Hor. subs. 1729.*) B faciet

faciet philosophia prima, quæ proxime luci publicæ exponetur.

*Quales
esse debe-
ant defi-
nitiones
ad vitam
utiles.*

§. 13. Definitiones adeo philosophicæ plura continere non debent, quam quæ rei constanter insunt, nec tamen per se invicem determinantur, ita ut si unum inesse ponamus, non tamen ideo alterum similiter inesse debere intelligatur. Nec eadem pauciora continere debent, quam ea sunt, quæ per se invicem non determinantur. Etenim per definitiones ideo genera & species rerum arctis limitibus constringuntur, ut singulis tribui possint prædicata convenientia, hoc est, quæ per alia determinantur, quæ simul rebus insunt, seu quæ iis positæ simul ponuntur, cum ita demum propositiones, quas in philosophia didicimus, ad casus obvios applicare valeamus. Ex definitione nimirum intelligimus, quamnam in re data inesse debeant, ut prædicatum aliquod absolute vel etiam sub data conditione tribui possit. Atque adeo patet, quamnam rei inesse prius probandum sit, quam eidem prædicatum aliquod tribui, vel affirmari possit, prædicatum aliquod conditio-

naturæ

natum eidem convenire posse. Exempla, quæ paulo ante (§. 10) dedimus, palam loquuntur, quæ hic dicuntur. Ita in dato ibidem casu pronunciaturus, Titium ultimo supplicio esse afficiendum, prius probare debet, quod homicidium commiserit culpsum. Probat autem eum commisisse homicidium culpsum, quod sciens ac volens idem commiserit, hoc est, quod de Titio affirmari queant, quæ in definitione homicidii culpso continentur.

§. 14. Ponamus verò definitiones *Definitionum mantas rari in commenda.* pauciores continere, quam quæ ex iis, quæ rei constanter insunt, per se invicem non determinantur; non cum amplius habebunt usum, ut per eas intelligatur, rei propositæ hoc convenire prædicatum vel sub data conditione convenire posse: neque enim accidit nisi casu ut earum beneficio res obvia ad sua genera suamque speciem revocemus, & tam facile in genere vel specie determinanda aberramus, quam veritatem assequimur. Quod si autem in determinando genere vel specie rei aberraveris; prædicata eidem tribues, *B a* quæ

qua minime conveniunt & fieri posse affirmabis, quæ a veritate abhorrent. Rationem facile capient, qui modum prædicandi ex opere nostro logico perspexerunt, & clarius percipient ii, quibus principia nostra ontologica fuerint explorata. Etenim prædicatum, quod rei absolute convenit, tum demum convenire intelligitur, ubi ea adfuerint singula, quæ simul constanter insunt, nec tamen per alia, quæ simul insunt, adeoque nec per se invicem determinantur: nec prædicata cetera conditionata convenire posse concipiuntur, nisi iisdem positis. Utrumque ex notione entis in philosophia prima evoluta manifesto elucet, ut lucem meridianam negaret, qui istud in dubium vocare auderet.

*Definiti-
onum a-
bundan-
tium in-
commo-
da.*

§. 15. Quodsi definitiones plura contineant iis, quam quæ in in rebus per se invicem non determinantur; erunt omnino inter ea, quæ per cetera, quæ definitionem una ingrediuntur, determinantur, hoc est, quæ rei necessario insunt, si cetera insint. Ostendi vero jam in opere logico (i), defini-

definitionum applicationem reddi prolixiorē: nec idem difficulter ex modo dictis colligitur. Etenim rem obviam vi definitionis ad suum genus suamque speciem reducturus probare tenetur, eidem singula convenire, quæ in definitione continentur, Sed in definitione continentur, quæ rei necessario insunt, si cetera insint. Inanem igitur operam sumis, dum inquiris num ea rei obvix insint. Enimvero alterum hinc incommodum enascitur, quod majoris momenti est. Cum enim genus ac species rei non agnoscatur, nisi ubi constiterit, singula, quæ definitionem ingrediuntur, eidem convenire. Quod si ergo contingat nos probare non posse, illud, quod superfluum est, rei convenire, genus rei, vel speciem ignorari a nobis existimamus, etsi idem vel eandem perspiciamus: id quod profecto idem est ac apertis oculis non videre. Quemadmodum itaque definitiones exactæ res obvias lumine suo collustrant, ut eas videamus; ita mancæ efficiunt, ut nobis videre videamur, ubi cœcutimus; abundantes ex adverso, ut ad lucem meridianam caligemus. B 3 §.16.

*Propo-
sitiones
quales
esse debe-
ant.*

§. 16. Definitionibus rite constitu-
tis propositiones quoque determina-
tas condere licet, modo acumine pol-
leas & ratiocinandi habitu fueris instru-
ctus, quo sine arduum adeo opus non
perficitur. Ex philosophia prima,
quæ veros omnis cognitionis huma-
næ fontes recludit, clarissime apparet,
prædicatum omne, quod rei cuidam
ratiocinando tribuitur, talia præsup-
ponere, quæ invicem juncta sibi mu-
tuo equidem minime repugnant, non
tamen per se invicem determinantur,
sed per quæ simul sumta ipsum illud
prædicatum determinatur. Loquun-
tur idem exempla, notionum univer-
salium examina; cum universalia non
existant nisi in singularibus(k). Si la-
pis ex alto demissus ingentem impe-
tum acquirit; impetus iste totus quan-
tus est determinatur per gravitatem
lapidis & ejus per tantam altitudinem
lapsus. Ut igitur impetum istum
lapidi tribuere possis, supponis & ejus
gravitatem & lapsus per datam quan-
dam altitudinem. Gravitas vero lapi-
dis & lapsus per altitudinem datam
taliam

(k) §. 10 Log.

alia sunt, quorum posito uno, non ponitur alterum, seu quæ non necessario simul sunt, sed quorum unum potius absque altero esse potest. Et ea notionem subjecti absolvunt in propositionibus determinatis, quas solas esse ad vitam utiles cum alibi ostendimus (1), tum ex ipso, quo applicantur, modo evidentissime perspicitur (§.10). Cum definitiones accuratæ non contineant nisi quæ sibi mutuo non repugnant, nec tamen per se invicem determinantur (§.13), in numero notionum subjecti sunt, quæ alteram propositionum determinatarum partem constituunt; non tamen solæ eandem absolvunt. Etenim istis superaccedere possunt determinationes aliæ, quæ diversum subjecti vi definitionis determinati statum determinant, & sic quasi novam quandam speciem accidentalem, vel novum quoddam genus accidentale efficiunt. Atque hinc duplex enascitur propositionum species, quarum altera categorica a Logicis dici solet, altera vero hypothetica. In

A 4 illis

(1) in Discursu præliminari Logicæ præmissa (§. 138).

illis subjecto tribuuntur prædicata constantia & necessaria; in his mutabilia & contingentia. Illis locus est, quam primum ostenderis; rei obviæ convenire definitionem; hæc vero eidem tum demum tribui posse agnoscis, ubi præter definitionem alia adhuc adsunt determinationes, sive extrinsecæ, sive intrinsecæ mutabiles. Obiter monemus manifestum hinc esse discrimen, quod inter definitiones & notiones subjecti in propositionibus hypotheticis, nec non inter notiones subjecti atque definitiones & eas notiones intercedit, quæ iudiciis seu propositionibus respondent. Notio subjecti in genere constituitur per talia, quæ simul esse possunt, non tamen necessario simul sunt, seu quæ sibi mutuo non repugnant, non tamen per se invicem determinantur, si philosophice magis loqui volueris. Definitio continet ea, quæ enticonstanter insunt, nec tamen per alia, quæ simul insunt, determinantur; notio autem subjecti seu determinatio ejus in propositionibus hypotheticis continet talia, quæ simul esse possunt, nec tamen

men per se invicem determinantur, neque re salva constanter simul sunt. Propositioni denique respondens notio præter ea, quæ simul esse possunt, non tamen per se invicem determinantur, continet adhuc aliud quid, seu nonnulla alia, quæ per illa simul determinantur. Qui hoc discrimen perpenderit, ei tandem manifestum erit, cur in philosophia & disciplinis ceteris omnibus omnia tandem redigantur ad definitiones & propositiones categoricas atque hypotheticas. Idem agnoscet, quandonam scientia utilis tradatur & utilem ab inutili facile discernet. Alia multa hinc pendent, sed quæ explicari non est præsentis instituti. Unicum addo: hanc animo ideam firmiter infigendam esse & eam eidem constanter obversari debere, ubi non sine luce in theoria Logicæ versari volueris, quam in opere nostro logico praxi amplissimæ præmittimus. Etenim hunc quoque nobis scopum in his horis subsceivis præfiximus, ut lectorem ad legenda opera nostra philosophica præparemus, dum dogmatum in iis traditorum usum

Autoris
scopus in
emen-
danda
philoso-
phia.

commonstramus, etsi ejus compotes fieri possint, qui eadem non legerunt. §. 17. Nemo sane, qui hactenus dicta perpendit, in dubium revocabit tunc demum philosophiam ad vitam utilem fore, ubi istiusmodi definitiones ac propositiones in ea tradentur, quales nos desideramus. Neque adeo mirum est, quod, qui communimore philosophantur, vix alia offerant, quam quæ in spem futuræ oblivionis addiscuntur aut ventositatis inanis patulum præbent: quo ipso omnis philosophia in contemptum adducta est. Quamobrem cum a contemptu eandem liberare mihi proposuissem, eam utilem effecturus id mihi agendum esse duxi, ut intimas rerum rationes scrutatus definitiones exactas & propositiones determinatas conderem. Hic scopus est, ad quem contendo veritatem philosophicam in systema harmonicum redacturus, quod olim emendabit & locupletabit salutis generis humani studiosa posteritas. Diversum adeo molior, quam quod *Leibnitio*, viro summo, propositum fuerat. Is cum acumine alios antecelleret & in pro-

profundis rimandis non infelix versaretur, nodos illos difficiles solvere conabatur, qui omni ævo vel excelsa ingenia confuderant, de commercio inter mentem & corpus atque primis principiis rerum. Unde enatum ipsi est decantatum hodie systema harmoniæ præstabilitæ & monadum theoria resuscitata. Systemati harmoniæ præstabilitæ inter hypotheses, ceteras palmam tribuo: sed cum idem hypothesibus philosophicis annumerem, eo etiam instar principii ad alia demonstranda non utor, ita ut, cum nuper criminarentur adversarii, quasi omnem philosophiam eidem systemati superstruxissem, toties provocati ne unicuique quidem per omnem philosophiam dogma allegare potuerint, in quo stabiliendo tanquam principio hypothesi illa usus essem. Monadologiam *Leibnitii* ob causas graves meam non feci. Quæ vero de simplicibus in genere trado ea sunt, quæ ab anima nostra tanquam genus a specie abstrahuntur, & quibus ex parte etiam tanquam principiis dudum usi sunt philosophi de ortu animæ disputantes: id quod

quod ex philosophia prima ipsi oculorum iudicio manifestum est, quam nunc latino idiomate pleniorē effeci. Ego sublimia non sperno, ubi scopo meo conducunt: sed cum ad utilitatem philosophari constituerim non sola sublimitate singula metior. Quærenda utilia primum sunt: utilia autem quærentibus subinde haud vulgari acumine opus est ad communia pervidenda, ut utilia fiant, & in re obvia inexpectata quædam profunditas sese offert, si ad ulteriora inde proficere studuerint. Quoniam vero philosophia ad vitam utilis reddi potest, etiamsi nodi isti difficiles de commercio inter mentem & corpus atque primis rerum principiis minime fuerint soluti; per me in iis solvendis quilibet ingenio suo abundet, quascunque etiam hypotheses ea fini inventas damnet: nihil inde philosophia mea vel adjumenti, vel detrimenti capit. Sed quam alii sibi arrogant sentiendi libertatem, eadem & nos frui permittant, dum hypothesis justum pretium tribuimus & ad eos ipsas usus adaptamus, quos ab hypothesis sperare licet.

cer. Esse enim & hypothefibus fuos
ufus, eosque præclaros, in his ipsis
horis fubfecivis docebimus. Qui noſtra
methodo philoſophantur, ſua unum-
quodque laude exornant, etſi non
omnem in idem temere conferant, nec
id contemnunt, a quo laudem alienam
removeant. Unde hunc quoque no-
bis fructum a labore noſtro pollice-
mur, ut aliquando æquiores fiant ho-
mines in aliorum meritis dijudicandis,
quorum nunc judicia deproperata plu-
rimum amori vel odio acceptum
ferunt. Evidenter enim alio loco de-
monſtraturi ſumus, quod, deficienti-
bus rationibus intrinſecis aſſenſus, ad
extrinſecas confugiant homines, ubi
animi paſſionibus multus eſt locus, a
quibus ille noſtra philoſophandi me-
thodo liberatur.

§. 18. *Habitus philoſophiæ ad vitam* *Quomo-*
utilis, quem hætenus delineavimus, *do autori*
eſt fructus notionis entis, quam in *habitus*
philoſophia prima evolvimus, & alio- *philoſo-*
rum nonnullorum principiorum ibi- *phia ad*
dem ſtabilitorum. *vitam*
Etſi enim Mathe- *utilis in-*
matici, in primis Geometra, eundem *notuerit.*
Matheſi, Geometriæ præſertim, du-
dum

dum induerint; non tamen eos imitati ad philosophiam transferimus, quod ipsis in Mathesi profuisse compertissimum: illas enim imitationes quamvis promiscue non rejiciamus, iis tamen locum non concedimus, nisi ubi ex rationibus intrinsecis deducere non datur, quod per illas obtinetur. Et profecto habitum Matheseos eum esse, qualem philosophiæ convenire & in discursu præliminari, quem Logicæ præmissimus, demonstravimus, & hic alia ratione confirmavimus, vix adeo clare perspiciet, qui perspicillis nostris ontologicis non utitur. Immo per nostra demum principia ontologica intelligitur, omnem omnino cognitionem humanam ita comparatam esse debere, quæ ad usum vitæ transferenda. Quæ igitur de philosophia proratione instituti nostri præcepimus, ea ubivis notanda sunt, ubi olim profutura discenda proponuntur. Præterea qui philosophiæ ad vitam utilis habitum nobiscum ex notione entis veræ Ontologiæ propria derivat, aliisque principiis ontologicis animum imbutum tenet; is abunde convictus est

est definitionibus determinatisque propositionibus, quales requirimus, omnem penitus entis cognitionem exhauriri, consequenter certus est, se ad futuros casus, quos sibi obvios fieri posse suspicatur, bene præparatum esse. Etenim in Ontologia docemus, essentiam entis constitui per ea, quæ sibi mutuo non repugnant nec tamen per se invicem aut alia, quæ simul in sunt, determinantur; modum, quo admissis istiusmodi essentialibus ens fieri posse concipitur, a priori docere non tantum, quod illa sibi mutuo non repugnent, verum etiam quod enti cuidam determinando sufficiant; per essentialia & genera, & species rerum constitui; positis essentialibus poni simul attributa cum communia, quæ generi conveniunt, tum propria, quæ sunt speciei; iisdem vero positis modos tantummodo poni potentia sive proxima, sive remota, non autem actu; quamobrem ut actu possint, essentialibus jungendas insuper esse determinationes alias sive intrinsecas, qui sunt modi actuales, sive extrinsecas, ut sic numerus non repugnantium, sed per se invicem minime

nime determinabilium augeatur pro determinando prædicato. Suppositis hisce, quæ ad notionem entis in genere spectant, etsi hæctenus a philosophis non distincte fuerint explicata, qui philosophiam primam vel prorsus rejecere, vel nimis perfunctorie pertractarunt, patet, definitiones nominales constitui tam generum, quam specierum per essentialia, & genesi rerum comprobari possibilitatem illarum a priori; in propositionibus autem generibus atque speciebus sua attribui attributa & modos, attributa nempe & modi quoad potentiam in propositionibus categoricis, modi vero actuales in hypotheticis. Definitionibus adeo & propositionibus determinatis omnis cognitio rerum exhauritur: quod enim relationes rerum mutuas attinet, eæ modis assimulantur & prædicata propositionum hypotheticarum constituunt. Certitudo autem, quæ eventum infallibili fiducia in dato casu sperari jubet, a nexu inter determinans & determinatum necessario proficiscitur, quem in **Ontologia** evicimus. Talia opportune

tune moneri existimo, ne quis sibi persuadeat philosophiam primam ob Ontologiæ nomen in contemptum adductam esse steriles Scholæ nugas, quæ prudenter eliminatæ male in scholas postliminio introducantur, cum tamen sine hac luce in disciplinis ceteris tenebras prorsus dispellere non liceat.

§. 19. Antequam vero hinc discēdamus, ad usum quoque unum alterumve transferenda sunt, quæ de habitu philosophiæ ad publicam privatamque utilitatem aptæ tradidimus, ut vel hoc ipso exemplo confirmemus nos non tradere, quæ non præsentissimum habeant usum. Habent hic lapidem Lydium discētes citra fallaciam dijudicaturi, num discant olim sibi profutura. Etenim disciplinæ ipsis offerunt definitiones ac propositiones determinatas, quibus utantur tanquam propositionibus majoribus in ratiociniis pragmaticis de rebus olim sibi obviis judicia limata formaturi. Quodsi ergo ad animum tibi revoces vitæ genus, quod olim amplecti decrevisti, atque negotia ad istud spectantia cogites; haud multo labore
(*Hor. subs. 17 29.*) C opus

Lapis Lydus discendæ ram.

opus erit ubi dijudicare volueris, numquæ in disciplina quadam data traduntur iisdem respondeant, vel ad ea penitus intelligenda conducant, quæ iis proxime respondent. Ita qui olim causas civium privatas in foro perorare vel de iis sententiam ferre debet causarum Patronum acturus vel iudicis munere functurus; is leges civiles ad facta applicandi habitu olim polleat necesse est. Legum igitur civilium notitia opus habet nec iis commode caret adminiculis ex variis philosophiæ nostræ methodo pertractatæ partibus petendis, sine quibus illarum tractatio nonnisi superficialia est atque confusa, applicationis difficilis, dubiæ atque fallacis parens, summum jus in summam injuriam sæpiissime convertens & causidicorum levitati technas subministrans. Ea porro tractare debet studia, quibus animus acuitur & obfirmatur, ut & vera videat, & sequatur a temeritate ac levitate procul remotus, cum ea animi cultura ne quidem cum solida, distincta & ordinata juris civilis tractatione, nedum cum superficialia, confusa & inordinata con-

conjungatur. Qui aliorum negotiorum causa Reip. administrandæ olim admovendus, ei legum civilium, quibus privatorum utilitati consulitur, notitia sola non sufficit, cum ad judicia pragmatica formanda peculiari opus sit theoria a philosopho petenda, qui muneris sui partes omnes pro virili adimplere studet. De vana enim, quæ plurimorum animos obsedit, persuasionem, quasi philosophia tantummodo serviat Facultatibus vulgo sic dictis superioribus, non vero ipsa tradat ad felicitatem generis humani eruditorum opera promovendam apprime necessaria & ad varias calamitates, de quibus tot extant hominum querelæ, arcendas perapta, quæ a ceteris Facultatibus ultra terminos iisdem præstitutos vane extendendis frustra expectes, dicam alias, quæ acutioribus per antecedentia manifesta sunt & experientia optima rerum magistra comprobantur.

§. 20. Latet in iis, quæ de habitu philosophiæ ad publicam privatamque utilitatem aptæ dicta sunt, etiam lapis Lydius docentium.

tum illi, qui munus docendi ambiunt, tum qui eidem admoti certi esse gestiunt, num ei satisfaciant, tum denique omnes, quorum interest dignoscere docentes vel docentium numero adscribendos. Cum enim discantes ex ore docentium hauriant doctrinam olim profuturam, olim vero profutura non sit, quemadmodum abunde ostendimus, nisi quæ definitionibus exasciatis & propositionibus determinatis continetur; is demum muneri docendi satisfacit, qui ad definitiones ac propositiones istiusmodi revocat doctrinas, in quibus explicandis versatur, ut memoriæ mandanda non modo intelligant & veritatem eorum perspiciant, verum etiam distincte ac ordinate comprehendant discantes. Sed paucis multa dicuntur, quibus penitus intelligendis plura inserviunt, quam quæ hic commode exponi possunt. Utinam vero & docentes ipsimet, & illi, qui eos ad docendum admovent, hoc lapide Lydio uterentur! quantum enim inde commodum in Remp. & universum genus humanum sit redundaturum, alibi apertius dicemus. Quam-

vis

vis autem multa adhuc utilia corollaria practica ex notione habitus philosophiæ ad vitam utilis deduci poterant; hic tamen nobis subsistendum: illa afferemus, cum de iis vel in hisipfis horis subscecivis alia vice ex instituto dicendi occasio oblata fuerit.

II.

*De notione juris naturæ, gentium
& civilis juxta l. 1. §. 3. & l. 9. ff de
Justitia & Jure.*

§. I.

Logicum nostrum opus in molem *Quid
Auctori
proposi-
tum sit.* excrevit non propter theoriam, quæ arctis admodum limitibus continetur, præsertim si ea seposueris, quæ propositionibus demonstrandis & illustrandis inserviunt ac vulgo ex istiusmodi scriptis prorsus exulant; sed propter praxin amplissimam eidem adjectam, quam tamen plurium adhuc incrementorum esse capacem non diffitemur. Etenim cum nobis constitutum sit tradere philosophiam ad publicam privatamque utilitatem aptam,

ptam, cujus interiorē rationem modo uberius exposuimus; Logica quoque nostra multiplicem sui usum solidioris doctrinæ alumnis afferre debebat. Tantum igitur abest, ut nobis persuadeamus nos in eo peccasse, quod tam multiplicem Logicæ ostenderimus usum non sine maximo damno Reip. litterariæ vulgo neglectum, ut potius nos operæ pretium facturos existimemus, si in his ipsis horis subsecivis subinde addamus, quæ ad praxin Logicæ amplificandam faciunt. Ne vero ipsa Logicæ praxis sterilitatis ab iis accusetur, quorum vires superat; non inconsultum ducimus illustribus subinde speciminibus ostendere, quantum valeant regulæ, modo valeant vires. Ad jus Romanum penitus intelligendum haud parum momenti adfert distincta explicatio notionum juris naturæ, gentium & civilis, quibus usi sunt Icti Romani, non quas unusquisque sibi met ipse format. Cum enim in definitionibus nominalibus condendis etiam aliquid relictum sit arbitrio nostro; accidit hinc ut verborum jura cum rerum immutabili essentia

sentia confundentes notiones alienas in Autorum scripta invehant & ideo absurditatum & contradictionum eos postulent, quas imprudentia ipsorum peperit ex defectu Logicæ vel utentis, vel docentis & utentis simul prognata. Videamus igitur, quid possit Logica nostra in eruendis notionibus distinctis juris naturæ, gentium & civilis Ictorum Romanorum.

§. 2. Definitio Juris naturæ est *Ulpiani*, quæ l. 1. §. 3. ff. de *Justitia & Jure* legitur. *Jus naturale* est, inquit, quod natura omnia animalia docuit. Definitio juris Gentium & civilis est *Gaji*, quæ l. 6. tit. eod. extat: *Jus Gentium* est, inquit, quod naturalis ratio inter omnes homines constituit: *Jus vero civile* est, quod quisque populus ipse sibi constituit. Easdem definitiones Institutionibus inseruit *Tribonianus* (a), quemadmodum in vulgus notum est. Nostrium non est disquirere, quid de his definitionibus disputent Juris Romani interpretes; sed inquirere in notiones, quæ terminis *juris naturæ, Gentium & civilis* ex-

Definitio-
nes juris
naturæ,
gentium
& civilis
in jure
Romano.

C 4

men-

(a) pr. & §. 1. de Jur. nat. gent. & civ.

mente *Ulpiani* atque *Gaji* respondeant, ut appareat earum usus in interpretando Jure Romano, ne erroris redarguantur, quæ veritati consona sunt.

Quamnam
regula
Logica in
interpre-
tandus il-
lis sit
utendum.

§. 3. *Ulpianus* non declarat modum, quo natura aliquid animalia docet. Lectori igitur ignaro, quamnam hisce verbis notionem jungere debeat, definitio *Ulpiani* obscura est, nec sensus ejus eidem pervius, quoniam tunc demum verba alterius intelligimus, ubi eas cum ejus verbis jungimus notionem, quæ ipsius animo obversabantur, cum eadem proferret. Quamdiu igitur ignoras, quomodo natura aliquid animalia doceat; tamdiu etiam vi hujus definitionis judicare nequis, quidnam ex mente *Ulpiani*, consequenter secundum notionem juris naturalis in Jure Romano receptam ad jus naturæ referre debeas. Idem obtinet in definitione juris Gentium, quam dedit *Gajus*. Neque enim *Gajus* docet, quamnam sit illa ratio naturalis, quæ jus aliquod universale inter homines constituit a jure naturali diversum. Lectori igitur ignaro, quamnam

nam termino rationis naturalis hic jungere debeat notionem, definitio *Gaji* obscura est nec ea utetur ad ea, quæ sunt juris Gentium juxta notionem in jure Romano receptam, in dato casu ab iis distinguenda, quæ juris naturalis sunt vel civilis. Et quamvis definitio juris civilis plana & perspicua videatur; quatenus tamen jus civile juri naturali & gentium opponitur tanquam jus iis contradistinctum & ea superaddens, quæ jure naturali & gentium non continentur; ipsa quoque aliquid obscuritatis a definitionibus juris naturæ & gentium trahit, quatenus illud demum juris civilis est, quod non est juris naturæ ac gentium, cum non sufficiat ex ignorantia aliquid pro jure civili haberi, quod vel naturalis est, vel juris gentium. Quoniam ergo *Ulpianus* & *Gajus* in definitionibus suis utuntur verbis, quæ non definiunt; eæ cum verbis ipsorum jungendæ sunt notiones, quas vel exempla in medium allata, vel etiam prædicata juri naturali, gentium & civili tributa insinuant. Ita enim suadet regula,

C 3 quam

quam in præsentī casu præscribit Logica nostra (c).

Principia notio-
ni juris
naturalis
Ulpiani
investi-
ganda in-
servien-
tia.

§. 4. Quod igitur jus naturæ attinet, *Ulpianus* affirmat, jus istud non humani generis proprium esse, sed omnium animalium, quæ in terra, quæ in mari nascuntur, avium quoque commune esse. Hinc descendere maris atque fœminæ conjunctionem, hinc liberorum procreationem, hinc educationem. Nos videre, quod cetera quoque animalia, feræ etiam, istius juris peritia censeantur. Dicuntur præterea naturalia jura divina quadam providentia constituta, semperque firma & immutabilia (d). Patet itaque eam formandam esse juris naturalis notionem, ut per eam determinetur istud actionum genus, quod homini cum animantibus commune est & ex qua demonstrari possit jus istud in se immutabile esse. Tribuimus enim rebus prædicata, quæ notioni earum animis nostris obversanti conformia sunt, quamdiu a veritate non aberramus. Quamdiu igitur nulla co-
git

(c) §. 920. (d) §. 11. Inst. de jur. nat. gent. & civ.

git necessitas ut alteri errorem impu-
temus, tamdiu verba ejus dubiæ inter-
pretationis ita explicanda sunt, ut nul-
lus sit inter ea nec a rebus dissensus.
Nihil enim frequentius est quam ut
male eloquamur, quæ bene cogitamus:
nec adeo facile est mentem suam adeo
accurate exprimere, ut nec plus, nec
minus contineatur in verbis quam in
notione eis respondente.

§. 5. Quoniam igitur jus naturæ ex *Quanam*
mente *Ulpiani* toti generi humano *ex princi-*
cum omnibus animalibus commune *piis istis*
idemque immutabile esse debet (§. 4); *confe-*
quantur.
id utique, per quod determinatur,
non minus in omni animantium quam
in humano genere constanter depre-
hendatur necesse est. Id omnium
evidentissime ex contrario apparet. Sit
enim ratio determinans hujus juris non
in volatilibus; jus ergo istud non
amplius aves tanget: id quod tamen as-
serto *Ulpiani* repugnat. Ponamus
rationem istam abesse posse, salva ho-
minis essentia, vel salva essentia ani-
malis cujuscunque. Non ergo ampli-
us erit immutabile. Ex generalibus
enim principiis ontologicis constat.
sub-

sublato determinante tolli etiam istud quod per idem determinatur. Quod immutabile est, illud in se seu absolute necessarium est. Quod vero absolute necessarium est & per aliud determinatur, id sane determinari nequit, nisi per istiusmodi quid, quod & ipsum absolute necessarium est. Concludamus itaque id, quod ex mente *Ulpiani* determinat jus naturæ, esse aliquid absolute necessarium, quod homini cum omni animali commune est. Quamobrem si inquiramus, quidnam illud sit, quod in homine & omni animante bruto absolute necessarium, ac in omnibus unum idemque est; non amplius obscurum erit, quodnam sit illud jus, quod natura omnia animalia docuit & cujus peritia bruta perinde ac homines censentur. Nemo miretur, nos ad notiones philosophiæ primæ confugere, ubi via analytica notionem juris naturalis eruere decrevimus, quæ fuit olim Ictorum Romanorum: quando enim Artem inveniendi tradituri sumus, evidentissime demonstrabimus, notiones istas abstractas mentem dirigere in omni veritatis

ritatis investigatione. Neque alia de causa philosophiæ primæ emendandæ ac luce, qua hæcenus destituta fuit, collustrandæ operam navamus, quam quod sine ejus ope ad solidam rerum cognitionem in nullo disciplinarum genere perveniri detur. Attendant igitur, quotquot scientia juvat, quomodo hac duce ad scopum contendamus.

§.6. Vidimus ab eo jus naturæ juxta *Notio juris naturalis l. 1. §. 1.* Ictos Romanos esse derivandum, quod in se absolute necessarium homini cum *rum Romanorum* animantium brutorum toto genere commune est, ita ut si idem auferas ab homine, is homo amplius non permaneat, si idem auferas ab animante quocunque, idem non amplius in animantium genere esse possit. In philosophia prima docemur id, quod homini & animali cuicunque adeo immutabiliter inhæret, esse essentiam ejus una cum attributis, quam & naturam vulgo vocant, etsi naturam ab essentia distingui accuratior philosophandi methodus jubeat. Jus naturæ igitur illud est, quod per essentiam hominis & animalium brutorum seu, quemadmo-

admodum vulgo loquimur, naturam eorundem communem determinatur, ita ut posita essentia seu natura communi hominum & brutorum, hoc est, posito eo quod genus constituit, sub quo homines & bruta tanquam totidem species continentur, & quod animalitatis nomine designatur, ponatur etiam istud jus, quod legis naturalis nomine veniens actiones sic & non aliter determinari jubet. Videmus adeo veteres agnovisse, inter essentiam & naturam hominis atque animantium brutorum in universum eam intercedere similitudinem, quæ ad genus commune constituendum sufficit, & in hac notione generis communis contineri rationes unde intelligatur, cur quædam actiones ita potius sint determinandæ quam aliter, utut in physica seu naturali hominis potestate positum sit eas quoque contraria ratione determinare. Atque ita obtinuimus notionem maxime determinatam eamque distinctam juris naturæ, quod concipere Icti Romani, ita ut in dato quocunque casu dijudicari possit, utrum determinatio actionis pendeat a jure natu-

naturali, nec ne. Cujus nimirum ratio ex essentia vel natura animali seu homini cum brutis communireddi potest, id erit juris naturalis. Quamobrem *jus naturæ* in sensu *Ulpiani* definiri potest, quod sit determinatio actionis ea, cujus ratio in natura animali seu essentia homini cum brutis communi continetur. Arctioribus omnino limitibus *jus naturæ* coarctarunt Icti Romani, quam a nobis hodie fieri solet; sed cum definitiones nominales sint arbitrariæ, integrum ipsis fuit juris naturalis nomine compellare, quodcumque ipsis visum fuit & temerarium se probat, qui eam, qua recte ului sunt, libertatem reprehendit. Sufficit quod pro jure naturali non venditaverint, quod erat mere confictum, sed quod dari nemo in dubium vocare valet. Quoniam itaque autorem unumquemque secundum eas notiones interpretari debemus, quæ menti ejus inhasere, ubi eum intelligere nec sensum alienum eidem affingere velimus (e); juxta hanc quoque notionem interpretari debemus *leges Romanas*.

(e) Log. §. 903.

nas, in quibus juris naturalis mentio fit. Qui aliis notionibus utitur, is sapissime mentem Ictorum Romanorum pervertet, neque adeo miretur, ubi in manifestos inciderit errores & opiniones absurdas. Iniquus tamen est in hos juris antistites interpretis juris, si iisdem imputat absurda, quæ sua in interpretando temeritas peperit. Nos autoribus, præsertim gravibus, intelligendis operam nostram impendimus, ab iis autem reprehendendis adeo sumus alieni, ut quemlibet sensu suo abundare permittamus, ubi quis veritati contrariam fovet sententiam, veritatem propoluisse contenti. Et si autem notionem hanc juris naturalis ex datis in ipso Jure seu *Ulpiani*, obstetricantibus principiis æternæ ac immutabilis veritatis, via analytica deduxerimus, ut adeo methodi gnarus nullo modo dubitare possit, nos mentem *Ulpiani* fuisse consecutos; non tamen prorsus inutile videtur, si porro ostendamus, esse istud jus homini cum animalibus brutis proprium & naturam idem omnia animalia docuisse, ut bruta quoque ejus peritia censeantur.

§. 7. Ratio ejus, quod est juris naturalis juxta Ictos Romanos, continetur in essentia hominis, quatenus ea ipsi est cum omni animantium genere communis (§. 6). Quod si logice idem efferre volueris, dicendum erit, rationem ejus, quod est juris naturalis secundum Ictos Romanos, contineri in notione generis, sub quo homo & brutum quodcunque tanquam species continentur, consequenter jus natura fluere ex notione generis, ad quod homo una cum omnibus brutis referuntur & quod animalis nomine designarunt Scholastici. Quod vero generi convenit, id etiam convenit singulis speciebus sub genere isto contentis: id quod magnum ratioecinandi principium est, quemadmodum jam olim annotavit *Aristoteles* & nos in opere Logico abunde ostendimus (f). Actiones igitur, quæ juris naturalis sunt juxta *Ulpianum*, æque conveniunt brutis ac hominibus. Unde patet, ex notione juris naturalis fluere, quod affirmat *Ulpianus*, esse idem ius hominum & brutorum commune. Ni-

(Hor. subs. 1729.) D mirum

mirum actiones, de quibus disponit jus naturæ secundum Ictos Romanos, cadunt perinde in bruta atque homines & earum determinatio eadem in brutis atque hominibus esse debet. Quamobrem si quæsieris, qualis esse debeat actionis determinatio, ut sit juri naturali conformis; eadem utique est responsio, sive de hominibus sermo fuerit, sive de brutis. Equidem bruta ex naturæ quadam necessitate faciunt, quod juri naturali conforme est; homines vero actiones easdem eadem convenienter determinant libere, cum a regula ista & discedere possint, & sæpissime discedant: attamen inde actionum regula diversa non est, sive hominem spectes, sive bruta, nec ratio regulæ alia est, quando de homine sermo fuerit, quam ubi tibi res fuerit cum bruto. *Ulpianus* itaque &, qui cum eo sentiunt, Icti Romani haud quaquam jus naturæ improprie sumunt, dum idem commune hominum atque animalium jus appellant. Ejusdem nimirum juris, quod respectu hominum significatu minime alieno jus dicitur, observantia etiam in bruta

bruta cadit: sit ita ex necessitate facere bruta, quod ex libertate facit homo. Et quamvis concedamus jus istud sensu minus proprio dici jus respectu brutorum; non tamen inde conficies idem ideo improprie etiam dici respectu hominum, qui actiones suas illi & conformes, & diffformes determinare valent. Si quis præjudicio communi occæcatus evidentiam non perspicit, qua hæctenus dicta conspicua sunt; is ad exemplum animi aciem intendat. Inter exempla juris naturalis refert *Ulpianus* liberorum educationem. Juris adeo naturalis est, liberos a parentibus esse educandos. Legi huic satisfaciunt animantia bruta. Etenim ubi foemella sola educationi sufficit, ex promiscuo concubitu concipit; ubi vero sola foetus in lucem editos educare nequit, societatem cum mare init & tamdiu continuat, donec fuerit absoluta educatio: ubi denique foetus in lucem editus statim sibimet ipsi sufficit, foemellæ, postquam ex concubitu promiscuo conceperunt, ovula in loco congruo deponunt, ubi calore solis foveri & foetus inde exclusi

D 2

pabu-

pabulum sibi conveniens extemplo reperire possunt. Exemplo nobis sunt in casu primo canes & quadrupedia alia; in secundo aves; in tertio erucæ. Quod igitur animalia quadrupedia, volatilia & reptilia naturæ quodam instinctu faciunt, cujus distinctam notionem alio loco alioque tempore sumus tradituri; id homo ex arbitratu suo actiones determinans perinde facere tenetur. Liberorum adeo educatio commune jus est hominum atque animalium quorumcunque, quæ in cœlo, in terra & mari nascuntur. Nec alia est notio educationis, quando sumitur de volatilibus, de quadrupedibus & reptilibus atque de natatilibus, quam ubi de hominibus usurpatur, etsi ad homines applicata alias pariat actiones, quam ubi ad bruta transfertur, quemadmodum per eandem notionem diversæ brutorum actiones determinantur, pro diversis eorundem speciebus. Neque hic negligendum est, quod mox distictius dicemus, ad jus gentium referri stylo Ictorum Romanorum, ubi in appli-

applicatione notionis educationis generali, quatenus homini cum brutis communis est, simul adsciscuntur, quæ soli propria homini. Immo ubi notionem juris civilis explicaturi sumus, manifestum erit in applicatione notionis ejusdem generalis educationis prodire posse, quæ sunt legis civilis. Quoties nimirum de lege aliqua ex notionibus in jure Romano obviis judicandum est, toties seponendæ sunt notiones aliorum aliæ, quæ non iisdem limitibus continentur. Quoniam enim definitiones nominales arbitrariæ sunt, minime repugnat, ut eadem lex sit juris naturalis juxta notionem nostram, quæ juris gentium est juxta notiones Ictorum Romanorum, & tyronem in primis philosophiæ principiis se probaret, qui hoc nomine *Ulpianum* & cum ipso sentientes erroris postulare. Res ipsa ideo non mutatur & singula ejus eadem manent, prædicata, quocunque tandem nomine compelletur. Verba a rebus non distinguentes in logomachias incidunt ingenuis non systematicis adamatas.

Quomo-
do natura
jus natu-
ra ani-
malia do-
ceat.

§. 8. Eam reperimus notionem juris naturalis ex mente Ictorum Romanorum, ex qua sua sponte fuit, quod iidem affirmant, jus naturæ esse hominum & omnium animalium in universum commune. Sed ex eadem quoque consequitur, naturam hoc jus omnia animalia docuisse, ut omnia in universum ejus peritia censeantur. Ratio juris naturalis vi illius in notione animalis continetur, atque adeo posita animalitate ponitur etiam determinatio actionis. Quamobrem cum animalia bruta sicuti ratione, ita etiam libertate omni destituantur; ad actiones juri naturæ conformes per essentiam atque naturam suam determinantur, ut eas ex hujus necessitate perpetrent. Veteribus persuasum erat, quod nec a nostra philosophia abhorret, brutis esse animas sensitivas, quæ res in organa sensoria agentes percipiunt & in quibus sunt appetitus actionibus externis respondentes. Quemadmodum itaque actiones externæ ex mechanismo corporis; ita etiam appetitus iis convenientes ex perceptionibus animæ sensitivæ necessario consequuntur.

sequuntur. Sunt adeo bruta illarum actionum sibi conscia & ex earum notitia, quæ iisdem naturalis est, consequuntur appetitus. Unde patet, quod peritia illius juris iisdem denegari non possit & quod idem natura eadem doceat, quatenus illa ipsis naturalis est. Si quis rerum metaphysicarum & physicarum fuerit satis gnarus; is nihil in hisce absurdi videt. Competit enim brutis aliqua juris illius notitia & eadem ipsis naturalis est, ut non alia quam natura magistra utantur, etsi liberum ipsis non sit, utrum ei convenienter actiones suas determinare velint, nec ne, sed ex naturæ quadam necessitate eas ita determinent, non aliter, ideo nec præmii, nec poenarum, neque etiam laudis ac vituperii capacia. Atque ita manifestum est, quodnam illud jus sit, quod natura omnia animalia docuit, cujus peritia eadem censentur & quod eorum atque hominum commune jus est. Est vero notitia ista nonnisi confusa, cum brutis non sint nisi perceptiones confusæ; homini e contrario rationis usu pollenti distincta est: unde

si ad distinctam, quæ nobis est, notitiam animum advertimus, censent eadem peritia juris, qua nos possumus, cum ex actionibus eorum extenuis appareat, ac si eadem juris peritia instruerentur, qualis ea in honorem cadit.

An def.
nitio juris
naturalis
Ulpiani
sit regulæ
Logica
confer-
mis.

§. 9. Non datur aliud jus præter illud, quod juris naturalis nomine venit Ictis Romanis, de quo prædicari possit, quod sit hominum atque omnium animalium commune, quod natura idem omnia animalia docuerit & quod animalia ejus peritia censeatur. Cum adeo hæc prædicata eidei propria sint & ei soli ac constante competant, in eorum utique numerum referenda sunt, quæ attributa vocamus. Quamobrem per ea jus naturæ arctis istis limitibus contentum, quibus id circumscribunt Icti Romani recte definitur: per unum enim attributorum priorum rem definiri posse alibi (g) demonstravimus. Jus adeo naturæ in eo significato, qui pene Ictos Romanos obtinet, non invitus Logica definitur per jus, quod naturæ omnia

omnia animalia docuit, vel quod est hominum atque omnium animalium commune. Per alterutrum enim horum prædicatorum jus istud ita determinatur, ut, qui principiis huic instituto sufficientibus animum habuerit imbutum & demonstrandi habitu poluerit, ex illa definitione a priori deducere valeat, quod in sensu Ictorum Romanorum juris naturalis est. Ex attributo proprio a priori deduci posse omnia, quæ rei conveniunt, non ignorat, cui verioris philosophiæ primæ principia fuerint perspecta, quæ proxime luci publicæ exposituri sumus, neque etiam ignorant illi, qui diu multumque in Mathesi ita sunt versati, ut ad modum, quo unum ex altero a priori colligitur, attenderint.

§. 10. Equidem Icti Romani ignorabant principium illud juris, quod naturale appellabant, propterea quod illis cognitum non erat atque perspectum, quidnam sit ratio illa actionum determinatrix in notione generis homini atque brutis communi contenta, nec distincta in promptu erat notio illius modi, quo natura jus istud animalia

Ufus de
definitione
ulpiani
in inve-
stigando
jure na-
tura.

malia omnia docet, ut ejus peritia recte censeantur: hoc tamen non obstante definitio eorum inserviebat ad ea, quæ sunt juris naturalis in recepto penes ipsos significatu; a posteriori invenienda. Sive enim sumas, jus naturæ esse commune quoddam jus hominum atque animalium in universum omnium, sive idem esse jus, quod natura omnia animalia docuit, ita ut ejus peritia censeantur, edentia actiones eidem conformes; ex utroque assumpto colligitur, actiones, de quibus disponit jus naturæ, saltem in genere consideratas, esse hominibus cum animalibus communes. Sunt vero animalia bruta per essentiam & naturam suam ad easdem actiones determinata, ita ut ex necessitate agant, quod juri naturæ conforme est. Quamobrem si ad actiones brutorum in libertate naturali constitutorum attendas; quænam actiones sint legi naturæ conformes addisces, ubi eas consideraveris tanquam media finis alicujus a bruto obtinendi. Brutum enim agit propter finem a Deo ipsi præfixum, quem non intelligit, neque adeo intendit; homo

Homo vero cum rationis usu polleat & finem istum tum intelligere, tum intendere possit, propter eundem agere eumque intendere tenetur, ut libere agat, quod ex necessitate agunt bruta. Agunt adeo perinde ac si rationalia essent, utut rationis usu destituantur, cum a suprema ratione determinata sint eorum actiones. Quamobrem cum homo libertate, qua pollet, abusus contrarias rationi edat actiones; brutorum actiones rationi magis conformes videntur quam humanæ: unde jam ab antiquis retro seculis affirmatum fuit, quod integro libro probare contendit *Rorarius*, animantia bruta ratione melius uti homine. Hinc & in sacris ad animantia bruta ablegamur, ut ab iis sapientem ac prudentem actionum directionem addiscamus. Ita *Salomo* (h) commendat pigris, qui futuræ necessitati minime prospiciunt, sapientiam formicarum in æstate cibum sibi parantium & in messe congregantium, quod comedant. Laudatur & sapientia lepisculi cubile suum in petra collocantis,

(h) Proverb, VI, 6.

aliis principiis, non attentis brutorum actionibus deduci possit & nos actu deducturi simus, quando finitis theoriis metaphysicis systema universi juris naturalis condemus; præstat tamen ob multiplicem ingenii humani varietatem diversis modis eandem veritatem demonstrari vel demonstratam confirmari: id quod in omni genere veritatum adeo certum est, ut ipsemet Deus veritatem revelatam de œconomia salutis nostræ æternæ non eodem semper modo proposuerit, & modum eam proponendi etiamnum pro conditione temporum variari debere dudum agnitum sit a Theologis acutioribus.

§. II. Ne vero jus naturæ strictius Ictorum Romanorum ab actionibus brutorum derivaturus a veritate aberret; unum alterumque tempestive hic annotamus. Bruta ad eundem agendi modum determinata sunt & per impressiones objectorum externorum in organa sensoria ad actiones impelluntur. Pluribus adeo actionibus externis concurrentibus fieri potest, ut, quæ inde resultat, composita vitiosa videatur. Similiter cum
bruta

*Cautio-
nes in ju-
re natu-
rali ab
actioni-
bus bruto-
rum deri-
vando.*

bruta ad eundem modum agendi determinata sint, nec circumstantias singulares, quæ sese offerunt, rationis usu omnique cognitione distincta destituta discernere valeant; actio quoque simplex ad eas relata turpitudine naturali infecta videtur. Ponamus canem devorare cibum sibi appositum & alterum adventantem eidem inhierare. Alterum veluti morsurus allatrat, immo mordet, & cibum devorare festinat. Actiones hæ ex invidia proficisci vulgo putantur, propterea quod in homine invidiam haud vulgarem aliquo saltem in casu arguerent. Unde & invidia canina in proverbium abiit, qua majorem concipi non posse existimatur, & invidi canibus assimulantur. Fieri adeo non posse videtur, ut a brutis discamus, quanam actiones sint juri naturali conformes. Etenim actiones brutorum bonas esse mixtas malis, consequenter principia juris naturalis ante perspecta esse debere, quam quis judicare valeat, quanam externa specie eidem conveniant, quanam vero ab eo abeant. Quamvis autem hæc aliquam veri speciem habeant, non tamen obstant, quo minus
pro-

promiscue ex brutorum actionibus juris naturalis principia derivemus. Actiones brutorum externæ, quas videmus, referendæ sunt ad fines, qui per eas tanquam media obtinentur, atque concludendum, per istos fines actiones esse determinandas. Jus adeo naturæ præcipit fines istos esse consequendos, quos actionibus suis intendunt bruta & more suo consequuntur; homo autem modo homine digno consequi debet. Etenim quinam sit iste modus, juxta notiones Ictorum Romanorum ex jure Gentium decidendum, quod cum sit jus homini proprium ea superaddit, quæ in bruta non cadunt. Applicemus ea ad exemplum modo de cane allatum & evidenter constabit, nihil vitii contrahere principia juris naturalis, quæ ex hoc fonte derivantur. Canis cibum sibi appositum appetit ad explendam famem, qua ad eum quærendum incitatur. Cibo conservatur corpus inedia tandem interiturum. Finis adeo actionis, qua cibus devoratur, est conservatio corporis, quod sine eo saluum ac incolume esse nequit. Fa-
mes

mes stimulus est, ne corpus inedi-
 conficiatur, sed cibo potuque, qua-
 do convenit, refocilletur. Hinc e-
 go colliguntur principia juris natur-
 lis: corpus esse conservandum, cibo
 conservandi corporis gratia esse capi-
 endum, non esse esuriendum, cibo
 esse quarendum. Si canis cibum de-
 vorat & alter accurrens eidem inhi-
 cum allatrat atque mordet. Hac ac-
 tione repellitur alter, ut cibo suo fru-
 possit. Finis adeo hujus actionis e-
 ut alterum repellat, qui cum in e-
 plendis officii sui, quod per modo d-
 cta debet corpori, partibus turba-
 voluerit, adeoque sui defensio. Hic
 ergo colligimus defensionem juris na-
 turalis esse & juxta idem huic non e-
 locum, nisi ubi ab altero impedimur
 quo minus satisfaciamus officio na-
 stro lege naturali nobis injuncto.
 Quodsi ergo actiones brutorum secu-
 dum rationes finales expendere digni-
 mur & inde actionum liberarum dete-
 minandi principia derivemus, ha-
 quaquam verendum est, ne animalia ab
 brutis doctoribus usuri ex hominib;
 rationalibus bruta irrationalia redd-
 m

mur & in nostris actionibus cæco sensuum atque passionum animi impetu nos abripi patiamur. Sed demus etiam exemplum actionis simplicis. Canis catuliens promiscue admittit canes mares, uno alteri in coitu immediate succedente: quamprimum vero concepit, non amplius ulli paret, sed coitum vi tentaturum mordet & allatrat. Quoniam fœmina in humano genere salacissima est, quæ simile quid patitur; ideo canes salacitatis vitio infamantur & fœminæ salaces iisdem comparantur. Quamobrem denuo jus naturale caninum canum & lascivorum commune videtur, a quo abhorreere debeat homo. Enimvero si canum hanc quoque actionem juxta rationes finales expendas, principia nonnisi rationi conformia inde derivabis, quæ juris naturalis esse aliunde demonstrari potest. Finis nimirum coitus est procreatio sobolis. Adeundem stimulus est fœmeliæ catulitio. Coitum non appetit nisi catuliens, nec marem admittit amplius, quam primum fuerit imprægnata. Unde colligitur, juris naturæ principium esse.

(*Hor. subs. 1729.*) E se,

se, ut coitus non voluptatis, sed solius sobolis procreandæ gratia appetatur. Tantum adeo abest, ut lasciviæ exemplum præbeat canis fœmina, ut potius conformem se gerat rarissimæ & vix inter homines agnitæ castitatis præcepto. Quod enim promiscuum concernit coitum, non is lasciviæ debetur; sed quod cani perinde sit, a quam mare imprægnetur, cum tantummodo ad generationem prolis concurrat, fœmella autem educationi sola sufficiat, quæ adeo sola naturali quodam amoris impetu in catulos fertur. Præterea notandum est, juris naturalis principia ex actionibus brutorum derivaturum non ad unam tantummodo speciem, sed ad omne brutorum genus attendere debere in eodem actionum genere, cum multiplex varietas hic sese offerat pro diversitate specierum. Ex illa autem diversitate apparent determinationes, sub quibus aliquid enunciandum, quod absolute verum non est. Unde porro consequitur, quando contingit istas determinationes in homine non habere locum, nec id in hominem convenire,

nire, quod nonnisi sub istis verum est. Exemplum obscuritatem dispellit, quæ terminis generalibus adhæret. Agendum itaque! intendamus in illud mentis nostræ aciem! Canis catuliens a promiscuo coitu non abhorret, propterea quod uno coitu non imprægnatur, mare autem, qui ad imprægnationem concurrit, ad educationem catulorum minime habet opus. Juri igitur naturali, quatenus juxta Ictos Romanos est jus hominum & brutorum commune non absolute repugnat promiscuus coitus, sed tantummodo sub data quadam conditione. Etenim a canum coeundi more discimus, si fœmina uno coitu sufficienter imprægnari nequit, mare tamen tantummodo ad imprægnationem, nequaquam vero ad educationem habet opus, promiscuum concubitus esse licitum. Enimvero cum in humano genere sola fœmina proli educanda non sufficiat, sed mas quoque socias operas præstet necesse est; sub his determinationibus promiscuus concubitus non amplius locum habet. Quid igitur hic conveniat, aves nos abunde

E 2 docent.

docent. Sunt nimirum quoque jura animalium specierum propria, quæ ex notione non animalis in genere, sed hujus vel illius speciei, v. gr. canis fluunt. Jam cum jus naturæ juxta Ictos Romanos sit jus commune omnium animalium, atque adeo ejus ratio in natura communi omnium animalium, hoc est, in notione animalis in genere, nequaquam vero in notione canis, quatenus canis est, aut alterius speciei cujuscunque contineri debet; talia quoque ad jus naturæ juxta definitionem *Ulpiani* referri non debent, quæ nonnisi certis brutorum speciebus conveniunt. Ea enim in brutis opponuntur juribus, quæ hominum propria sunt, & a Ictis Romanis juris gentium nomine compellantur. Generalia autem principia, quæ juris naturalis sunt, a posteriori innotescunt, ubi principia hypothetica diversis brutorum speciebus in eodem actionum genere respondentia diversa inter se contuleris & quod ipsis commune est principium generale inde abstraxeris, observatis regulis, quæ de formanda notione generis datis specierum notionibus

bus

bus alibi dedimus (m). Cavendum vero ne quis in veritate investiganda minus versatus inter impossibilia referat, quæ a se fieri non posse experitur. Cavendum etiam, ne quis de facultatibus suis plus sperans, quam in iis est, & ex actionibus brutorum perperam deducens principia, quibus eadem minime respondent, aut pro principiis generalibus venditans, quæ non nisi certis brutorum speciebus conveniunt, contendat ex brutorum actionibus jus naturæ, quod homines obliget, deduci minime posse, sed brutorum actiones suppeditare principia, quibus scelera ac crimina hominum conformia sunt. Agnoscant tandem homines non omnem veri investigationem & investigati dijudicationem in sua esse potestate! Agnoscant in alterius potestate esse posse, quæ in sua non sunt! Agnoscant in se non repugnare, quæ nondum in alicujus hominis potestate deprehenduntur! Agnoscant denique fieri posse, ut in potestatem posterorum veniant, quæ in nostra nondum sunt. Sed tum de-

E 3**mum**

(m) §. 710. Log.

num temeritas & præcipitantia in judicando vitabitur, ubi solida rerum cognitio pluribus familiaris evadet: quod ut fiat omnem movemus lapidem movebimusque, quamdiu aura hac vitali fruemur.

*Principia
notioni
juris Gen-
tium Gaji
investi-
gandæ in-
servien-
tiæ.*

§. 12. Etsi plurima adhuc essent scitu non injucunda, nec inutilia, quæ de notione juris naturalis *Ulpiani* & *Ictorum Romanorum* moneri poterant; nostri tamen instituti memores ad notionem juris gentium properamus, quæ iisdem fuit. Utemur autem eadem methodo in ea investiganda, qua in determinanda notione juris naturæ usi sumus. Videamus igitur, quænam de jure gentium occurrant prædicata. Jus hoc gentium, quod ex *Gaji* definitione naturalis ratio inter omnes homines constituit (§. 2), dicitur recedere a jure naturali, quia illud omnibus animalibus, hoc solis hominibus inter se commune sit (n). Dicitur præterea jus commune omnium hominum (o). Referuntur ad hoc jus religio erga Deum, obedientia parentibus & patriæ præstanda (p), defen-

(n) l. 1. §. 4 ff. de l & l. (o) l. 2. cod. (p) l. 2. cod.

defensio adversus vim atque injuriam nobis factam (q), manumissio, qua quis ex servitute libertati restituitur, ipsa servitus, bella, regna, dominia, commercia, contractus, etsi in his quædam etiam sint juris civilis (r). Inprimis etiam probe tenendum est inter rationes naturales, quibus ius gentium determinatur, referri quoque cognationem inter homines naturam constitutam. Patet itaque eam formandam esse juris gentium notionem, ut per eam determinetur istud actionum genus, quæ hominum propriæ sunt, naturalem tamen determinationem admittunt. Ratio asserti eadem est, quam supra pro notione juris naturæ allegavimus (§. 4). Patet porro ita formandam esse notionem juris gentium, ut ex ea demonstrari possit cultus divinus, obedientia erga parentes, defensio corporis ac famæ suæ; demonstrari possint cetera, quæ juris gentium esse juxta Ictos Romanos modo commemoravimus.

Quanam
ex istis
principiis
consequen-
tiantur.

§. 14. Quoniam igitur jus gentium solis hominibus inter se commune est, ratione tamen naturali constituitur (§. 13), id utique, per quod determinatur in solis hominibus, nequaquam autem in brutis animantibus deprehendatur necesse est. Id omnium evidentissime ex contrario apparet. Sit enim ratio determinans hujus juris etiam in animalibus brutis, si non omnibus, saltem quibusdam; erit ergo jus, quod per eam determinatur, non solis hominibus inter se, sed præterea brutis, si non omnibus, saltem quibusdam commune: id quod asserto *Ulpiani* atque *Gaji* repugnat. Quoniam porro jus gentium est commune quoddam jus omnium hominum, ratione autem naturali constituitur (§. 13); id omnino, per quod determinatur, in omnibus hominibus deprehendatur necesse est: id quod denuo omnium evidentissime ex contrario manifestum. Sit enim ratio determinans hujus juris non in omni homine, sed saltem in aliquibus: erit ergo jus, quod per eam determinatur, non hominum omnium commune, sed quo-

rundan

rundam saltem proprium : id quod denuo asserto *Gaji* manifesto repugnat. In eo jus gentium convenit cum jure naturæ juxta *Gajum*, quod naturalis ratio idem constituerit; in hoc autem illud ab hoc differt, quod cum illud inter homines & omnia animalia fuerit constitutum, hoc non nisi inter homines constitutum sit. Atque hinc intelligimus, quænam sit illa ratio naturalis, quæ in omni homine, non tamen in animalibus brutis deprehenditur. Nimirum juris naturalis ratio juxta *Ictos Romanos* continetur in essentia seu natura communi hominum atque brutorum, seu in notione generis, ad quod homines & omnia animalia tanquam species referuntur (§. 6) : ergo ratio juris gentium continetur in essentia seu natura homini propria, seu notione hominis, qua tanquam peculiaris viventium species representatur.

§. 15. Quemadmodum itaque jus naturæ in sensu *Ulpiani* definitur, quod sit determinatio actionis ea, cujus ratio in natura animali seu essentia homini cum brutis communi continetur

Notio juris gentium juxta *Ictos Romanos*.

tur (§. 6); ita *jus gentium* in sensu *Gaji* definiri debet, quod sit ea actionum determinatio, cujus ratio in natura humana, seu essentia & natura homini propria continetur. Atque hinc intelligitur arctos illos limites, intra quos *jus naturæ* coarctarunt Icti Romani, scientiæ juris, quatenus id natura constitutum est, nihil damni attulisse: etenim cum plurimæ actiones jure naturali indeciliæ relinquerentur, eadem deinde, jure gentium determinationem suam fuerunt consecutæ. Parum autem refert, siue aliquid esse dixeris juris naturalis, siue juris gentium, modo agnoscas idem esse juris naturali ratione constituti. Quomodocunque enim verborum significatus determinemus, nullum tamen hinc detrimenti patitur veritas, modo significatus sint reales & in ratiocinando iisdem stricte inhæreamus. Juxta hanc vero notionem juris Gentium interpretari debemus, quæ a Ictis Romanis ad id referuntur. Eadem enim hic repetenda sunt, quæ paulo ante (§. 6) de jure naturali inculcavimus. Sicuti vero superius non in eo acqui-

evi-

evimus, quod notionem juris naturalis ex principiis veris legitime deduxerimus, sed præterea ostendimus juri naturali vi ejusdem notionis convenire etiam prædicata, quæ eidem a Ictis Romanis tribuuntur; ita similiter nunc nobis porro ostendendum erit, cur jus gentium ita acceptum sit jus solis hominibus inter se commune, omnium tamen hominum commune, & cur religio, obedientia parentibus & patriæ præstanda aliaque paulo ante commemorata (§. 13) sint juris gentium.

§. 15. Ratio juris gentium non continetur in natura homini ac brutis communi, sed in essentia atque natura eidem propria (§. 15). Quamobrem cum determinatum non ponatur, nisi ubi determinans ponitur, quemadmodum in philosophia prima evictum dedimus ac ab eo facile admittitur, qui in demonstrando fuit versatus, si vel maxime principiorum ontologicorum fuerit ignarus; jus gentium hominibus cum brutis commune esse nequit. E contrario cum determinatum ponatur, ubi determinans ponitur; jus gentium omnium hominum com-

Cur jus gentium sit jus omnium hominum commune ac proprium.

commune esse debet. Et quia homo
iis præditus est facultatibus, quibus
& naturam cum brutis communem,
& humanam sibi propriam cognosce-
re valet; rationem quoque agnosce-
re potest tum juris naturalis, tum eti-
am juris gentium. Cumque ex ratio-
ne perspecta intelligat, cur hoc vel
istud sit potius juris naturalis, aut ju-
ris gentium; natura etiam eum do-
cuit non minus jus gentium, quam
jus naturæ. Quemadmodum itaque
Ulpianus jus naturæ definit per illud,
quod natura omnia animalia docuit;
ita ex adverso dici potest, jus genti-
um esse illud, quod natura omnes ho-
mines, sed solos homines, minime
autem animalia cetera, docuit. Quo-
niam tamen homines ob abusum liber-
tatis, qualis in bruta non cadit, non
perinde semper faciunt, quod est ju-
ris gentium, quemadmodum bruta
facere solent, quod est juris naturalis;
ideo quoque non eodem modo ex
ipsorum actionibus colligimus, quid
sit juris gentium, quo ex actionibus
brutorum discere licet, quid sit juris
naturalis (§. 10).

§.16. Utut autem non promiscue ^{Quomo-}
 ex actionibus hominum jus gentium ^{do jus}
 derivare liceat, quemadmodum ex bru- ^{gentium}
 torum actionibus jus naturæ deriva- ^{ex acti-}
 tur; non tamen prorsus impossibile ^{onibus}
 est, ut ex hominum actionibus jus gen- ^{hominum}
 tium colligatur. ^{derives-}
 Etenim cum jus na-
 turæ & gentium in significato Ictorum
 Romanorum simul obliget homines,
 ut actiones suas perinde ad jus genti-
 um, quam ad jus naturæ componant;
 jus gentium juri naturali non repugna-
 re potest. Patet idem a priori ex de-
 finitione juris utriusque. Etenim ra-
 tio juris naturalis continetur in notio-
 ne generis & ratio juris gentium in
 notione speciei (§.6.15). Quemadmo-
 dum vero genus & species, sub qui-
 bus eadem individua continentur, sibi
 mutuo non repugnant; ita nec con-
 trariantur ea, quorum ratio in no-
 tione generis ac notione speciei con-
 tinetur. Quamobrem cum actio ho-
 minis quælibet, quæ juris naturalis
 non est, nec juris civilis, vel juri gen-
 tium conformis, vel eidem contraria
 esse debeat; actiones hominum, quas
 observamus, vel quas juris gentium a-
 gen-

gentibus pluribus, præsertim morationibus, venditari intelligimus, cum jure naturali ex actionibus brutorum derivato (§. II) conferre tenemur. Quodsi enim appareat, eas principii juris naturæ repugnare, juris gentium easdem esse non posse recte colligitur; si vero ex hac collatione patescat, quod una cum actionibus juri naturali conformibus consistere possint, a jure gentium non abhorrere censentur. Præterea hic perinde ac in jure naturali consideranda sunt actionum rationes finales & hæ rationes finale conferendæ sunt cum illis, quas in gratiam juris naturalis ex actionibus brutorum eliciimus (§. cit.): ex earum enim repugnantia ut ante colligitur, actiones datas juris gentium non esse, sed perperam pro talibus haberi ubi vero sibi mutuo non repugnant contrarium patescit. Quodsi quædam actiones juxta jus gentium determinatæ fuerint, aliæ cum ipsis conferri possunt eo modo, quo eas cum actionibus juris naturalis, vel etiam rationes finales actionum juris gentium cum rationibus finalibus actionum

nur

num juris naturalis conferimus. Magna pars eorum, quæ sunt juris gentium juxta Ictos Romanos, vulgo ad jus naturæ hodie refertur, quam mox determinaturi sumus: immo nec defunt, qui integrum illud jus cum jure naturali in unum cogunt. Atque inde est, quod ipse *Grotius* in opere celebratissimo de jure belli & pacis juris naturalis aliquid esse probet per gentium, morationum præsertim, consensum, quem per facta stabilit (f). Immo alteram juris gentium Ictorum Romanorum partem, quam ab illa mox distinguemus & *Grotius* solam hoc nomine compellat, aliter quam per facta gentium aut, si mavis, per consensum factis stabilendum probari posse negat. Equidem vir acris judicii ipsemet non diffitetur, jus naturæ, hoc est, priorem illam juris gentium Ictorum Romanorum partem aliquo saltem modo inde probari, non tamen ostendit, quomodo id, in quo probatio deficit, suppleri debeat. Quamobrem nobis incumbere

(f) Proleg. §, 46.

bere existimavimus, ut modum ostenderemus, quo ex factis gentium præsertim moratorum, certum aliquod jus colligitur, etsi nobis alia ad jus universum naturali ratione constitutum, quibuscunque tandem nominibusidem insignire volueris, perveniendi via pateat, paulo post indicanda.

*Diversa
juris gen-
tium
partes.*

§. 17. Inter exempla juris gentium referuntur religio, obedientia parentibus præstanda, contractus, bella & inde secutæ servitutes (§. 12). Religio & obedientia parentibus præstanda pertinet ad jus singulorum; bella vero & servitutes inde secutæ ad gentes integras. Pacta cum contractibus & inter singulos, & inter gentes integras celebrantur. Apparet adeo jus gentium secundum notionem Ictorum Romanorum aliud concernere homines in singulari spectatos, aliud vero gentes integras, quod eadem inter se observare vel debent, vel solent. Priorem juris gentium partem *Grotius* ad jus naturale refert, nec ab eodem distinguit, propterea quod jus naturæ non tantummodo repetit cum Ictis Romanis a natura homini cum
bru.

brutis communi, sed imprimis a natura humana homini propria (t): partem vero posteriorem solo juris gentium nomine dignatur. Atque de jure gentium in significato strictiori affirmat, quod aliter probari nequeat nisi per exempla & judicia temporum ac populorum meliorum: quod assertum quantum veritati consentaneum sit, inferius demum elucescet.

§. 13. Quoniam igitur Icti Romani Cnr Icti Romani jus naturæ ac gentium aliter a se invicem distinxerunt, quam *Grotius* fecit jus natura aliique recentiorum facere solent; gentium non inconsultum omnino videtur ut ea ratio ne distinxerint, inquiramus, quænam ipsis fuerit ratio, qua distinxerunt. cur ea potius, quam alia ratione differentiam constituere maluerint. Equidem distincte non agnovisse videntur fontem, unde jus naturæ ac gentium fluat, quem nos modo indicavimus (§. 6. 15); quod tamen vi notionum confusarum, quas habuere, perspicere ipsis suffecit ad differentiam utriusque juris pervidendam. Etsi enim ignorarent, quænam sit illa naturalis ratio, quæ quatenus perinde (*Nor. subf. 1729.*) Et hoc in

(t) loc. cit. §. 6 & 7.

in brutis ac homine datur, jus naturæ; quatenus vero in solo homine apprehenditur, jus gentium constituit; agnovere tamen aliquam dari & propter eam jus naturæ esse hominum atque animalium commune, jus vero gentium nonnisi hominibus convenire. Præterea animadvertebant, in jure naturali omnia ita esse comparata, ut nonnisi unico modo determinari possint, ut sint recta, oppositum vero eorum eidem minime convenire, sed potius repugnare: nam ideo jus naturæ immutabile esse agnoverunt. Quæ vero ad jus gentium referebant, eam talia esse ipsis videbantur, quæ cum isto immutabili jure non decidantur, diversis modis determinari possunt, ut sint recta; unde jus gentium non perinde ac jus naturæ immutabile esse agnoverunt. E. gr. Juris naturalis est juxta Ictos Romanos de victu & amictu sibi prospicere, cum id corpus conservandum esse inculcet. Jam cum ad victum & amictum plurima sint necessaria, jure gentium introducta sunt dominia, cum non invito jure naturali bonorum quoque communio

intro-

indroduci potuiffet, quemadmodum id in Rep. Solis a *Campanella* factum, dominia multorum malorum causam effe existimante.

§. 19. Diximus in superioribus (§. *Cultus* 12), eam formandam effe juris gentium notionem, ut ex ea cultus divisionis juris gentium demonstrari possit, aut, si mavis, obligationis hominis ad Deum colendum. Ostendimus vero (§. 14) jus gentium in sensu *Gaji* consistere in ea actionum determinatione, cujus ratio in essentia & natura humana continetur. Ostendendum itaque est in essentia & natura, quæ homini propria, cum brutis autem minime communis, contineri rationem, cur is Deum colere debeat. Quando unum ex altero colligitur, id fit mediante aliquo syllogismo, qui etiam in ratioeiniis confusis latet, ubi notiones propositionibus, ex quibus syllogismus constat, respondentes confusæ ita se invicem excipiunt, ut ad distinctas revocatæ syllogismum formalem exhibeant. Quoniam itaque notio alicujus subjecti, cujus prædicata ratioeinando investigari debent, non nisi unam aut alteram

propositionem suppeditat, quæ alteram syllogismi præmissam præbet, conclusio autem non infertur nisi ex duabus præmissis; facile apparet præmissam alteram aliunde arcessendam esse. Neque unico statim syllogismo seu, quod eidem respondet, ratiocinio conclusio semper infertur; sed sæpius longa syllogismorum concatenatione demum pervenitur ad eam, quæ quærebatur, conclusionem. Quamobrem plura adhuc principia aliunde arcessenda sunt, antequam ex notione subiecti deduxeris, quod intendis. Quæ hic profero, singula ex forma demonstrationis ostensivæ manifesta sunt, quam in opere Logico (u) delineavi & exemplis non minus mathematicis quam philosophicis illustravi ac confirmavi. Quamobrem si ex notione juris Gentium menti *Gaji* conformi deducendum, quod Deus sit colendus; aliis præterea opus est principia ex philosophia petendis. Hæc ideo moneo, ne quis sibi persuadeat, unicuique notionem istam juris gentium intuitu extemplo patere debere in-

divul-

(u) §. 551. 552.

vulsum cultis divini cum natura hu-
 mana nexum. Atque eadem ratio est,
 ut principia demonstrandi magis in-
 dicemus, quam ut ex iisdem demon-
 strationem consummatam, quam vo-
 camus (x), condamus. Constat igitur
 ex ipso lumine rationis, Deum
 totum hoc universum condidisse, ut
 creaturis intelligentibus perfectiones
 suas manifestaret, ut earum cognitio-
 ne ad veram, non fucatam felicitatem
 perducerentur. Quamobrem cum ho-
 mo iis facultatibus instruatur, quibus
 ad Deum agnoscendum & agnitum a-
 mandum ceteraque erga eum officia
 opus est; ecquis dubitabit, quod De-
 us velit, ut iisdem officiis vacet. Hac
 vero qui admittit nec ignorat, quo-
 modo ex agnitione Numinis cetera
 erga eum officia consequantur & qua
 ratione Deum omni nostra actione
 colamus, ubi attributa divina earum
 fiunt motiva (y); is non ægre largie-
 tur rationem cultus divini in ipsa es-
 sentia ac natura hominis contineri.
 Dedimus adeo notionem juris genti-
 um,

F 3

um,

(x) Log. § 855. (y) Vid. die vernünftige Ges-
 danken von der Menschen Thun und Lassen
 §. 650. & seqq.

um, unde consequitur Deum esse colendum. Ex notione autem juris Gentium, quam menti *Gaji* conformem probavimus, non modo obligatio naturalis ad cultum divinum, sed ipsa etiam Deum colendi ratio deducitur naturalis, quæ scripturæ sacræ conformis est, nec iis repugnat, quæ revelatio superaddit, atque consensum rationis ac revelationis mirifice confirmat. Tenenda tamen eadem sunt, quæ de conclusionibus ex notionibus datis deducendis modo annotavimus. Etsi enim cultus Numinis naturalis, cui intelligendo & stabiliendo principia rationis sufficiunt, non aliis constare queat actionibus, quam quæ facultatibus hominis conformes sunt; aliis tamen bene multis insuper opus est principiis tum propioribus, quæ ex Theologia naturali petuntur, tum remotioribus quæ ex philosophia prima atque morali (z), sub inde & civili (aa), inprimis etiam naturali petenda (bb). Amplissimus hic præclarorum

(z) *ibid.* §. 716 & seq. (aa) *vid.* die Gedanken vom gesellschaftlichem Leben 1. 310 (bb) *vid.* vernünftige Gedanken von den Absichten der natürlichen Dinge passim.

rum generique humano utilium detegendorum campus est, modo tandem scaperent homines & ad discendum, quam reprehendendum proniores solida cognitionis fundamenta non diruere molirentur, sed collatis operis in ædificio eidem superstruendo se mutuo juvarent.

§. 20. Ex hæcenus dictis, me vel *Cur obedientia parentibus præstanda, defensio famæ, dominia rerum, regna, & quæ alia juri gentium tribuunt Icti Romani.* tacente, porro liquet, quid sentiendum sit de quæstionibus ceteris, num ex notione juris gentium, quam mentis Gaji consentaneam stabilivimus, demonstrari possit obedientiam parentibus & patriæ esse præstandam, famam adversus injuriam esse defendendam, dominia rerum introducenda, regna condenda, & quæ alia juri gentium tribuunt Icti Romani. Nimirum hic quoque ratiocinandi initium fit judiciis formatis de iis, quæ in natura homini propria continentur & adscitis aliunde principiis generalibus tenditur ad conclusiones: neque enim alia datur via a veritate una ad alteram a priori perveniendi (cc). **Educatio liberorum est juris naturalis, seu juris ho-**

F 4 minum

c) Log. §. 724.

num atque omnium animalium communis. Sed ea absque obedientia parentibus præstanda absolvi nequit in humano genere, quemadmodum in omni genere animalium ceterorum (dd). Jus adeo gentium præcepto juris naturalis jungit alterum de obedientia a liberis parentibus præstanda. Ex natura hominis consequitur, quod vitam vivere debeat socialem, minime autem solitariam, quemadmodum a me ostensum est alibi (ee). Atque inde in moralibus deduxi rerum dominia, in politicis regna, unde alia porro consequuntur, quæ a Romanis Ictis ad jus gentium referuntur. Quoniam adeo magna pars ejus juris, quod ratione naturali constitutum hominum proprium est, ex socialitate fluit; hæc ipsa vero pars hodie ad jus naturæ refertur: ideo *Grotius* (ff) fontem juris naturalis ad appetitum mutux societatis retulit, *Puffendorfius* vero omnis juris naturalis principium socialitatem esse jussit, cum tamen societatis custod-

(dd) Vid. Gedanken vom gesellsch. Leben § 124.

(ee) loc. cit. §. 1. (ff) in Proleg. de Jure belli & pacis §. 16.

studia, quemadmodum alibi a nobis demonstratum modo indicavimus; ex principio altiori derivetur, nec omnem juris Gentium ambitum in sensu Ictorum Romanorum, nedum naturalis emetiatur. Sed parum refert, quid de custodia societatis sentiant alii; sufficit eam ex natura hominis propria deduci ac inde ulterius pleraque derivari posse, quæ juris Gentium esse dicuntur in Pandectis. Diximus porro defensionem famæ a Ictis Romanis ad jus Gentium referri. Enimvero nec difficile est ostendere, quod notioni juris Gentium, quam menti *Gaji* conformem statuimus (§. 14), defensio famæ conformis sit. Homo enim ob rationis ac libertatis usum & abusum virtutis ac vitii, adeoque laudis ac vituperii capax est, consequenter ad virtutem colendam, vitium fugiendum obligatur. Suo autem exemplo aliis prodesse debet, ut & ipsimet ad virtutis studium & fugam vitiorum incitentur. Quamobrem non sufficit, ut homo agat quod rectum est, ac actionum suarum sibi conscius conscientia tranquillitate fruatur; sed nec aliis ma-

lus videri debet, cum non fit. Famæ adeo bonæ inter omnes, quibus cum vivit, studere tenetur. Ex ipsa quoque societatis custodia, homini juri Gentium injuncta ex mente *Gaji*, non uno modo apparet, famam esse conservandam: id quod cum experientia obvia constet, modo ad eam attendere velimus, de eo specialiora dici nil attinet.

*Principia
notioni
juris ci-
vilis Gaji
investi-
ganda in-
servien-
tia.*

§. 21. Mittimus adeo jus Gentium & ad civile properamus. Eadem vero in notione menti *Gaji* conformi indaganda utemur methòdo, qua in antecedentibus usi sumus. *Gajus* affirmat jus civile arbitrio populi constitui & esse jus unius civitatis seu populi aliqujus in societatem civilem, quam & Remp. vocant, coëuntis proprium atque duplici hoc nomine idem opponit juri Gentium, quod ratio naturalis constituit inter omnes homines & apud omnes peræque custoditur (gg). Monet *Ulpianus* (hh), jus civile neque in totum a naturali vel gentium recedere, nec per omnia ei servire. Itaque cum aliquid addamus, vel de

(gg) l. 9. ff. de l. & l. (hh) l. 6. cod.

tra

trahamus juri communi, jus proprium, id est, civile effici, Ea igitur formanda est juris civilis notio, ut demonstrari possit, in eo constituendo aliquas fuisse arbitrii populi partes, atque ideo ipsum non in totum a jure naturali vel gentium recedere. Ea formanda est notio, ut inde appareat, quomodo addentes vel detrahentes aliquid juri naturali & gentium efficiamus jus civile. Ea denique formanda est notio, ut inde reddi possit ratio, cur jus istud sit civitatis hujus proprium. Etenim hoc pacto juri civili conveniunt prædicata a *Gajo & Ulpiano* eidem tributa, consequenter per principia ontologica & iisdem consentanea logica fieri non potuit, ut in notione illius determinanda a mente illorum juris antistitum aberraverimus.

§. 22. Quoniam igitur jus civile est *Quanam*
civitatis cujusdam proprium, non *ex istis*
vero apud omnes homines peræque *principiis*
constoditur, si vel maxime eos *consequantur*,
quam in societatem civilem coeuntes,
quæ hic civitatis nomine designatur (§. 20); id utique, per quod determinatur, non in omni civitate, sed ea saltem,

tem, in qua jus constituitur, deprehendatur necesse est. Omnium evidentissime idem ex contrario patet. Sit enim ratio determinans hujus juris in omni civitate seu in notione civitatis in genere contenta; erit ergo jus, quod ea constituit, omnium civitatum commune: id quod asserto *Gaji* repugnat. Ponamus rationem eandem in essentia ac natura hominis contineri: erit ergo jus, quod ea constituit, omnium hominum proprium, quod *Gaji* asserto denuo contrariatur. Immo erit idem jus pars juris gentium, ab eodem ne quicquam recedens: quod e diametro oppositum *Ulpiani* effato. Ponamus denique rationem determinantem juris civilis in natura ac essentia hominis omniumque animalium communi reperiri: erit adeo jus istud omnium hominum ac animalium commune, consequenter totum cum jure naturali coincidet: id quod denuo ab effato *Ulpiani* abhorret. Atque hinc intelligimus, quanam sit illa ratio, qua jus civile constituitur: cum enim nec in essentia & natura hominum atque animalium communi, nec in hominum propria

pria deprehendatur, cœco tamen impetu ad ferendas leges ferri legislatores juri gentium in sensu Ictorum Romanorum repugnet, cum hoc admisso a jure naturali & gentium prorsus recederet jus civile, quod *Ulpiano* non probatur; nihil relinquitur, quam ut rationem juris civilis a natura seu essentia civitatis propria derivemus, quemadmodum juris gentium ratio a natura & essentia hominum propria desumitur.

§. 23. Quodsi hæc perpenderis & ad *Notio juris civilis Ictorum Romanorum* animum tibi revocaveris definitiones juris naturæ ac gentium, quas menti Ictorum Romanorum conformes supra dedimus (§. 15), ad earum analogiam condes etiam definitionem juris civilis eorundem menti consentaneam, quod scilicet *jus civile* sit ea actionum determinatio, cujus ratio in civitatis cujusdam statu singulari continetur. Ita v. gr. *jus Romanum* est, cujus ratio in Reip. Romanæ statu continetur. Dubium hic oriri poterat ad præcedentia attento, quod ne difficultates facessat omnino expendendum. Jus, quod ratio quædam naturalis constituit,

tuit, vel rationem sui agnoscit in essentia ac natura hominum & omnium animalium communi, vel in essentia ac natura hominum propria, hoc est vel in notione generis, vel in notione speciei continetur ratio ista. Equis vero ignorat, esse notionem quandam omnium civitatum seu Rerump. communem, quæ genus quoddam constituit, esse vero etiam notiones quasdam nonnullis proprias, quæ species quasdam absolvunt, sub quibus Resp. singulares continentur. Neque dubium esse potest, quin legum rationes perinde ex notione civitatis in genere, quam hujus vel illius notione in specie desumantur. Eadem adeo ratio esse videtur, cur jus, quod ratio civilis constituit, in duas species dispescatur, ob quam jus alterum quod ratione naturali nititur, in duas species distributum, jus nimirum naturæ ac gentium. Enimvero civitates concedere est juris gentium (§. 20). Quamobrem quæ ex notione civitatis in genere deducuntur, hoc est, per rationes politicas generales determinantur, ea ad jus gentium referuntur, neque adeo

ulla

illa necessitas urget, ut jus quoddam peculiare constitutatur, ex notione civitatis in genere derivandum. Cum status Rerump. diversi sint, jus unius civitatis non convenit promiscue civitati cuicunque alteri. Patet autem eas leges non posse esse communes, quarum ratio delumitur ab eo, quod duo Rerump. status a se invicem differunt. Quodsi ex adverso leges quædam habuerint rationes ab eo derivatas, quod diversæ Resp. commune agnoscunt; illas quoque communes esse nil quicquam prohibet. Hinc utilitas scrutandi rationes legum civilium elucescit, juris præsertim peregrini, quod in supplementum patrii minus completi venit. Patet etiam statum Reip. ante utiliter expendi, quam ad rationes juris civilis eidem proprii scrutandas animum appellas.

§. 24. Quemadmodum vero ex di- ^{Modus efficiendi} ctis apparet, quod posita ea notione ^{jus civile} juris civilis, quam menti Gaji & Icto- ^{ex com- muni} rum adeo Romanorum consentaneam vindicavimus, jus istud civile sit civitatis datæ proprium & quod unusquisque populus id sibi constituat; ita non

non minus ex ea ostenditur, quod neque in totum a naturali vel gentium jure recedat, nec per omnia ei serviat, sed efficiatur, cum aliquid addimus vel detrahimus juri communi. *Juris* nempe *communis* nomine communi jus naturæ & gentium appellatur in oppositione ad civile, quod tunc *civile* audit (ii). Quæ *Ulpianus* generatim dicit de modo, quo jus proprium ex communi efficiatur, & orta hinc differentia juris naturalis & communis nos in Politica integro capite specialius cum per rationes, tum per exempla deduximus. Cum hic prolixioribus esse non liceat, uno saltem alteroque exemplo assertum *Ulpiani* confirmamus, & idem notioni juris civilis erutæ consentaneum inde probamus. Introductis jure gentium dominiis furta ipso jure naturali illicita sunt, quemadmodum dicit *Paulus* Ictus (kk). Ex hoc præcepto juris naturalis, non esse furtum faciendum, efficitur lex civilis, si juri communi aliquid additur, nempe dum pœna furti constituitur, quam quis-

(ii) l. 6. ff. de l. & l. (kk) l. 1. ff. de furtis,

que populus pro arbitrio suo determinat. Apud *Hebræos*, quibus legem forensē seu civilem tulerat Deus, furtā quadruplo aut quintuplo luebantur. Apud *Græcos* ultra dupli condemnationem fures per aliquot dies vincti detinebantur. Apud *Alemanos* ultra restitutionem multipli pro diversitate casuum diversimode determinati ad multam condemnabantur. Apud *Romanos* pœna furti pro diverso Reip. statu varia fuit (ll). Cum decemviri fures manifestis verberibus affectos ei in servitutem addicerent, cui furtum fuerat factum; servos vero ejusdem delicti reos virgis caesos ex saxo præcipitari juberent: prætores pœnam nimis acerbam in pecuniariam quadrupli mutabant, ut alias postea insecutas mutationes varias silentio prætereamus. Ex Constitutione *Carolina* pro diversitate circumstantiarum pœna vel est corporis afflictiva, vel capitalis, ut prima aut altera vice fures virgis cadantur, tandem laqueo suspendantur. Leges adeo civiles

(*Hor. subs. 1729.*) G les

(ll) Vid. *Vinnius* in *Commebr.* ad *Instit.* §. 5. de obligat. quæ ex delicto nascuntur.

les apud diversas gentes diversis modis variant. Ratio diversitatis delimitur a diverso Rerump. statu, vi cuius vel minor, vel major pœna ad coërcendum delictum sufficit. Jure communi, quod ex notione civitatis in genere derivatur, furtum est puniendum: jure autem proprio vel civili accedit determinatio diversa pœnæ, ratione ex statu Reip. singulari desumpta. Atque ita ex jure communi efficitur jus proprium facta illius ad civitatem datam applicatione, qua ex rationibus in eadem obviis determinatur, quod per notionem civitatis in genere adeoque jure communi indeterminatum relinquitur. Jure communi neminem contrahendo circumvenire licet atque adeo, si emtor pretium justo majus solverit, venditor restituere debet, quod ultra justum pretium fuit solutum. Jus proprium etiam a nobis receptum a jure communi recedit, non tamen in totum, neque per omnia ei servit: etenim si emtor ultra dimidium fuerit læsus, tum demum actio ipsi competit adversus venditorem, ut vel contractus re-

elcundatur, vel pretium superfluum
 restituitur, optione venditori relicta
 (mm). Rationes desumuntur ex sta-
 tu Reip. datæ, v. gr. quod apud nos
 difficilis sit ac valde sumtuosa juris sui
 in foro persecutio, quod læsiones in-
 fra dimidium nimisinvaluerint, quod-
 que subinde sint probatu difficiliores.

§. 25. Jus proprium quisque popu- Quo sen-
su jus ci-
vile sit
arbitra-
rium.
 lus ipse sibi constituit (§. 2), atque a-
 deo ab arbitrio ejus pendet, quid fieri,
 quid non fieri debeat. Unde jus ci-
 vile jus arbitrarium dicitur, cum jus
 natura sit necessarium: illud pro ar-
 bitrio uniuscujusque populi mutari
 potest, cum illud in se immutabile sit.
 Enimvero ubi aliquid ex arbitrio no-
 stro deceditur, non tamen desunt ra-
 tiones, quas attendit arbitrium, nec
 eidem adversatur, quod rationes aliæ
 aliis sint meliores & quod præferatur
 illud, quod melioribus consentaneum.
 Quamobrem leges civiles arbitrium
 humanum constituit, etsi rationes a
 statu Reip. singulari desumantur, nec
 necessitas in locum arbitrii surrogatur,
 si eligatur, quod statui Reip. conve-
 nien-

G 2

(mm) l. 2. C. de resc. vend.

nientius, seu pro dato ejus statu optimum. Neque adeo refragatur menti *Gaji* notio juris civilis, quam eidem conformem dicimus (§. 23), etsi is affirmet jus civile populum quemque ipsum, atque adeo pro arbitrio suo, constituere, nostra autem notio consideret rationem a statu Reip. singulari petitam. Habent arbitraria suas rationes nec arbitrio nostro vis inferitur, ubi ob rationes meliores unum alteri præferimus, non modo dum jus proprium constituitur, sed in aliis quibuscunque negotiis, immo in ipsis scientiis. Ita in Arithmetica characteres numerorum, quibus nunc utimur, præferimus aliis eosdem indigitandi modis antea usitatis, nulla necessitatis, sed sapientiæ lege, quæ salvo arbitrio sanctissime custoditur.

Notio juris naturalis gentium & civilis Anterioris.

§. 26. Quamvis autem notiones juris naturalis, gentium atque civilis Ictorum Romanorum nihil continent absurdi & in se veræ deprehendantur, ac præterea determinatæ sint, ut ex iis omne jus deduci possit, quod vel naturali ratione constitutum, vel ab arbitrio populorum in societates civi-

Civiles coëuntium pendet, modo habueris animum principiis sufficientibus, quæ sane haud pauca sunt, imbutum & ratiocinandi habitu polleas, quo sine veritas una ex altera colligi nequit, inviolata concatenationis lege, non exiguo profecto labore nec parvo temporis spatio acquirendo; negari tamen non potest, quædam in istis notionibus specialius esse determinanda, antequam omnia jura inde prompte deducantur. Quamobrem cum nos philosophiæ practicæ fundamenta jacturi in notionem illius juris inquireremus, quod natura constitutum esse a veteribus accepimus, primum statim erat, quod nobis occurrebat, rationem illius juris in natura hominis contineri debere, ita ut inde pateat, cur actio hæc sit honesta, ista turpis, cur hæc homini præcipienda, ista vero prohibenda. Enimvero in iis non acquievimus, sed ulterius inquisivimus, quænam sit illa ratio, ut absque ambage appareat, ad quænam attendendum sit, ubi actiones hominis liberas ad examen revocare earumque normam reperire vo-

C 3

lueris.

lueris. Reperi autem actiones necessarias, quas & naturales appellamus, a sapientissimo rerum conditore per rationes finales esse determinatas, quæ ad rationem quandam generalem tandem revocantur; liberas autem cum per easdem, tum per alias determinari posse, atque in casu primo prodire actiones naturæ humanæ convenientes, in secundo eidem adversas. Unde collegi principium ejus juris, quod naturalis ratio constituit, remotum esse identitatem determinationis actionum liberarum per easdem rationes finales, per quas naturales determinatæ sunt. Hac igitur determinatione cum nascatur consensus omnium actionum in homine, qualis ad perfectionem requiritur; porro observavi actiones illi juri, quod naturali ratione constituitur, conformes tendere ad perfectionem hominis ejusque status externi, cum qua aliorum hominum perfectio, quantum ea a nobis pendet, indivulso nexu cohæret. Atque ea tandem de causa omne jus naturali ratione constitutum ad hanc revocavi summam: *Facienda esse, quæ nos statum-*
que

que nostrum atque alios perficiunt : o-
mittenda vero, quæ nos statumque no-
strum aliosque imperfectiores reddunt :
quorum istud identitate determinati-
onis actionum naturalium & libera-
rum obtinetur. Hoc principium cum
in applicatione adeo fecundum depre-
henderem, ut observatis veritatum con-
catenandarum legibus, omnes omni-
no actiones liberæ, sive honestæ, sive
justæ, sive decoræ, per intrinsecas ra-
tiones admiranda prorsus harmonia
inde determinari possint, etsi hic cœ-
cutiant, qui systematicæ cognitionis
notione destituti immediata principii
parum adhuc intellecti ad quamlibet
actionem datam applicatione deter-
minare volunt, quid conveniat, quid
non conveniat; notionem juris natu-
ralis in immensum ampliavi, ut non
modo jus illud homini cum brutis com-
mune hominumque proprium com-
prehendat, verum etiam ad talia ex-
tendatur, ad quæ homo sese indiffe-
renter habere putatur. Hinc factum
est ut juris gentium titulum cum *Gro-
tio* reservaverimus illi juri, quod inter
integras gentes seu inter Resp. obtineri

fas est: quod ex eodem fonte derivamus, integris Rebusp. instar personarum singularium in statu naturali viventium consideratis. Etsi autem iure naturali secundum nostram sententiam illæ etiam actiones determinatae sint, quæ juris civilis esse putantur, quod non inviti admiserint, qui cum Ictis Romanis (nn) Jurisprudentiam civilem philosophiæ partem perinde agnoscunt, ac nos Jurisprudentiam naturalem ad philosophiam referimus hoc tamen non obstante in Politicis ostendimus (oo), necessarium esse ut arbitrio uniuscujusque populi constituatur jus Reip. data proprium, eo prorsus modo, quo voluit *Ulpianus* (§. 21), dum juri naturali aut, si cum Ictis Romanis loqui amas, communi aliquid additur, vel detrahatur, modo addendi & detrahendi definito, quemadmodum supra jam indicavimus (§. 24).

Quoniam
que Ant
tori con
veniat
cum Ictis
Romanis.

§. 27. Paucis hic multa dicuntur quæ claritatem suam mutuuntur ab illis quæ in Metaphysicis, Philosophia naturali & civili, immo in Teleologi

(nn) l. 1. §. 1. ff. de justitia & jure. (oo) *Das gesellschaffliche Leben* c. 4. integro.

De finibus rerum naturalium tractata sunt, suo tempore autem oculatam maniscuntur fidem, quando jus universum naturali ratione constitutum in systema sumus redacturi, annotatis differentiis a jure præsertim Romano si quæ occurrunt, vel hujus etiam cum illo consensu. Sufficit nobis in præsentem, quod vel levi attentione usus animadvertat, nostram juris naturalis seu communis atque civilis notionem notiones Idolorum Romanorum non evertere, sed clariores & fertiliores reddere, ita ut istæ nostra perficiantur. Id enim nobis propositum, dum philosophamur, ut, quæ ab aliis obscurius dicta sunt, per notiones nostras clariores evadant & intelligantur; quæ vere dicta sunt ab aliis, per nostra principia eorumque legitimam concatenationem tanquam vera agnoscantur; quæ denique imperfecta reliquerunt alii, nostris meditationibus perficiantur. Quod cum in omni veritatis genere valeat, in Jurisprudentia etiam civili succedere debet.

§. 28. Ceterum ex præsentem tractatione de notione juris naturæ, gentium &

G 5

civi-

Scholion
generale

de usu
præsentis
meditati-
onis ex-
trinsecæ,

civilis ex mente Ictorum Romanorum discant velim, qui vitæ philosophantur, quæ ratione in interpretatione eorum, quæ ab aliis dicta sunt, sit versandum & quænam ratio sit, quod vulgo in iis, quæ ab aliis dicta sunt, tot absurdi nobis deprehendere videamur. Ad mentem aliorum pervestigandam opus est Logicæ genuinæ notitia, quæ sibi a lapide Lydio non metuit alibi in apri- cum producto (pp): ut autem applicare ejus regulas possis animum multis notionibus imbutum habeas necesse est, quæ ad notionem verbis alterius jungendam ratiociniis pervestigandum requiruntur. Etenim si Logicæ ignoras regulas, quibus dirigitur mens nostra in notione pervestiganda, quæ alterius verbis respondet; perperam aliis tribues, quæ a mente ipsorum maxime abhorrent, ex significato vocum tibi familiari de eadem per præcipitantiam judicans. Quod si principia defecerint ad ratiocinia requisita, quibus ex iis, quæ ab altero clare dicta sunt, eliciuntur obscurius di-

Etis

(pp) Log. §. 26. & seqq.

dis convenientia; solæ regulæ Logicæ nihil proderunt. Quamobrem cum veriori Logicæ vulgo non studeant, quemadmodum fieri debere in opere Logico Latino (qq) docuimus, nec philosophiæ eam navent operam, quæ ad animum notionibus determinatis & fixis imbuendum sufficit, ratiociniorum exactorum genitricibus; non mirum, nihil esse frequentius quam ut mens aliorum pervertatur & absurda ac puerilia videantur, quæ & veritati respondent & profundum sapiunt acumen. Atque hoc pacto non solum patet via, qua præcipitantia devia evitantur, verum etiam ad rationes præcipitantia alienæ pervenitur, quas detexisse juvat, ut ex alieno casu discamus nobis vitanda, ne sero nimis vel nunquam sapiamus in nos aliosque injurii.

III.

De differentia intellectus systematici & non systematici.

§. I.

IN dissertatione præcedente mentionem injecimus intellectus systematici. Institu-
tum Auctoris.

tici. Quamobrem cum maximæ sit utilitatis nosse differentiam, quæ inter intellectum systematicum & non systematicum intercedit, quoniam plurima hinc deducuntur praxi apprimè convenientia; non inanem operam nec a præsentē instituto alienam sumimus, dum illam luculenter explicare pro virili annitimur. Vulgo notio intellectus systematici non attenditur, &, si non prorsus obscura sit, maxime tamen confusa est, ut adeo eam ad distinctam revocari necessarium sit.

Intellectus systematici & connexionis propositionum definitio.

§. 2. Vocamus autem *Intellectum systematicum*, qui propositiones universales inter se connectit. *Connectuntur vero propositiones*, si alia per alias tanquam per principia demonstrantur. Alia nimirum est *connexio propositionum*, quam rerum. Res inter se connectuntur, si ratio, cur una sit, continetur in altera, seu existentia vel actualitas unius per alteram determinatur. Istiusmodi autem nexus in propositionibus locum non habet, neque enim veritas unius propositionis per veritatem alterius determinatur, sed veritas tantummodo unius pro

propositionis per propositiones alias demonstratur, quas veras esse agnoscimus. In qualibet propositione determinata prædicatum per notionem subjecti determinatur & ipsa hæc notio rationem sufficientem continet, cur prædicatum subjecto tribuendum, quemadmodum in philosophia prima, quæ proxime lucem adspiciet, a me demonstratum est. Unde in Logica ostendi (a), veritatem propositionis esse determinabilitatem prædicati per notionem subjecti. Atque ideo ex notione subjecti demonstratur, prædicatum eidem convenire, per propositiones alias, quibus tanquam principiis utimur. Quodsi volupe fuerit ea evolvere, quæ de forma demonstrationis ostensivæ in Logica (b) docuimus, connexio propositionum clarissima evadet.

§. 3. Veritates universales seu propositiones universales inter se connexæ *Systema doctrinarum* constituunt. Etsi enim usus loquendi ferat, ut systematicis nomen libris imponatur, in quibus *scho-*

(a) §. 513. (b) §. 551. & seq. (c) §. 829. Log.

scholæ, quem appello (c), ordine dicenda congeruntur, ita ut uno in loco compareant, quæ ad idem subjectum spectant, nulla prorsus habita ratione, quomodo cognitio unius a cognitione alterius pendeat; id tamen inde accidit, quod connexionis propositionum distincta, immo satis clara notione destituantur, non quod systematis alia utantur: videmus enim systematum vulgarium, hoc est, non re, sed nomine talium conditores laudari ob rerum pertractatarum connexionem, etsi nulla prorsus in opere commendato appareat. Propositiones profecto, quæ proponuntur, aut ea ratione ordinantur, ut unius veritas per alias anteriores demonstraretur, aut ita disponuntur, ut veritas unius per alias anteriores demonstrari nequeat. In priori casu propositiones inter se connecti, ecquis negare ausit? In casu adeo posteriori minime connectuntur. Quod si ergo in eo consentimus, in systemate doctrinas, quæ proponuntur, inter se connecti; defectui omnino attentionis ad notionem connexionis, aut ipsi huius notionis defectui tribuendum, si quis congeriem propositionum ad
idem

idem subjectum pertinentium, sed inter se minime connexarum systema vocet, propterea quod unum argumentum videtur rationem continere, cur de altero quoque in eodem libro tractatio instituatur, veræ connexionis doctrinarum seu propositionum universalium notioni falsa substituta (§. 2.). Quodsi quis malit sensu quodam vago & minus determinato appellare systema, quod per nostram notionem fixam & determinatam tam augustum nomen non meretur; per nos utatur sua loquendi libertate, sed eadem nos quoque majore jure frui permittat, qui per leges methodi philosophicæ, quam alibi (d) explicatam dedimus, a vago & indeterminato vocum significatu abhorreere debemus.

§. 4. Quoniam intellectus systematicus propositiones universales inter se connectit (§. 2.), in systemate autem doctrinarum propositiones universales nisi inter se connexæ locum non inveniunt; intellectus systematicus percipit voluptatem ex systematis

(d) in discursu præliminari operi logico præmissio §. 120.

maticis; veri nempe nominis, consequenter systemata amat, nec in cognitione rerum acquiescit, nisi earum ad systema reduxerit. Atque in eo prorsus differt ab intellectu non systematico, quod ut appareat, notionem intellectus non systematici animo recollamus necesse est.

Intellectus non systematici definitio.

§. 5. Cum intellectus non systematicus systematico ita opponatur, ut non systematico instructus sit, qui systematicum non habet; ideo *Intellectus non systematicus* erit, qui propositiones universales non connectit, sed singulas quasi cum ceteris nihil commune habentes intuetur. Nimirum propositiones non connectuntur, quod ita minime ordinantur, ut veritas unus pateat continuo per veritatem ceterarum, quam independentem ab ista cognovimus. Qui libros vulgari modo conscriptos evolvit, is satis superque intelligit, quid sit propositione non connectere, sed singulas a ceteris quasi sejunctas proponere. Multo tamen clarius idem patet, si librum vulgari modo conscriptum cum Elementis *Euclidis* confert, ut differen-

tia inter propositiones nullo vinculo inter se coherentes & propositiones archissime inter se connexas in sensum veluti incurrat.

§. 6. Intellectum systematicum habere Geometrae veteres *Euclides, Archimedes, Apollonius, Theodosius* & in universum Mathematici omnes verinominis, qui scientia mathematica animum habent imbutum, nequaquam vero tantummodo habitum quendam sibi compararunt praxes quasdam ex Mathesi derivatas exercendi. Etenim in elementis *Euclideanis* non occurrunt nisi propositiones universales, utpote sufficienter determinatae, ita ut & notiones communes, quae sine probatione sumuntur, ad formam propositionum universalium revocentur. Singulae propositiones inter se connectuntur, cum posteriores per anteriores tanquam per principia demonstrantur. *Archimedes, Apollonius & Theodosius*, quorum opera uno volumine comprehensa edidit *Isaacus Barrowius*, si liberum quintum, sextum & septimum *Apollonii* exceperis, quos pro deperditis habitos ex Arabica versione in Latinum

Intellectus systematici exempla.

H

tinum

num translatos edidit *Joannes Alphon-
sus Borellus*, ultra Geometriam el-
mentarem ab *Euclide* traditam pro-
gredientes non modo eodem prorsus
modo propositiones, quas tradunt
determinatas easque universales inte-
se, verum etiam cum elementis *Eu-
clidis* connectunt. Et quis nescit Math-
maticos continuo inventa sua cum in-
ventis anteriorum connectere? Quod
quis ea de re dubitet, is evolvat el-
menta nostra Matheseos universæ,
quibus præcipua veterum ac recentio-
rum Mathematicorum inventa cum
Elementis *Euclidis* connexa damus, ac-
dituri in posterum peculiari volum-
ne, quæ ex sublimioribus hodie repe-
tis desiderantur, cum iisdem conn-
ctenda, ubi nova illorum editio limi-
tior ad umbilicum fuerit perducta, cu-
jus nunc Tomus primus sub prælo fi-
dat, præsertim cum in usum artis in-
veniendi, quæ aliquam operis philo-
sophici partem constituet, inventa ista
accuratiori trutina nobis sint exper-
denda. Si quis dubitet, num *Pto-
lemæus* intellectum habuerit systema-
ticum, propterea quod *Almagestum*
ipsius

ipsius seu opus Astronomicum, cui ipse magnæ compositionis indidit nomen, communi more conscriptum videtur, utpote continuo discursu in capita digestum, is evolvat Mathematici clarissimi *Joannis Regiomontani* Epitomen operis *Ptolemaici*, in qua a *Ptolemaeo* tradita ad formam elementorum *Euclidis* in propositiones digestasque cum Elementis *Euclidis* connectit. Sed in Mathesi prorsus hospes sit necesse est, qui in dubium vocaverit, Mathematicis & olim fuisse, & hodiernum esse intellectum systematicum, cum intellectus systematici notionem non aliunde rectius quam ex scriptis Mathematicorum haurire possit.

¶ Videamus verò, an istiusmodi exempla etiam occurrant inter philosophos & eruditos alios. Inter veteres *Aristotelem* intellectum habuisse systematicum, ex *Organo* ipsius apparet, quod, si ad lectionem afferantur notiones, quæ ad idem intelligendum sufficiunt, ita conscriptum esse appareat, ut veritas una per alias demonstretur, simulque notio intellectus systematici.

Exempla
alia.

H a

stema-

systematici in præceptis ibidem propo-
 sitis contineatur. Neque ullus dubito,
Aristotelem eam theoriam, quam in
 Organo suo proposuit, ex attenta le-
 ctione Elementorum *Euclidis* derivas-
 se, quemadmodum mihi attenta de-
 monstrationum mathematicarum, præ-
 sertim *Euclideanarum*, consideratio ad
 theoriam Logicæ genuinam invenien-
 dam profuit: qua reperta, nec inania
 esse præcepta intellexi, quæ *Aristote-
 les* tradidit, antea parum intellecta,
 cum genuinæ notiones ex praxi hau-
 stæ mihi nondum suppetere. Et
 autem in ceteris scriptis *Aristotelis* non
 ea appareat methodus, qua *Euclides*
 usus est; non tamen desunt intellectus
 systematici indicia. Neque enim pu-
 tandum est, quotquot dispositionem
 naturalem, quam Philosophi appel-
 lant, intellectus systematici nacti sunt,
 eos eandem ad istum habitum evehe-
 re vel pro temporum rerumve suarum
 cognitione evehere posse, ut omnem
 rerum cognitionem in systema acture-
 digant, quam sibi compararunt, vel sy-
 stema animo in ideis conceptum co-
 gnitioni quoque symbolicæ inferant.

Cui

Cui principia verioris Metaphysicæ intimius fuerint perspecta, communi experientia comprobata, si ingeniiluce collustratur, ei manifesta sunt, ut, quæ per rei naturam fieri possunt, ad actum perducantur, extrinsecis opus esse determinationibus; quæ non semper in agentis rationalis potestate posita sunt. Sane *Confucius*, magnus ille Sinarum philosophus, is erat, in quo intellectus systematici naturalis dispositio eminebat: quæ enim in ideis ipsius continebantur, non modo acumen profundum sapiunt, verum etiam pulcherrimo nexu inter se coherent, ut, qui intellectu systematico pollet ac notionibus animum habet refertum, verbis factisque *Confucii* respondentibus, in systema ordinatissimum redigere queat veritates universales in ideis *Confucii* clarissimis, sed minime distinctis olim contentas. Quoniam tamen in ea incidit tempora, ubi deerant, quæ extrinsecus in dispositionem naturalem ad habitum evehendam influere debebant; ipsum habitum nunquam fuit consecutus. Non tamen otiosa ac inutilis prorsus eidem erat dispositio

illa naturalis intellectus systematici prorsus præclara: neque enim absque ea ideas rerum moralium atque civilium solas animo infixisset, quæ systema pulcherrimum idemque veritati consentaneum comprehendunt ab eo in apricum producendum, qui ideas *Confucianas* in animo suo excitare ac veritates universales in iis latentes erueret, erutas inter se connectere valet. (e) Inter recentiores philosophos, qui nomen clarissimum fuere consecuti, *Cartesius* intellectus systematici exemplum præbet, quemadmodum ex ejusdem Meditationibus & Principiis liquet, magni vel hoc nomine faciendus, quod modum ex notionibus distinctis philosophandi nobis aperuit, profligatis ex philosophia confusis atque obscuris, quæ Scholasticam obscurabant, etiam ab ipsomet (quod in primo autore ferendum) non sufficienter excultum, ab affectibus vero in abusum pertractum. Non omnes recensemus cum veteres, tum recentiores philosophos, quibus intellectus fuit systematicus, cum tantum

(e) Vid. Oratio de Sinarum philosophia præfata.

am exempla commemorare nonnulla
velimus, nequaquam vero nobis pro-
positum fit eundo per omnium secu-
lorum memoriam catalogum eorum
contexere, qui intellectum systemati-
cum possederunt. Ut vero appareat,
intellectum systematicum non esse Ma-
thematicorum & philosophorum pro-
prium, exemplis in medium adductis
unicum adhuc subnectere liceat. Pro-
deatigitur in scenam *Casparus Neuman-*
nus, Theologus apud Vratislavienses
nuper clarissimus. Specimen is intelle-
ctus systematici luculentissimum exhi-
bit, dum in Genesi linguæ sanctæ
significatum vocum hebraicarum essen-
tialem scrutatus est, & ea de re men-
tem suam in Clave, quam vocat,
Domus Heber, uberius exposuit.
Eam enim ex cogitavit hypothesin, quæ
nonnisi ab intellectu systematico pro-
ficisci potest, eoque modo hypothesi
sua usus, qui nonnisi systematicis con-
venit ingeniis. De veritate ejus judi-
cent alii, quorum inter est Hebraismi
fontes limpidos conservari; nobis suf-
ficit hypothesin istam prorsus systema-
ticam deprehendi. Supponit enim

nos non habere ideas nisi rerum materialium & immaterialia concipi ad similitudinem materialium, ideas vero materiales resolvi in materiæ & motuum ideas simpliciores. Hinc litteræ hebraicæ vel materiam significant, vel certas motuum species, atque inde exsculpitur significatus quidam generalis vocum Hebraicarum, unde emphasis earum explicatur, cum hinc denominationis reddi possit ratio re, quam eadem denotant, intimius intellecta. Quoniam Theologo huic eminenti systematicus erat intellectus, ideo systema Theologiæ veri nominis adhuc desiderari affirmabat, cum in libris, quibus vulgo hoc nomen tribuitur, nondum ita inter se connexæ ipsi viderentur veritates theologicæ, quamadmodum in systemate fieri debebat. Immo sermones quoque ejusdem sacri, quos ad populum pro ratione muneris ecclesiastici habebat, intellectus systematici indicia præbebant manifesta non modo in textus explicatione, sed ejus quoque applicatione ad theoriam fidei ac praxin pietatis, cum unum continuo ex altero explicaretur & colligeretur, ut &

veri

veritatum revelatarum consensus appa-
 reret, & theoria credendorum in pra-
 xin agendorum influeret. Veritates
 revelatas non minus inter se connecti
 posse, quam naturales, alibi ostendi
 (f). Nullum adeo dubium superest,
 quin in systema veri nominis eadem re-
 digi possint. De utilitate istiusmodi
 systematis statuet, qui probe perpen-
 derit, quæ de intellectus systematici
 præstantia & ejus præ communi præ-
 rogativa mox fusius docentur.

§. 8. Si quis differentiam, quæ in-
 ter intellectum systematicum & non
 systematicum intercedit, exemplis do-
 ceri cupit, is scripta *Cartesii*, *Medi-*
tationes præsertim, *Principia Philoso-*
phia & Tractatum de Meteoris cum
 scriptis *Gassendi* conferat. Etsi enim
 uterque merito suo philosophus ma-
 gni nominis habeatur; *Cartesius* ta-
 men alio prorsus modo philosopha-
 tur, quam *Gassendus*. Etenim *Gassen-*
dus cum multæ ac diffusæ esset lectio-
 nis, de iis, quas tractat, rebus scitu
 non inutilia proponit non sine judicio
 eligens, quæ veritati magis convenire

Differen-
 tia intel-
 lectus sy-
 stematici
 & non sy-
 stematici
 exemplis
 illustra-
 tur.

H 5

existi-

(f) Log. §. 980.

existimavit. Sed non perinde, ac a *Cartesio* factum apparet, ex principiis quibusdam positis continuo nexu cetera inde ab eo deducuntur. Unde & scripta *Gassendi* magis sunt ad captum atque palatum eorum, qui veritatum connectendarum notionem nullam habent, sed singulas tanquam cum ceteris nihil commune habentes intuentur, quam *Cartesii*, quem ubi legunt non intelligunt, cum eam attentionem afferre nequeant, quæ ad veritates inter se connexas perpendendum requiritur, in ingenia autem minus systematica non cadit.

Intellectus systematicus veritatem intimius perspicis.

§. 9. Agedum vero intueamur proprias prerogativas, quibus intellectus systematicus non systematico præstat, ne inutili labore defungi videamur, ubi veritates connectere & connexas in systema redigere tentamus. Primum itaque observamus, veritatem propositionum multo evidentius cognosci, ubi in systema fuerint redactæ, quam ubi vulgari more tanquam seorsim dissolutæ proponuntur. Constat enim nos veritates alicujus propositionis non esse convictos, antequam con-

stet.

fiet, & principia non sumi ad eam probandam nisi quæ certa esse jam cognovimus, & formam probationis legitimam esse (g). Formam probationis legitimam, quam alibi accuratissime delineavimus (h), vix tenebit nisi intellectu systematico instructus: id quod & a posteriori patet, cum communi eruditorum more argumenta magis indicentur, quam evolvantur, ut eorum vim ac efficaciam non sentiat intellectus systematicus. Sed demus intellectum non systematicum genuinam probationis formam comprehensam habere: cum tamen propositiones non eo ordine digestas didicerit, ut veritas unius per veritatem alterius pateat, unde eadem constat principia probandi, quæ sumit, esse certa, nec in probatione committi circulum? Alia longe est ratio intellectus systematici. Etenim is memoriæ non infixit propositiones, nisi quarum veritatem admisit ob veritatem antecedentium, ita ut, si opus fuerit, analysin instituere possit in prima principia, definitiones, axiomata atque principia ab experientiis clari-

(g) §. 570 Log. (h) §. 551, & seqq. Log.

derivata. Et quamvis superfluum foret analyfin istam instituere; in dato tamen quolibet casu certus est eam institui posse; quod omnino sufficit ac revera perinde est ac si analyfis actus instituta fuisset. Quodcunque igitur intellectui systematico ad dijudicandum offertur, id omne ad systema suum quod animo comprehensum habet refert; consequenter eadem evidenti contuetur, qua systema effulget. Haec ratione eandem evidentiam per omnia suam cognitionem conservat. Quod vero systema aliquod veritatum animo comprehensum non habueris, quod ad dijudicandum offertur ad eas referre teneris notiones nullo nexu coherentes, quas memoriae infixisti. Quamobrem cum de illarum veritatum convictus minime fueris, sed vana sententia per suasionem animum obstinatum confirmaveris; nec ea maiorem certitudinem habere possunt, quæ vi illorum principiorum tanquam vera amplecteris. Assensus adeo dubiis fortunæ fluctibus commissus veritate nisi casu non attingit. Mathematici continuo ulterius progrediuntur

evidentiam ac certitudinem non aliter conservant, quam quod omnia tandem ad elementa *Euclidis* referant, quibus ad sacra illorum admittendi initiantur. Suppone enim systema veritatum paucarum earumque maxime communium, quæ tanto clariores erunt, quo notionibus communibus sunt propiores. Quod si ulterius progressuri non admittant, nisi quæ ex principiis in systemate contentis certa ratione cinandi lege deducuntur; eo ipso systema continuis accessionibus augeatur, ut plurimum tandem opera conjuncta in molem excreseat. Non alia sane ratio est, quod *Mathesis* continuo nova capiat incrementa, cum disciplina ceteræ potius deformatur, quam excolantur, & decrementa magis patiantur, quam ut incrementis superbiant.

§. 10. Ex his adeo manifestum est, *Securus* si intellectus formetur systematicus, *in scientiis progressus* securum fieri in scientiis progressum, *independent.* modo caveamus, ne *systema elementa* quod primas veritates continet, *independent.* erroribus sit obnoxium. Etenim si erroris pro veritate amplectaris, & ex
iis

iis tanquam principiis alia deducas, dato uno absurdo sequentur plura & error continuo multiplicabitur, ita tandem systema errorum, non veritatum obtineatur: etenim errores non minus inter se connectuntur & iisdem ratiocinandi legibus alii ex aliis deducuntur, quibus veritates incognitæ ex aliis cognitis in apicem protrahuntur (i). Exemplum habemus in *Spinoza*, qui ab usu intellectus systematici condidit errorum systema, propterea quod defectu systematis elementaris errores capitales amplexus fuerit, antequam de systemate condendo cogitaret, atque deinde pro ea, quæ ipsi erat, ingenio talia posuit principia, ex quibus errores ejus demonstrativa quadam ratione sequerentur. Intellectus systematici est ex principiis, quæ de seculis parum sollicitus æqua animi lance ponderavit, deducere, quæ certa ratiocinandi lege inde sequuntur: intellectu autem systematico abutitur, qui propositionibus, quas nondum sufficienter probatas tanquam certas sumit, principia aptat, ex quibus eadem legitima ratiocinatione deducantur.

ur. Quodsi objicias, si propositio ad dijudicandum proponatur, aptanda quoque esse principia ad conclusionem, consequenter id abusui intellectus systematici tribui minime posse; haud difficulter ostendimus, insignem omnino differentiam intercedere inter propositionum ad systema relationem & principiorum ad propositiones datas aptationem, unde legitima ratiocinandi lege consequuntur. Etenim qui propositionem datam ad systema, quod animo concepit, refert, is determinationem subjecti sumit & ex ea vi principiorum e systemate mutuatorum legitima ratiocinatione colligit, quod per notionem subjecti determinatur, prædicatum. Quodsi idem fuerit cum eo, quod in propositione data subjecto tribuitur, propositionem ipsam tanquam veram amplectitur & systemati suo tanquam eidem congruam superaddit de nova accessione lætatus. Quodsi vero diversum ab illo prodierit, propositionem ipsam tanquam falsam rejicit & ex systemate suo tanquam eidem adversam excludit, contrariam vero, quam & veram, & systemati

mati suo consentientem apprehendit eidem adjicit non minori quam antea voluptate perfusus. Alia longe est ratio, ubi principia ad propositionem aptantur, quæ vera sumitur, antequam ejus veritas fuerit perspecta. Etenim in hoc casu principia vel desumuntur ex systemate, vel aliunde petuntur. Ubi ex systemate desumuntur, quod veritates complectitur, ratiocinandi forma negligitur, quando principia vera aptantur ad conclusionem, quæ inde minime sequitur. Non desunt exempla inter ipsos Mathematicos præclari nominis. Ratio autem in promptu est. Etenim si ex principiis positis colligitur propositio, quæ inde minime sequitur, id vel vitio materiæ, vel vitio formæ accidit. Ubi principia desumuntur ex systemate vero, veluti ex elementis *Euclidis*, aut iisdem connexis disciplinis, vitium in materia minime hæret. Hæret igitur in forma: id quod & experiri datur, si ad exempla inter Mathematicos obvia animum advertas. Ubi principia aliunde petuntur, & ratiocinandi forma legitima observatur, ea in gratiam propositionis

sitionis finguntur ac ideo admittuntur, quod hanc inde sequi animadvertimus, quemadmodum accidit *Spinosæ*; nec inter Mathematicos primi ordinis defunt exempla, ubi aliunde certas conclusiones a priori demonstrare voluerunt; quo in casu ipsa quoque principia certa sint necesse est; cum ex propositione certa consequantur, si eæ primum ponitur. Ubi principia aliunde, quam ex systemate petuntur, ac forma ratiocinandi simul negligitur; principia & vera, & falsa esse possunt, perinde ac conclusio vel vera est, vel falsa, ad quam illa aptantur.

§. II. Vidimus necessitatem systematis elementaris, *Systematis elementaris ratio.* cujus defectu intellectus systematicus in errores incidit, & ex uno errore alios legitima ratiocinandi lege deducit. Docendum itaque est, quænam in systemate elementari condendo observari debeant, ut intellectui systematico formando & ad altiora præparando sufficiat. Omnis ad nostra cognitio ortum trahit a notionibus communibus, obvia experientia acquisitis, quibus vulgo utimur omnes in communibus vitæ negotiis.

(*Hor. subs.* 1729.)

I

Quam-

Quamobrem in systemate elementari notiones istæ communes, quæ clara quidem sunt, sed confusæ, universalitate in imaginibus singulorum latente, reducendæ sunt ad distinctas & verbis determinati fixique significatus expressæ ab imaginibus separandæ, ut abeant vel in definitiones, vel in propositiones universales ad ratiocinandum utiles, ubi veritates a priori deducendæ. His notionibus ita reductis utendum est tanquam principiis primis nec admittendum tanquam verum systematicum inferendum, nisi quod legitima ratiocinandi forma eorum opere assumptis eruitur, quæ vel definitione nominales, vel determinationes subiecti in propositionibus natura sua hypotheticis constituunt. Hac ratione enim prima disciplinæ principia quæ systema elementare continet, non modo inter se, verum etiam cum notionibus communibus connectuntur atque ab his lucem mutuuntur, & quis propositionem aliquam in dubium vocare velit, indirecta demonstratione in eas angustias compellitur, ut notionem communem ab omnibus

concessam communique usu approbatam, quam & ipse praxis rectricem in casu dato agnoscit, immo volens nolensque agnoscere tenetur, negare cogatur, nisi illam concedere velit. Major adeo evidentia expectanda non est ea, qua systema elementare effulget, cum singula tantum habeant certitudinis gradum, quantum habent notiones communes, quas in dubium vocare nequit, nisi qui cum usu rationis ipsum sensuum usum ejuravit. Dedimus systematis elementaris notionem: quam in numerum impossibilium minime referendam esse docent elementa *Euclidis*. Acutissimus ille Geometra & veram systematis elementaris notionem habuit, & ei conforme opus condidit, præclarum antiquitatis monumentum. Axiomata enim, quæ sumit in Elemento primo & quinto esse notiones communes, ab imaginibus separatas atque ad propositiones determinatas revocatas, ut iisdem sua constet universalitas, in philosophia, quæ proxime in lucem prodibit, prima ostendimus. Quæ in Elemento septimo comparent axiomata non sunt nisi

antiora ad numeros applicata, casu speciali ex generali per immediatam consequentiam collecto. Etenim cum *Euclides* elementa Arithmetica ab elementis Geometriae distincta tradiderit, utrisque communia de magnitudinibus continuis atque numeris figillatim demonstrans, propterea quod veteres cognitionem, quæ inter Geometriam & Arithmeticam intercedit, non facile perspicerent; autor circumspectus nihil desiderari passus est, quod ad conservandam evidentiam in utroque systemate elementari, geometrico & arithmetico, necessarium videbatur. Majus adeo acumen probavit Elementorum conditor, ac vulgo putatur, geometriamque systematis elementaris notationem ipso opere exhibuit: quæ ratio est, cur a *Platone* summi acuminis philosopho maximi fuerit habitus. Etsi enim veritates mathematicas, quæ elementis suis comprehendit, non ipsi invenerit, sed plerasque ab aliis inventas in systema redegerit; plurimum tamen præstitit, dum dispersas collegit, collectasque in systema veri nominis redegit & distincta explicatione ad notationem

tiones communes reduxit, unde tanta earum nata est evidentia ac certitudo, ut attentus quivis lector ad assensum trahatur; tanta utilitas, ut ab iis maxime remotæ veritates aliæ evidentiam a notionibus communibus mutuentur minime negandæ, quamdiu ipsæ admittuntur. Enimvero erunt forsitan, qui negaturi sunt istiusmodi systemata elementaria etiam extra Mathesin condi posse, propterea quod *Euclidei* rationem minime perspectam habent, objecto tribuentes, quod methodo conveniebat. Enimvero qui ex opere nostro Logico perspexerunt, methodum, quam *Euclides* tenuit, non ab objecto, quod tractat, derivari, sed ex ipsa entis notione generali & mentis humanæ natura deduci; ei dubium istud veluti sponte sua evanescit, quatenus forma methodi difficultatem faceffit. Quodsi vero quis alterum adhuc dubium urgeat, non proflare notiones communes, ad quas ceteræ disciplinæ eodem modo revocentur, quo Mathesis ab *Euclide* revocata fuit; ei quidem ipsum non aliter erui poterit, quam ubi ipso facto

contrarium doceatur. In philosophia prima notiones plerasque omnes ad communes revocamus & propositiones demonstramus iisdem respondentibus, veluti propositiones omnes, quas *Euclides* in axiomatis sumit aliasque iisdem affines. Hoc autem pacto non modo ipsam philosophiam primam ad notiones communes revocavimus, quæ omnium maxime ab iis abhorreere videri poterat; verum etiam ex parte plerasque disciplinas alias, quæ perinde ac Mathesis principia sua prima inducuntur: etenim si a Mathesi pura discefferis, quæ sola in principiis ex philosophia prima assumtis tanquam primis acquiescere valet, cum omnibus ibi prorsus a priori deducantur, in disciplinis ceteris assumenda adhuc sunt principia quædam alia, quæ notionibus communibus respondent, ad philosophiam primam minime spectantibus. Quamobrem & *Euclides* ad Opticam progressus & hujus quoque disciplinæ systema elementare daturus, assumit axiomata, quæ notionibus quidem communibus æque ac geometrica & arithmetica respondent

mini

minime tamen in philosophia prima demonstrantur, sed ad Physicam spectant aut, si mavis, naturæ cognitionem mathematicam. Quemadmodum vero Logicam ad notiones communes quasdam psychologicas reduximus, præter eas, quæ ex philosophia prima desumimus; ita in ceteris quoque disciplinis ad eas tanquam fundamentum recurremus.

§. 12. Plurimum interest, ut systema ^{Quaratione sy-}
elementare ab erroribus sit immune, ^{stema ele-}
quemadmodum paulo ante (§. 10) evi- ^{mentare}
cimus. Quamobrem non immerito ^{ab erroribus im-}
disquirendum, quomodo certi redda- ^{mune ob-}
mur, nullum in istud errorem irrepse- ^{tineatur.}
rit. Duplex adeo institui potest exa-
men, alterum quidem a priori, alte-
rum vero a posteriori. Examen a prio-
ri instituimus, ubi principia, quæ sine
probatione sumuntur, ad exempla
transferimus, ut appareat num uni-
versale in iisdem latens eidem respon-
deat, quemadmodum axiomata *Eu-*
clidea ad examen revocamus; propo-
sitionum vero demonstrationes eo mo-
do resolvimus, quem in opere nostro
Logico docuimus (k): ex hac enim ana-
lysi

lysi cum appareat, nec principia sumi demonstrandi, nisi certa, nec in forma ratiociniorum eorumque concatenatione a vero aberrari; nihil quoque in certitudine desiderari amplius potest (1). Quodsi vero verearis, ne aliqua ex parte attentionem tuam desiderari partiaris; examini a priori jungi præstat examen a posteriori. Fatetur *Leibniz* (m), potissimam causam successus in Mathematicis esse, quod res mathematicæ sua examina & comprobationes secum ferant; sed in Metaphysicis hoc commodo nos carere affirmat. Enimvero nos non minus res philosophicas in universum omnes, quam mathematicas examina sua habere comperimus & ipso opere ostendimus. Examina rerum mathematicarum consistunt maxima ex parte in applicatione veritatum universalium ad exempla singularia. E. gr. Si problema quoddam algebraice resolvimus; data sumimus singularia & ex iis juxta formulam per calculum erutam determinamus numerum, vel numeros quæ-

fitos

(1) §. 569. 570. Log. (m) in *Actis Erudit.* A. 1694. P. 111.

atos: qui si eas conditiones habere deprehenduntur, quos habere debent vi problematis, resolutio rite facta inde comprobatur. Enimvero quis nescit, in ipsa Ontologia, quæ Metaphysicæ pars omnium maxime abstracta est, nullam dari notionem, cui exempla minime ficta, sed vera convenientia afferri possunt? Habes igitur in omni philosophia examina, si idem a posteriori sive per observationes, sive per experimenta confirmes, quod a priori fuerat demonstratum: quod adeo certum est, ut nec theologia naturalis istiusmodi examinibus destituatur, quatenus per naturæ opera intimius perspecta a posteriori comprobantur, quæ in illa a priori demonstrantur (n). Philosophia experimentalis, cujus haud postremus usus est explicationes rerum naturalium a priori factas a posteriori confirmare, non intra Physicæ solius pomœria continetur, sed multo latius patet, ita ut ipsius theologiæ experimentalis quædam species detur, ubi de revelata, non naturali sermo nobis fuerit, utut hætenus nondum

I 5

dum

(n) Vid. die Gedanken von den Absichten der natürlichen Dinge.

dum pro sua amplitudine exculta. Sed ea de re dicemus aliquando ex instituto. Quod si igitur systemati non inferantur, nisi quæ ex anterioribus demonstrata sive per observationes, sive per experimenta fuere comprobata, nihil profecto obstat, quo minus systema elementare, consequenter & omne reliquum ab erroribus immune obtineas, modo eidem condendo non ante operam tuam addicas, quam ubi tanto operi par extiteris. De facultatibus autem tuis non plus sperabis, quam in iis est, ubi tibi intelligere datum fuerit, quæ modo de systemate elementari condendo (§. II) & de notione systematis in genere paulo superius (§. 3) diximus.

*Claritas
in syste-
mate con-
servan-
da.*

§. 13. Ubi istiusmodi examina & probationes non negliguntur, claritas simul per omne systema conservatur. At enim veritates universales sicuti evidentiam habent a demonstratione, quæ assensus extorquetur; ita claritatem ab exemplis, quibus illustrantur, & quæ examina illarum præbent, ubi fuerint vera. Claritas nimirum notionibus universalibus inest, quatenus ea

in singularibus intuemur: neque enim quæ mente separantur distinctisque nominibus insigniuntur, a singularibus, in quibus existunt, actu separari possunt, ut extra eadem sigillatim existant lucem verbis affusuræ sua præsentia, ne sint inania. Caveat vero, qui veritatis cupidus est, ne istiusmodi examina in pluribus casibus impossibilia per præcipitantiam pronunciet, qui talia a se institui non posse, nec hæcenus ab aliis instituta esse agnoscit. Etenim si nostro more philosophaturi sunt posteri, multa ipso opere præstabunt, quæ nunc quomodo fieri debeant, minime intelligunt.

§. 14. Qui intellectu systematico præditi sunt, omnium facillime contradictiones vitant, ita ut præstantius contra eas remedium præscribi non possit continuo illo studio, quod intellectui in systematicum convertendo impendimus. Mathematici sane omnium maxime a contradictionibus liberi sunt, ita ut in talia minime incidant, quæ principiis primis contradicunt, etsi longissimo intervallo ab iis digrediantur nec principiorum memoriam tunc

Contra-
dictio-
num evi-
tatio.

temporis habeant, quo de his cogitant. Quodsi contingat, ut aliqua in re attentionem suam desiderari passi (id quod non una de causa accidit), in contradictoria incidant, quæ una cum systemate veritatum, quod ipsis est, consistere nequeunt, eavel ab aliis, quibus attentio requisita non sufficit, facile animadvertuntur & emendantur, vel ipsimet alio tempore eadem animo volventes, quo is ab attentionis impedimentis vacuus est, contradictionem nemine monente perspiciunt & quod verum est erroneo substituant, aut, ubi veritas detecto errore nondum patet; hunc missum faciunt, nec systemati inferunt, ne uno admisso absurdo sequantur plura. Nec desunt rationes a priori, quibus idem clarissime ostenditur. Intellectus systematicus omnem cognitionem suam in systema redigit, veritates universales inter se connectens (§. 2. 3). Quoniam igitur veritates inter se connectuntur, si aliæ per alias tanquam per principia demonstrantur (§. 1); ad demonstrandum propositionem quamcunque datam non sumuntur nisi principia, quæ

in

in systemate continentur. Quamobrem cum propositiones posteriores ex anterioribus legitima consequentia deducantur; iisdem contradicere nequeunt: quin potius posteriora conveniunt prioribus iisque consentanea sunt. Etsi enim tantus sit eorum numerus, quæ in systemate continentur, ut omnium meminisse impossibile habeatur, immo si vel maxime quorundam anteriorum, a quibus tanquam principiis remotis pendet evidentia propositionis datæ, prorsus fueris oblitus, modo propiora noveris, quibus in contexenda demonstratione opus est; nunquam tamen in propositionem aliquam incidere poteris, quæ ulli in systemate contrarietur, cum singulis in eodem contentis consentire debeat, quæ nonnullis consentit instar principiorum demonstrationem ingredientibus. Enimvero intellectus non systematicus non eadem felicitate contradictiones evitat, quam systematicus. Cum enim propositiones inter se minime connectat, sed singulas figillatim expendat, neque principia, quibus ad probandum eas utitur, sufficienter evol-

evolvat, resolutione in alia simpliciora facta, quod intellectus systematici proprium est, immo nec ex iis, quæ sumit, principiis distincta ratiociniorum analysi conclusiones deducat; nihil profecto facilius est, quam ut propositionem aliquam amplectatur tanquam veram, quæ aliis contradicit, quas defendit. Quod si memoriæ non mandavit, quæ tanquam vera ante admisit; fieri omnino potest, ut de eodem subjecto nunc affirmet, quod ante negaverat, vel nunc neget, quod ante affirmaverat. Prostant ejus rei illustria exempla passim apud Autores famam latam consecutos, quæ hic in medium adduci eo minus necessarium existimamus, quo magis obvia sunt & pervulgata. Si cui sufficere videatur ad evitandum contradictiones, ut non amplectemur propositionem nisi veram, cum veritas veritati contradicere nequeat, etsi utriusque consensum minime perspiciamus; ei ambabus manibus largimur ipsum scopo suo potiturum, ubi nunquam admiserit tanquam verum, nisi quod evidenter verum agnovit: etenim ipse *Euclides* in axiomatis,

is, quæ sumit, non aliunde certum reddit lectorem, ea sibi mutuo contradicere non posse, quam quod singula sigillatim notionibus communibus expressis vera deprehendantur. Enimvero non omnium propositionum veritas adeo evidens est, ut citra probationem agnoscat, nec a posteriori propositiones determinatæ tanta facilitate formantur, præsertim ab intellectu minus systematico, ut certi esse possimus, nos rite determinasse subjectum nec nihil eorum omisisse, quibus positis demum ponitur prædicatum, cum & in veritate a posteriori investiganda constans esse debeat rationis ac experientiæ connubium. Neque hic provocare licet ad exemplum *Confucii*, qui, etsi dispositionem naturalem, qua pollebat, ad habitum nunquam perduxerit, ea tamen in moribus & politicis dedit, quæ ab intellectu systematico notionibus convenientibus instructo optime inter se coherere deprehenduntur (§. 7). Etenim *Confucius* nihil tradebat tanquam verum, nisi quod proprio experimento comprobaverat, notionibus singulis

lis ex praxi propria derivatis, ita ut ipsemet subinde magistratum gereret, ne deesset experimentorum in doctrina civili capiendorum occasio. Quotusquisque vero est, qui illius exemplum imitari velit, vel possit, nostro præsertim seculo, ubi tantum non indispensabili lege tenemur, ut plura scire videri velimus, quam scimus, paucissimis tyrannidis consuetudinis jugo cervicem non submittentibus? Si qui in scriptis aliorum, qui, cum systematico intellectu polleant, systematicam offerunt cognitionem, contradictiones sibi offendere videntur, id vitio ipsorum accidit, quod methodileges ignorant & notione contradictionis determinata destituantur. E. gr. Astronomus in parte prima Astronomiæ, quæ spherica appellatur, affirmat, cælum intervallo viginti quatuor horarum cum omnibus stellis circa tellurem rotari; in parte autem secunda, quæ Theoricæ fert nomen, contendit, terram moveri motu vertiginis cælumque quiescere. Quod si quis dicat, Astronomum sibi contradicere, cum uno in loco quietem telluris motumque

cœli, in altero telluris motum cœlique quietem defendat ; is ignorantiam methodi prodit, cum ignoret, quando ex eo, quod apparet, reddi potest ratio alterius, quod itidem apparet, apparens posse sumi tanquam verum citra præjudicium veritatis, non autem idem amplius fieri posse, ubi illius ratio a priori reddenda. Demus vero irrepsisse alicubi in scriptum systematicum aliquam contradictionem defectu attentionis scribentis, cujus variae esse possunt causæ; nullibi sane facilius ea detegatur a lectoribus peritis, quam in istiusmodi systemate, nec alibi, quam hic, facilius corrigetur ipsumque systema integritati suæ restituetur. Quod si *Euclidi* aliquid humani accidisset in conscribendo systemate elementari, ut contradictio aliqua non patens, quæ in omnium oculos cadit, sed latens, quam non nisi intellectus systematicus detegere valet, alicubi irrepsisset; dudum illa ab aliis fuisset detecta pulcherrimumque systema ab hoc nævo liberatum.

§. 15. Quemadmodum vero contradictiones in omni veritatum genere non facilius evitantur, quam si eas
(*Hor. subs. 1729.*) K in

Antinomia in iure vitanda.

in systemata redigas; ita non rectius in jure antinomiarum, si quæ commissa fuerint, deteguntur, & in corpore juris condendo evitantur, quam ubi leges systema quoddam efficiunt. Cum Justinianus Pandectarum opus condidit, disertis verbis præcepit, ut ea adhiberetur diligentia, quæ ad eliminandas antinomias sufficit. *Nulla, inquit (o), in omnibus prædicti codicis membris antinomia aliquem sibi vindicet locum; sed sit una concordia, una consequentia adversario nemine constituto.* Utrum desiderio Principis æquissimi fuerit satisfactum, nec ne; nemo rectius judicabit, quam qui leges in opere Pandectarum omnes in systema veri nominis redegerit: quod etsi difficile sit, non tamen pro impossibili haberi debet. Triplici potissimum labore defungi tenetur, qui arduum adeo opus aggredi audet. Etenim primum in interpretandis legibus danda est opera, ut genuinas notiones iis respondentibus detegamus, rerum magis quam verborum rationem habentes, id quod consonum esse arbitramur.

Celsi

(o). l. 1. §. 8. C. de veteri jure enucleando.

Celsi effato notissimo (p), quod scire
 leges non sit verba earum tenere, sed
 vim ac potestatem, cum vim ac pote-
 statem constituat notio, quæ verbis
 respondet. Et quoniam in cognitio-
 ne veritatum universalium inprimis
 caveri debet, ne errore ullo imbua-
 tur animus, intellectui præsertim syste-
 matico valde nocuus (§. 10); in men-
 te tamen aliorum interpretanda tam-
 diu verba eorum ita explicanda esse,
 ut nullus sit inter ea nec a rebus dis-
 sensus, & supra monuimus, & ratio-
 ne confirmavimus (§. 4. II). Idem
 quoque in interpretandis legibus fieri
 debere tanto confidentius pronunci-
 amus, quod in ambigua voce legis eam
 potius accipiendam esse significationem,
 quæ vitio caret, præsertim cum etiam
 voluntas legis ex hoc colligi possit, idem
 Celsus inculcet (q). Leges deinde re-
 vocandæ sunt ad rationes generales,
 inde tanquam a principiis pendent,
 ita ut positis istis principiis immuta-
 bili consecutionis lege ponantur etiam
 leges. Tandem eadem leges cum
 principiis suis ordinandæ, ut appare-
 at,

K 2

at,

(p) l. 17 ff. de LL. (q) l. 19. cod.

at, tum quomodo principia ista a se invicem, tum leges ab hisce principibus atque a se invicem pendeant: per generalia enim illa principia in luculentam consonantiam leges eriguntur. Sed nostrum non est in præsentem tantis moliminibus differere enucleatius. Ceterum quæ hic de antinomis in jure evitandis præcipiuntur, non tantum jus civile Romanum respiciunt, quod in unum corpus colligi jussit *Justinianus*; sed & de omni jure civili, quocunque in loco & quocunque tempore condatur, nullo respectu habito ad Romanum, accipiendæ sunt. Ponamus enim statuta civitatis cujusdam in systema fuisse redacta; lege quascunque in posterum ferente occasione eidem consonas addere licebit modo a consiliis sit, qui methodo pollet; sine qua coherencia tradere non artis, sed fortunæ est. Quod si jus in systema veri nominis fuerit redactum tum singulari quodam jure *Corporis* nomen merebitur, cum corpus animale systema referat, in quo organa eorumque partes ea lege ordinantur, quæ veritates in systemate ordinari conveniunt.

§. 16. Qui intellectu systematico *Autori-*
 præditi sunt, ab autoritatis præjudi- *tatis præ-*
 cio immunes, & eclecticos agere apti *judicium*
 sunt. Qui enim intellectu pollent sy- *quemodo*
 stematico, iidem non admittunt, nisi *exiatur*
 quod per principia in systemate con- *ex qui-*
 tenta demonstrari potest. Judicant *nam ecle-*
 adeo ex intrinsecis rationibus, minime *cticum*
 autem ex extrinsecis, (quarum diffe- *agere*
 rentiam me luculenter alibi (r) tradi- *possit.*
 disse memini) non tribuentes prædi-
 catum subjecto, nisi vi notionis ejus-
 dem. Enimvero autoritas inter ratio-
 nes extrinsecas locum habet, ad quas
 confugiunt, qui intrinsecas minime
 capiunt. Eclecticum agere dicitur,
 qui ex Autoribus optima quæque se-
 ligit verum a falso separans, certum ab
 incerto discernens. Qui intellectu sy-
 stematico gaudet, is Autorum volu-
 mina fugitivo oculo percurrentes, præ-
 termiſſis in systemate suo jam conten-
 tis attentionem in iis solum propositio-
 nibus figit, quæ sibi nondum perspe-
 ctæ sunt. Eas ubi intellexerit, vel no-
 tionibus suis convenienter explicave-
 rit, ex notione subjecti per principia

K. 3. ex

(r) §. 1004. Log.

ex systemate suo desumpta deducere al-
 laborat: quod si per ea deprehendan-
 tur veræ, eas systemati suo adjicit; si
 falsæ, easdem missas facit (§. 9).
 Atque adeo non eligit nisi veritatem
 consentanea, erroneis ac dubiis eo-
 rum autoribus relictis. Obiter obser-
 vamus hinc apparere, quantum fal-
 lantur, qui eclecticam philosophiam
 demonstrativæ opponunt, quasi ne-
 cessario scopæ sint dissolutæ, quæ ex
 autoribus in eadem principia minimè
 consentientibus eliguntur. Immo
 intellectu systematico instructus ad au-
 tores legendos accedas, non uno mo-
 do contingit, ut, quod paradoxum
 si non prorsus absurdum judicabitur
 plurimis, ab iisdem discas, quæ ipsi
 met ignorarunt sicque ipsis doctio-
 ab eorum libris recedas. Fieri enim
 potest, ut propositio juxta notionem
 systematis tui explicata sensum fun-
 dat verum, quæ ex mente auctoris in-
 tellecta fuerit falsa. Nec minus acci-
 dit, ut alia propositio, quæ certum
 ex autore sensum non habet, talem in
 systemate tuo consequatur, verbis au-
 toris de re cogitandi ansam præben-
 tibus

tibus, quæ alias mentem tuam non subiisset. Ex eadem ratione novo commodo contingit, ut intellectus systematicus ex aliorum erroribus eliciat veritatem, ad quam alias eidem pervenire datum non fuisset. Cum adeo grato animo agnoscat, qui intellectu systematico gaudet, si quis ei vel ansam dederit veritatem investigandi, ab aliis reprehendendis ob errores commissos abhorret ridens intellectum non systematicum, quod ab errore metuat veritati; etenim si in systemate patet veritas, error eidem oppositus sponte sua ruit. Atque ea ratio est, cur intellectu systematico praditi in veritate adstruenda toti sint, in erroribus confutandis nulli, nisi singularis quædam ratio suaserit, aliquem quasi in transitu notari, cum contrario qui intellectum non systematicum habent in impugnandis erroribus toti sint, in veritate adstruenda fere nulli, etiam si errorum refutatio viribus eorum superior sit.

§. 17. Quod si systemata veri nominis *Errorum evidens detectio.* ostent, errores nos parum angunt. *tenim* propositiones apud alios oc-

currentes ubi fuerint propositionibus in systemate contentis contrariæ, eo ipso falsæ deprehenduntur, quod iisdem contrariantur, cum in systemate non contineantur nisi demonstratæ (s). Quodsi erroribus contrariæ propositiones in systemate non occurrant, per eas, quæ in systemate continentur, tanquam per principia vera vel contrariæ erroribus propositiones deducuntur, vel per demonstrationem indirectam falsitas erronearum detegitur ope eorundem principiorum. Ubi contingit per principia in systemate contenta errorem detegi non posse, falsa propositio nobis dubia manet, neque adeo in systema recipitur. Quodsi denique in ipso systemate errores fuerint commissi, lector attentus, si vel maxime tyro sit, eos detegit, ubi demonstrationes rite evoluit, quemadmodum fieri convenit & quomodo fieri debeat alibi (t) docuimus. Systematis nimirum forma debetur facilis erroris in eo admitti detectio, non lectoris acumini, multo minus acumini majori eo, quod autem est, quemadmodum tyronibus subin-

(s) §. 1035 Log. (t) §. 551. & seqq. Log.

de videtur, in quibus defectus iudicii toleratur. Ceterum cum errores in systemate admissi sint adeo evidentes, ut vel tyroni attento pateant; multo minus iidem attentionem auctoris effugiunt, ubi ad eos examinandos accedit mente magis serena & ab iis obstaculis libera, quæ illam, cum systema conderet, impedivere. Quamobrem qui intellectu systematico polent a pertinaci errorum defensione maxime alieni sunt. Etenim si ipsis non unica cordi fuisset veritas, morem communem secuti verbis ancipitibus sua proposuissent, ut iis sensum attribuere possent ab adversariis impugnati, qui commodus tunc videretur, & suæ menti conformia asserere valerent, quæ ab aliis de ea re posthac fuerint detecta. Intellectus enim systematicus non adeo hebes est, ut non perspiciat ista artificia, quibus subinde magna etiam ingenia utuntur, qui vanitate gloriæ ducuntur.

§. 18. Equidem plurima adhuc sunt, quæ de præstantia intellectus systematici in medium afferri poterant: Cur plurimæ rationes addantur de præstantia enimvero cum in posterum in his ho-

K. 5 ris

intellectus
sive syste-
matici.

ris subsecivis data opera de iisdem commodius dicturi simus, quæ nosse juvat, in præsentē ab iis merito abstinemus. Abundē nobis sufficit, patere ex jam dictis satis superque insignem prorsus differentiam, quæ inter intellectum systematicum & non systematicum intercedit, utut ea, quæ maximè utilitatis sunt, veluti studiorum litterariorum uniformitatem, non sine maximo detrimento hodie fere penitus neglectam, silentio præteriverimus.

IV.

De Medico Astronomos imitante.

§. I.

Aliorum
ea de re
sententia.

Archibaldus Pitcairnius, Medicus præclarus, in Oratione, qua ostendit Medicinam ab omni philosophorum secta liberam esse debere (a) contendit, Medicos oportere Astronomorum institutum sibi imitandum proponere, qui non vulgo gratas, aut ab Oratoribus acceptas opiniones in artem suam

(a) Vid Opuscula Medica p. 5, edit. tert. Rotterodam 1714.

nam adsciscant, neque motibus siderum expediendis advocent quantumvis populo placituram de mundo fabulam; sed observationes longa temporum locorumque interca sedine dissidentes motuumque celestium phænomena methodo sibi familiari & omnibus utili conferendo, viresillas definiant, quibus corpora mota ad alia sive mota, sive immota contendunt. Jubet igitur & Medicos observationes, quæ institutæ sunt & ubique instituuntur, circa morbos morborumque auxilia conferre & nulla habita ratione opinionum, quæ sensu perceptis certitudine cedunt, ex eo, quod fieri solet, quid futurum sit ac faciendum colligere. Sententiam Pit-carnianam probant suamque faciunt, qui hypotheses Physicorum commentitias e Medicina exulare jubent & Hippocratis institutum laudant, qui sedulus & circumspectus in observando non aliam admisit theoriam, quam quæ ex observationibus inter se collatis deducitur.

§. 2. Sed nobis jam non proposi- ^{Qua hic}
tum est ab aliis dicta repetere, verum ^{primo}
quid nobis ea de re videatur exponere. ^{loco ex-}
Medici Astronomos imitari ju- ^{penden-}
bentur ^{da.}

bentur in arte salutari excolenda: ut igitur constet, quid imitari debeant, Astronomorum morem propius intueamur necesse est, ne attentionem effugiat quod usui esse possit. Spectanda vero est Astronomia non modo in adulta ætate, quam nunc consecuta est; sed in ipsis incunabulis, ut appareat a quibus initiis creverit & quomodo successive ceperit incrementa. Sic enim plura observare licebit Medico imitanda, quam quæ a *Pitcarnio* annotata fuere, eaque apprime necessaria, ubi scopo suo potiri voluerit.

Observationes primæ Astronomorum & quo modo istæ tantur,

§. 3. Antequam Astronomia nasceretur, non aliæ observationes in potestate erant, quam quæ sua sponte sese offerunt omnibus, ipsi etiam vulgo, oculos in cælum nocturno tempore attollenti, dum stellæ luce sua eosdem perstringunt. Qui igitur ad Astrorum scientiam animum appellabant, ab observationibus communibus initium facere tenebantur, ad quas non alio instrumento opus erat quam oculo in usum contemplationum cælestium a Deo nobis concessio. Omnis adeo Astronomia ad observationes

tan-

tandem communes reducitur ac inde evidentiam suam mutuatur, cum notiones ceteræ in has resolvantur. Ex hisce igitur observationibus, in subsidium vocatis principiis aliis, veluti geometricis ac opticis, colligunt, quæ legitima ratiocinandi forma inde consequuntur. Et hoc pacto primæ enascebantur veritates astronomicæ, ceterarum semina. Cum nos in Elementis Matheſeos Astronomiam in systematis formam redegerimus, a communibus quoque observationibus exorſi ſumus indeque deduximus, quæ ex iis consequuntur, ut ſingulis ſua conſtaret certitudo. Quodſi quis obſervationes communes in Elementis Aſtronomiæ in medium allatas & quæ inde colliguntur attentius conſiderare dignetur; is abundè animadvertet, in iſſis obſervationibus communibus occurrere aliquod diſcrimen, ob quod aliæ alias præcedunt. Omnium enim prima eſt, quæ primo ſtatim obtutu peragitur, neque deliberationem prærequirit, neque moram poſcit, per quam continuetur attentio. Eidem ſuccedunt aliæ, quæ & attentionem deliberatam, & diuturniorem exigunt, ob-

servationibus anterioribus vel iis, quæ ex ipsis deducta fuere, ansam ad ultiores suppeditantibus. Successus, quem experiebantur in anterioribus, attentioni acumen & patientiam jungebat in hominibus sciendi cupidis. Observationes ipsas non recenseo nec quæ inde colliguntur refero, ne repetam alibi dicta.

*Quid faci-
ant A-
stronomi,
si dubia
ex obser-
vationi-
bus colli-
guntur.*

§. 4. Dum vero ex observationibus communibus primas deduxere notiones, fieri haud quaquam poterat, ut singulæ essent certæ, sed quædam dubiæ permanebant, ita ut per observationes communes de earum veritate statuere non daretur. E. gr. cum stella eadem continuo mutet situm respectu puncti cujusdam fixi in superficie telluris dati; per hanc observationem dubium manet, utrum cælum cum stellis circa tellurem quiescentem ab ortu in occasum moveatur, an vero terra ab occasu versus ortum intra cæli quiescentis cavitatem circa axem convertatur. Initio igitur iudicium suum suspendit Astronomus de rei veritate: ut tamen ulterius progredi possit, quod dubium est sumit tanquam verum, vi-
surus

urus quæ inde consequantur & num
ea observationibus ulterioribus con-
sentanea deprehendantur. Immo si
contingat, respectu nonnullorum phæ-
nomenorum hypothèses aliquas æqui-
pollere, quarum una vera esse debet,
dubia utitur tanquam vera, quæ phæ-
nomenis facillime determinandis infer-
vit. Ita cum respectu motus primi,
seu ortus & occasus stellarum hisque
connexorum phænomenorum perin-
de sit, sive cælum terra quiescente
moveatur, sive terra cælo quiescente in
gyrum agatur, prior autem hypothesis
phænomenis motus primi determinan-
dis aptissima sit; hanc sumit tanquam
veram in parte Astronomiæ sphaerica,
quamdiu ipsi nonnisi cum motu com-
muni res est, propterea quod legum
methodi tenax eandem alteri præfer-
ret in hoc casu, etiam ubi jam consta-
ret, alteram veram esse, hanc vero
falsam.

§. 5. Stabilitis per observationes com- *Quomodo*
munes primis notionibus, quærendo- *ad obser-*
rum sese obtulit numerus, quæ antea *vationes*
latebant, ita ut jam constaret, quæ *astrono-*
nam desiderarentur, etsi nondum pa- *micas*
perven-
teret, *erint.*

teret, quomodo iisdem potiri possent. Jam igitur quærenda sibi proposuerunt per modum problematum solvendorum: quorum solutiones cum aggrederentur, iisdem porro innotescerebat, quænam tanquam data præsupponi debeant, antequam solutio sit in potestate. De datis jam solliciti observationes excogitarunt studio acquirendas & certo instrumentorum apparatu instituendas, quas astronomicas appellavere, ut a communibus distinguerentur non minus quam aliis in alium usum conquisitis.

*Quibus
principiis
fuerint
us.*

§. 6. Observationes communes primas suppeditant notiones vel definitionibus nominalibus, vel judiciis intuitivis formandis inservientes. Ex iis itaque solis nihil ratiocinando colligitur; verum aliis insuper principiis opus est. Ut inde colligatur quod certum est, principia certa esse debent. Utuntur autem Astronomi principiis geometricis & arithmeticis, subinde etiam opticis: unde quæ per illa colliguntur nullam incertitudinis labem inde contrahunt. Etenim si contingat ex observatione data certum colli-

ligi

igi non posse; quod inde colligitur, nondum ut certum colligitur, sed ut tale, quod observationi datæ non repugnet, adeoque ea salva esse posset, modo non obstarent alia, cum eadem salva etiam aliter esse queat. Exemplum paulo ante (§. 4) allatum dicta confirmat, quo observatione de continua situs stellarum respectu puncti fixi in tellure dati variatione salva colligitur, vel cœlum circa Tellurem quiescentem, vel Tellurem circa axem intra cœlum quiescens moveri. Antequam igitur observationibus communibus uti poterant ad notiones Astronomiæ fundamentales formandas & inde ulterius modum investigandi per observationes minus communes data, quibus quærenda determinantur, deducere poterant; principiis arithmeticis & geometricis animum imbuebant, a quibus omnis successus unice pendebat.

§. 7. Observationibus astronomicis *Quomodo observationibus utantur astronomicis.* exquisito studio instrumentorumque apparatu institutis eodem modo utuntur, hodiernumque utuntur, quo communibus fuerant uti. Nimirum
Hor. sub 1729. L ap-

applicatis Geometriæ ac Arithmeticæ
principiis, præsertim Trigonometriæ
utriusque regulis, & in subsidium por-
ro vocatis iis, quæ tum ex observationi-
bus communibus, tum astronomicis
anterioribus collecta fuerant, inde col-
ligunt, quæ [inviolabili consecutioni]
lege consequuntur. Est enim Astro-
nomo intellectus systematicus, quem
paulo ante delineavimus, atque adeo
veritates, quas cognoscit, inter se con-
nectit, nec in cognitione rerum ac-
quiescit, nisi eam ad systema reduxi-
rit (§. 4).

*Examen,
quod A-
stronomi
institui-
unt, re-
pertorium.*

§. 8. Enimvero quamvis systema
amant Astronomi, non tamen in
systemate condendo præcipitantia se
dedunt, aut in semel condito acqui-
scunt. Veritatem enim amant, non
systema ipsis placet nisi veritatum,
omni erroris labe immune. Quan-
tobrem cum difficillimum sit in cogni-
scendis rebus a cognitione nostra ta-
procul remotis, cum quibus Astron-
omis negotium est, ad veritatem liqui-
dam pervenire; ideo observationibus
plenam fidem non habent, utut sa-

conscii sint, se omnem adhibuisse diligentiam, quæ ab homine circumspicio adhiberi poterat: neque enim ignorant sibi tanquam hominibus aliquid humani accidere posse, attentione sua in uno ita defixa, ut alterum non advertatur, quod non minus mentis oculorumque aciem in se trahere debebat, resque ipsas ita esse comparatas, ut non prima statim vice satis exacte determinentur. Itaque easdem observationes sæpius repetere non piget, etsi à pluribus jam summa industria celebratas, atque a se ipsis non minore iteratas, ut reperta confirmentur vel corrigantur. Præterea si, quæ inde collecta fuere, veritates universales fuerint, non humerorum determinationes singulares; de novis observationibus solliciti sunt, quibus eadem vel convenientia, vel contraria deprehendantur, ut constet, num iisdem inter ratiocinandi principia locus concedi possit, nec ne.

§. 9. Veritatem cum curæ cordique ^{Ingeni-} abeant Astronomi, non vana dele- ^{cas A-} rantur laude, sed ea unice capiuntur ^{stronomo-} rum.

L 2

quod

quod ea dederint, quæ observationibus
 quam per examina comprobantur.
 Quamobrem ubi ex hypothefi prælu-
 centibus observationibus, sed subinde
 nonnifi methodo conjecturali condi-
 ta, cum ad certa perveniri nondum
 detur, Herculeo prorsus labore ac
 summo acumine deduxere, quæ cum
 observationibus nova industria ad re-
 perta examinandum institutis minima
 aut non prorsus consentiunt; navo
 hypotheseos suæ minime dissimulant,
 sed Astronomis ceteris ipsimet miri-
 candore patefaciunt, ut operis so-
 ciis collatis eos emendare studeant.
 Quodsi alter in veritate detegenda fe-
 licior fuerit, cujus quidem causæ va-
 riæ esse possunt, utut unus alteri non
 ingenio, nec industria cedat; haud
 quaquam eam morosi aspernantur,
 multo minus errorem suum ridiculum
 incrustant & invidiosi alterum tradu-
 cunt, sed veritatem potius misso errore
 suo ambabus manibus complectuntur,
 eaque systemati suo illata, quod men-
 te comprehensum tenent, ad ulteriora
 utuntur, ut cum sænore eam reddant
 inventori.

§. 10. Ita quidem Astronomi con-<sup>Quomo-
do idem
labor con-
tinuetur
per omnia
secula.</sup> junctis viribus faciunt, quod possunt,
& quæ ipsimet propter rei difficulta-
tem assequi nondum valent, ea poste-
riorum industriæ relinquunt. Quemad-
modum enim ipsimet grato animo
agnoscunt, quod prædecessores sui im-
perfecta reliquerint, sine quibus ad per-
fectiora ipsis pervenire non datum fu-
isset; ita eundem animum gratum a
posteris non vana spe sibi pollicentur,
quos non minus agnituros esse certum
est, quod, quæ ipsimet ad eos trans-
mittunt, sibi ad ulteriora, quæ asse-
quentur, profuerint. Sic idem labor
continuatur per secutura secula, in
loca defunctorum succedentibus aliis,
qui idem faciunt, quod facturi erant
illi, si immortalem naturam Dei mu-
nere accepissent. Atque hisce demum
moliminibus Astronomia a principiis
tenuibus ad altum fastigium erecta at-
que continuo magis magisque expoli-
tur, praxique inservit humano generi
& utili, & jucunda.

§. 11. Hæc quidem ea sunt, quæ <sup>Cur non
plura de
Astrono-
morum</sup> de Astronomorum studio atque labo-
re in veritate astronomica indaganda

*molimi-
nibus di-
cantur.*

in medium afferre libuit, ut constet
quamnam Medicus imitari debeat. Ni-
hil asseruimus, quod non ipso facto
doceri possit. Ab exemplis tamen ab-
stinuimus, quod tantam prolixitatem
minime ferat præsens institutum. Si
quis vel nostra Astronomiæ elementa
attenta industria evolverit, de facto
minime dubitabit. Absit tamen ut
quis sibi persuadeat, nos hic propo-
suisse omnia, quæ in Astronomo imi-
tari possit Medicus. Superfunt be-
ne multa eaque præclara, sed ex inti-
miori Astronomiæ cognitione eruen-
da, non tamen ea, quæ in principio
imitamenti usui esse possunt. Nobis
adeo in præsentem sufficit ea propo-
suisse, quæ eidem feliciter inchoando &
per tempus bene multum continuand-
do inserviunt. Ipse nimirum succes-
sus, quem experientur Medici Astro-
nomos imitaturi, animum addet ad
Astronomorum molimina curati-
pensitanda, ut plura adeo utiliter ad
imitationem proponenda innotescant.
Immo quemadmodum ipse progres-
sus Astronomos docuit, quid ulterius
fieri conveniat, moliminibus ante-
rioribus

oribus non amplius satisficientibus, si quem imitarentur haberent neminem; ita nullum prorsus dubium superest fore, ut, ubi Medici Astronomis similes evaserint, ipsimet videant, quibus artificiis opus sit, ut ad ulteriora progrediantur. Nos aliquando plura de Astronomorum arte, qua in veritate investiganda utuntur, docuimus, quando omnem inveniendi artem hactenus receptam & utiliter adhibitam ad regulas revocabimus, revocatas rationibus confirmabimus, rationibus confirmatas systemati aptabimus idemque systema novis regulis ex iisdem principiis, quibus receptæ nituntur, atque iisdem regulis, quas usus introduxit successusque comprobavit, locupletabimus. Nunc igitur scopum nostrum nos assecutos fuisse existimamus, ubi docuerimus, quomodo ea, quæ in Astronomis hactenus commendavimus, utiliter imitari possit ac debeat Medicus.

§. 12. Enimvero ne quis existimet, ^{Affinitas} Medicinam ab ^{Astronomia} Astronomia toto cælo ^{Medicina} esse diversam, ut Medicis perperam ^{Medicina} ad imitandum proponatur, quod ab ^{na.}

L 4

Astro-

Astronomis utiliter ac prudenter factum, nec decantatum istud ingeminet: duo cum faciunt idem, non esse idem, ante omnia ostendendum est, eam intercedere inter Astronomiam atque Medicinam cognationem, ut una eademque methodus utrique excolenda aptari possit. Astronomia tota ab observationibus pendet, quibus tanquam basi innititur, a priori nunquam eruenda, atque præterea ita comparata est, ut conjecturis ab initio opus sit, quæ nonnisi iteratis observationibus emendantur ac perficiuntur, donec tandem in veritatem liquidam degenerent. Medicina similiter ad observationes & initia, & incrementa sua refert, nec quicquam hic effeceris, si hypothesibus indulgens a priori deducere volueris, quæ ad eam pertinent. Res quoque hic adeo absconditæ sunt, ut nonnisi conjecturis initio assequi detur, quod adsint: quæ non minus ac in Astronomia ulterioribus observationibus corriguntur & correctæ firmanentur. Utrique adeo scientiæ, astronomicæ atque medicæ, eadem methodus convenit, nempe quæ

posteriori eruit veritatem latentem, quam primum conjectando utcunque assequimur.

§. 13. Quod si ergo Medicus Astro- *Observa-*
nomum imitari velit, de quocunque *tiones*
objecto ad artem salutarem spectante, *primæ Me-*
veluti de morbo quodam dato, pri- *dicorum*
mum colligere debet observationes *et quo-*
communes sive obvias, quæ quasi *modo iis-*
sponte sua sese offerunt & observato- *dem uti*
ris oculos perstringunt (§. 3). Nec *debeant.*
obstat observationes istiusmodi jam
dudum ab aliis fuisse annotatas, im-
mo ipsi vulgo cognitæ: etenim si quis
ipse oculorum ac mentis aciem in eas
intendit, & rectius, & clarius intelli-
git, quid sibi velint, quam si ab aliis
relata tantum cogitat. Ex his autem
observationibus, in subsidium vocatis
principiis aliis, de quibus mox diser-
tius dicemus, prima artis Medicæ de-
ducere debet stamina, legitima ratio-
cinandi forma colligens, quod inde
sequitur. Neque enim admittere de-
bet, nisi quæ citra paralogismum ex
observatis inferuntur.

§. 14. Raro observationes primæ ita *Quid fa-*
runt comparatæ, ut liquida inde ve- *cere de-
at Medi-*
ritas *cus, si*

dubia ex
observa-
tionibus
colligun-
tur.

ritas colligatur : quin perinde ac in
Astronomia sapissime continget , ut
ex observatis illata dubia adhuc sint, &
a certitudine longo adhuc intervallo
remota. Non tamen ideo rejicienda
sunt tanquam inutilia, sed iisdem uti-
tendum est, cum incertorum ope ad
certa perveniamus, quæ alias nunquam
affecuturi fuisset. Nimirum inquir-
endum est in causam incertitudinis
eaque cognita in modum impedinen-
ta ista remoyendi. Unde jam aperie-
tur campus observationum exquisitio-
ri industria quarendarum, nec non
experimentorum utiliter instituendo-
rum, de quibus alias ne somnians
quidem cogitasset. Immo dum
ex observationibus primis propositio-
nes determinatas condere vel ex iis ta-
les inferre conabitur Medicus Astro-
nomi imitator; quid observationibus
istis adhuc desit intelliget, quo minu-
huic molimini sufficiant. Licebit adeo
easdem observationes accuratiori in-
dustria repetere, ut defectus anteriorum
suppleantur. Ita & observatio-
num imperfectio, & ex iis collectorum
incertitudo, & quæ exinde certo ver-

collegimus, quærendorum campum amplissimum aperient, in quibus & ingenium, & observandi diligentiam exercebit Medicus, qui tanto molimini par est.

§. 15. Enimvero cum ex observatis non formare liceat nisi judicia intuitiva, ex quibus nullam inferre licet conclusionem, nisi in subsidium vocatis principiis aliis, quemadmodum satis intelligunt, qui ratiociniorum in veritate eruenda usum perspectum habent (b); non immerito quæritur, quænam sint illa principia, quæ Medico hic usui esse possint, & num prostant istiusmodi principia, quæ non minorem certitudinem habent mathematicis, quibus utitur Astronomus (§. 6). Habet Medicus principia anatomica, quæ cum oculorum testimonio confirmata sint, notionibus communibus æquipollent, ab exemplis quotidianis mentis acie separatis. Cumque Medico nunc indaganda sint causæ effectuum observatorum, nunc ex adverso effectus datarum causarum, nunc discernenda sint rerum attributa atque modi,

*Quibus
principiis
utendum
sit.*

(b) §. 551 & seqq. Log.

modi, nunc determinantia atque determinata; nunc constituenda genera & species rerum &c. usui ipsi sunt notiones philosophiæ primæ, quas esse communes a confusis ad distinctas revocatas in philosophia prima ostendimus, ita ut earum evidentia pateat in exemplis, si vel maxime ignorentur demonstrationes, quas primi damus in philosophia prima, quæ proxime publici juris fiet. Ipsa Mathesis, quemadmodum ibidem clarissime docemus, evidentiam suam omnem ab iisdem mutuatur: non igitur verendum, ne Medicina lucem ex tenebris arceßat inani conatu, si ad philosophiam primam confugiat, quam nos effecimus certam ac evidentem. Sunt præterea principia physica, quæ ex observationibus atque experimentis eodem modo derivata sunt, quem Medico Astronomum imitaturus commendamus, aliena ab hypothefibus gratis confictis, quibus vulgo delectantur homines si bimet ipsis placentes, si plura scire imperitis videantur quam sciunt, aut scire possunt. Suppeditat quoque chymia principia, quæ experimentis certis

is nituntur atque physicis modo dictis æquipollent. Quodsi ergo Medicus circa hæc principia eam adhibeat curam & diligentiam, quam veritatem a posteriori investigaturo in opere nostro Logico commendamus; non est quod suspecta habeat, quorum veritas a posteriori longe clarissime patet. His ergo, quæ commemorabimus, non aliis principiis si utitur, Medicinam ab hypothesebus liberam conservabit, quemadmodum exemplo suo suaserat senex divinus *Hippocrates*.

§. 16. Nullum profecto dubium est, si Medicina solis observationibus promoveatur, hypothesebus in eam non admissis, nisi quatenus ansam observandi & experimentandi præbent, nequaquam autem tanquam principiis, quibus theoria & praxis Medica superstruatur; Medicos eundem experiri debere successum, quem experiuntur Astronomi. Ut vero artem salutarem continuo magis magisque perficiant, propositiones determinatas, quibus theoria & praxis ipsorum constet ad imitationem Astronomorum efficta, cum observationibus ulterioribus continuo

*Quomodo
progredi-
endum
in Medi-
cina con-
tinuo per-
ficienda.*

tinuo conferre debent, ut appareat, num constans earundem sit cum experientia consensus, emendaturi & suppleturi defectus, quos deprehendunt, rejecturi quæ erronea experiuntur, addituri quæ nova detegunt. Ipso & enim progressu non minus ac Astronomi reddentur acutiores in observando & major continuo sese offeret quarendorum numerus, de quibus antea cogitare minime dabatur.

Concordia & ingenuitas Medicorum.

§. 17. Dum vero solis observationibus Medicinam promovent Medici rationis ac experientiæ connubium perpetuum sancte custodientes, non tantus erit principiorum & opinionum dissensus, sed facile ad concordiam redibunt, cum observationes sibi mutuo non contrariantur, si rite instituantur, principia anatomica & cetera, de quibus modo diximus (§. 15), eadem sint nec modus ratiocinandi alius nisi idem. Unde si contingat aliquem alicubi cespitare, alter haud difficulter errorem detegat ac corriget. Cumque Medicus Astronomum imitatus veritatis amore capiat, non minor quoque ejus erit ingenuitas quam Astronomi, ejusque exem-

plo

lo ipse non dissimulabit difficultates, quibus propositiones a se conditas subiectas esse deprehendet, nec aliorum operam aspernabitur, quam ad eas tollendas afferunt.

§. 18. Quemadmodum autem Astro- *Qualem theoriam intendat Medicus Astronomi imitator.*
 nomi ad praxin unice respiciunt, nec aliam amant theoriam, nisi quæ illi servit; ita quoque Medicum Astronomi imitorem non alia juvat theoria, quam quæ praxi præbet firmum fundamentum: quo ipso amore animus ab hypothefibus alienabitur, quæ aut praxi nullum præsidium afferunt, aut prorsus nocumendo sunt. Atque hac ratione posterius utentur iis, quæ ab antecessoribus accepere, atque Astronomorum more conjunctis omnium viribus ars salutaris promovebitur ac indies nova capiet incrementa. Nullus equidem dubito fore ut hæc, quæ diximus de Medico Astronomum imitante ad plurimum sint palatum, si de singulis specialem tractationem instituere liceret; sed ea quidem a præsentis instituto aliena est. Dabimus autem in posterum, quæ etiam ista capita illustrant.

Finis Trimestris brumalis.

CONSPECTUS TRIMESTRIS BRUMALIS.

I.

*De habitu philosophiae ad publicam
privatamque utilitatem apta, 1.*

II.

*De Notione juris naturæ, genti-
um & civilis juxta l. 1. §. 3. &
l. 9. ff. de Justitia & jure, 37.*

III.

*De differentia intellectus Systema-
tici & non Systematici, 107.*

IV.

*De Medico Astronomos imitante,
154.*



**HORÆ SUBSECIVÆ
MARBURGENSES,**

ANNI M DCC XXIX.

QVIBVS

PHILOSOPHIA

AD

PUBLICAM

**PRIVATAMQUE UTILITATEM
APTATUR.**

AUTORE

CHRISTIAN. WOLFIO,

CONSILIARIO AULICO HASSIACO, MATHEMA-
TICÆ AC PHILOSOPHIÆ PROFESSORE PRIMARIO,
IN ACADEMIA MARBURGENSI, ET ORDINIS PHI-
LOSOPHORUM p. t. DECANO, PROFESSORE HO-
NORARIO PETROPOLITANO, SOCIETATUM
REGIARUM BRITANNICÆ AC BORUSSICÆ
SODALI.

TRIMESTRE VERNALE.

FRANCOFURTI & LIPSIAE MDCGXXIX.

PROSTAT IN BIBLIOP. RENGHERIANO.

HORÆ SUBSECIVÆ HARBURGENSES,

ANNI MDCCXXIX.

Trimestre vernale

I.

De Hypothesibus philosophicis.

§. I.

Hypotheseos philosophicæ no-^{Hypothes-}
tionem explicavimus in Di-^{sis philo-}
scursu præliminari, quem de^{sophica}
philosophia in genere operi nostro^{quid sit.}
logico latino præmisimus (a). Con-
stituitur nimirum hypothesis philoso-
phica per ea, quæ sumuntur ac si es-
sent, utut haud quaquam demonstra-
re valeamus, quod revera sint, quo-
iam per ea ratio reddi potest pha-
nomenorum, quæ observantur. Ita
experientia constat, cibos in ventricu-
lo dissolvi, quos per gulam in eundem
ingerimus : qua vero ratione idem
(Hor. *subf.* 1729.) M fiat,

(a) §. 126.

fiat, non æque observatur. Quando itaque *Pitcarnius*, præclari nominis Medicus, structuram ventriculi considerans, vi cujus ad varios motus idoneus deprehenditur, sumit solo motu ventriculi cibos in ventriculo redigi ad formam sanguini reficiendo idoneam (b), utut demonstrare nequeat, solo hoc motu cibos ventriculo ingestos in eam redigi formam, quam in eodem adipiscuntur; motus ille ventriculi, quatenus causa sufficiens immutationis ciborum in eodem factæ statuitur, in hypothesium numero est. Similiter observamus, certi in organis sensoriiis mutationibus respondere certas in mente perceptiones & ad nutum mentis sequi motus in corpore nostro organico ejus structuræ ac naturæ convenientes, le quomodo idem fiat non æque patet. Quamobrem cum *Cartesius* sumit, fieri efficaci Numinis voluntate, demonstrare non possit, hoc modum non alio obtineri modificationum

(b) in dissert. de motu, quo cibi in ventriculo rediguntur ad formam sanguini reficiendo idoneam, quæ legitur in opusculis Medici p. m. 64 & seqq.

mentis ac corporis consensum; causa commercii mentis cum corpore a *Cartesio* assignata hypothesebus philosophicis accensenda. Similiter quando *Leibnitius* sumit, animam pariter ac corpus agere quod suum est, consensum vero obtineri harmonia a Deo omniscio ac sapientissimo præstabilita, etsi demonstrare non possit eidem revera esse locum; systema ejus harmoniæ præstabilitæ hypothesis philosophica est. Pari modo *Cartesii* tria elementa, quæ phænomenorum naturæ explicandorum gratia sumit, etsi demonstrare non possit omnem materiæ divisæ differentiam ad trium elementorum istorum qualitates redire, omniæque naturæ phænomena per eadem explicari modo intelligibili posse, hypothesis philosophica sunt.

§. 2. Ut igitur hypothesebus philosophicis justum pretium statuamus, ^{Ratio, cur hypothesi} probe perpendenda venit ratio, cur ^{condan-} eadem condantur. Tenendum ita- ^{tur.} que fieri non semper posse, ut ex effectu a posteriori observato certo colligatur causa ac inde porro ratio, per quam intelligitur, cur causa ista effe-

M a ctum

ctum datum producere possit. Quid hic a nobis fieri possit, in Logica (c) docuimus. Uberiorem huic argumento lucem affundemus in philosophia prima, ubi notionem causæ & effectus evoluturi sumus, & inprimis olim in Arte inveniendi, ubi ex instituto regulas trademus investigandi causas rerum ac detegendi modum, quo effectum datum producant. Interim ex iis, quæ in Logica ea de re docuimus, jam satis superque intelligere datur, duas inprimis esse rationes, cur effectus alicujus causa latens & modus, quo ea effectum producit demonstrativa ratione detegi non possit. Etenim ut a posteriori quid colligatur opus est & observationibus, unde formantur judicia intuitiva, & principiis universalibus, quæ iisdem jungenda, ut ratiocinando perveniatur ad judicium discursivum. Quamvis adeo ratiocinandi habitu polleas, ut formam demonstrationis, quam in omni ratiocinatione sancte custodiri convenit observes; duplex tamen obstaculum obijci potest, quo minus ad veritatem pervenire possis. Quod si quis qua-

quæsitam pertingas. Etenim aut observationes incompletæ sunt, ut per ea, quæ observare datur, quæsitum minime determinetur; aut principia universalialia ignorantur, quibus præterea opus est, ut, quod per illa determinatur, inde colligatur. Immo sæpiissime utrumque obstaculum una obijcitur. Aut igitur a cognitione rei prorsus est abstinendum, aut ad hypotheses confugiendum. Etsi autem prius consultius videri possit, cum ignorantiam suam profiteri præstet, quam cognitionem dubiam amplecti, ex subsequentiis tamen elucescet, rectius sibi ac scientiæ consulere, qui posterioris rationem habent. Utut enim non infrequens sit hypotheseum abusus; suus tamen iisdem quoque constet usus.

§. 3. Hypothesibus adeo locus esse non debet, ubi ad veritatem liquidam ^{Quando} ^{hypothese} ^{ses non} ^{tolerant} ^{da.} pertingere licet. Etenim hypotheses ultra probabilitatem non progrediuntur, atque adeo prorsus certæ non sunt, sed cum formidine oppositi adhuc conjunctæ manent. Ubi vero ad liquidam pertingere datur veritatem,

M 2 omnis

omnis formido oppositi exulat. Equis ergo in dubium vocare aufit cognitionem certam præferendam esse incertæ? Quamobrem cum in Physica multarum rerum cognitio certa haberi possit, si ex observationibus certis derivantur, quæ ratiocinatione legitima inde colligere licet; illorum omnino institutum parum nobis probatur, qui hypotheses generales fingunt, ut inde omnem rerum naturalium cognitionem a priori derivent, aut saltem phænomenorum observatorum rationem ex iis exsculpent. Atque ea de causa in Physica ab istiusmodi hypothefibus generalibus quam maxime sumus alieni & nuper (d) *Pitcaronii* assensum valde probavimus, quo Medicinam ab omni hypothefi liberam esse jubet.

Est hypothefibus non sic utendum tanquam principio in demonstrandis veritatibus aliis.

§. 4. Nullum præterea hypothefibus philosophicis locum concedimus, ubi principiis generalibus ad ratiocinandum opus est, sive quid a posteriori colligendum, sive a priori eruendum, aut demonstrandum. Ea fini-
jam

(d) in Trimestri brumali num. IV.

am alias (e) prohibuimus, ne hypotheses ingrediantur tanquam principia demonstrationem propositionum, quæ in philosophiam tanquam dogmata admittuntur. Cum enim hypotheses incertæ sint, major autem certitudo conclusioni inesse nequeat quam fuerat in præmissis, quemadmodum nemo ignorat, nisi qui principiorum logicorum prorsus fuerit ignarus; si iis utimur tanquam principiis ratiocinandi, quicquid vel ex observatis, vel ex assumtis colligitur, incertum est. Quamobrem si quis hypotheses a veritate demonstrata aut per experientiam evicta non distinguit, sed omni propositione in ratiocinando promiscue utitur, is certa cum incertis confundit, nec errorem evitare potest, saltem periculo errandi continuo sese exponit. Quod si ergo dogmata hypothesebus superstruas, quibus ad dirigendas actiones opus habes; incerta theoria incertam quoque pariet praxin. Ubi ergo praxis incerta periculosa est, quemadmodum in moralibus & Medicina; ibi hypothesebus prorsus

M 4

fus

sus est valedicendum, nec permittendum, ut ab iis ullo modo praxis pendeat.

*Quamnam
sit usus
hypothesium phi-
losophicarum.*

§.5. Quamvis autem praposterus hypothesisum philosophicarum usus merito damnetur; non tamen ideo earum tollendus est usus. Quemnam usum eadem habere possint, alias jam demonstravimus (f). Concedendus iis est in philosophia locus, quatenus ad veritatem liquidam inveniendam viam sternunt. Hunc earum usum dudum fecere Astronomi. Quodsi philosophi eos imitentur, quantum praesidii ad veritatem latentem investigandam afferant hypotheses, re ipsa experientur. Qui in Astronomia hospes est, ut nimis difficile ipsi videatur hypothesisum genuinum usum ab Astronomo discere; is Arithmetico- rum morem imitetur parem hypothesisum cum Astronomis usum in divisione ac radicum extractionibus facientium: quemadmodum me indicasse memini in Elementis Arithmeticae latinis (g). Nimirum quando divisor compositus est, ut beneficio abaci Pytha-

(f) in discursu praelim. §. 127. (g) §. 125.

thagorici non innotescat, quoties is in notis dividendi eidem respondentibus contineatur; ad hypothefin confugimus fumentes, quod sapius fallere debet, divisionem in istis notis toties contineri, quoties nota divisoris prima in nota prima vel duabus primis dividendi eidem respondentibus contineatur. Etenim ubi hujus hypotheseos ope quotum hypotheticum investigavimus, mox ducto eodem in divisorem hujus multipulum cum notis dividendi eidem respondentibus comparamus: qua ipsa collatione innotescit, utrum quotus sit bene positus nec ne. Quodsi quotus per hypothefin determinatus fallit, vero major deprehensus; tamdiu unitate minuitur, donec satisfaciat. Quando itaque hypotheticum non admittitur, nisi postquam examine facto veritati consentire deprehenditur; hypothefium ope ad veritatem liquidam pertingimus. Sane eodem modo Astronomi motuum cœlestium phænomena numero haud pauca perpendentes, cum eam eorundem causam ob rationes easdem, quas paulo ante (§.2.) com-

memoravimus, ex observatis legitima
ratiocinatione colligere nequeant; ex
phanomenis obviis nonnullis inferunt,
qualia poni debeant, ut ea sola inde
sequantur, fumentes interea, quod sa-
pius fallere potest, hypothesein phano-
menis omnibus satisfacere, quæ satis-
facit nonnullis. Quamobrem ut ap-
pareat, num hypothesis sit bene po-
sita; ex eadem porro colligunt, quæ
recta ratiocinandi forma inde conse-
quuntur eadem cum phanomenis ce-
teris vel jam observatis, vel per obser-
vationem eruendis collaturi, ut appa-
reat observatorum cum hypothese vel
consensus, vel dissensus. Quodsi dis-
sensus deprehendatur, hypothesein
emendant, atque sic continuo magis
magisque ad veritatem appropin-
quant. Quod vero faciunt Mathe-
matici cum in Astronomia, tum in A-
rithmetica, adeoque non minus in
Mathesi pura, quam mixta; idem ex
nostra hypotheseum philosophicarum
notione a priori consequitur, ut adeo
genuinam hypotheseum philosophica-
rum usum non ob exemplum, sed ra-
tionem admittere debeamus. Etenim

co in cafu, ubi, quæ per obfervatio-
nem dantur, non fufficiunt cauſæ de-
tegendæ ejusque influxui determinan-
do, ſumimus tanquam cauſam, quod
eam eſſe probari nequit, propterea
quod ea poſita intelligamus, quomo-
do quæ obſervantur determinentur.
Antequam igitur hypothefin bene po-
ſitam affirmari poſſit, examine opus
eſt. Examen inſtituimus, ubi a pri-
ori ex hypothefi legitima ratiocinatio-
ne deducimus, quod inde conſequi-
tur, idemque cum obſervationibus vel
jam extantibus, vel ea fini conquiren-
dis conferimus, ut vel conſenſu ea-
dem confirmetur, vel ex diſſenſu emen-
detur. Atque ita more Aſtronomo-
rum continuo magis magisque ad ve-
ritatem appropinquamus, donec tan-
dem ſæpius frustrato ſucceſſu eadem
potiamur. Si quis hunc hypothefi-
um uſum in philoſophia reſpuit, in ea-
dem admittere nolens, niſi quod jam
certum ſit ac exploratum, is progres-
ſum ſcientiarum multum remorabitur,
tamen pro virili promovere phi-
loſophi eſt.

Quando
hypothese-
ses in er-
rorem
minime
deducant.

§. 6. Neque vero verendum est, si hypothesebus ita utamur, ut in errorem incidamus, vel minimum periculo errandi nos exponamus. Etenim hypothesebus non utimur nisi ad reddendas rationes eorum, quæ observantur, & quæ inde a priori deducuntur non alio fine adhibentur, quam ut novis observationibus ac experimentis inserviant. Quando ex hypothesebus rationem reddimus eorum, quæ observantur; demonstrationes inde condimus a priori propositionum, quas a posteriori eruimus. Si in propositionibus vi experientiae formandis nostram non desiderari patiamur industriam, eadem veræ sunt. Quare si vel maxime contingat, hypothesein a vero aberrare, propositioni veræ falsam jungimus demonstrationem. Cum vero demonstrationes non alium habeant usum, nisi ut veritatis a priori convincamur, in propositionibus autem applicandis locum nullum prorsus, quemadmodum ex iis satis intelligitur, quæ de habitu philosophiae ad publicam privatamque utilitatem in trimestri superiori dicta sunt; si ve

maxime demonstratio, quam a priori
lare prætendimus, fuerit falsa, modo
propositio sit vera, nihil tamen inde
periculi metuendum. Multo minus
autem periculi quid imminet, ubi iis,
quæ ex hypothefibus a priori colligi-
mus, non utimur nisi ad examina hy-
pothesium, ut earum veritas vel con-
firmetur, vel, si quis admissus fuerit
error, corrigatur: id quod adeo evi-
dense est, ut meridiei lucem inferre co-
netur, qui illud demum rationibus
evincere studeat. Patet adeo a genu-
ino hypothesium philosophicarum usu
nullum metuendum esse errorem; sed
potius multiplex veritatis incremen-
tum. Ut hætenus dicta rectius in-
telligantur, lubet uno alterove exem-
plo eadem illustrare. Constat a poste-
riori, hominem incedere atque adeo
e loco uno in alterum sese conferre
posse. Ponamus Physicum, dum in
rationem incessus inquirat, ad verita-
tem liquidam pertingere non posse,
adeoque ad hypothefin confugere.
Ponamus eum incidere in hypothefin
falsam, qua posita impossibile est, ut
homo incedat atque e loco uno in al-
terum

terum fefe conferat. Nihil tamen inde periculi incessui hominis imminet. Falsa hypothefi ad incessum hominis explicandum ufus eodem modo incedet ac is, qui veram fuit amplexus, vel ab omni abftinet in eo acquiefcens, quod fieri poffe a posteriori cognovit. Raderetur autem non immerito, qui inde inferre vellet, hypothefi hac homini adimi potentiam incedendi, homines in pofterum non amplius effe incessuros, fed lapidum inftar eidem loco adhæfuros, atque adeo oratores facros nullos in templis habituros effe auditores & Principibus defuturos effe milites, qui patriam defendant, immo non amplius fore homines, qui agrum exerceant, confequenter totum tandem humanum genus fame periturum. Similiter indubia experientiae fide innouit connubium inter mentem atque corpus, quo mentem & corpus ita agere certum eft, ac fi in fe invicem influerent: ut adeo, qui a vitio subreptionis in experiundo fibi cavere nequeunt, tanquam experientia comprobatum fumant, animam in corpus & corpus in animam influere. Quod
ani-

nima & corpus eodem prorsus modo
gant ac si in se mutuo influerent,
ideo certum est, ut nemo id in dubi-
um vocare auset, qui mentem a cor-
pore distinxit, nec utramque substan-
tiam in unam confudit. Enimvero
cum rationem reddituri philosophi ad
veritatem liquidam pertingere non
possent, ad hypotheses sese recepere
visuri, num earum ope illam tandem
in lucem protrahere detur. Hinc
Scholastici influxum physicum, qui
apparet, sumere tanquam realem ac
inderationem illius commercii dede-
re. Cum influxus physicus suppo-
nat transitum alicujus rei de subjecto
in subjectum ac alia inde sequantur,
quæ cum principiis rerum non satis
consentiunt; *Cartesius* hypothese in-
fluxus physici substituit aliam, nempe
immediatum concursum Dei secun-
dum potentiam ordinatam agentis, ita
ut actiones animæ & corporis con-
sentientes consequantur vi legis cujus-
dam universalis a Deo in prima origi-
ne rerum sapienter sancitæ. *Leibnitius*
denique hypothesein tertiam excogita-
vit, in qua animam & corpus sibi re-
linquit,

linquit, ita ut anima agat, quod suum est, corpus itidem, quod ad ipsum pertinet, utriusque autem actiones inter se consentiant ob harmoniam inter eas stabilitam, dum Deus in æternis rerum ideis, quas intellectus ipsius produxit, pervidens corpus animæ libere agenti in actionibus suis harmonicum, id eidem junxit, cum non esset aliud, quod cum ea unum suppositum, quod hominis nomine compellamus, constituere posset. Harum hypotheseum singularum, quemadmodum hypotheseum philosophicarum in universum omnium, non is est usus, ut inde a priori determinetur, quænam ab anima & corpore proficisci possint, ac actionibus istis convenientes facultates determinentur, quibus cedere debeant, quæ indubia experientiæ fide constant, (ecquis enim erit adeo alienatæ mentis, ut vel somniando in cogitationes tam absurdas incidat?); sed illarum potius usus huc redit, ut inde rationes eorum, quæ observantur, a priori exsculpamus visuri, quantus sit hypotheseos cum observationibus, hoc est, cum veritate consensus, & ut porro

ex

ex iis a priori deducamus, quæ legitima consequentia inde fluunt, ut ad observandas animæ ac corporis actiones harmonicas reddamur attentiores, dum pervidere conamur, utrum experientia suggerat hypothefi conformia, num adversa, eandem emendaturi, ubi posterius accidit, atque ita in intimiorem animæ cognitionem penetremus, ad quam absque hypotheseos præsidio non fuimus perventuri. Hunc usum inprimis hypothefis *Leibnitiana* habet, id quod philosophis acutioribus satis superque exploratum.

§. 7. Diximus jam ante (§. 5), hypothefes ita esse debere comparatas, Quomodo ad hypothefes utiles perveniatur. ut per eas quædam phænomena sufficienter explicari possint, consequenter non modo absolute possibiles esse debent, ita ut ab omni contradictione liberæ sint, verum etiam iis positæ poni debent, quæ observantur, & iis, quæ observantur, sublatis tolli necesse est ipsas hypothefes. Sumamus hypothefin maxime communem astronomorum, qua in parte Astro-
(*Hor. subs. 1729.*) N nomi-

nomiæ sphaerica unanimi consensu utuntur omnes, de motu cœli cum omnibus mundi corporibus totalibus circa terram in medio sphaeræ mundanæ quiescentem æquabili, eodem temporis intervallo constanter absolvendo. Si hanc hypothefin ponas, illico inde priori consequuntur phaenomena motus primi sive communis &, si phaenomena motus primi tollantur vel alia ab iis diversa fingantur, hypothefis non amplius subsistit. Datur adeo necessarius nexus inter quædam, quæ observantur, & hypothefin, ita ut, si eadem ceteris phaenomenis una satisfaceret, naturæ rerum consentanea merito judicaretur: enimvero ubi examine instituto (§. 5) occurrunt, quæ cum eadem parum consentiunt, ab illa aliena deprehenditur. Ita Astronomi inter hypothefin de motu communi & ejus phaenomena nexum necessarium agnoscunt: ast ubi ad phaenomena motus proprii explicanda progrediuntur, eam huic parum consentientem experiuntur. Nimirum quæ in hypothefi sumuntur ad reddendam rationem eorum, quæ observantur

deoque certa experientia fide nituntur, ea in determinantium numero sunt, quemadmodum quæ observantur in numero determinatorum. Datur autem, prout in philosophia prima demonstravimus, nexus necessarius inter determinantia & determinata, vi cuius ex determinato assumpto legitima ratiocinandi forma, quam demonstrationibus convenire ostendimus(g), colligi potest determinans & ex determinante assumpto vicissim determinatum. Si cui in his difficultates quædam inesse videntur, is nondum satis perspectam habet notionem determinantis atque determinati nec sufficienter expendit differentiam, quæ inter rationem atque causam intercedit: quod utrumque ex philosophia prima addiscendum. Hypotheses adeo inutiles sunt, in quibus contrarium obtinet, nempe ubi finguntur, quæ in natura rerum existere posse demonstrari nequit, & ex quibus legitima ratiocinandi forma non colliguntur quæ observantur. Istiusmodi hypo-

N 2 pothe-

potheses pro dolor! magno numero apud philosophos prostant & in earum inprimis censum veniunt illæ generales, quæ ex notionibus quibusdam deceptricibus ad similitudinem quarundam confusarum confictis omnem rerum naturam, vel saltem amplissimam modificationum ad commune aliquod genus referendarum congeriem explicare debent.

*Quomodo impossibile
hypotheseos demonstratur.*

§. 8. Sed nostri jam instituti est, ut hypotheseum philosophicarum theoriam ad praxin transferamus. Primum itaque perpendendum est hypothesis in numero possibilium contineri debere (§. 7): quod quamdiu non patet, longo adhuc intervallo a probabilitate hypothesis distat. Deest enim primum ad veritatem requisitum, cum in rerum natura existere nequeat, quod absolute impossibile est. Qua ratione impossibilitas absoluta demonstretur, ex philosophia prima liquet. Etenim si hypothesis in se spectata, nullo ad aliud quidpiam respectu habito, impossibilis; contradictionem involvere debet quod qua ratione demonstrari possit

in philosophia prima (h) docuimus. Nimirum latens in hypothese contradictione palam fieri debet legitimis ratiociniis, ad quæ principia philosophiæ primæ, quæ hic commendamus, manu ducunt. Præcipitare adeo de hypotheseum impossibilitate judicia debent, quotquot vel contradictionis latentis eruendæ notionem distinctam non habent, vel ad eam in judicando non attendunt, vel eam in dato casu applicare nesciunt. Incompetentes adeo judices sunt, qui hypothesein aliquam absurdam, adeoque absolute impossibilem appellant, propterea quod ejus possibilitatem ignorent, & in numerum impossibilium referre sueverint ea, quorum notionem habent nullam. Etsi enim omnino verum sit impossibili notionem nullam respondere posse nisi deceptricem, consequenter principium longe verissimum sit, cujus nulla datur, seu ab intellectu formari potest notio, illud esse impossibile; in applicatione tamen principii hujus aberrant, dum notionem dari non posse sumunt, quam ipsimet non

N ; ha-

(h) §. 81. & seqq.

habent, vel a nullo intellectu, nequidem divino (hujus enim quoque habenda ratio est, ubi intellectus in genere mentio fit) notionem formari posse supponunt, cujus ipsimet notionem formare nequeunt. Demus ejus rei exemplum, quod tempori servit! *Leibnitius* in hypothefi, quam in usum explicandi commercii inter animam & corpus condidit, supponit motus corporis liberis animæ decretis respondentes mechanica ratione, hoc est, ex structura ejus secundum regulas motus consequi. Male hoc habet eos, qui eidem hypothefi adversantur. Ideo eam absurdam vocant, quod impossibile existiment, corporis motus liberis animæ decretis respondere posse, si mechanica ratione consequantur, & hac impossibilitate præsupposita inferunt, positis istis motibus tolli libera animæ decreta, quemadmodum vicissim ea præsupposita sequitur, positis liberis animæ decretis tolli motus in corpore iisdem respondentes pure mechanicos. Impossibilitatem corporis in motibus mechanicis animæ libere decernenti harmonici demonstrare hæc-

hactenus nemo potuit: sed qui eam affirmant, rationem aliam non habent, quam quod notionem istiusmodi corporis non habeant, nec eam formare possint, consequenter absque ratione negant notionem istiusmodi corporis dari posse, & ne quidem in intellectu divino dari: id quod omnino negare tenentur, ubi ex defectu notionis impossibilitatem arguere voluerint, quemadmodum modo vidimus. *Jaquelotus*, Theologus eximius, corporis istiusmodi possibilitatem admittebat, atque hinc libertatem in systemate harmoniæ præstabilitæ non tolli inferebat. Idem fuit iudicium Autorum Diarii Trevoltiensis. Ratio tam disparis iudicii in promptu est. *Jaquelotus* & qui cum eo sentiunt Deo non impossibile esse pronunciant, cuius ipsis notio denegatur, propterea quod firma fide teneant posse Deum facere, quæ captum humanum longe transcendunt: qui vero eidem contrariantur, absolute, consequenter & Deo ipsi, impossibile reputant, quod captum eorum fuerat. Quamdiu autem impossibilitas

tas corporis in motibus mechanicis animæ libere decernentis harmonici demonstrari nequit, prout hypothesium impossibilitatem demonstrandam esse modo inculcavimus; tamdiu quoque inferri nequit tolli per systema *Leibnitianum* libertatem, consequenter sponte sua ruunt declamationes consequentiariorum ex negata libertate deductæ. Ponamus corporis istiusmodi impossibilitatem, quale sumit hypothesis *Leibnitiana*, aliquando evictum iri: tum utique patebit libertatem animæ cum eadem consistere non posse, sed non ideo sequetur, libertatem esse tollendam. Concludendum potius erit hypothesin *Leibnitianam* esse falsam, quod in ea possibile sumatur quod impossibile quamdiu animæ decreta libera præsupponuntur, aliorum rationibus stabilienda, cum quibus hypothesis nihil negotii habet. Quod si vero quis agnosceret corporis in motibus mechanicis liberis animæ decretis harmonici impossibilitatem hoc tamen non obstante affirmare commercium inter mentem & corpus alio pacto subsistere non posse nisi per harmoniam quandam inter mo-

dificatio

licationes animæ atque corporis stabilitam; is denique per eam libertatem tolleret eamque negaret, non hypothesi explicandi commercium inter mentem ac corpus adductus, sed aliis rationibus ad negandam libertatem animæ inductus, cum de explicando isto commercio minime cogitaret. Hæc ideo paulo distinctius proponere visum est, ut doctrinæ præsentis de impossibilitate hypotheseum appareat utilitas, quæ sane non exigua est. Præstat enim, ne præcipitantia in iudicando famæ nostræ in orbe erudito maculam inuramus, & ne temerariis iudiciis in alios iniqui evadamus.

§. 9. Enimvero absoluta hypotheseos possibilitas non sufficit, ut ad explicandum naturæ phænomena eadem transferatur. Etenim si quæ inde a priori colliguntur cum iis, quæ observantur, concordare debent, porro ostendendum est, ea in natura rerum existere, quæ in hypothesi sumuntur. Quamdiu hoc probari nequit, tamdiu hypotheseos veritas minime evicta est. Aliter enim se res habet in Physica atque Medicina, immo omni

*Unde
veritas
hypotheseos
absolute
possibilis
colligatur.*

N 5

phi-

philosophia: aliter vero in Mathesi pura. Geometris sufficit hypothesis non esse absolute impossibilem, quam sumunt: sunt enim veritates geometricæ & arithmeticæ universaliores, quam ut intra hypotheses naturæ coercerentur. Philosophis vero solæ satisfaciunt hypotheses, quæ in rerum natura obtinent, cum non aliam quarant veritatem nisi in rebus existentibus obviam. Antequam igitur ii hypothesisin tanquam realem admittere possint: probare omnino tenentur, nihil sumi, nisi quod in rerum natura habet locum. Secus qui facit, rerum naturam pro arbitrio fingit, quæ extra ideas ipsius non existit, non vero eam contemplatur, quæ sapientissimo Dei consilio constituta & summa ejus potentia producta fuit. Deproperant adeo judicium, qui hypotheseos philosophicæ realitatem cum absoluta possibilitate perperam confundunt. Plurimum autem refert, ut hæc duo a se invicem distinguantur. Quemadmodum enim per hypotheses naturæ a priori deteguntur, quæ usui esse possunt in praxi; ita e contrario ex hy-

hypothesi a natura aliena, etsi non absolute impossibili deducuntur, quæ usui esse nequeunt. Etenim quando res naturæ, ipsas etiam mentis facultates, in usus nostros convertimus, non alia iisdem tribuere, vel ab iisdem expectare licet, quam quæ iis conveniunt. Hypotheseos adeo falsitas ipso facto sese prodit, ubi praxin inde derivatam successu destitui experimur. Ponamus Physicum aliquam de vegetatione plantarum hypothesein comminisci. Quodsi eadem fuerit hypothesis naturæ, quæ inde deducuntur praxes eventu expectationi respondentem nobilitantur. Si fuerit ab hypothese naturæ diversa, utut absolute non impossibilis; praxes inde derivatæ non succedunt, molimine frustra industriam defatigante. Atque ea ratio est, cur istiusmodi praxibus non alium concedamus locum, quam in tentaminibus ad explorandam hypotheseum veritatem factis, nisi ea necessitatis lege teneamur, ut non intentatum relinquere præstet, quod aliquam probabilitatis speciem habet, quam ab omni opere prorsus desistere: qua de re non
pau-

pauca dicenda forent, si de usu practico hypothesium philosophicarum data opera sermonem institueremus. Applicemus hæc dicta ad hypothefin, qua commercium inter mentem & corpus explicatur per harmoniam quandam præstabilitam, hoc est, si quod res est verba præ se ferre debent, unionem animæ cum corpore in motibus mechanicis eidem harmonico. Ponamus demonstratam esse possibilitatem istiusmodi corporis, quam ad divina attributa respiciens largitur *Jaquelotus*. Nondum tamen hinc inferre licet, harmoniam præstabilitam esse hypothefin naturæ. Absoluta enim possibilitate ad actualitatem seu existentiam rei nec valet consequentia in præfente casu, nisi ut demonstraveris alii hypothefi non posse esse locum, haud quaquam vero argumentis tantummodo probabilibus adstruxeris, aliis quibusdam vix videri esse locum. Quamobrem *Jaquelotus* perspicaciter jungens æquitatem harmoniam præstabilitam in medium reliquit, utut absolutam ejus possibilitatem largiretur atque in ea libertatem

tem subsistere fateretur, ut non alia morum praxis inde deducatur, quam ex hypothese communi influxus physici. Opportune autem Theologus zquitatem acumini junxit, dum religionem adversus homines profanos mascule defendit, ne argumentorum pondus per rationes extrinsecas enervaretur, quibus ejus suspecta redderetur autoritas. Utinam exemplum viri de religione cum naturali, tum christiana optime meriti imitarentur, qui ejus merita publicis praconiis exornant: nec hic quoque valeret illud pervulgatum virtus laudatur & alget.

§. 10. Quamdiu hypotheseum philosophicarum non alium facimus usum, Tolerantia hypothesium philosophicarum suis limitibus circumscripta. quam ut per eas rationes a priori reddere conemur eorum, quæ observantur, nullo autem modo praxin ab iis dependentem efficimus, ubi incerta periculosa est, quemadmodum nos facere solemus & ab omni philosopho fieri debere supra evicimus (§. 4): tamdiu nihil periculi in Theologia, Medicina, & philosophia morali atque civili metuendum, si vel maxime contingat eas esse erroneas. Ecquis

quis enim non videt tum demum praxi morum periculum imminere, ut erroribus tanquam eorum norma vel tanquam motivis uteris. Quoniam tamen hypotheses philosophicæ, si vel maxime contingat eas falsas reperiri, intelligentibus viam sternunt ad disquisitiones veritati eruendæ proficuas (§. 5); usus iste hypotheseum non modo innocens, verum etiam humano generi utilis philosophis concedendus. Supinam autem usus hypotheseum philosophicarum ignorantiam vel animum in alios injurium produunt, qui contra hypotheses philosophicas declamant & omnem lapidem movent, ut philosophis ob justum earundem usum vexæ creentur. Quæ hic de tolerantia hypotheseum philosophicarum dicta sunt, a praxi recepta minime abhorrent, etsi non ubivis locorum *Nicolaus Copernicus*, excellentis acuminis Astronomus, cum in hypothesi terræ motæ factos calculos a coelo dissentire animadverteret, hypothesin terræ motæ in Astronomiam introducebat periculum factururus, num ejus ope ad rectius constituendos motus plane.

anetarum perveniri detur; Et si adeo
 hic temporis hypothesis ista litera
 scriptura adversa judicaretur, tanquam
 communis interpretationi, contraria;
 hoc tamen non obstante *Nicolaus Schon-*
ergius, Cardinalis Capuanus, & *Tide-*
nannus Gisius, Episcopus Culmensis,
 eum hortati sunt, ut opus suum astro-
 nomicum de revolutionibus orbium
 coelestium, in quo illius hypotheseos
 usum fecerat, in publicum proferret,
 nec agretulit Pontifex maximus, *Pau-*
lus III, ut publici juris factum ejus
 nomini inscriberet autor tanta auto-
 ritate & judicio calumniantium mor-
 lus repressurus (i). Et quamvis cu-
 ria Romana ferre nollet, ut hypothe-
 sis nondum demonstrata ultra usum
 suum genuinum protensa pro veritate
 vendicaretur atque adeo *Galileus*, cum
 ne monitus quidem tale quid facere
 desisteret, gravem censuram incurre-
 ret; non tamen ideo genuinum hy-
 potheos usum sustulit, sed eum li-
 berum astronomis ac physicis permi-
 sit. Unde *Ricciolus*, etsi in *Almagesto*
 novo

(i) Vid. Copernici præfatio in libros *Revo-*
lutionum ad Pontificem directa.

novo contra veritatem hypothesen *Copernicanæ* acriter disputasset, hoc tamen non obstante in condendis tabulis astronomicis ipsemet eadem usus cum astronomus non contendat hypothesin eam, qua utitur, esse veram sed ultro largiatur, posse eam esse aliâ hypothesi naturæ diversam, modo in dato casu eidem æquipollens deprehendatur. Etenim in Arte invenienti clarissimis argumentis ostendimus, non unam esse rationem, cur in veritate investiganda scientes hypothesi naturæ in dato casu ei æquipollentem aliam præferamus. Itaque & *Ricciolus* non hoc nomine *Keplerum* reprehendit, quod in Astronomia tum ad explicandos motus siderum, tum ad condendas tabulas astronomicas usus fuerit hypothesi terræ motæ, sed quod motum terræ tanquam verum defendisset contra receptam Scripturæ sacræ interpretationem, antequam veritas fuisset demonstrata (k). Multo minus autem philosophis denegandus est genuinus hypothesium usus, ubi hypothesen

omnes

(k) Vide plura de hoc argumento in Discurso præliminari *Logicæ* §. 168.

omnes, quæ fingi possunt, praxin intemeratam relinquunt, ab eo pendentem, cujus explicandæ causa hypothefis conditur. Etenim hic nihil praxi imminet periculi, si vel maxime hypothefin pro veritate venditaveris. Obtinet hic casus in hypothefibus, quas in usum commercii inter animam & corpus explicandi excogitarunt philosophi. Etenim qui nobiscum illarum hypothefium non alium facit usum, quam ut inde rationem a priori reddat eorum, quæ certa experientiæ fide constant; is non negat, quod obvia experientia manifestum est, animam nempe ac corpus ita agere, ac si mutuo in se invicem influerent, consequenter hypothefin rejicit tanquam falsam, vi cujus anima ac corpus aliter agere debent, ac si in se mutuo influerent, quæque adeo hypothefi influxus physici non æquipollet. Quamobrem si quis in moralibus ac politicis uti vellet hypothefi influxus physici, is tuto eadem tereretur, si vel maxime falsitas ejus esset demonstrata, quemadmodum illi si Astronomi, qui hypothefin terræ iescentis falsam esse contendunt, eadem

Hor. subs. 1729.) O dem

dem tamen in parte Astronomiæ spha-
rica ad determinanda motus commu-
nis phænomena utuntur. Monui ha-
jam alias: etsi veritatem obviam per-
videre non potuerint, qui, dum al-
tè se videre jactant, in rebus tamen pro-
fundius inspicendis suum desiderar-
patiuntur acumen. Atque ea de cau-
sa nemo Protestantium vexas creavit
Jo. Christophoro Sturmio, cum syste-
mate causarum occasionalium tan-
quam hypothese in explicandis causis
& communicatione motus (l) & com-
mercio inter mentem atque corpus (m)
uteretur, immo ex eadem existentiam
Dei demonstraret (n). Nemo quoque
vexas creavit *Hambergero*, Mathema-
tum ac Physicæ apud Jenenses, cum
viveret, Professori clarissimo, idem sy-
stema causarum occasionalium in le-
ctionibus physicis explicanti ac defen-
denti. Immo & nobis licuit olim in
Academia Lipsiensi hypothese ista u-
ti in dissertatione de loquela publice ver-
tilat

(l) Physicæ electivæ 3. Hypotheticæ Tom.
p. 161 & seqq. (m) Physicæ modernæ sci-
entis Compend. p. 627. (n) in Theosophi-
æ Specimine prop. 7. p. 918 Phys. Hypoth.
jus Tomo primo idem subjungitur.

tilata in explicandis iis, quæ circa lo-
quelam a commercio inter mentem ac
corpus pendent.

§. II. Equidem non inutilis videri *Diversa*
poterat discussio, undenam sit, ut, quæ *hypothesi-*
uno tempore periculosa visa non fue- *um philo-*
rant, sed Theologis ipsis approba- *sophica-*
ta, immo acriter defensa, eadem ta- *rum fata.*
men alio tempore existimentur admo-
dum periculosa, ita ut per ea omnis
religio, omnis virtus, omnis justitia
penitus tollatur, immo Ecclesia atque
Resp. funditus evertatur: sed cum de
his ea paucis dici non possint, quæ
satisfaciunt, & prudentiæ serviunt; il-
lam alii loco ac tempori alii reserva-
mus. Nemo autem dubitabit, philo-
sophorum hypotheses atque placita ta-
lia fata experiri. Dabimus suo loco
exempla illustria. Nunc sufficiat pro-
vocasse ad nuperrimum. Quanto
fervore actionum honestas ac turpitu-
do intrinseca contra *Pufendorffium*
fuerit defensa, nemo est qui ignorat.
Etsi autem ethnici, Sociniani, Pelagi-
ni, Hobbesiani, athei & nescio quo
indem nomine *Pufendorffius* fuerit
famatus; etsi non defuerint inter
The-

Theologos maxime orthodoxos, qui negarunt sine honestate intrinseca actionum intelligi posse satisfactionem Christi; hoc tamen non obstante vel in loco, ubi contra *Pufendorffium* acerrime omnium fuit pugnatum, honestatem ac turpitudinem actionum intrinsecam inter atheismi principia referre audias. Mirificis nunc laudibus extollitur *Pufendorffius*; damnantur Scholastici & in iis Theologi orthodoxi laude suo ævo celebres.

Prudentia circa
hypothese-
ses philo-
sophicas
adhibenda,

§. 12. Ceterum non magno acuminis opus est ut quis perspiciat, præcipitatis judiciis de hypothesebus ac placitis philosophorum famæ suæ apud posteros parum consulere viros ceteroquin laude sua dignos & eadem perpetuo fruituros, nisi ipsimet eide obicem poluissent. Nec majore acuminis opus est, ut quis videat, vim meritis in Ecclesiam & Remp. conspicuos toti ordini præjudicium creare ejusque auctoritatem in discrimen adducere penes eos, qui de aliorum meritis ex æquo statuere minime norunt hoc est, apud plurimos, ubi invicta erga philosophos adducti, vel aliorum persuasionibus aurem facilem præbe-

tes, vel audacter calumniantium vociferationibus, vel alia quacunque de causa permoti in impugnandis philosophorum hypothefibus, nondum fufficienter intellectis, nedum ea, qua opus erat, diligentia & accuratione diffuffis, argumento ab invidia ducto utuntur, quo vel idiotam uti poffe a libi oftendimus(o), fententiam fcilicet philosophorum male explicantes; cum inuiforum hominum, veluti *Spinoſæ*, *Hobbeſii*, & hæreticorum ab eccleſia damnatorum dogmatis conferentes, nominibus inuidioſis, veluti *Spinoſiſmi*, *Hobbeſianiſmi*, *Pelagianiſmi*, *Socinianiſmi*, *Atheiſmi*, infamantes; inuidioſis conſequentiis, quaſi eadem omnis libertas, omnis virtus, omnis religio, omnis denique juſtitia tollatur, atheiſmo, libertiniſmo, *Pelagianiſmo* & nescio cui tandem monſtro horrendo, quod cogitari poteſt, fores pandantur, onerantes; momentum controverſiæ, quaſi ea totius Eccleſiæ ac univerſæ Reip. ſalus nitatur, exaggerantes; ipſos denique philoſophos, quaſi venenum ali-quod arcanum ſub verbis ſuis abſcondant,

O 3

(o) Log. §. 1202 & not. cj.

dant, quæ veritati consentanea sunt, eum unice in finem admiscentes, ut impietatis excusationem habeant & pœnam promeritam effugiant, malignis suspicionibus prementes (p). Etenimvero ab hac imprudentiæ ac temeritatis labe (ne quid gravius dicam) facile sibi cavebit, qui hanc sibi curam datam esse existimat, ne errores noxios serpere finat. Quamprimum enim ipsi innotescit, proferri quid a philosopho, quod ipse olim vel non didicit, vel quod nullibi adhuc legit, vel quod sive auditum, sive lectum ad verum examen aut nondum revocavit, aut revocare non potest; ante omnia inquirere tenetur, utrum id inter hypotheses philosophicas referri debeat, nec ne. Haud difficile est iudicium, nec multa discussione opus est. Etenim hypotheses ea fini conduntur, ut rationem inde reddamus a priori eorum, quæ observantur (§. I), nec admittuntur tanquam vera, quæ inde colliguntur, nisi quando experientia consentanea deprehenduntur, attentione nostra ad observandum excitata, quod

quod alias inobservatum reliquissemus
(§. 2). Pro certo igitur ratioque ha-
bendum, philosophum ultra terminos
hypotheseos non progredi, si eo, de
quo sermo est, non utitur nisi ad red-
dendam rationem eorum, quæ indu-
bia experientiæ fide constant, &, si
qua inde a priori colligit, iisdem ta-
men non alium tribuit usum, quam
quem in hypothese examinanda habe-
re potest. Nos in Psychologia ratio-
nali, in qua ratio reddenda est a priori
eorum, quæ de anima observata in
Psychologia empirica recensentur, uti-
mur tanquam hypothese systemate
harmonix præstabilitæ a *Leibnitio* ad
explicandum ea, quæ a commercio
inter mentem ac corpus pendent, ex-
cogitato, nec ultra hos limites idem
extendimus, ne quidem eo in casu, ubi
nos exemplum aliorum tueri poterat,
nec ratio defensionem negabat, veluti
cum principiis opus haberemus ad de-
monstrandam Numinis existentiam.
Facile autem id ipsum unicuique vel
perfunctoria lectione innotescit, modo
tabeat animum nullo affectuum im-
petu præpeditum, qui attentionem

O 4 im-

impedit. Neque enim alibi nos systemate illo uti animadvertet, nisi in Psychologia rationali, quæ capite quinto Cogitationum rationalium de Deo, mundo & anima, ac ente in genere, traditur. Enimvero Psychologia rationalis ea a me appellatur Psychologiæ pars, qua rationes eorum redduntur, quæ de anima in parte empirica annotantur (q), consequenter vel exinde patere poterat, me illo non uti nisi tanquam hypothefi. Immo initio illius tractationis in genere monui (r), in essentiam & naturam animæ ideo inquire, ut possit reddi ratio eorum, quæ de eadem observantur & in capite tertio annotata fuere, quod Psychologiæ empiricæ destinatur. Quodsi quis istos articulos capituli quinti evolvit, ubi harmonia præstabilita tanquam principio utimur; non aliud ibidem agi intelligit, quam intelligibili modo explicari, quomodo id stante ista hypothefi fiat, quod fieri nemo in dubium vocat, utpote

ex-

(q) Thümmigius in Instit. Philos. Wolfiana Tom. I. proleg. Psychol. §. 4. (r) §. 727 Met.

experientia quotidiana confirmatum.
 gr. Hac magistra novimus hominem proferre voces, quibus mentis ratiocinia significantur, atque eo in casu loquela dicitur rationalis, seu verba fundere dicimur, rationi conformia. In Psychologia rationali (s) idem sumimus tanquam verum, neque ullo modo factum in dubium vocamus, vel quidpiam in eodem immutamus; atque ostendere conamur, quomodo id fieri possit, stante harmonia præstabilita, hoc est, si ea supponatur tanquam vera, ita ut si ponamus hanc esse falsam, minime sequatur, nos non posse proferre voces, quibus mentis ratiocinia alteri significantur; sed id saltem certum sit, id alia prorsus ratione fieri, quam fert hypothesis ista. Et si quis certus esse velit, num aliquod dogma eidem superstruatur; is non alio labore opus habet, quam ut in Theologia naturali, quæ capite sexto traditur, & in philosophia moralis atque civili paragrapho ex Metaphysica citatos evolvat; illico enim patebit, nihil ullibi adduci ad dogma aliquod

O 5

quod

quod sive theoreticum, sive pragmaticum stabiliendum, quod hypothesein istam sapit. Quodsi jam constet, philosophum intra terminos legitimos subsistere, ut libertate philosophandi fruatur permittendum (§. 10); incauti vero monendi sunt, ne hypothesei abutantur, dum ex male intellecta inferunt, quæ inde non sequuntur, quod vera esse optent, quæ vitiis ipsorum vel pravis cupiditatibus patrocinantur. Incumbit etiam philosopho, ut, ubi abusus istiusmodi ipsi innotuerit, contrarium ex hypothesei sua fluere clarissime ostendat. Ita enim abusus tollitur, quantum datur: qui e contrario fovetur, ubi viri autoritate pollentes ipsimet consequentias pravas nectunt, quæ inde non fluunt, ac eas inde fluere asseverant, iis, quorum interest, ambabus manibus eas acceptantibus tanquam ex hypothesei philosophi fluentes, ubi præsertim acuminis ejus fiducia ipsis fuerit. Haud raro enim contingit, ut hypotheseos abusus non tribuendus sit philosopho, qui eadem legitime utitur; sed consequentariis eam pravis consequentiis, quæ inde

mini-

ne fluunt, onerantibus. Nulla vero ratio suadet, ut legitimus hypotheseos usus non sine damno manifesto scientiarum (§. 10) tollatur ob abusum a consequentariis introductum, aut saltem approbatum. Abusus enim tollendus est, retinendus usus. Ferendum nempe non est ut consequentarii hypothesein, cujus probabilitas speciosis rationibus a philosopho adstructa, impiis consequentiis onerent, quæ ex eadem minime fluunt, ne sic incauti hypothesein amplectantur tanquam veram & consequentias ideo similiter existiment esse veras, utpote libidini suæ pabulum subministrantes. Non hic inculco, quæ ab usu Politicorum prudentiorum recedunt. Ecquis enim nescit in Suecia, Ministrorum civili prudentia eminentium feracissima, cum *Josua Schuvarzius*, Theologiæ in Academia Lundinensi Professor, *Pufendorffum* collegam ob præclarum de jure naturæ & gentium opus editum (s) argumento ab invidia ducto aggrediretur, & omnes consequentarii partes

ex

(s) in Indice novitatum quarundam, quas *Un. Samuel Pufendorff* libro suo de jure naturæ & gentium contra orthodoxa fundamenta Lundini edidit.

ex asse adimplens eum *paganismi*, *Zwinglianismi*, *Socinianismi*, *Papismi*, *Pelagianismi*, *Hobbesianismi* & *Cartesianismi* (neque enim tum adhuc *Spinosismus* innotuerat) in simularet, scriptum Theologi jussu aulæ a carnifice flammis feralibus fuisse traditum; nulla autem ideo vexæ creatæ *Pufendorffio*, quod a recepta sententia recederet in determinanda moralitate actionum. Non alia addimus exempla, quibus idem confirmatur, quod *Pufendorffii* exemplo stabilivimus: neque enim deessent alia eodem & antiquiora, & recentiora. Neque etiam opus est, ut factum hoc regulis verioris Politicæ ad amissim respondere demonstramus; tum quod ex iis, quæ a nobis hic dicta sunt, satis superque eidem sua constet veritas; tum quod idem jam alibi (t) evictum dederimus & suo loco uberius confirmaturi simus.

Prudentia politica circa hypothese philosophicas §. 13. Facile quoque sibi cavebunt illi, qui potestate pollent, ne male sanis vociferationibus & criminationibus autoritatem suam in periculum adduci patiantur. Etenim i. suspecta esse

esse debent querelæ argumento ab in-^{in con-}
 vidia ducto utentium, adeo vivis co-^{troverfi-}
 loribus, quos *Clerico*, viro in Rep. lit-^{am addu-}
 teraria celeberrimo, acceptos ferimus, ^{ctas,}
 paulo ante depicto (§. 12), ut fieri non
 possit, quin statim agnoscatur. Non-
 ne enim sententia alterius jam abunde
 refutata est, si juxta formam demon-
 strationis indirectæ unica inde colligi-
 tur propositio falsa (u)? Nonne adeo
 consequentiæ consequentiarum cumu-
 lantur alio fine, quam refutandi ani-
 mo, nempe ut alterius famæ, vel for-
 tunæ noceatur (x)? Nonne animo no-
 cendi tota praxis argumenti ab invi-
 dia ducti debetur? Id vel exinde sa-
 tis manifestum arbitramur, quod sen-
 tentia, quæ oppugnatur, cum in viso-
 rum hominum dogmatis conferatur,
 nominibus invidiosis infametur, mali-
 gnis suspicionibus prematur: cum ne-
 mo non intelligat, inde argumentum
 firmum pro evincenda falsitate peti
 minime posse, neque talia a veritatis
 studio proficisci, quod rationum pon-
 dere, non scribendi virulentia nititur.
 Nec minus 2. suspecta debet esse accu-
 satio

(u) §. 1041 Log. (x) §. 1048 Log.

latio suum de facto alterius iudicium loco facti in medium afferentium. Etenim nemo non videt, si quis alterum accusare velit, dicendum esse, quid fecerit alter, non quid sibi de alterius facto videatur. E. gr. si quis alterum accuset, quod principia foveat atheistica, vel heterodoxa; quod atheismo fores pandat; quod libertatem tollat; quod juventutem studiosam seducat; is non factum alterius, sed suum de isto iudicium narrat, quod a veritate plurimum abesse potest. Sola factorum enarratione malevolorum de iisdem iudicia sapissime refelluntur. Eodem pertinet, quod facta narrari debeant suis cum circumstantiis: cum noto notius sit sub quibusdam circumstantiis vitio carere, quæ sine iis excusationem non mererentur. Quamobrem & factorum narratio, omissis omnibus circumstantiis, suspecta merito habetur. Nec minus huc facit, quod errores, qui alteri imputantur, verbis ipsius Autoris in propositiones redacti proponi debeant, consequenter suspecti sint discursus vagi atque prolix, quibus summa imis miscentur.

Hæc

Hiscæ autem probabilibus] expensis, ob quæ merito suspecta esse debet hominum philosophis insultantium fides; quid veri subsit querelis & accusationibus vi theoriæ de hypothesebus philosophicis facile assequitur, qui sibi cavere debet, ne injustis accusationibus aurem facilem præbeat. Etenim cum 3. omne iudicium huc redeat, num sententia philosophi sit hypothesis philosophica & num philosophus intra terminos hypotheseos subsistat; non aliare opus est, quam ut jubeat accusatorem α . sententiam philosophi verbis ipsius proponere, β . indicare loca, in quibus, quod in controversiam adducitur, adhibet tanquam principium probandi aliquod dogma, aut quandam actionum regulam, atque deinde ex philosopho quærat, α . utrum istam sententiam suam agnoscat, an in ea quidpiam emendandum esse contendat, emendationem in casu altero injungens ejusdemque ex scripto, in quo ea continetur, probationem imperans: β . quem usum hypotheseos faciat in scripto suo. Hoc pacto nimirum pactum fiet, num de hypothesis philosophica

phica controvertatur & num philosophus, cui vexas creare intendunt malevoli, intra hypotheseos limites subsistat, ut non ejus in philosophando restringenda sit licentia, sed calumniantium potius refrænanda audacia, ne ansam dent incautis hypothesin innocuam & ad incrementum scientiæ profuturam, si vel maxime contingat eam aliquando falsam reperiri (§. 5), in abusum noxium trahendi (§. 12). Etenim si sententia philosophi, quæ impugnatur, expenditur, statim apparet, num serviat rationi reddendæ a priori eorum, quæ per experientiam innotuere, consequenter num hypothesis philosophica sit, quæ in controversiam revocatur (§. 1), & si afferuntur propositiones, quibus explicandis vel probandis adhibetur, non minus liquet, quemnam philosophus ejus faciat usum. E. gr. Ponamus querelas suboriri de fato & momentum controversiæ exaggerari, quasi omnis virtus, justitia omnis, fides omnis tollatur, immo religio ac Resp. funditus evertatur. Quærenti quidnam sit, unde fatum tam noxium consequatur, respon-

respondetur, doceri harmoniam præstabilitam *Leibnitii*, qua homini omnis adimatur libertas & fatalis omnium rerum necessitas introducatur. Si jam ex philosopho quaesiveris, quid sit harmonia præstabilita, aut Lexicon philosophicum a philosopho veri nominis, qui cum acumine virtutem jungens & honestatis non minus, quam veritatis tenax mentem Autorum non pervertit, nec quicquam affectui dat ab affectuum impetu prorsus liber, conscriptum evolveris, quale est Dictionarium universale Artium & Scientiarum *E. Chamberii*, Angli (x); statim intelliges, esse celebre systema *Leibnitii* (verba Angli recito), per quod explicat unionem seu communicationem inter animam & corpus. Apparet adeo jam esse hypothesein philosophicam, cum quædam sumantur, ut inde ratio reddi possit eorum, quæ indubia experientiæ fide constant, nempe communionis, quæ inter animæ perceptiones ac appetitus & corporis modificationes
(*Hor. subs. 1729.*) P tiones

(x) Cyclopædia, or an universal Dictionary of Arts and Sciences by E. Chambers, Gent. Lond. 1728 in fol.

tiones ac motus intercedit (§. 1). Si quæfiveris porro, quid in ea hypothefi fumatur, tanquam effet (§. 1), aut ea fini Lexicographum confulis; reperies ibidem, sumi quod anima habeat certam seriem cogitationum, desideriorum & volitionum; corpus autem, quod machina pura est, certam seriem motuum, qui determinantur per dispositionem mechanicam partium & impressiones objectorum externorum, quod Deus conjunxerit talem animam & tale corpus, quorum operatione sunt harmonicae, hoc est, ubi serie perceptionum in mente respondet seriei motuum in corpore. Si jam quæfiveris porro, num series in mente aliâ admittatur, series motuum aliâ in corpore, quam futura esset, si anima in corpus & corpus in animam influere hoc est, corpus perceptiones animae anima motus corporis determinare in promptu est responsio: eandem esse in omni hypothefi, qua ad commercium inter mentem & corpus explicandum utuntur philosophi, serie perceptionum in mente, eandem seriem motuum in corpore, cum per h

poth

pothesin non determinetur, qualia ea, quæ sunt, esse debeant, sed tantummodo reddatur ratio, cur talia sint, qualia esse deprehenduntur. Nulla enim hypothefi negatur, quod est; sed redditur tantum ratio, cur potius sit, quam non sit. Si jam quæfiveris ulterius, num philosophus systemate harmoniæ præstabilitæ utatur tanquam hypothefi, non alium ejus faciens usum, quam qui in reddenda ratione eorum, quæ sunt, consistit; evolvenda sunt ipsius scripta, aut accusator probare debet ex ejus scriptis, ubi aliquid tanquam ex principio deducatur, quod vel dogmatis salutaribus, vel morum regulis repugnet. Ita si quis scripta nostra evolvit, ubi harmoniæ præstabilitæ aliquem fecimus locum; nos non aliter eadem uti, quam in reddendis rationibus eorum, quæ sunt & a commercio intermentem & corpus pendent, animadvertet. Non adeo difficile est in omni casu, ubi de hypothefibus philosophicis quæstio mœta fuerit, detegere fraudes consequentiariorum horrendis vociferationibus mentis aciem obtundere nitentium. Ceterum nec hanc praxin in

soliti quid habere exemplum curiæ Romanæ probat justum hypothesebus philosophicis pretium tribuentis (§. 10).

Necessitas discernenda-rum hypothesium a dogmatis & dijudicandi terminos earum legitimos.

§. 14. Enimvero non inutiliter præcipi hanc curam, quæ hypothesebus philosophicis a dogmatis discernendis & terminis, intra quos philosophus subsistit, dijudicandis impenditur, non modo ex antea dictis abunde intelligitur, verum etiam singularibus rationibus probatur. Non dicam de eo, quod iis incumbit, penes quos summa est rerum potestas & qui iisdem a consiliis sunt; sufficit ceteros admoneri officii sui, qui majestatem reverenter habere debent. Non mediocriter sane in eandem injurii sunt, qui ut libidini suæ ac vindictæ cupidini satisfaciant, eam imminuere religioni sibi minime ducunt. Crimen in eo committi vel sensus moralis communis probat, cum nemo ejus reus videri velit. Exprobratur Ecclesiæ Romanæ, quod *Zacharias Pontifex Virgilium* Episcopum Salisburgensem ab Episcopatu arceri jussit ob antipodum assertionem, adeoque dogma aliquod philosophicum, invidiosis consequentiis a Patribus, ipso

ipfo *Augustino* (y) oneratum, quasi admitterentur homines ab Adamo non propagati, ac proinde nec a Christo redempti, nec ad civitatem Dei pertinentes. Negant id Pontificii (z), indignum summo Pontifice reputantes virum valde religiosum & qui zelo propagandæ fidei in Bavariam ex Hibernia venerat atque Ecclesiæ operam utilem navare poterat, ob consequentias absque firmo fundamento dogmati alicui philosophico imputatas ab Ecclesia pellere ac sacerdotio privare. Abusum istiusmodi potestatis Pontificiæ in opprobrium sedis, quam vocant, Apostolicæ cedere ultro agnoscunt Pontificii, nec Protestantibus alia est persuasio abusum istum reprehendentibus. Injurii adeo sunt in potestatem summam juxta notionem omnibus communem, qui injustis vociferationibus & calumniis philosophos clam deferunt parum solliciti, quid posteri olim sint judicaturi, quando judicia a rationibus extrinsecis non amplius pend-

P 3 de-

(y) de Civitate Dei lib. 16. c. 9. (z) Vid. Ricciolus in Almagesto lib. 9. sect. 4. c. 38. §. 8.

debunt. Si quibus nostra philosophia moralis detestanda videtur, quod inter crimina referat, quæ vulgo non agnoscuntur; illi per nos abundant sensu suo nunquam effecturi, ut majestatem ullo modo irreverenter habeamus. Hæc enim est philosophiæ nostræ moralis summa, Deum esse in omnibus actionibus non verbis, quod hypocritis in more positum, sed ipso opere colendum, utendo nimirum attributis ac operibus divinis tanquam motivis (a), & majestatem in omni opere esse reverenter habendam, ne quicquam a nobis fiat, quod vel tantillo in eam injurium videri possit.

p. 182 lin. 18. pro *assensum* lege *assertum*: p. 201 lin. 12 pro *præstat* l. interest: p. 206 lin. 23. 24. pro in *hypothesi terræ motæ* l. *quiescentis*.

II.

De Definitione Justitiæ Ulpiani
l. 10. ff. de justitia & jure, atque ejus
cum notionibus Aristotelicis
consensu.

§. I.

*Definitio
justitiæ
Ulpiani.*

Ulpianus, discipulus Papiniani,
victus magni nominis, nec autori-
tatis

(a) §. 651 & seqq. Mor. & §. 461 & seqq. Polit.

tatis minoris, *justitiam* definit, quod sit constans & perpetua voluntas jus suum cuique tribuendi: quæ definitio ut intelligatur, doceri debet, tum quænam voluntas constans dicatur, quænam perpetua, tum quodnam alteri jus sit & quomodo ipsum ei tribuatur.

§. 2. In virtutum numero est justitia. Quod igitur in definitione generis loco ponitur, virtuti omni commune esse debet. Quoniam igitur *Cur justitia definiatur per voluntatem.* notiones verbis alterius jungere non licet, nisi quæ ex rebus ipsis desumuntur (b); a virtute desumenda sunt, quæ voluntati constanti, quæ perpetuæ respondent. Virtus habitus voluntatis est, atque adeo supponit actionis externæ cum eadem consensum. Consentit autem externa actio cum voluntate, si motiva, quibus utitur mens ad eam determinandam, desumpta fuerint ab ipsa actione, veluti si temperans appetit cibum modicum, quod conservando corporis sanitati atque vigori conducit, quodque hoc pacto Numinis satisfacit voluntati, quod amore ac inde enato filiali timore.

re prosequitur benignitatis divinae vestigia in cibo salubri obvia perpendens: quæ ex principiis moralibus alibi (c) a me stabilitis manifesta sunt. Justitia igitur ab *Ulpiano* definitur per voluntatem, ut significetur, nondum justum esse, qui alia quacunque de causa adductus alteri tribuit jus suum: sed id potissimum requiri, ut quis id facere velit, absentibus licet omnibus rationibus extrinsecis, non aliunde desumptis motivis nisi ab ipsa actione, quatenus justa est. Si quis veretur, ne sic notio aliena Juri inferatur, cum leges civiles tantummodo externas respiciant actiones, internæ autem ad philosophiam moralem pertineant: is perpendat velim rationes, quas *Ulpianus* (d) reddit, cur Iusti appellandi sint *justitiæ Sacerdotes*, nempe quia ipsimet justitiam colunt, non tantum boni & æqui notitiam profitentur, & alios bonos efficere cupiunt non solum metu pœnarum, verum etiam præmiorum quoque exhortatione. Et si enim in foro non judicari conveniat nisi

(c) in vernünftigen Gedanken vor der Menschen Ehre und Tugend. (d) l. 1. §. 1. ff. de J. J.

nisi de actionibus externis; civiles tamen leges & urgere, &, quantum datur, promovere debent operis externi cum actione interna consensum: de quibus in Politicis (e) abunde dixi. Etsi enim in foro non attendenda sit nisi actionis externae cum lege conformitas; non tamen ideo quis justus est in sensu juridico, quia actio ejus externa ea habet requisita, quae actioni justae conveniunt, sed quia ex hac conformitate actionis externae cum lege praesumitur consensus ejusdem cum interna, propterea quod tamdiu aliquis praesumatur bonus, donec probetur contrarium, adeoque in foro, ubi actionis externae tantummodo haberi debet ac potest ratio, consequenter dissensus ejusdem ab interna nunquam probatur, semper praesumi debet. Quod si mens alia fuisset *Ulpiano*, viro perspicacissimo & consideratissimo; justitiam non definivisset per voluntatem, sed per facultatem tribuendi alteri jus suum, per facultatem non intelligens nisi potentiam activam mere physica-

P 5

cam,

(e) in den Gedanken von dem gesellschaftlichen Leben der Menschen.

cam, quam Scholastici vocant, hoc est, possibilitatem eliciendi actionem, qua alteri tribuitur jus suum, sive idem alteri tribuere velis, sive non tribuere malles.

Quid sit
voluntas
constans.

§. 3. Requirit autem *Ulpianus* voluntatem constantem, quam a perpetua distinguit. Notio perpetui cum involvat relationem ad tempus, quemadmodum mox disertius docebimus, constantia restringenda venit ad solam actionem. Unde porro colligitur, per *constantiam voluntatis* intelligendam esse firmitatem propositi in dato quocunque casu, ita ut voluntas per rationes intrinsecas, hoc est, motiva ab ipsa actione desumpta, determinata nullis rationibus extrinsecis a proposito alteri tribuendi jus suum se dimoveri patiatur, quæ in casibus singularibus sese offerunt. Etenim ut assequamur, quid in definitione justitiæ, quam tradit *Ulpianus*, voluntas constans sibi velit ad notionem virtutis in genere respiciendum, ut appareat, quid in ea voci respondeat (§. 2). Enimvero in virtute omni requiritur istiusmodi propositi firmitas, qualem modo de-

linea-

neavimus. Eam igitur & justitiæ tri-
 vere debemus. Ubi firmitas ista pro-
 positi, seu voluntatis constantia ab-
 erit; extra circumstantias constituti,
 adeoque a rationibus extrinsecis libe-
 ri, de iis quæ sunt virtutis bene judi-
 cant, eadem laudant & appetunt: ast
 agendi occasione oblata, ubi rationes
 extrinsecæ animum alio flectunt, stu-
 dium virtutis alget, ac meliora vi-
 dentes probantesque deteriora sequun-
 tur. Si quis male agendi consuetudi-
 nem contraxit, voluntate per ratio-
 nes extrinsecas sapius determinata, &
 a proposito per intrinsecas genito di-
 mota; ei postea etiam extra statum
 agendi memoria suggerit rationes ex-
 trinsecas, atque ex iis jam statuens de
 his, quæ virtutis sunt, ea nec ampli-
 us laudat, nec appetit, proposito be-
 ne agendi prorsus exterminato. Quæ
 hic de virtute in genere dicimus, nul-
 lo negotio ad justitiam transferuntur,
 experientia non invita, sed prorsus
 consentiente.

§. 4. Dixi jam ante, perpetuum *Quid sit*
 involvere relationem ad tempus, adeo- *perpetui-*
 que ad actus successivos (f). Unde *tas volun-*
 facile *tatis.*

facile intelligitur, voluntatem dici perpetuam, ut significetur, illam propositi firmitatem, a qua se nullis rationibus extrinsecis dimoveri patitur justus, in omni casu adesse debere. Quoties nimirum offertur occasio alteri jus suum tribuendi, toties quoque justus id eidem tribuit, ita ut nullis unquam rationibus se ab hoc proposito dimoveri patiatur, qualescunque tandem casus singularis offerat antea nondum expensas, cum propositum per rationes intrinsecas stabiliretur. Nimirum non minus constantia, quam perpetuitas voluntatis inde est, quod satis superque convicti sumus in dijudicandis actionibus non esse respiciendum, nisi ad rationes intrinsecas, quæ ab ipsa actione defluuntur, præcis omnibus circumstantiis accidentalibus, quæ in casu singulari eidem adhærent; ex illis solum verum actionibus pretium statui per extrinsecas vero nos a proposito bene agendi dimoveri, si ad eas attentionem nostram dirigamus & ab illi animum avocemus. Quamobrem mentis aciem in rationes istas intrinsecas

secas, quibus juste agendi propositum genitum fuerat, continuo intendit, qui justitiam colit, & ab extrinsecis, quibus ab eodem dimoveri potest, oculos pariter ac animum avertit, ne quid propositum suum intervertere possit. Hinc velatis oculis justitia pingi solet, ut constans illa & perpetua voluntas *Ulpiani* significetur: quæ cum justitiæ propria non sit, sed virtuti omni communis, quemadmodum modo ostendimus, virtus quoque in genere velatis oculis a pictoribus & sculptoribus repræsentari debebat. Quoniam vero imagines signa sunt eorum, quæ rebus insunt, eaque nobis in memoriam revocare debent, quoties ea meminisse debemus, quemadmodum in *Moralibus* ostendi (g); ut illæ non inutiles sint, non modo docendi sumus, quid sit constans illa & perpetua voluntas, de qua loquitur *Ulpianus*, sed danda quoque opera est ut eandem habeamus. Tum enim demum imaginum aliqua erit utilitas, ut nempe constantis ac perpetuæ voluntatis tuæ te admoneant inculcantes

non

(g) §. 175 *Moral.*

non ad alias attendendum esse rationes, quam ad eas, quibus istud propositum alteri jus suum tribuendi debes.

Consensus Ulpiani cum Aristotele.

§. 5. Ceterum ex constante illa & perpetua voluntate nascitur agendi promptitudo in dato casu, quam habitum voluntatis dixit *Aristoteles*. Rationes enim extrinsecæ, quæ cum ignorarentur, ubi deliberabatur, non expensæ fuerant, moras injiciunt, ut non prompte agas, quod data agendi occasione agere debes & cum in genere deliberares agere decrevisti. Quodsi ergo ad eas non attenderis, nulla quoque ratio moræ adest. Quare cum nihil adsit, quod executionem propositi remoretur; idem quoque statim exequeris. Qui ad rationes extrinsecas non attendit, sed ex solis intrinsecis de actionibus statuit & per eas agendi propositum firmum stabilit, ei non subnascitur in dato casu nova deliberandi materia, sed in ea deliberatione acquiescit, unde enatum est agendi propositum, quæque adeo dudum absoluta. Poterat adeo *Ulpianus* definire justitiam per habitum

voluntatis alteri jus suum tribuendi, aut, cum omnis virtus sit habitus voluntatis, ejus autem quædam species sit justitia ab *Ulpiano* definita, quam particularem *Aristoteles* appellat, per virtutem, quæ alteri jus suum tribuit, genere proximo prælato remotiori. Quid igitur tandem dicendum est? Num reprehendendus est *Ulpianus*, quod in definienda justitia non modo genus remotum prætulerit proximo; sed & definitionem generis remoti loco generis posuerit? Est enim constans & perpetua agendi voluntas definitio habitus voluntatis, cum illa posita ponatur & hic, illa autem sublata tollatur & voluntatis habitus. Nobis, qui a reprehendendis viris egregiis sumus alieni, in quorum numerum *Ulpianum* merito suo referimus, & levitatem animi illorum damnamus, qui ex diminutione famæ illorum ad vanam gloriam contendunt, ab omni censura procul remotus esse videtur. Ignorat enim verior Logica, in qua non nisi propositionibus determinatis locus conceditur, vagis nequaquam, universalem illam definiendi legem, quod

in

in definitionibus ponendum sit genus proximum, non remotum, multo minus autem definitio generis tota ponenda sit in definitione speciei. Etenim genus proximum praefertur remoto in systemate, ubi definitiones sequentes resolvuntur in anteriores, cum ibi tantummodo notas ad genus & differentiam specificam pertinentes discernere valeamus, si quidem genus determinata notione jam comprehendatur: (h) ubi autem extra systema definitio condi debet, quid jubeat claritas (i) perpendendum. Cumque extra systema generis definitio supponi nequeat, nisi speciei definitionem ad idem referamus; nil sane obstat, ut in definitione promiscue enumerentur notae definiti, non attento generis & differentiae specificae discrimine: id quod & in systemate ipso non semper improbatur (k). Jam *Ulpianus* definitionem iustitiae condit extra systema: ecquis enim ignorat, iustitiae explicandae sedem esse in philosophia morali, quam in systema redigere

(h) §. 189. 190 Log. (i) §. 163 Log. (k) §. 188 Log.

digere non erat *Vlpiani*, juris scientiam tradituri. Talem igitur justitiæ definitionem afferre debebat, quæ & perspicua foret, ut facile intelligeretur, verbis ad rem ipsam relatis, & animis Juris cultorum ea insinuaret requisita, sine quibus Sacerdotes justitiæ, hoc est, Jcti veri nominis fieri non possint. Bene igitur, nec invita Logica veriori, ab ipso factum, quod in definienda justitia genus remotum prætulit proximo & definitionem generis inseruerit definitioni speciei: Qua in re Geometrarum exemplo se tueri poterat, qui etsi sint rigidiores ceteris omnibus methodi observatores, in casu tamen simili idem facere non dubitant. Præstat igitur ex virorum egregiorum factis sapere, quam præcipitata censura sibi & aliis obesse, quominus ad interiorum rerum notitiam admittamur. Nobis profecto plurimum profuisse hoc studium ultro confitemur: idem etiam proderit aliis, ubi principiis nostris animum habuerint imbutum, ut non sit vana sine viribus voluntas.

§. 6. Hactenus dicta virtuti omnia communia sunt, justitiæ haud quæquam
(*Hor. subs. 1729.*) Q quam

Quid jus sit, & quomodo id alteri tribuatur.

quam propria. Agedum igitur! videamus porro, quidnam illud sit, quo *Ulpianus* justitiam a ceteris virtutibus distinguit, postquam clarissime exposuit, quid eidem cum ipsis sit commune. Differentiam istam in eo constituit, quod tribuatur alteri jus suum. Quamobrem ut ea intelligatur, nunc porro explicandum erit, tum quid juris nomine veniat, tum quomodo idem alteri tribuatur. Jus hic non sumi pro lege, sed pro qualitate personae, quae ex ista nascitur, ut quis aliquid vi legis facere possit, per se liquet. Denotat igitur facultatem agendi moralem. *Grotius* (1) addit facultatem habendi: addit etiam facultatem utramque esse debere justam, cum jus definiat per facultatem juste agendi & habendi: enimvero quemadmodum determinatio justae latet in eo, quod nobis dicatur facultas moralis in oppositione ad physicam; ita non opus esse videtur, ut facultatem quoque habendi adjiciamus, cum ea a facultate agendi praesupponatur, ubi eidem locus est.

Hac

(1) de Jure belli & pacis lib. I, c. I, §. 4. & seqq.
p. m. 4 & seqq.

Hæc ut clarius intelligantur, exemplum unum alterumque afferre lubet. Inter jura in significato præsentis refertur dominium. Consistit autem dominium in facultate de re aliqua pro arbitrato suo disponendi. Ponamus *Titio* competere dominium libri alicujus. Potest igitur vi hujus juris librum istum vendere, potest eum alteri legendum tradere, potest eum donare alteri, potest eum Bibliothecæ suæ inferere, potest in margine ad ea, quæ legit, annotatiunculas adjicere & quæ sunt alia his gemina. Non opus est, ut dicamus, dominium esse facultatem habendi librum: etenim cui competit ista agendi facultas, is utique librum habere debet. Nemo autem præter *Titium* de libro eodem eodem modo disponere potest: etsi enim quoque simpliciter non repugnet, ut *Mævius* eum vendat, *Cajo* legendum tradat, *Sempronio* donet, Bibliothecæ suæ tanquam suam inferat, annotationes ad marginem inter legendum adjiciat; non tamen nisi physicam hæc faciendi facultatem habet, non moralem, quia facit quod lege prohibetur, cum e contrario *Ti-*

Q 2

tius

tius moraliter eadem agere possit,
 quia facit, quod lege permissum, seu,
 quod nulla lege facere prohibetur. Ni-
 mirum multa homines facere possunt,
 quæ lege facere prohibentur: atque
 ideo facultas moralis a physica distin-
 guitur, nec tam late patet moralis,
 quam physica. Indesimul patet, cum
 facultatem agendi moralem lex tribu-
 at, physicam natura, jus omne homi-
 nibus nasci ex lege. Ex legibus adeo
 dijudicandum, quæ hominibus singu-
 lis competant jura. Similiter inter
 jura refertur servitus stillicidii excipi-
 endi, quæ definitur per jus, quod
 quis in area vel ædibus vicini habet,
 ut is impedire non possit, quo minus
 aqua ex nostris tectis in tectum vel
 aream ipsius cadat. Hoc verò jus de-
 signat facultatem moralem tectum su-
 um ita construendi, ut pluvia inde in
 tectum vel aream vicini cadat, adeo-
 que aliquid agendi. Quilibet tectum
 suum hac ratione construere potest,
 qui ædificium excitat, adeoque phy-
 sicam habet id agendi potestatem; sed
 non omnibus idem agere lege per-
 missum est, adeoque lex eam tribuit.

tantummodo iis, qui eam ex pacto vel contractu sunt consecuti. Nostrium jam non est notionem istam juris distinctius evolvere, cum nonnisi ea sectemur, quæ definitioni *justitiae* ab *Ulpiano* datae intelligendæ sufficiunt. Mittimus itaque, quæ uberius eam in rem dici poterant. Id unice hic annotasse sufficiat, ad facultatem agendi hic quoque referri facultatem ab altero exigendi, ad quod præstandum obligatur. Ita si *Titius* ex contractu obligatur *Mævio* ad ipsum in philosophia instituendum; jus *Mævio* competit institutionem a *Titio* exigendi. Hinc vero porro haud difficulter colligitur, quomodo alteri jus suum tribuamus, scilicet si facultatem ejus agendi moralem nullo modo impediamus, si ea præstemus, ad quæ præstanda obligamur, si facultatem agendi, quam lex alteri tribuit, ipso invito non nobis asseramus. Jus enim, quod qualitas quædam moralis personæ est, non dicit nisi moralem agendi facultatem: qui adeo non impedit, quominus alter agat, quæ moraliter, hoc est, lege non invita agere potest; is

Q 3

alteri

alteri jus suum tribuit. Ita *Titio* jus suum tribuit *Mævius*, si librum, cujus vendendi occasio adest, sibi ab illo communicatum restituit, ut eum vendere possit, ne occasio ista non statim reditura præterlabatur. Jus vero alterius violat, qui idem facere altero invito audet, quod non nisi ipsi permissum. Ita *Titii* jus violat *Mævius*, si in libro *Titii* notas marginales textui adscribit, illo inscio ac invito. Et jure suo alterum prorsus privat, qui omnem agendi facultatem moralem eidem adimit. Ita jure suo *Sempronius* privat *Titium*, si ipsi librum clam aufert atque vendit, vel flammæ ferali tradit. Similiter cum alter ea jure exigere possit, ad quæ præstanda eidem obligamur, utut in foro non semper ad idem eundem cogi expediat; illa vero exigendi facultas sit jus quoddam in præsentī significatu, quemadmodum modo monuimus; alteri utique jus suum tribuit, qui idem alteri præstat officium, ad quod præstandum eidem obligatur. Ita *Cajus* obligatur lege naturali ad vindicandum *Titio* librum suum a *Sempronio* ipsi ablatum,

vel

vel saltem ad significandum eidem, quod librum clam ablatum habeat *Sempronius*. Quamobrem ubi *Cajus* vel librum *Titii* aufert *Sempronio* veroque Domino reddit, vel *Titio* significat, quod librum ejus viderit apud *Sempronium*; jus suum *Titio* tribuit. Definitio nempe justitiæ, quam dedit *Ulpianus*, non solum respicit jus ex lege civili enatum, sed in genere omne, ex quacunque tandem lege ortum trahat. Non opus est, ut per multas ambages idem probetur: satis enim superque ex iis colligitur, quæ de genere justitiæ, quod ponit in definitione *Ulpianus*, paulo ante (§. 2 & seqq.) dicta sunt.

§. 7. Justitia, quam *Ulpianus* definit, ea est, quam *Aristoteles* particularem appellat: per universalem enim philosophus complexum omnium virtutum intelligit, quatenus eadem ad communem civitatis bonum tendunt. Justitia nimirum universalis constituitur per relationem virtutis uniuscujusque ad alios, eos præsertim, qui in eadem societate civili nobiscum vivunt. Inde est, quod justi dicamur esse erga alios, &

Consensus justitiæ universalis Aristotelis cum definitione Ulpiani.

Q 4

justus

Justus appellatur, qui alias a virtute nomen trahit, quod non sibi, sed alii, praesertim civitati operetur, ad salutem quippe totius civitatis in actionibus suis tendens. Ita temperans appellatur justus, quatenus opes suas profunderi non vult, ut oneribus Reip. pro parte sua ferendis par sit, & idem justus est erga alios, quatenus suo exemplo docet alios, neminem vero eodem ad intemperantiam seducit, nec ulli offendiculo est. Nimirum notioni justitiae *Ulpiani* insunt principia generalia, unde haud difficulter probatur, justitiam universalem esse speciem justitiae in genere, eodem jure, quo justitia particularis ejusdem species constituitur. Etenim cum ad jus alteri tribuendum etiam referre liceat facultatem ab altero exigendi officia, quae jure naturali debet, ut ut in foro ad ea praestanda cogi nequeat (§. 6); quilibet etiam ab altero exigere potest, ne suo exemplo sibi sit offendiculo, sed potius eodem se doceat. Competit igitur ipsi aliquod veluti jus in actiones alterius, & alter ipsi tribuit jus suum, quatenus actiones legi conformes com-

mittit,

mittit; hoc est, eas, quas ut alter committeret, jure suo exigere poterat; ex adverso autem actiones legi diffformes omittit, hoc est, eas, quas ut alter omitteret, jure suo efflagitare poterat. Qui jus istud alteri non tribuit, injustus utique est. Enascitur autem hoc jus ex lege naturali, qua alterius perfectionem promovere pro virili jubemur. Similiter Remp. considerare licet tanquam personam atque ad eam singulas referre actiones civium, ut appareat, utrum saluti Reip. conducant, an eidem adversentur. Quoniam lege naturali unusquisque civium salutem Reip. promovere tenetur, quantum datur; Reip. inde enascitur aliquod jus, quod consistit in facultate exigendi actiones saluti suae conducibiles, & deprecandi eidem adversas. Reip. adeo tribuit jus suum, qui actiones suas refert ad Remp. & eas, quae sunt virtutis, patrat; propterea quod saluti Reip. conducunt; ceteras vero omittit, quoniam eas eidem adversari intelligit. Atque ita justus est erga Remp.

Q 5

§. 8.

*Funda-
mentum
divisionis
justitiae
particu-
laris.*

§. 8 Justitia particularis, de qua accipitur definitio *Ulpiani*, dividitur ab *Aristotele* in distributivam & commutativam, quarum illa observare dicitur proportionem geometricam, haec arithmetica. Divisionem hanc in Jurisprudentiam invexerunt Juris Romani interpretes, cum philosophia *Aristotelica* in Scholis esset recepta, pluribus institutum hoc improbantibus, nec ipso *Grotio* (m) prorsus consentiente. Nostrium igitur est inquirere, utrum doctrina *Aristotelica* sit uberior explicatio definitionis *Ulpiani*, nec ne, & num utiliter in Jurisprudentiam recipiatur. Hac enim discussione facta constabit, quamnam fuerit ratio, cur *Grotio* praeunte non satis accurata, nec admodum utilis visa fuerit. Fundamentum divisionis desumitur ab objecto, circa quod versatur justitia particularis. Etenim jus istud, quod alteri tribuendum esse inculcat definitio *Ulpiani*, aut cui debetur, quatenus quis est pars societatis, hoc est, ad finem, cujus gratia Resp. est, obtinendum quidpiam confert, atque ideo

com-

(m) de Jure B. & P. lib. I. c. I. §. 8.

communis dicuntur, ad quæ jus quoddam quis habet: aut cui debetur sine relatione ad Remp. non quatenus civis est, sed alio singulari respectu, veniendi ex contractu, atque ideo *propria* appellantur, ad quæ jus quoddam quis habet. Circa communia versatur ex mente *Aristotelis* justitia distributiva; circa propria vero commutativa: & in illa observanda præcipitur proportio geometrica; in hac arithmetica.

§. 9. Definitionem justitiæ distributivæ jam explicatiorem dedit *Joannes Felde(n)* eam optime definiens, quod sit justitia, qua quod commune est dividimus inter partes alicujus societatis ita, ne pars ulla conquerendi causam habeat. Communia cum dicantur ea, quæ concernunt cives, quatenus sunt partes societatis civilis, aut, si majoris, membra; huc referri debent honores, munera & onera. Ita si onera inter cives singulos distribuenda, massa integra ab omnibus solvenda constituta; distributio hæc ita fieri debet, ne quis conquerendi causam habeat,

Consensus Aristotelis cum Ulpiano in justitia distributiva.

(n) in Elementis Juris universi part. 1. c. 3. §. 1. p. 9.

beat, quasi sibi majus imponatur onus, alteri minus, cui vel majus, vel aequale imponi debebat. Si munus, quod vacat, cuidam civium conferendum; in eo quidem conferendo id agendum, ne quis alterum sibi praelatum conquirendi causam habeat. Idem omnino observandum, ubi quis civium ad honores evehitur, ut civiliter melior altero habeatur. Quod si jam quaesiveris, quid in distribuendis communibus observari debeat, ne pars ulla conquirendi causam habeat; *Aristoteles* respondet, proportionem geometricam observandam esse, qua in damno & lucro communi dividendo uti socios vel ex regula societatis perspicere licet, quae in Arithmetica traditur, ubi pars lucri vel damni proportionatur parti pecuniae collatae, ita ut, qui sextam pecuniae partem contulit, fruatur quoque sexta lucri parte vel ferat sextam damni partem. Nimirum in Politica demonstratur, onera, quae cives in Republica ferre debent, proportionanda esse lucro, quae in eadem percipiunt; honores proportionandos esse meritis in Republica. munera vero aptitudini, quam

quis

quis habet, ad ea obeunda. Quod si ea observentur, nemo conquerendi causam habet, cum ex istis principiis demonstrare quis teneatur, sibi injuriam esse factam. Etenim qui ex principiis verioris Politicæ demonstrare nequit, injuriam sibi esse factam: is utique sine causa conqueritur, seu conquerendi rationem sufficientem minime habet. Querelas autem tolli, quæ ratione destituuntur legitima, impossibile cum sit; nec justitiæ est impedire, ut nullæ prorsus suboriantur querelæ. Dum vero ita argumentamur: Sicuti se habet lucrum *Titii*, quod in Rep. percipit, ad lucrum *Mævii*; ita quoque se habere debet onus *Titio* irrogandum ad onus, quod imponitur *Mævio*: nemo, qui vel primis labris elementa Geometriæ degustavit, ignorat, ita observari proportionem, quam Geometra contemplantur, quæque & moderno Mathematicorum stylo geometrica dicitur. Similiter dum in distribuendis muneribus argumentamur: Quo *Titius* ad munus publicum obeundum optior *Mævio*; eo munus, quod ei-lem confertur, præstat munere, quod con-

confertur *Mævio*; proportio denique geometrica in hac illatione latet. Nec aliter sese res habet, ubi honores *Titii* decreti sunt ad honores, quibus fruitur *Mævius*, ut merita *Titii* in Remp. ad merita *Mævii* in eandem. Argumentationes istiusmodi speciales continentur sub hac generali: Ut persona una ad alteram, ita pars communis distribuendi, quæ uni debetur, ad partem, quæ debetur alteri: quæ utique proportionem geometricam nititur. Patet autem ex antecedentibus, proportionem personarum determinari per id, quod quis ad finem societatis confert, ut in mercatorum societate per pecunias collatas, si socii omnes eandem operam præstent. Nihil in hisce continetur, quod rationi consentaneum non sit. Quamobrem cum & definitio iustitiæ *Ulpiani* eidem concordemprehenderimus (§. 6); vel exinde colligetur, quod, quæ in definitione *Ulpiani* continentur, ad iustitiam quoque distributivam, quam *Aristoteles* vocat, applicari possint. Sed hoc quidem docendum est paulo disertius. Definitio *Ulpiani* unicuique jus suum tribuere

uere jubet. Videndum itaque quod unicuique circa communia, in quibus distribuendis versatur justitia distributiva, jus sit & quomodo eidem tribuatur. Non autem fictione inutili Resp. hic consideratur instar personæ, quam repræsentant illi, penes quos est rerum potestas. Atque ita quoddam jus est Reip. a civibus eidem tribuendum; quoddam etiam jus civium tribuendum ipsis a Rep. Nimirum Resp. jus habet exigendi onera, ne desint sumptus ad salutem Reip. ac tranquillatem promovendam & conservandam necessarii. Atque adeo in Remp. justus est civis, qui onera pro rata lubentissime ferre non recusat: & qui Remp. repræsentant in cives justii sunt, quatenus onera ista distribuunt commodis in Rep. perceptis proportionaliter, consequenter in proportionem geometricam. Similiter jus civibus competit prætendendi honores meritis in Remp. proportionatos & munus aptitudini ad idem obeundum proportionatum. Illis adeo jus suum tribuunt ii, penes quos est rerum potestas, si honores & munera in proportionem geometricam distri-

stri-

tribuuntur. Jus quoque competit Reip. in cives ab iisdem exigendi, ut muneri publico viribus suis proportionato subeundo humeros suos submittant. Civis adeo tribuit Reip. jus suum, qui humeros suos prompte submittit. Quæ igitur circa communia distribuenda ex definitione *Ulpiani* consequuntur, eadem sunt cum iis, quæ de justitia distributiva tradit *Aristoteles*.

Consensus doctrinae Aristotelis de justitia commutativa cum definitione Ulpiani.

§. 10. Videamus vero jam porro, quomodo eidem consentiant, quæ de justitia commutativa seu correctoria *Aristoteles* docet. Sententiam philosophi denuo optime explicavit *Joannes a Felde* (o), justitiam commutativam definiens per justitiam particularem, quæ tollit querelas in commutationibus partim spontaneis, partim invitis. Commutatio hic dicitur actus, quo aliquid, quod erat *Titii*, transferatur in *Mævium*. Sunt adeo commutationes spontaneæ contractus, qui mutuo contrahentium consensu perficiuntur: invitæ autem furta, rapinæ, damna injuria data. Ex commutationi-

(o) loc. cit. c. 4, p. 12.

tionibus invitis statim oriuntur querelæ, veluti ex furto, ex injuria verbali, ex injuria reali: ex spontaneis tum demum, quando *Mævius*, quod erat *Titii*, accipit, *Titio* autem vel nihil retribuit, vel non tantum, quantum debet, vel non eo loco & tempore, quo debet. Ponamus *Mævium* domum *Titii* emere 4000 thaleris, eamque ipsi tradi; *Mævium* tamen statuto tempore non solvere pretium, aut non solvere integrum. Nascuntur inde querelæ, quod *Mævius* non solvat, quod debet, vel non solvat, quod debet, integrum. Has igitur querelas tollit Iustitia commutativa, sive correctoria. Videndum vero jam erit, quomodo querelæ tollantur. Si querelæ ex commutatione suboriuntur, unus quidem plus habet, alter minus. Quomobrem ut tollantur, plus habenti subtrahitur, quod plus habet, atque minus habenti detractum additur. Ita in casu præcedente *Mævius*, cui tradita est domus *Titii*, plus habet, quam habere debet, nempe domum & pretium 4000 thalerorum simul, cum tantummodo domum habere debeat:

(Hor. subs. 1729.)

R

ex

ex adverso autem *Titius* minus habet, quam habere debebat, cum pretium habere debeat. Tolluntur adeo querelæ, si *Mævius* solvit *Titio* 4000 thaleros. Facta enim solutione nullam amplius conquerendi causam habet *Titius*, qui querebatur de 4000 thaleris sibi non solutis eo tempore, quo solutionem promiserat *Mævius*. Atque ea quidem in commutationibus spontaneis satis manifesta sunt: paulo majore autem attentione opus est, ubi cum commutationibus invitis negotium fuerit. Commutationes invitæ delictorum nomine veniunt. In delictis æstimandis spectatur & damnum illatum, & offensa, qua tum civem quoad personam suam privatam, tum Remp. læsit. Si *Mævius* mille aureos *Titio* abstulit, duplici ex capite querelæ oriuntur, nempe ob jacturam mille aureorum, & ob terrorem, tristitiam aliosque affectus molestos ex ea perceptos. Tolluntur adeo querelæ, si non modo mille aurei restituantur sed & offensæ satisfiat pœna inflictæ. Hinc pœna furti ab ipso Deo in Rep. Hebræorum pecuniaria erat constituta.

& mu

& multa solvebatur domino, cui res furto fuerat ablata. Minus enim habebat *Titius*, quam habere debebat, non modo quod mille aureis careret, quos habere debebat, sed & quod pretio destitueretur, quanti tædia ob jacturam mille aureorum creata æstimabatur. Quamobrem non modo restitui jussit (p) Deus, quod furto erat ablatum; sed ejus potius nunc quintuplum, nunc quadruplum pro quantitate tædii percepti, ut extingueretur vindictæ cupido sicque querelæ prorsus cessarent. Pro uno nimirum bove restituendi erant boves quinque; pro ove una tantum quatuor. Homicida vindictæ satisfaciens quasi lucrum, occisus damnum habet. Eripitur eidem jure talionis vita (q), ut æqua sit utriusque conditio. Eadem est ratio æstimationis injuriarum in jure Romano. Quoniam itaque in justitia commutativa uni demitur, quod alius habet, detractumque additur alteri, qui habet minus; ideo observari solet proportio arithmetica, in qua

R 2 . ad-

(p) Exod, XXII, 1. (q) Exod, XXI, 12.

addendo & subtrahendo omnia perficiuntur. Tenendum scilicet est, Mathematicos veteres proportionis nomine tantummodo appellasse eam, quae geometrica nunc dicitur; arithmetica vero tanquam in Geometria parum utilem non considerasse. Vocavit igitur *Aristoteles* proportionem geometricam, qua utuntur Geometrae cum vero alia opus esset in commutationibus ad jus revocandis, hanc arithmetica appellavit: qua in re hodie Mathematici plurimi ipsum sequuntur, vocantes proportionem arithmetica, ubi eadem est differentia terminorum. Etsi autem *Aristoteles* potissimum ad hoc respexerit, ut inaequalitas tollatur & ad aequalitatem reducantur inaequalia; in proportionem tamen inaequalitatis notioni nunc receptae convenienter facta explicatio multo evidentior est. Nimirum in justitia commutativa, quae in corrigendis inaequalitatibus ex commutationibus ortis tota versatur, retributio ita fieri solet, ut ea facta status *Titii* & *Mævii* quoad bona fortunae idem sit, qui fuerat ante commutationem. Un-

le & injuriæ, & offensa olim pecunia
estimabantur, perinde ac bona five
mobilia, five immobilia, quorum pre-
mium pecunia determinatur. Quod si
igitur justitia observari debet in com-
mutationibus, id effici debet, ut quæ-
nam erat status *Titii* ac *Mævii* diffe-
rentia ante commutationem, eadem
sit post retributionem, quoad bona
scilicet fortunæ, respectu hujus com-
mutationis, præcisis ceteris, quæ ad
eam nihil faciunt, cum quoad cetera
status *Titii* atque *Mævii* idem per-
mansisse supponatur, qui fuerat ante
commutationem. Hanc vero regu-
lam niti proportionem arithmetica nemo
ignorat, qui prima Arithmeticæ rudi-
menta animo comprehensa habet. Per
commutationem differentia status
commutantium mutatur; per retri-
butionem vero ex diversa eadem effi-
citur, quæ fuerat ante: id vero aliter
feri non posse, quam si id, quod plus
habenti subtractum fuerit, addatur
minus habenti, quemadmodum præ-
cipit *Aristoteles*, nemo non intelligit,
modo utatur ea attentione, quæ hic
sufficit. Hanc retributionem, qua
R 3, 4, 5, 6, 7, 8, 9, 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 93, 94, 95, 96, 97, 98, 99, 100, 101, 102, 103, 104, 105, 106, 107, 108, 109, 110, 111, 112, 113, 114, 115, 116, 117, 118, 119, 120, 121, 122, 123, 124, 125, 126, 127, 128, 129, 130, 131, 132, 133, 134, 135, 136, 137, 138, 139, 140, 141, 142, 143, 144, 145, 146, 147, 148, 149, 150, 151, 152, 153, 154, 155, 156, 157, 158, 159, 160, 161, 162, 163, 164, 165, 166, 167, 168, 169, 170, 171, 172, 173, 174, 175, 176, 177, 178, 179, 180, 181, 182, 183, 184, 185, 186, 187, 188, 189, 190, 191, 192, 193, 194, 195, 196, 197, 198, 199, 200, 201, 202, 203, 204, 205, 206, 207, 208, 209, 210, 211, 212, 213, 214, 215, 216, 217, 218, 219, 220, 221, 222, 223, 224, 225, 226, 227, 228, 229, 230, 231, 232, 233, 234, 235, 236, 237, 238, 239, 240, 241, 242, 243, 244, 245, 246, 247, 248, 249, 250, 251, 252, 253, 254, 255, 256, 257, 258, 259, 260, 261, 262, 263, 264, 265, 266, 267, 268, 269, 270, 271, 272, 273, 274, 275, 276, 277, 278, 279, 280, 281, 282, 283, 284, 285, 286, 287, 288, 289, 290, 291, 292, 293, 294, 295, 296, 297, 298, 299, 300, 301, 302, 303, 304, 305, 306, 307, 308, 309, 310, 311, 312, 313, 314, 315, 316, 317, 318, 319, 320, 321, 322, 323, 324, 325, 326, 327, 328, 329, 330, 331, 332, 333, 334, 335, 336, 337, 338, 339, 340, 341, 342, 343, 344, 345, 346, 347, 348, 349, 350, 351, 352, 353, 354, 355, 356, 357, 358, 359, 360, 361, 362, 363, 364, 365, 366, 367, 368, 369, 370, 371, 372, 373, 374, 375, 376, 377, 378, 379, 380, 381, 382, 383, 384, 385, 386, 387, 388, 389, 390, 391, 392, 393, 394, 395, 396, 397, 398, 399, 400, 401, 402, 403, 404, 405, 406, 407, 408, 409, 410, 411, 412, 413, 414, 415, 416, 417, 418, 419, 420, 421, 422, 423, 424, 425, 426, 427, 428, 429, 430, 431, 432, 433, 434, 435, 436, 437, 438, 439, 440, 441, 442, 443, 444, 445, 446, 447, 448, 449, 450, 451, 452, 453, 454, 455, 456, 457, 458, 459, 460, 461, 462, 463, 464, 465, 466, 467, 468, 469, 470, 471, 472, 473, 474, 475, 476, 477, 478, 479, 480, 481, 482, 483, 484, 485, 486, 487, 488, 489, 490, 491, 492, 493, 494, 495, 496, 497, 498, 499, 500, 501, 502, 503, 504, 505, 506, 507, 508, 509, 510, 511, 512, 513, 514, 515, 516, 517, 518, 519, 520, 521, 522, 523, 524, 525, 526, 527, 528, 529, 530, 531, 532, 533, 534, 535, 536, 537, 538, 539, 540, 541, 542, 543, 544, 545, 546, 547, 548, 549, 550, 551, 552, 553, 554, 555, 556, 557, 558, 559, 560, 561, 562, 563, 564, 565, 566, 567, 568, 569, 570, 571, 572, 573, 574, 575, 576, 577, 578, 579, 580, 581, 582, 583, 584, 585, 586, 587, 588, 589, 590, 591, 592, 593, 594, 595, 596, 597, 598, 599, 600, 601, 602, 603, 604, 605, 606, 607, 608, 609, 610, 611, 612, 613, 614, 615, 616, 617, 618, 619, 620, 621, 622, 623, 624, 625, 626, 627, 628, 629, 630, 631, 632, 633, 634, 635, 636, 637, 638, 639, 640, 641, 642, 643, 644, 645, 646, 647, 648, 649, 650, 651, 652, 653, 654, 655, 656, 657, 658, 659, 660, 661, 662, 663, 664, 665, 666, 667, 668, 669, 670, 671, 672, 673, 674, 675, 676, 677, 678, 679, 680, 681, 682, 683, 684, 685, 686, 687, 688, 689, 690, 691, 692, 693, 694, 695, 696, 697, 698, 699, 700, 701, 702, 703, 704, 705, 706, 707, 708, 709, 710, 711, 712, 713, 714, 715, 716, 717, 718, 719, 720, 721, 722, 723, 724, 725, 726, 727, 728, 729, 730, 731, 732, 733, 734, 735, 736, 737, 738, 739, 740, 741, 742, 743, 744, 745, 746, 747, 748, 749, 750, 751, 752, 753, 754, 755, 756, 757, 758, 759, 760, 761, 762, 763, 764, 765, 766, 767, 768, 769, 770, 771, 772, 773, 774, 775, 776, 777, 778, 779, 780, 781, 782, 783, 784, 785, 786, 787, 788, 789, 790, 791, 792, 793, 794, 795, 796, 797, 798, 799, 800, 801, 802, 803, 804, 805, 806, 807, 808, 809, 810, 811, 812, 813, 814, 815, 816, 817, 818, 819, 820, 821, 822, 823, 824, 825, 826, 827, 828, 829, 830, 831, 832, 833, 834, 835, 836, 837, 838, 839, 840, 841, 842, 843, 844, 845, 846, 847, 848, 849, 850, 851, 852, 853, 854, 855, 856, 857, 858, 859, 860, 861, 862, 863, 864, 865, 866, 867, 868, 869, 870, 871, 872, 873, 874, 875, 876, 877, 878, 879, 880, 881, 882, 883, 884, 885, 886, 887, 888, 889, 890, 891, 892, 893, 894, 895, 896, 897, 898, 899, 900, 901, 902, 903, 904, 905, 906, 907, 908, 909, 910, 911, 912, 913, 914, 915, 916, 917, 918, 919, 920, 921, 922, 923, 924, 925, 926, 927, 928, 929, 930, 931, 932, 933, 934, 935, 936, 937, 938, 939, 940, 941, 942, 943, 944, 945, 946, 947, 948, 949, 950, 951, 952, 953, 954, 955, 956, 957, 958, 959, 960, 961, 962, 963, 964, 965, 966, 967, 968, 969, 970, 971, 972, 973, 974, 975, 976, 977, 978, 979, 980, 981, 982, 983, 984, 985, 986, 987, 988, 989, 990, 991, 992, 993, 994, 995, 996, 997, 998, 999, 1000, 1001, 1002, 1003, 1004, 1005, 1006, 1007, 1008, 1009, 1010, 1011, 1012, 1013, 1014, 1015, 1016, 1017, 1018, 1019, 1020, 1021, 1022, 1023, 1024, 1025, 1026, 1027, 1028, 1029, 1030, 1031, 1032, 1033, 1034, 1035, 1036, 1037, 1038, 1039, 1040, 1041, 1042, 1043, 1044, 1045, 1046, 1047, 1048, 1049, 1050, 1051, 1052, 1053, 1054, 1055, 1056, 1057, 1058, 1059, 1060, 1061, 1062, 1063, 1064, 1065, 1066, 1067, 1068, 1069, 1070, 1071, 1072, 1073, 1074, 1075, 1076, 1077, 1078, 1079, 1080, 1081, 1082, 1083, 1084, 1085, 1086, 1087, 1088, 1089, 1090, 1091, 1092, 1093, 1094, 1095, 1096, 1097, 1098, 1099, 1100, 1101, 1102, 1103, 1104, 1105, 1106, 1107, 1108, 1109, 1110, 1111, 1112, 1113, 1114, 1115, 1116, 1117, 1118, 1119, 1120, 1121, 1122, 1123, 1124, 1125, 1126, 1127, 1128, 1129, 1130, 1131, 1132, 1133, 1134, 1135, 1136, 1137, 1138, 1139, 1140, 1141, 1142, 1143, 1144, 1145, 1146, 1147, 1148, 1149, 1150, 1151, 1152, 1153, 1154, 1155, 1156, 1157, 1158, 1159, 1160, 1161, 1162, 1163, 1164, 1165, 1166, 1167, 1168, 1169, 1170, 1171, 1172, 1173, 1174, 1175, 1176, 1177, 1178, 1179, 1180, 1181, 1182, 1183, 1184, 1185, 1186, 1187, 1188, 1189, 1190, 1191, 1192, 1193, 1194, 1195, 1196, 1197, 1198, 1199, 1200, 1201, 1202, 1203, 1204, 1205, 1206, 1207, 1208, 1209, 1210, 1211, 1212, 1213, 1214, 1215, 1216, 1217, 1218, 1219, 1220, 1221, 1222, 1223, 1224, 1225, 1226, 1227, 1228, 1229, 1230, 1231, 1232, 1233, 1234, 1235, 1236, 1237, 1238, 1239, 1240, 1241, 1242, 1243, 1244, 1245, 1246, 1247, 1248, 1249, 1250, 1251, 1252, 1253, 1254, 1255, 1256, 1257, 1258, 1259, 1260, 1261, 1262, 1263, 1264, 1265, 1266, 1267, 1268, 1269, 1270, 1271, 1272, 1273, 1274, 1275, 1276, 1277, 1278, 1279, 1280, 1281, 1282, 1283, 1284, 1285, 1286, 1287, 1288, 1289, 1290, 1291, 1292, 1293, 1294, 1295, 1296, 1297, 1298, 1299, 1300, 1301, 1302, 1303, 1304, 1305, 1306, 1307, 1308, 1309, 1310, 1311, 1312, 1313, 1314, 1315, 1316, 1317, 1318, 1319, 1320, 1321, 1322, 1323, 1324, 1325, 1326, 1327, 1328, 1329, 1330, 1331, 1332, 1333, 1334, 1335, 1336, 1337, 1338, 1339, 1340, 1341, 1342, 1343, 1344, 1345, 1346, 1347, 1348, 1349, 1350, 1351, 1352, 1353, 1354, 1355, 1356, 1357, 1358, 1359, 1360, 1361, 1362, 1363, 1364, 1365, 1366, 1367, 1368, 1369, 1370, 1371, 1372, 1373, 1374, 1375, 1376, 1377, 1378, 1379, 1380, 1381, 1382, 1383, 1384, 1385, 1386, 1387, 1388, 1389, 1390, 1391, 1392, 1393, 1394, 1395, 1396, 1397, 1398, 1399, 1400, 1401, 1402, 1403, 1404, 1405, 1406, 1407, 1408, 1409, 1410, 1411, 1412, 1413, 1414, 1415, 1416, 1417, 1418, 1419, 1420, 1421, 1422, 1423, 1424, 1425, 1426, 1427, 1428, 1429, 1430, 1431, 1432, 1433, 1434, 1435, 1436, 1437, 1438, 1439, 1440, 1441, 1442, 1443, 1444, 1445, 1446, 1447, 1448, 1449, 1450, 1451, 1452, 1453, 1454, 1455, 1456, 1457, 1458, 1459, 1460, 1461, 1462, 1463, 1464, 1465, 1466, 1467, 1468, 1469, 1470, 1471, 1472, 1473, 1474, 1475, 1476, 1477, 1478, 1479, 1480, 1481, 1482, 1483, 1484, 1485, 1486, 1487, 1488, 1489, 1490, 1491, 1492, 1493, 1494, 1495, 1496, 1497, 1498, 1499, 1500, 1501, 1502, 1503, 1504, 1505, 1506, 1507, 1508, 1509, 1510, 1511, 1512, 1513, 1514, 1515, 1516, 1517, 1518, 1519, 1520, 1521, 1522, 1523, 1524, 1525, 1526, 1527, 1528, 1529, 1530, 1531, 1532, 1533, 1534, 1535, 1536, 1537, 1538, 1539, 1540, 1541, 1542, 1543, 1544, 1545, 1546, 1547, 1548, 1549, 1550, 1551, 1552, 1553, 1554, 1555, 1556, 1557, 1558, 1559, 1560, 1561, 1562, 1563, 1564, 1565, 1566, 1567, 1568, 1569, 1570, 1571, 1572, 1573, 1574, 1575, 1576, 1577, 1578, 1579, 1580, 1581, 1582, 1583, 1584, 1585, 1586, 1587, 1588, 1589, 1590, 1591, 1592, 1593, 1594, 1595, 1596, 1597, 1598, 1599, 1600, 1601, 1602, 1603, 1604, 1605, 1606, 1607, 1608, 1609, 1610, 1611, 1612, 1613, 1614, 1615, 1616, 1617, 1618, 1619, 1620, 1621, 1622, 1623, 1624, 1625, 1626, 1627, 1628, 1629, 1630, 1631, 1632, 1633, 1634, 1635, 1636, 1637, 1638, 1639, 1640, 1641, 1642, 1643, 1644, 1645, 1646, 1647, 1648, 1649, 1650, 1651, 1652, 1653, 1654, 1655, 1656, 1657, 1658, 1659, 1660, 1661, 1662, 1663, 1664, 1665, 1666, 1667, 1668, 1669, 1670, 1671, 1672, 1673, 1674, 1675, 1676, 1677, 1678, 1679, 1680, 1681, 1682, 1683, 1684, 1685, 1686, 1687, 1688, 1689, 1690, 1691, 1692, 1693, 1694, 1695, 1696, 1697, 1698, 1699, 1700, 1701, 1702, 1703, 1704, 1705, 1706, 1707, 1708, 1709, 1710, 1711, 1712, 1713, 1714, 1715, 1716, 1717, 1718, 1719, 1720, 1721, 1722, 1723, 1724, 1725, 1726, 1727, 1728, 1729, 1730, 1731, 1732, 1733, 1734, 1735, 1736, 1737, 1738, 1739, 1740, 1741, 1742, 1743, 1744, 1745, 1746, 1747, 1748, 1749, 1750, 1751, 1752, 1753, 1754, 1755, 1756, 1757, 1758, 1759, 1760, 1761, 1762, 1763, 1764, 1765, 1766, 1767, 1768, 1769, 1770, 1771, 1772, 1773, 1774, 1775, 1776, 1777, 1778, 1779, 1780, 1781, 1782, 1783, 1784, 1785, 1786, 1787, 1788, 1789, 1790, 1791, 1792, 1793, 1794, 1795, 1796, 1797, 1798, 1799, 1800, 1801, 1802, 1803, 1804, 1805, 1806, 1807, 1808, 1809, 1810, 1811, 1812, 1813, 1814, 1815, 1816, 1817, 1818, 1819, 1820, 1821, 1822, 1823, 1824, 1825, 1826, 1827, 1828, 1829, 1830, 1831, 1832, 1833, 1834, 1835, 1836, 1837, 1838, 1839, 1840, 1841, 1842, 1843, 1844, 1845, 1846, 1847, 1848, 1849, 1850, 1851, 1852, 1853, 1854, 1855, 1856, 1857, 1858, 1859, 1860, 1861, 1862, 1863, 1864, 1865, 1866, 1867, 1868, 1869, 1870, 1871, 1872, 1873, 1874, 1875, 1876, 1877, 1878, 1879, 1880, 1881, 1882, 1883, 1884, 1885, 1886, 1887, 1888, 1889, 1890, 1891, 1892, 1893, 1894, 1895, 1896, 1897, 1898, 1899, 1900, 1901, 1902, 1903, 1904, 1905, 1906, 1907, 1908, 1909, 1910, 1911, 1912, 1913, 1914, 1915, 1916, 1917, 1918, 1919, 1920, 1921, 1922, 1923, 1924, 1925, 1926, 1927, 1928, 1929, 1930, 1931, 1932, 1933, 1934, 1935, 1936, 1937, 1938, 1939, 1940, 1941, 1942, 1943, 1944, 1945, 1946, 1947, 1948, 1949, 1950, 1951, 1952, 1953, 1954, 1955, 1956, 1957, 1958, 1959, 1960, 1961, 1962, 1963, 1964, 1965, 1966, 1967, 1968, 1969, 1970, 1971, 1972, 1973, 1974, 1975, 1976, 1977, 1978, 1979, 1980, 1981, 1982, 1983, 1984, 1985, 1986, 1987, 1988, 1989, 1990, 1991, 1992, 1993, 1994, 1995, 1996, 1997, 1998, 1999, 2000, 2001, 2002, 2003, 2004, 2005, 2006, 2007, 2008, 2009, 2010, 2011, 2012, 2013, 2014, 2015, 2016, 2017, 2018, 2019, 2020, 2021, 2022, 2023, 2024, 2025, 2026, 2027, 2028, 2029, 2030, 2031, 2032, 2033, 2034, 2035, 2036, 2037, 2038, 2039, 2040, 2041, 2042, 2043, 2044, 2045, 2046, 2047, 2048, 2049, 2050, 2051, 2052, 2053, 2054, 2055, 2056, 2057, 2058, 2059, 2060, 2061, 2062, 2063, 2064, 2065, 2066, 2067, 2068, 2069, 2070, 2071, 2072, 2073, 2074, 2075, 2076, 2077, 2078, 2079, 2080, 2081, 2082, 2083, 2084, 2085, 2086, 2087, 2088, 2089, 2090, 2091, 2092, 2093, 2094, 2095, 2096, 2097, 2098, 2099, 2100, 2101, 2102, 2103, 2104, 2105, 2106, 2107, 2108, 2109, 2110, 2111, 2112, 2113, 2114, 2115, 2116, 2117, 2118, 2119, 2120, 2121, 2122, 2123, 2124, 2125, 2126, 2127, 2128, 2129, 2130, 2131, 2132, 2133, 2134, 2135, 2136, 2137, 2138, 2139, 2140, 2141, 2142, 2143, 2144, 2145, 2146, 2147, 2148, 2149, 2150, 2151, 2152, 2153, 2154, 2155, 2156, 2157, 2158, 2159, 2160, 2161, 2162, 2163, 2164, 2165, 2166, 2167, 2168, 2169, 2

querelæ civium tolluntur, esse definitioni *Ulpiani* consentaneam, levi attentione cognoscitur. Oriuntur enim in commutationibus spontaneis querelæ *Titii*, quod ipsi *Mævius* non tribuat jus suum; in commutationibus autem invitis, quod violaverit jus suum. Quare cum juxta doctrinam *Aristotelicam* retributio ita fieri debeat, ut, eadem facta, perinde sit ac si commutatio facta non fuisset; ecquis non videt eadem juste conquerenti de jure suo jus suum tribui? Ita vero satishet justitiæ juxta definitionem *Ulpiani*, quæ unicuique jus suum tribui jubet.

*Dubitis
Grotii occurritur.*

§. II. Dubio vero cuidam hic occurrendum est, quod cum ipsum *Grotium* perplexum reddiderit (r), dignum judico, quod expendatur. Nimirum quæ *Aristoteles* de proportionem geometricam in justitia distributiva; de arithmetica in commutativa observanda inculcat, ex eorum genere esse dicuntur, quæ sæpe locum habent, non semper. Enimvero id quidem inde est, quod determinatio ejus, quod retribui debet, confundatur cum modo retribuendi, quo-

(r) de J. B. & P. lib. I. §. 8, n. 2, p. m. 7.

quorum hunc, non istam praescribit iustitia. Etenim dum quaeritur, quomodo retributio fieri debeat, ut nemo iustam conquerendi causam habeat; supponitur utique id, quod retribui debet & de quo iustae sunt querelae, quas tollere est iustitiae commutativa. Neque enim negari potest, in factorum & rerum aestimatione proportionem sapius observandam esse geometricam. Etenim ponamus socium unum solvere alteri nolle partem lucri ex societate debitam. Quod si singuli socii non eandem contulerint pecuniae summam, sed diversam; vel ex communi Arithmetica constat, in lucro dividendo observari proportionem geometricam, unoquoque sociorum partem lucri pecuniae collatae proportionalem accipiente. Enimvero iustitia commutativa non definit modum, quo socii lucrum commune inter se dividere debent; sed tantummodo socio tribuere jubet partem lucri ipsi debitam, qui, quod ipsa sociis ceteris non tribuatur, conqueritur. Pars lucri debita ut plurimum definienda est ex contractu. Ast dum retributio fieri

R 4 debet

debet ejus, quod ex contractu debetur, in ea observandam esse docet *Aristoteles* proportionem, quam vocat, arithmeticam. Principia determinandi id, quod retribui debet, varie esse possunt; sed modus retribuendi semper per proportionem arithmeticam intelligitur, quemadmodum paulo ante docuimus (§. 10). Non addimus exempla plura, qualia in primis factorum æstimatio in commutationibus invitis suppeditat, cum ex dictis satis manifestum sit, quid etiam in iis difficultatem facebat. Ceteræ *Grotii* difficultates, quas contra divisionem justitiæ *Aristotelicam* in distributivam & commutativam facebat, minoris sunt momenti, ac leviori attentione solvuntur. Dum enim vocabulum commutationis nimis arctum esse judicat, quam ut omnia comprehendat, quæ ad commutativam justitiam referuntur; satis apparet ex antecedentibus, invito *Aristotele* vocabulum commutationis restringi ad solas spontaneas, cum tamen idem generalius sumatur, ut invitæ etiam tanquam alteram speciem sub se comprehendat. Si notio generalis, qualem dedimus

paulo

paulo ante (§.10), ex contextu *Aristotelis* eruatur, regulis illis interpretandi conformiter, quas in Logica dedimus; nihil nominari poterit ad justitiam commutativam referendum, quod non per definitionem commutationis ad eam referendum esse judicetur. Neque in iis latet difficultas, quod justitia distributiva non recte versari dicatur circa communia, commutativa vero circa propria, seu res singulorum. Quando enim dicitur civitas, quæ de communi reddit quod civium quidam in publicum impenderunt, non nisi commutativa justitia fungi, minime autem distributiva: id omnino verum est, sed contra doctrinam *Aristotelicam* nihil facit, cum hic non distribuatur aliquod commune, sed civitas instar personæ privatæ consideratæ reddit personæ privatæ alteri, quod ex contractu debet. Eodem modo apparet, ipsum a significato vocabuli communium recedere, quando ad justitiam distributivam refert casum, quo quis de re sua legat alteri. Neque enim hic distribuitur, quod commune est civium, quatenus sunt partes societatis civilis; sed testator legat pri-

vato, quod nullo jure exigere poterat. Nascitur demum legatario aliquod jus ex voluntate testatoris, & hoc eidem tribuere debet justitia commutativa. Legatum enim ad commutationes spontaneas referri debere, commutationis definitio generalis insinuat (§. 10). Satis igitur superque apparet, *Grotium* non tanti fecisse doctrinam *Aristotelicam*, ut eam attentione sua dignaretur, cum substituerit in notionibus confusis, quas etymologia vocum insinuat, parum sollicitus, utrum eæ ita explicari possint, nec ne, ut doctrina *Aristotelica* cum veritate consentiat: id quod tamen in omni interpretatione æqua observandum esse alibi (s) docuimus. Etenim si attentione sufficiente uti voluisset, acumen tanti viri effugere non poterat, quod in solida argumenti discussione adeo obvium est. Quod si quis cum eodem *Grotio* justitiam commutativam explettricem, distributivam attributricem appellare malit; nobis quidem perinde est, modo in re nihil mutet: alias enim, quod ipsi *Grotio* accidit, non notiones *Aristotelicae*

(s) Log. §. 907. 908.

Stoteticas retinet, sed tantisper varias cum novis nominibus iisdem substituit. Nos hic non aliud agimus, quam ut ostendamus, doctrinam *Aristotelicam* de justitia a veritate non esse alienam, sed perutilem ac sanam, nec male fecisse *ICTos* recentiores, quod eandem cum definitione *Ulpiani* conjunxerint tanquam uberiores ipsius explicationem.

§. 12. Cum quilibet justus esse debeat erga alios, nemo profecto dubitare potest, quin distincta justitiæ notio unicuique multum utilitatis afferat. Inprimis usui sunt, quæ de justitia universali (§. 7) tradidimus, non modo quod inde appareat deesse quid virtuti, nisi justitiæ perpetua comes fuerit; sed quod a justitia universali nova desumantur actionum quarumcunque motiva: multiplicatis autem motivis virtutis studium facilitari & firmari dudum docuimus alibi. Non parum voluptatis hinc percipit, qui ad virtutis gloriam contendit, ubi intelligit, virtutem unamquamque ad novum aliquem perfectionis gradum evehi posse, de quo vulgo paucissimi cogi-

*Utilitas
doctrina
præsentis.*

cogitant. Et quoniam Icti sunt sacerdotes justitiæ, omnisque eorum labor in justo ab injusto separando versatur; ipsorum utique interest nosse, quomodo & in universum omnes, & singuli quoque justii esse queant, tum quomodo querelæ de injustitia, aut saltem justitiæ defectu tollantur. Latent in notione justitiæ in præcedentibus evoluta principia admodum fecunda, quæ & ad prudentiam legislatariam conducunt, & ad rationes legum scrutandas manducunt, quarum in interpretatione præsertim extensiva & restrictiva multus est locus. Judicis officium in eo consistit, ut tollat querelas ex commutationibus ortas. Ipsi adeo facem præferunt ea, quæ de justitia commutativa proposuimus. Nec difficile nobis foret, judicis officium omne ex notione justitiæ commutativæ deducere. Illorum, penes quos est rerum potestas, cura haud postrema est, ne cuiquam civium justa conquerendi causa sit. Juvabit igitur ipsos notio justitiæ distributivæ penitus evoluta. Nec difficile nobis foret demonstrativa ratione inde deducere.

deducere, quæ ad omnes hujus muneris partes adimplendas faciunt. Singula speciminibus sane illustribus illustrare poteramus: sed de specialibus alio tempore dicendorum campus sese aperiet.

III.

De successiva Assensus generatione, in solida rerum cognitione.

§. I.

AD generationem assensus vulgo ^{utilitas} non attenditur: ex defectu autem ^{ratio} hujus attentionis multæ in praxin de- ^{presentis} ^{instituti.} viationes redundant. Quamvis itaque in Logica docuerimus (t), quæ satisfaciunt, si principia omnia anteriora, unde evidentia illius doctrinæ pendet, quis habuerit perspecta; utilitatem tamen hujus doctrinæ demonstraturi, ut ea præmittamus, quæ ad genesis istam distincte percipiendam sufficiunt, consultum omnino ducimus. Ceterum de assensu hic nobis sermo est, qui ex plenaria convictione nascitur, seu cum omnimoda

(t) S. 993.

da certitudine conjungitur, minime fallax, sed ab omni errandi periculo procul remotus: minime autem nobis est negotium cum assensu, quem persuasio parit, sapissime fallax & cum periculo errandi semper conjunctus. Cumque solida rerum cognitio nobis curæ cordique sit, de eo assensu imprimis agimus, qui per rationes intrinsecas, non autem per extrinsecas extorquetur. Etsi enim assensum, qui extrinsecis rationibus debetur, non omni in casu rejiciamus, sed ejusdem præclarum, immo indispensabilem usum in praxi & agnoscamus, & aliquando, si Deus vitam viresque corporis ac animi concesserit, in Logica probabilium adstructuri simus; in præsentī tamen de eo non agimus, utut haud pauca ad eum quoque applicari possint, quæ de assensu rationibus intrinsecis nitente dicemus, propterea quod quædam utrique communia sint, quæ tamen hic simul tradenda & ad unam speciem applicanda, ubi extra systema de eadem loquimur. Multa enim non modo licent, verum etiam fieri debent extra syste-

ma, ut rem pro dignitate trades lectorique intelligenti satisfacias, quæ in systemate non probantur. Dedicimus exemplum aliquod jam in superioribus (u). Obiter vero monemus, assensum certum non esse confundendum cum certitudine veritatis. Etenim certus quoque assensus est, qui præbetur propositioni probabili, tanquam probabili, ut nimirum certi simus, propositionis veritatem nonnisi probabiliter a nobis cognosci. Incertus vero assensus est, qui præbetur vel propositioni certæ, quando quis certus non est, propositionis veritatem a se evidenter cognosci.

§. 2. Quodsi igitur assensus vel vi *Assensus generatio,* demonstrationis, ut certus præbeatur propositioni certæ, vel vi probationis probabilis, ut certus præbeatur propositioni probabili, extorquendus venit; singula principia, quæ demonstrationem, vel probationem probabilem ingrediuntur, & probe perspecta, & familiaria esse debent (x). Perspecta nobis sunt principia, si ea intelligimus & sive veritatem, sive probabili-

bilitatem eorum agnoscimus. Intel-
 ligimus autem principia, si eam in no-
 bis excitare valemus notionem, quæ
 iisdem respondet (y), nempe quæ re-
 præsentat cum eas determinaciones,
 per quas subjectum constituitur, &
 quæ sunt ratio sufficiens prædicati tri-
 buendi, tum præterea eas, quæ prædica-
 to respondent, & cum illis una ponun-
 tur: quemadmodum satis superque
 agnoscere debet, qui principia nostra
 Logica successiva & iterata lectione ac
 meditatione sibi familiaria reddidit. Per-
 spicimus veritatem propositionis, dum
 & de veritate principiorum demon-
 strandi, & de forma demonstrationis
 nullum nobis superesse dubium potest:
 probabilitatem autem agnoscimus,
 ubi de probabilitate unius alteriusve
 principii, de veritate ceterorum, de
 forma denique probationis, vel de
 requisitorum ad veritatem insufficien-
 tia fuerimus solliciti. Enimvero fa-
 miliaria tum demum nobis dicenda
 sunt principia, quando & notiones
 iisdem respondentes veluti sponte sua
 nobis succurrunt, quoties de iisdem
 cogi-

cogitandi occasio offertur, hoc est, verbis nonnullis, vel omnibus ad eadem pertinentibus auditis vel lectis; & notio simul certitudinis vel probabilitatis in nobis renovatur. Hac denuo & clara, & certa esse debent illi, qui Logicam nostram seria attentione perlustravit. Ex his autem intelligitur, quam ad hoc requirantur, ut assensus firmus ac immotus gignatur, qualem Geometra propositionibus suis præbent. Etsi autem ex iisdem porro doceri possit, quomodo fieri nequeat, ut assensus aliter quam successive gignatur; idem tamen multo clarius elucescit, ubi præterea cogitaveris, quam multa principia præsupponantur, antequam vel uni propositioni assensum præbere possis, nisi eum præcipitare volueris. Neque enim assensus gignitur per principia, quæ demonstrationem vel probationem probabilem ingrediuntur, nisi ubi assensus firmum atque immotum ipsis quoque principiis præbueris. Enimvero cum hic denuo eadem recurrant circa demonstrationem, vel probationem principia, quæ de demonstratione

(*Hor. subj. 1729.*) S vel

vel probatione propositionis data tenenda fuerant; assensus huic dandus resolvitur in assensus anteriores. Immo anteriores porro in alios ipsis priores resolvi debent ex eadem ratione, donec tandem perveneris ad principia sine probatione admittenda, qualia sunt definitiones nominales, utpote prorsus arbitrariæ, cum nemo prohibere possit, ne per hoc vocabulum hoc vel istud significari velis, atque axiomata, quorum genuinam formam in Logica (z), delineavimus. Datur itaque assensuum quædam genealogia & quemadmodum impossibile est, ut filius nascatur ante parentem, nepos ante avum, pronepos ante proavum abnepos ante abavum, & ita porro; ita quoque fieri nullo modo potest, ut assensus quidam posterior nascatur sine quodam anteriore, unde in actu suo pendet. Illa autem assensus genealogia in dato casu agnosci nequit, nisi ubi veritates omnes in systema fuerint redactæ, ita ut nullum in demonstrando sumatur principium, quod per se evidens non sit, nisi quod ex ante-

terioribus citetur: quæ sane ratio nos
impulit, ut non modo Mathesin uni-
versam in systema istiusmodi harmo-
icum redigeremus, ad quod dein-
eps facile referre licet, quæ præter ve-
ritates in systemate extantes vel alibi
reperiuntur, vel proprio Marte a nobis
inveniuntur; sed idem quoque magis
difficili labore circa philosophiam mo-
viamur, quemadmodum ex Logica a
nobis evulgata & Philosophia prima
nunc eidem juncta intelligitur. Osten-
di autem jam in Logica (a), quomo-
do assensuum continua series sit dete-
renda, ubi istiusmodi veritatum sy-
stema præsupposueris. Docui ibidem
assensum propositioni de eliminatio-
ne superfluatorum ex definitionibus præ-
sumendum, qualem nos habemus, præ-
supponere assensus centum & triginta,
quorum unusquisque menti ingenerari
debet, antequam ipse in eadem nasci
possit, etsi exemplum non studio qua-
erimus, sed primo oblatum arripu-
imus. Quoniam vero Logica di-
sciplinam aliam non supponit, sed,
quæ ibidem tradimus, ex principiis per

se admittendis deducuntur; vel hinc facile intelligitur, seriem assensuum præsuppositorum fore multo prolixiorem, si ad ceteras disciplinas progredimur, quæ alias præsupponunt atque exiisdem principia sua hauriunt: id quod exemplis ex Mathefi docere poteramus, si quidem opus foret. Sed id quidem opus esse non existimamus vel ideo, quia quivis per se videt præter assensus, quos præsupponit assensus uni principio dandus in ea disciplina, unde principium mutuatur superaccedere alios, qui disciplinæ ille domestici sunt, ad quam proposita proposita spectat.

Necessitas systematis veri nominis.

§.3. Hinc elucescit necessitas systematis veri nominis, in quibus veritates repertæ ad sua principia prima, unpendent, reducuntur & inter se connectuntur. Diximus de his systematibus in Trimestri superiori (b) eorumque formam delineavimus, quæque eo condendo sint observanda profatis inculcavimus. Certum est ea, quæ ibidem traduntur, in systemate veri nominis solo veritates co-

(b) Num. III. §. II. P. 129. & seqq.

line proponi, quo cognitio unius a cognitione alterius pendet, ut nempe continuo præmittantur, quæ ad intelligenda & probanda sequentia requiruntur, ne ullibi utamur voce, nisi per antecedentia clara, nec ad probandum sumantur, nisi quæ per antecedentia sunt evidentiæ: claritatem enim notionibus, quatenus constat quam ad eas referantur; evidentiam propositionibus tribuimus, quatenus certi sumus prædicatum subiecto vi notionis ejusdem esse tribuendum. Jam vero assensus firmus propositioni alicui dandus non generatur, nisi ubi a notionibus, quæ tanquam per se clara assumi possunt, progrediaris ad eas, quarum claritas pendet ab aliis, & a principiis, quæ tanquam per se evidentiæ sumere licet, ad propositiones, quarum evidentia in illorum evidentiam resolvitur. Systemata igitur veri nominis ita comparata sunt, ut assensus certus atque immotus legitima eorum tractatione generari possit. Exemplo nobis sunt Mathematici, quibus immotus est assensus, quem propositionibus geometricis præbent, ne-

mo enim unquam ullis artificiis efficiet, ut Geometra dubitet de veritate theorematis *Pythagorici*, vel alterius *Euclidei* cujuscunque, quin potius de veritate ejus adeo persuasus est, ut, si veritatem quandam investigandam sibi proponens in propositionem inciderit, unde contrarium ejus deducitur, quod theoremate aliquo *Euclideo* continetur, illico inferat propositionem a se repertam esse falsam, quantocunque etiam gaudio perfusus fuerit, cum existimaret veritatem quæsitam a se fuisse inventam. Assensus itaque adeo firmus est, ut ad quemlibet affectuum impetum immotus persistat, ac impossibile sit id maxime credi, quod quis maxime vult. Neque vero putandum est, id tribuendum esse præjudicio in limine studii mathematici tyronum animis instillato, quemadmodum subinde videre licet homines errorem circa religionem tanto fervore defendentes, ut vel martyrium pati, quam ab eodem recedere malent. Ut enim taceam rationes assensus distincte doceri posse, per quas intelligenti obvium est nullum hic præjudicio

udicio esse locum, multo minus pertinacia erroris defendendi rationes extrinsecas dari, quales in altero casu frequentissimas esse nemo non novit: sufficit hic provocasse ad constantem seculorum omnium morem, cum nullum unquam extiterit tempus, quo Elementa *Euclidea* legitima attentione studioque tractantes immotum istiusmodi assensum non fuerint consecuti, ubi cum iis nobis est negotium, qui genesis istam assensus in se minime experti claram ejus notionem nondum animo comprehensam tenent. Etenim ubi quædam persuasio a præjudicio ortum trahit, eadem non omni tempore firmitas persistit. Exemplo nobis est honestas & turpitudine actionum intrinseca circa finem superioris seculi in Academiis Germanicis adeo pertinaciter defensa, ut atheismi rei fuerint postulati, qui eam non admitterent, ubi nunc tanto fervore impugnantur, ut atheismi rei judicentur, qui eidem assensum præbent. Neque dubium ullum est, fore ut scena iterum mutetur, cum honestas ac turpitudine actionum intrinseca firmo nitatur talo,

ut nonnisi ab iis impugnetur, qui vel contrarium in juventute fuerint edocti, vel per rationes domesticas extrinsecas contrariam sententiam eligere coacti, quemadmodum solenne est ingeniis non systematicis, quorum a voluntate, immo appetitu sensitivo pendet assensus. Inprimis etiam notandum est non defuisse, qui maturiori iudicio demonstrationes *Euclideas* ad examen rigorosum revocarunt: Id quod ex Scholis Mathematicis *Petri Rami* satis superque apparet, atque controversia de angulo contactus inter *Jacobum Peletarium* & *Christophorum Clavium* mota, quod propositio *Euclidea* dubio cuidam obnoxia videbatur, defectu notionis satis claræ infinite seu incomparabiliter parvi. Quemadmodum vero assidua Systematum veri nomini tractatione assensum firmum atque immotum gigni manifestum est; ita e adverso probatu haud difficile est, talem a libris alia quam systematica methodo conscriptis frustra expectari. Etenim si libri communi more fuerint conscripti, in antecedentibus occurrunt termini, qui demum explicantur

in sequentibus & quibus nulla in tyro-
ne respondet notio confusa. Atque
ea ratio est, cur lector hæreat in in-
telligenda mente auctoris, nisi quæ Au-
tor tradit aliunde ipsi fuerint perspe-
cta, consequenter opera alterius indi-
geat, qui terminos istos eidem expli-
cet. Similiter in antecedentibus su-
muntur tanquam principia, quæ de-
mum in subsequenter occurrunt, &
ideo impossibile est, ut quis certum
præbeat assensum propositioni probatæ
cum veritatis principii, unde certitudo
pendet, nondum fuerit convictus.
Haud raro etiam contingit, ut com-
mittatur circulus in probando, si ad
probanda anteriora sumuntur prin-
cipia ex sequentibus & ad probanda se-
quentia principia ex anterioribus. Ita
viro cuidam inter ingenia non systema-
tica magnæ autoritatis ostendi, quod
circulum commisisset in probandis, exi-
stentia Dei ac finibus, cum existentiam
Dei probaturus sumeret, dari fines, &
probaturus quod dentur fines præsup-
poneret dari Deum, mihi autem publi-
ce magno fervore, aut potius furore
insultaret, quod alicubi monuissem in

S 5

pro-

probanda existentia Dei per fines rerum naturalium communiter circulum committi. Nec difficile fuisset plurima istiusmodi exempla ex ejusdem scriptis in medium afferre, siquidem operæpretium fuisset. Extra omnem vero dubitationis aleam positum est, assensum nullo niti fundamento, ubi circulus in probando committitur. Denique in libris vulgari methodo conscriptis probationes quoque non evolvuntur, sed fontes tantummodo indicantur, aut, ubi quis evolutas proferre decreverit, plurimi tamen hiatus admittuntur a lectore non facile supplendi. Quamobrem hac quoque de causa fieri nequit, ut assensus firmus ac indubitatus gignatur. Quoniam itaque omnes libri aut systematici sunt, aut non systematici; ex libris autem systematicis gigni potest assensus firmus atque immotus, ut autem talis ex non systematicis gignatur, pro impossibili habendum; ex libris systematicis solis assensum firmum atque immotum gigni palam est. Atque ea ratio nos impulit, ut genus humanum a perpetuis fluctationibus liberare

berare studeremus : quod si ex asse
consequi nobis datum non fuerit, non
tamen prorsus contemnenda subsidia
nos præstituros confidimus, si quidem
Deo visum fuerit, ut opera philoso-
phica bonis avibus cœpta feliciter con-
tinuare liceat. Utinam plures ea de
re cogitarent, ut de adjutoribus læ-
tandi occasio daretur, sicuti nunc
haud contemnendus est eorum in Ger-
mania numerus, qui laborem generi hu-
mano adeo utilem impedire nituntur.
Quod absque systematibus veri nomi-
nis firmus atque immotus assensus gi-
gni minime possit, experientia abunde
confirmat. Videmus enim quotidie,
quantum vacillet assensus eorum, qui
aliquo saltem acumine præditi sunt,
ubi ad scripta minime systematica le-
genda animum appellunt. Cumque stu-
dio mathematico perficiatur acumen
ac imprimis animo ingeneretur notio
illius sensus, quo certitudinem cogni-
tionis percipimus ex convictione or-
tam; enatæ hinc sunt nonnullorum
querelæ, quasi Mathesis corrumpat
intellectum & hominem ad alia studia
tractanda ineptum reddat, propterea
quod

quod experiantur in Mathesi assiduos conqueri de obscuritate, dum proferruntur termini nondum satis explicati, & evidentiam majorem desiderantes assensum præbere nolle, ubi sumuntur principia nondum probata nec probationes sufficienter evolvuntur. Neque alia profecto ratio est, quod acutiores cum *Huetio* in scepticismum tandem prolabantur, quasi nihil sit, quod certo sciri possit in philosophia, imbecillitatem rationis humanæ accusantes. Immo ex eodem fonte manat inconstantia in sententia defendenda, ut sæpius vertumno mutabiliores nunc hanc, nunc alteram contradictionis partem tueantur, prout rationes extrinsecæ in hanc potius, quam alteram partem assensum trahunt. Inde etiam est, quod in fundamentis ponendis ac iterum diruendis continuo versentur eruditi, nec Mathematicorum more ulterius progrediantur, quodque tot hypotheses absurda indefinenter in publicum protrudantur ab iis, qui prima cognitionis humanæ principia nondum perspexere; quod inter docentes eminere velint, qui vix digni re-

reperiuntur, ut in discentium numero sint; quod imperiti impugnent doctrinam solidam, quam non capiunt, quasi per ignorantiam privilegium obtingat, ut quis iudicis partes teneat inter eruditos. Alia mala longe plurima istisque majora silentio præterimus, quæ a defectu assensus firmi atque immoti ortum trahunt.

§. 4. Porro modus, quo assensus ^{Modus legendi scriptæ systemati-} firmus atque immotus gignitur, docet, ^{ca.} quomodo in legendis libris systematicis versari debeamus, ut eandem certitudinem consequamur, quæ auctori fuit. Nimirum cum assensus successive gignatur, nec vi demonstrationis extorqueri possit, nisi principia nobis fuerint intellecta atque familiaria, in legendis libris systematicis lento gradu progrediendum, ut notiones definitionibus ac propositionibus respondentes altas in mente radices agant sensusque claritatis ac certitudinis cum iisdem firmiter connectatur. Experientur idem, qui ad elementa *Euclidis* legenda sese conferunt. Etsi enim definitiones fuerint faciles ac longe clarissimæ, etsi axiomata ad exempla applica-

plicata luce sua radient; non tamen sibi consulit; qui fugitivo nonnisi oculo illas atque hæc percurrit. Ad sequentia pede promoti ipso opere intelligit, quod ea propter sibi alia sint obscura, alia inevidentia. Ex adverso autem non habet, cur eum operæ suæ pœniteat, qui singulis diebus nonnisi aliquot definitiones accurata analysi perlustravit & diutina attentione memoriæ firmiter infixit; qui axiomatis multiplici ad exempla applicatione lucem affudit eoque studio simul ea memoriæ demandavit; qui ad propositiones demonstrativas progressus accurata demonstrationum analysi, quam alibi (c) docuimus, paucas una vice sibi reddidit evidentes ac familiares. Et enim is sine difficultatum tædiis ad ulteriora progreditur & voluptas, quam ex successu percipit, diligentiae assiduitatem confert. Quoniam philosophiam systematica methodo trado, qua *Euclides* sua conscripsit elementa; in operibus meis legendis eodem modo versari debent, qui eam doctrinarum ibi propositarum claritatem ac evidentiam

(c) §. 551. & seqq. Log.

tiam consequi cupiunt, quam ego experior. Cui nimis tædiosum videtur lento adeo gradu progredi ac nisi cum die ex iisdem proficere, ei vehementer luadeo, ut ab iis legendis desistat, neque enim unquam certus esse poterit, se mentem meam rite percepisse, nec veritatem, etsi manifestam, perspiciet. Quodsi vero operam dederit, ut assensus successive generetur; tum nihil mihi superest dubii fore, ut doctrinam, quam trado, solidam ac utilem esse experiatur. Cum nuper homines nonnulli a doctrina solida sibi metuentes horrendo latratu per orbem eruditum aërem implerent, quod ipsis exploratum esset, plurimos esse eruditos, qui canum more latratui latratus jungant, utut causam ignorent; non defuere circumspectiores, qui libros meos ante legere ac relegere maluerunt, quam imputationibus aliorum plenam fidem haberent, ut solidis argumentis, non ficulneis ac stramineis, quibus consequentarii utebantur, doctrinam meam refutarent. Sed qui animo refutandi accesserant, doctrinam veram ac solidam a me proponi ultro

ultra agnoverunt, & veritatis, & utilitatis convicti partim privatim (d), partim publice (e) ejus rei testimonium mihi præbuerunt ac arma in adversarios converterunt. Et ideo dudum pronunciarunt viri graves ac intelligentes, scripta mea contra vociferationes male sanas nulla defensione egere, sed ipsamet pro me ac pro se loqui, atque ego imputationes horrendas absque ulla responsione Metaphysicæ Germanicæ præfigi curavi certus fore, ut omnes lectores attenti intelligant, eam a vociferatoribus non ea attentione lectam fuisse, quæ sufficit ut intelligatur, adeoque male consuluisse famæ suæ, qui iisdem fidem habuere meis prorsus non lectis.

*Præcox
aliorum
impugna-
tio quo-
modo vi-
setur.*

§. 5. Qui successivam assensus generationem probe perpendit, is sibi a præcoce aliorum impugnatione cavebit, qua nihil frequentius inter Germanos esse solet, in nonnullis præsertim Academicis Protestantium. Cum enim plurimi sint, qui orbi erudito innotescere

(d) Vide exemplum in den Nachrichten von neuen Schrifften §. 210. 212. 213. (e) Vid. Cl. Holmanni, Prof. Wirteberg. Observationes Elencticæ in Controversia Wolfiana,

cere gestiunt, ex curta autem, quæ
 ipsis est, supellectili depromere non
 possunt, quæ cum applausu excipian-
 tur & unde nominis celebritatem con-
 sequantur; facillimam esse viam ad no-
 minis claritatem contendendi sibi per-
 suadent, si viris de Rep. litteraria bene-
 meritis ac merentibus insolenter insul-
 tent eorumque famam laceessant. Fo-
 vetur hoc præjudicium subinde a viris
 indignitate constitutis, qui, cum sin-
 gularem moderationis laudem affe-
 rent, aliorum tamen famam proscin-
 di e re sua esse arbitrentur, juvenes
 petulantes spe patrocinii ipsis profutu-
 ri ad hoc conducunt, ut omne convi-
 tiorum genus impudenter in eos evo-
 mant, a quibus discere ipsis proficuum
 fuerat. Ab intempestivo isto pruritu
 alios impugnandi utique sibi tempera-
 bit, qui successivam assensus genesin
 distincte cognitam intuetur. Etenim
 cum intelligat, nonnisi cum die, plu-
 rimo accedente labore, notiones fieri
 satis claras ac evidentes, ut, quid in
 iis contineatur & quod quædam eo-
 rum per alia determinentur; perspicere
 possit; si qua ex virorum præclarorum
 (Hor. subf. 1729.) T do-

doctrinis, aut sententiis ac hypothesibus, absurda sequi videntur, ea non illis imputabit, sed inde potius oriri suspicabitur, quod mentem illorum nondum fuerit ex asse consecutus. Absurda igitur illa in suo cerebro quærere studebit tantoque alacriori animo atque attentione majore discutiet, quæ sibi absurda videntur, donec majore luce collustratus, quam nonnisi cum die nasci novit, defectum cognitionis agnoscat, unde illa absurda ortum trahabant. Accidit etiam mihi, ut in limine scientiarum constituto multa viderentur absona, multa a veritate aliena, quæ a viris in Rep. litteraria summis proferebantur, etsi non deessent viri docti ac celebres, qui non nihil tribuebant judicio meo. Enimvero successivam claritatis atque assensus generationem tempestive edoctus quod elementa *Euclidis* eo animo legissem ac relegissem, ut in rationes evidentiae studiose inquirerem, non esse talia judicavi quæ videntur. Viris igitur præclaris & merito suo celeberrimis majus acumen tribuens quam mihi in limine adhuc constituto

omnem

omnem dedi operam ut meum, quod nascebatur, acumen ulterius perficerem: quo facto longe alia mihi visa sunt, quæ initio maxime videbantur absurda. Cumque semel ac iterum didicissem, quantum mihi obfuissem, in viros autem bene de scientia meritos injurius fuisset, si ipsis absurda imputare voluissem, quæ meo cognitionis defectui tribuenda fuerant; eundem morem mihi constantem effeci. Neque ejus me unquam pœnitet: vehementer autem doleo, quod neglectu hujus officii totidem desint sibi-metipsis. Etenim si omnes hunc morem sequerentur, quemadmodum sequi debebant, nisi in legem naturæ immutabilem peccare velint, solida utique doctrina in felicitatem generis humani invalesceret, & orbis eruditus tandem purgaretur a plebejis illis moribus, qua quis ex obtrectatione aliorum ad nominis famam contendit. Utinam igitur assensus successivi generationem, quam vivis coloribus depinxi in opere Logico, sibi cognitamque perspectam redderent, quotquot e rebus nondum discussis judicium

deproperare solent, suæque in judi-
cando præcipitantiæ nimium tribuunt,
ut non essent Reip. litterariæ dede-
cori homines, qui ventosa eruditione
turgidi plebejis moribus infamantur!

*Præcipi-
tantia in
judicando
quomodo
eritetur.*

§. 6. Ex successiva illa, cum qua
nobis jam negotium est, assensus ge-
neratione porro intelligimus non c-
mnium dijudicationem esse in potesta-
te nostra, nec omnia omnibus posse
demonstrari; ut veritatis convincan-
tur. Etenim per eam intelligimus,
quam multa præsupponantur princi-
pia nobis cognita atque familiaria, an-
tequam per demonstrationem assensu
extorqueri possit, & quam multum
requiratur tempus, antequam princi-
pia ista cognosci atque familiaria fie-
possunt. Quodsi ergo deprehendimus
principia ista nobis nondum esse per-
specta, nec suppetere tempus, quo es-
demcognoscere nobisque familiariare
dere valeamus; iudicium nostrum utique
suspendimus & rem omnem iis dijudi-
candam relinquimus, qui eam discere
valent. Astronomi motum Ter-
luris defendunt, quietem ejus cum
motu solis rejiciunt. Assensus, qui
hypothesi terræ motæ præbent, pene

i principiis geometricis, arithmeticiis, trigonometricis, opticis, astronomiis, caculis astronomicis & observationibus, consequenter nonnisi plurimorum annorum studio atque labori debetur. Neque adeo possibile est, ut eundem assensum in se experiatur, qui principia ista vel omnia, vel aliqua saltem ignorat. Deerat in *Tychone* assensus iste, etsi principiorum geometricorum, arithmeti-
corum, trigonometricorum, opti-
corum & astronomi-
corum probe gnaro, propterea quod noncum subduxisset calculos eosque cum observationibus contulisset. Notum enim notius est decessisse *Tychonem*, antequam Tabulas astronomicas conderet, ut calculos subducere eosque cum observationibus conferre posset. Nullum vero prorsus est dubium, si adhuc supervixisset, ut manum operi admove-
re potuisset, eum idem expertum fuisse, quod deinde expertus *Ricciolus*, strenuus ille motus solis propugnator & motus telluris oppugnator, non posse tabulas astronomicas condi, quæ cum observationibus contentiunt, nisi in hypothesi terræ motu. Aut igitur observationibus suis

T 3

fidem

fidem omnem denegare debebat, aut hypothefi *Copernicanæ* de motu telluris assensum præbere cogeatur: quod posterius fecit *Keplerus*, cum a *Cæsare* eidem operi admooveretur, quod præmatura morte decedens *Tycho* dereliquerat, utpote certus de veritate observationum *Tychonicarum*. Veritatem igitur astronomicam capere non est cujusvis, consequenter non immerito puerile visum *Copernico*, si quis sibi de ea iudicium sumit, cui impossibile est, ut assensus, qui datur in Astronomo, notionem habeat, hoc tamen non obstante ab Astronomo exigit, ut assensum suum in gratiam rationum extrinsecarum, per quas de veritate astronomica statuere non datur, mutet. Tanta profecto infania non cadit in vulgus, quod potius artificii in arte sua credendum esse ultro largitur. Equidem non ignoro, fastum exprobrari *Copernico*, immo in casu simili Mathematicis in genere, quales sibi soli sapere videantur, dum ab alii res quasdam dijudicari non posse contendunt, ita ut non desint, qui eo vel pedantissimi postulare non erubescant.

T

scant. Enimvero si probe perpende-
rent, fastui tribui non posse, quod
quis secundum rei veritatem sententiam
dicit, ad liberandum genus humanum
a contentione, quæ dedecent viros
eruditos multorumque malorum cau-
sæ sunt, & ad removenda obstacula,
quæ incremento scientiarum objiciun-
tur; fastui potius tribuendum esse fate-
rentur, quod sibi quis plus sapere videat-
ur, quam sapit, immo quam sapere po-
test, ac iudicis partes sibi arroget de
rebus, quas non intelligit, nec intel-
ligere potest. Si quod enim datur pe-
dantissimi vitium, id in eos utique ca-
dit, qui sibi videntur, qui non sunt,
ac se super alios hoc nomine efferunt.
Quoniam philosophia vitia hominum
corrigen debet, nemo nobis vitio ver-
tet, quod philosophiam ad publicam
privatamque utilitatem translaturi
communibus quoque eruditorum vi-
tiis inde medelam afferre studeamus.
Et valde vercor, ne in pedantissimum
nimis facilis sit prolapsus, ubi quis fer-
re nequit, ut vitiis, quæ dedecent vi-
ros eruditos, medela afferatur. Non
aliud hinc metuendum est malum,

quam quod iustum eruditioni unius-
 cuiusque pretium statuatur, ut sint,
 qui videntur, non vero videantur, qui
 non sunt: quod malum verum non
 esse, sed tantummodo apparens iis,
 qui a pedantismi vitio ægre sibi tem-
 perant, nemo sanus non intelligit.
 Maxima profecto utilitas in scientias
 mathematicas redundat, quod Ma-
 thematici, quibus assensus genesis o-
 ptime perspecta est, a vitio isto liberi
 sint, nec quicquam mali inde redun-
 dat, quod alii aliis præstare nec omni-
 um eadem esse dotes existimentur,
 sed unicuique sua tribuatur laus, quam
 meretur. Præjudiciū enim nimis leve
 est, quod quis se contemni arbitretur,
 si alterum quā in re se superiorem agno-
 scit. Non descendimus jam ad ratio-
 nes morales, quibus contrarium do-
 ceri poterat, cum nobis hic tantum-
 modo propositum sit ex ipsa assensus
 genesis docere, cur non omnia possi-
 mus omnes, ne plus de facultatibus
 nostris speremus, quam in iis est.
 Exemplum enim Mathematicorum
 docet, non rectius præcoci aliorum
 impugnationi mederi, quam ubi no-

msup

+ T

tio

tio distincta generationis assensus animo ingeneratur. Et quando nostra methodo philosophari cœperint homines; a variis istis ac ventosis contentionibus tandem liberabitur genus humanum.

§. 7. Dum vero successiva assensus ^{Prajudi-} generatio nos edocet, quamam præ- ^{cium ni-} requirantur, antequam assensus gigni ^{mia con-} possit in dato casu, seu quibus aliis ^{fidentia} assensibus successive genitis is tandem ^{quomodo} oriatur; ut plus de facultatibus no- ^{eradicetur.} stris speremus, quam in iis est, fieri profecto nequit. Quare cum præjudicium nimiae confidentiae in eo consistat, quod quis de facultatibus suis plus speret, quam in iis est; non rectius idem eradicatur, quam ubi successive assensus generationis notionem distinctam animo habueris comprehensam. Experientia idem abunde confirmat. Etenim Geometrae ac Astronomi primi ordinis ab hoc præjudicio immunes sunt. Ultro consentunt, si qua in potestate sua non sunt, sibi ad ea viam nondum patere; alterum ei, quod quaeritur, detegendo esse aptiorem. Si vero quidam adhuc hospites fuerint in Mathesi, rationes autem extrinsecæ

T 5

qua-

quam suadeant, ut imperitis videantur, qui non sunt; ab iis alienum esse non solet, ut opus aggrediantur humeris suis impar. Inprimis autem apparet eos, qui intellectus systematici nuper a nobis delineati (f) notionem nullam habent, consequenter nec successivam assensus generationem animo comprehenderunt, de re qualibet iudicandi libertatem sive licentiam sibi arrogare, immo, quo quid absurdius cogitari nequit, prætendere, quod de eadem rectius iudicare possint ceteris, qui longo studio atque labore talia inquirendi & dijudicandi facultatem sibi compararunt. Exemplum afferre poteram domestica; sed ea hac vice seponere libet. Recolamus animo, quæ paulo ante (§. 5) de systemate mundi *Copernicano* dicta sunt: ex iis enim satis superque intelligitur, quantum defectus notionis, qua successiva assensus generatio exhibetur, foveat præiudicium nimiae confidentiæ. *Astronomia* autem plura exempla suppeditat & in posterum suppeditabit, cum nondum spes esse possit fore, ut eruditi

(f) in Trimestri brumali Num. III.

ita omnes intelligant, quod ignorent
 & cui dijudicando impares sint: id enim
 iudice *Melanchtone* tum demum ob-
 tinebit, ubi ad solidam studiorum ra-
 tionem iuventus revocabitur. Emisit
 anno superiori Romæ in lucem opus
 splendidum de *Hesperii & Phosphori* no-
 vis phaenomenis, *Franciscus Blanchi-*
nus, Papæ Prælatus domesticus, quod
 intelligentium applausu excipietur,
 quoniam & Physicis, & Astronomis
 perutile. Observavit is in Venere
 circa polos duo, circa æquatorem se-
 ptem maria cum fretis quatuor &
 promontoriis utrinque iisdem adja-
 centibus octo, ope telescopii centum
 quinquaginta palmorum. Mirabun-
 tur nonnulli, quomodo fieri potuerit,
 ut illustris Autor talia sibi persuase-
 rit: immo magis adhuc mirabuntur,
 ubi intellexerint, alios eidem fidem ha-
 bere, impium & absurdum pronun-
 ciantes in Venere maria fingi cum fre-
 tis ac promontoriis, quod risum, si
 absurditatem; indignationem, si im-
 pietatem spectes, mereatur potius,
 quam assensum. Enimvero nos mi-
 nime miramur illorum temeritatem
 in

in judicando, propterea quod rationem manifestam perspicimus, cur ipsis absurda videantur ac impia, quæ non sunt. Ignorant enim successivam assensus generationem, qui est *Blanchino*; ignorant successivam assensus generationem, qui est ceteris, quotquot non temere eidem fidem habent. Illius assensus non simplex est, sed geminus. Etenim certus est, se in observando non fuisse delusum, & ex eo, quod observavit, marium, fretorum atque promontiorum existentiam in Venere recte colligi. Assensus prior pariter atque posterior in plures alios anteriores a se invicem dependentes resolvitur, ut longæ ac amplæ enascantur causarum series, per quas uterque distincte explicari potest, ita ut intelligatur, quomodo ex eo statu, qui mirantium ac temere judicantium est, ad eum pervenerit, in quo pronus est assensus. Multa hic præsupponuntur principia mathematica, præsertim optica & astronomica, itidemque principia physica cum notionibus communibus, exquisitus ratiocinandi habitus & multa circa observa-

tiones

tiones telescopicas experientia, quæ non uno die, sed multorum annorum intervallo animum ad assensum disposuerunt: id quod a nobis ex opere Autoris eximio ope principiorum mathematicorum & nostrorum philosophicorum demonstrari poterat, si istam assensus genesis a priori integro quodam volumine explicare nobis propositum esset. Qui firmum assensum dictis ejus præbent, illi & notionem quandam habere debent assensus, qualis datur in Autore, ita ut, si ipsis observatoris loco esse daretur, idem prorsus in iisdem productus fuisset assensus, ac præterea ex ipso opere per principia fidei certæ de illius autoritate statuere tenentur. Quibus ignota loquor, illi non mirentur, quod se ab assensu adeo remotos experiantur: etenim miraculum veri nominis foret, si in eo, quo constituuntur, statu vel eundem in se deprehenderent assensum, qui est *Blanchino*, vel alterum, qui est haud temere eidem fidem habentium. Enimvero ne præcipitanter judicent, judicium suum suspendant de re, quæ infra ipsorum horizontem est, ut

ut acumen ipsorum eam non attingat quemadmodum faciunt, qui successivam assensus generationem in genere edocti & in dato casu eam veluti per transennam adspicientes agnoscunt se rei dijudicandæ impares esse: id quod non dedecori, sed laudi cedit, si vel maxime idem ultro confiteamur, cum non omnia possimus omnes, nec intelligente fugiat, quæ inam sint impares, etsi imperitis fucum facere possint, ubi videri volunt, qui non sunt. Major profecto intellectus perfectio est distinguere inter ea, quæ capere ac dijudicare possumus, ac inter ea, quæ a cognitione nostra remota aliorum dijudicationi sunt relinquenda, quam quæ requiritur, ut quis sibi persua-deat se esse parem operi, cui vires non sufficiunt.

*Cautæ
veritatis
commu-
nicatioe
defensio.*

§. 8. Quoniam vero ipsa successiva assensus generatio in dato casu defectum virium aperte monstrat, quænam ad veritatem aliquam capiendam & dijudicandam requirantur, ut huic labori pares ab aliis, qui eidem impares sunt, optime distinguantur; illa quoque obtinetur, ne cum aliis sermo-

nes

res misceamus de rebus, quas capere
 e dijudicare nesciunt. Neque enim
 inter eruditos probatur illud Poëtæ:
 Navita de ventis, de tauris narrat
 rator. Multæ dantur rationes mo-
 rales, per quas constat, cur id fieri
 minime debeat, sed quæ sunt ab
 instituto præsentis alienæ: *successi-*
va autem assensus generatio ubi rite
 fuerit intellecta efficit, ut officium
 istud ex asse adimpleamus. Etenim
 oppositum vitium, quod garrulitatis
 quædam species est, adeo exosum red-
 dit, ut vix quicquam aliud ipso ma-
 dis fastidiamus. Eadem de causa ani-
 mus a controversiis tractandis maxi-
 me redditur alienus: nec facile con-
 cipi datur, quod eruditos magis paci-
 ficos reddat, quam ubi *successivam as-*
sensus generationem dijudicare valent.
 Nos sane id satis superque experti su-
 mus & adhuc experimur. Et inter
 eas rationes, quæ impediunt, quo mi-
 nus nos nullis convitiis & criminatio-
 nibus adduci patiamur, ut ferram con-
 tentionis cum hominibus imperitis re-
 ciprocemus, haud postrema ea est,
 quod per *successivam assensus genera-*
tionem

tionem edocti simus, quam parum profeceris, ubi cum imperitis, præsertim malæ mentis, res tibi fuerit. Et eadem mente *Melanchtonis* sedit persuasio, dum dissidiorum & contentionum in orbe erudito finem unquam fore negavit, nisi quando ad solidam doctrinam adsuefient animi juvenum: quod ubi factum fuerit, nemo quoque erit inter eruditos, cui successiva assensus generatio fuerit ignota. Etenim doctrina solida non hauritur nisi ex systemate veri nominis, cujus necessitatem paulo ante (§. 3) adstruximus. Ex systematis autem veri nominis assensus successiva generatio manifesta est, quam citra ipsius opem assequi longe difficillimum est. Id vero molimur circa philosophiam, ut universam in systema istiusmodi redigamus, cui nomen suum conveniat cum quo deinceps facile copulabuntur, quæ ad Facultates, quas vocant superiores pertinent. Quantum hinc redundet in genus humanum utilitatis ac felicitatis, præter pacis illud studium, de quo jam nobis sermo est, alias ostendam, quando de uniformitate studiorum verba sum factururus.

§. 9. Ipsa quoque successiva assensus generatio indifferentiam a methodo studendi aufert, quæ multis impedimento est, ut solidam doctrinam nunquam consequantur. Solidam enim doctrinam non consequitur, nisi is, in cuius notionibus nihil latet obscuri, & cuius assensus in nullo casu in aliquid precarii resolvitur. Quamobrem non perinde est, quo ordine res ad singulas pertinentes in iisdem tibi reddas perspectas; sed primo loco addiscenda sunt, unde sequentes notionem suam derivant evidentiam. Hac ipsa autem indifferentia, quæ tot egregia ingenia corrumpuntur, a methodo studendi remota, litterarum studia a multiplici difficultate ac tædio liberabuntur. Cur enim tot difficultates, cur tot tædia experiuntur juvenes litteris operam dantes? Non alia sane de causa, quam quod memoriæ mandare tenentur, quæ vel prorsus non, vel non satis intelligunt, & cuius veritatem ipsimet non perspiciunt, sed fide alterius admittere tenentur. Non verò alia ratio est, quod legant, vel audiant, quæ non intelligunt, quam

Cur methodus studendi non sit indifferens.

(Hor. *subf.* 1729.) U quod

quod percipiant terminos nondum satis explicatos, ipsisque tanto obscuriores, quo plures præsupponuntur notiones simpliciores, quæ notionem illis respondentes ingrediuntur, quodque in probandis propositionibus adhibeantur principia, quæ sæpius neintelligunt quidem destituti notione determinata illis conveniente, tantum abest ut de veritate eorundem fuerint certi. Inprimis tædia illa ac difficultates sentiunt, qui, ut cum *Platone* loquar, animum habent per studia mathematica defæcatum: ipsis enim probari nequeunt notiones, in quibus aliquid superest obscuritatis, nec assensum extorqueri a se patiuntur, ubi precarius quidam ante prærequiritur. Etsi autem tædia illa cum difficultatibus prorsus tolli non possint, nisi veritates omnes ad systemata harmonica redigantur; tolerabiliora tamen evadunt, ubi docentes successivam assensus generationem edocti & intellectu systematico præditi notionum claritati consulunt per exempla; evidentia autem assensus per experimenta & observationes, ut veluti ex rebus ipsis

ligant sensu duce, quæ per ratiociniorum ambages consequi prohibentur. Hac ratione enim notiones sparsim collectæ in animo tale quid non cogitante connectuntur, ut confusæ speciem quandam systematis exhibeant: id quod etiam accidit viris egregiis, qui rebus gerendis præfecti experientia scientiæ defectum suppleant.

§. 10. Quoniam notio distincta generationis successivæ assensus tantæ utilitatis deprehenditur, quemadmodum modo ostendimus; superest ut ostendamus, quomodo notionem istam consequamur. Sæpius jam monui notionem rerum, præsertim practicarum, ex rebus ipsis desumi, consequenter rerum practicarum a praxi propria derivari. Consultum igitur est, ut systemata veri nominis ea attentione legamus, qua apparet, quomodo claritas & evidentia sequentium a claritate & evidentia antecedentium pendeat, facta subinde analysi definitionum sequentium in definitiones antecedentes & reductis primitivis terminis, qui absque definitione sumuntur et intuitum rei præsentis, factaque

Qua ratione notionem pragmaticam successivæ assensus generationis consequamur.

analyfi demonstrationum fequentium in propofitiones antecedentes & axiomatis, quæ fine probatione ulteriori fumuntur, reductis ad exempla, per quæ notio clara ipsis respondens fit evidens, ficuti oftendimus alibi (h). Etenim hac ratione non modo clariffimum eft, quod & quomodo claritas notionis cujuscunque resolvatur in claritatem notionum præcedentium; verum etiam quod affentiamur propofitioni datæ ideo, quia aliis anterioribus affenfum præbuimus. Patet etiam, quot & quinam affenfus anteriores præfupponantur, antequam affenfum præfenti præbere poffis; quot & quænam claritates præfupponantur notionum, antequam eidem fua confet claritas, quæ propofitioni præfenti refpondet. Inferviunt huic fini difciplinæ mathematicæ legitima methodo pertractatæ. Quamobrem Mathefin univerfam vero fyftemate complexum in opere præfertim Latino, quod nunc auctius & limatius excuditur: in quo nullo negotio refolutio affenfu datæ cuidam propofitioni in difcipli

(h) Log. § 992.

na quacunque præbendus resolvitur in anteriores & ad notiones primitivas reducitur, quæ a perceptionibus nostris immediate derivantur, vi citationum data industria ita ordinatarum, ut huic usui serviant. Cumque idem institutum in opere præsertim Latino philosophiæ universæ, cujus unam & alteram partem publici juris fecimus, sequamur; idem quoque assensus genesis successivam in dato quocunque casu reddit manifestam. Alia ratione impossibile est, ut notionem successivæ assensus generationis distinctam consequamur: multo magis autem impossibile est, ut in dato casu enumeremus integram assensuum seriem, in quam assensus quidam datus resolvitur, atque assensus istos a se invicem dependentes per modum causæ atque effectus instar causarum in continua serie sibi invicem subordinatarum rite coordinemus. Et cum illa demum analysis doceat, nihil in determinatione assensus dati desiderari posse; alia vero ratione constare nequeat, eum in nullum principium recarium, in nullam notionem de-

U 3

ceptri-

ceptricem resolvi; nec alio modo certi esse possumus, multo minus alios docere valemus, assensum esse omnibus suis numeris absolutum, quamvis a posteriori ostendi possit, assensum nostrum esse legitimum, quatenus per experimenta vel observationes constat, nos eum præbere propositioni vera. Ceterum hinc liquet, cur pauci admodum eruditorum notionem aliquam claram atque distinctam successivæ assensus generationis habeant & cur exulent fructus, quos ea fert, nempe cur fastidiant scripta systematica, cur quæ non intelligunt impugnent, cur de facultatibus suis plus sperent, quam in iis est, cur judicia sua deproperent de rebus parum intellectis vel non sufficienter discussis, cur controversias adamant, cur denique nullo ordine scribantur, doceantur & discantur, quæ scribenda & discenda sunt.

IV.

De Notionibus directricibus & genuino usu philosophiæ primæ.

§. I.

*Institu-
tum Au-
toris.*

PROdit nunc in publicum philosophia prima, methodo scientifica

con-

onscripta, quæ convenit systemati ve-
nominis: cum nobis propositum
philosophiam universam in syste-
harmonicum redigere, ut antiquæ
ritati sua constet claritas, sua evi-
ntia, suus usus. Deduximus phi-
osophiam primam omnem ex princi-
contradictionis & rationis suffici-
is, rebus existentibus non invitis:
quibus eadem notiones a posteriori
antur, quæ ex istis principiis a
consequuntur. Principium
contradictionis non admittit simul po-
ni, quæ sibi mutuo repugnant. Quod si
ergo ponis, quæ sibi mutuo non re-
pugnant; habebis aliquod possibile &
in ente primum conceptibile, sicque
nascitur cum possibilitatis notione es-
sentia quoque notio. Positis quibus-
dam sibi mutuo non repugnantibus,
fieri non potest, ut simul ponantur
alia: quo ipso cum notione determi-
nati ac determinantis attributorum
notio nascitur, itemque notio neces-
sitatis. Quatenus vero per ea, quæ
primum ponuntur, intelligitur, cur
cetera simul poni debeant, nascitur
hinc notio rationis sufficientis. Enim-

verò positis quibusdam sibi mutuo non repugnantibus, ponuntur alia tantummodo quoad possibilitatem seu potentiam, non vero quoad actum, propterea quod quædam, quæ sibi mutuo quidem repugnant, non tamen sigillatim repugnant vel iis, quæ primum ponuntur, vel per hæc simul poni debere intelliguntur. Hinc consequuntur notiones modi & modificationis, itemque contingentis. Et quoniam vi principii rationis sufficientis, quod in attributis obtinet, quemadmodum modo vidimus, modorum quoque ratio sufficiens dari debet, per quam intelligitur, cur hic potius existat, quam alius, cum ens per essentialia & attributa ad utrumque oppositum indifferens sit; ideo ut modi inesse possint cum ente uno ponenda sunt alia, in quibus modificationis ratio continetur, hoc est, in quibus ea deprehendimus, per quæ intelligimus, modum hunc potius quam alium enti dato inesse debere, quod per se ad utrumque indifferens est. Hinc jam nascitur causarum & principii notio cum aliis independentibus, & quatenus ea, quæ

in uno ente insunt, intelliguntur per alia, quæ insunt aliis, cur ipsa insint, notio veritatis rerum, itemque dependentiæ rerum a se invicem & relationis ad se invicem. Quodsi ergo res ad se invicem referimus, cum notione identitatis ac diversitatis nascuntur notiones generum, specierum ac individuorum, fundamento relationis in essentialibus constituto; notiones similitudinis & dissimilitudinis, fundamento in omnibus rei determinationibus posito. Ex his notionibus fundamentalibus consequuntur ceteræ: id quod manifestum evadet lectori Ontologiæ nostræ attento, ubi integra rite intellecta iterata lectione notionum dependentiam a se invicem scrutetur. Neque ullus dubito fore, ut, iterata hac lectione inprimis accedente, eandem in philosophia prima lucem experia-
tur, quam in Geometria experimur. Absolum vero foret talem expectare lucem, quæ fulgore suo percellit lectores nonnisi oculos corporis apertos, mentem vero alto sopore immerfam ad lectionem afferentes: talis enim & Elementis *Euclidis* negatur, quod

U 5

unus-

unusquisque per se experiri potest. Quemadmodum vero studio & labore opus est, qualem insinuat successiva assensus generatio paulo ante explicata, ut lucem videre possis; philosophiæ primæ vero eadem sit conditio, quæ elementorum *Euclidis*, ut usus non ante appareat, quam ubi probe intellecta & familiaria facta applicantur; ideo precibus nonnullorum facile me adduci passus sum, ut usum genuinum philosophiæ primæ vulgo non satis animadversum hic edocerem, & quo sensu scientiæ Architectonica nomen mereatur exponerem.

Philosophia prima usus singularis.

§. 2. Est aliquis usus philosophiæ primæ singularis, qualem disciplina quædam alia præter ipsam non agnoscit. Consistit autem in eo, quod principia ontologica dirigant intellectum in veritate cognoscenda, sive ea a nobis investigari, sive ab aliis investigata dijudicari debet. Hunc vero usum habere nequit, nisi notiones generales, quæ ad ipsam pertinent, a confusis ad distinctas revocentur. Atque ideo intelligitur, cur eodem hætenus fuerit destituta, cum nemo negare possit, qui inter notionem

nem

nem confusam & distinctam distinguere novit, defuisse huc usque notiones distinctas, immo alicubi prorsus claras; eam saltem fuisse philosophiæ primæ conditionem, ut lectores plurimi non fuerint consecuti nisi notiones bene multas prorsus obscuras. Natæ hinc sunt querelæ de tenebris, quibus philosophia prima involuta: immo eadem de causa disciplina longe utilissima in contemptum adducta prorsusque deserta fuit. Ut igitur ulum istum prorsus singularem consequeremur, eximiam hanc philosophiæ partem excoluimus, notionibus Scholasticorum confusis ad distinctas reductis, cumque ita redditæ fuerint fecundæ, plurimis principiis demonstrativa ratione inde deductis. Ipsa autem experientia nos edocet, quod hac ratione fimus consecuti, ut notiones ontologiæ intellectum dirigant in veritate investiganda & investigata diiudicanda. Neque ullus dubito fore ut neminem experiantur alii, si quidem easdem notiones sibi familiares reddiderint. Dabimus autem præclara specimina suo tempore, quibus notionibus

nibus nostris usum tam præclarum convenire palam faciemus. Immo mox aliqua in medium afferemus, quibus dictis fidem faciemus.

*Notiones
directri-
ces qua-
nam di-
cantur.*

§. 3. Propter eximium hunc usum *notiones* ontologicas *directrices* appellare soleo. Per *notiones* enim *directrices* intelligo eas, per quas apparet, quo cogitationes sint dirigendæ, ut reperiat, quod quæritur. Notiones adeo *directrices* viam quasi monstrant, qua sit eundem, ne ad devia deflectamus, vel lucem affundunt, ut via illa appareat, quæ absque illis minime conspicitur. Esse illas maximi momenti nemo non agnoscit, cum hac luce destituti quasi in tenebris oberremus, ut casui tribuendum sit, si veritatem palpando veluti deprehendamus: idem tamen clarius constabit, ubi deinceps exemplis docuerimus, *notiones* ontologicas esse *directrices*. Neque vero difficile est idem quoque probari a priori, ut non philosophia, sed philosopho tribuendum esse agnoscatur, si quæ tales non deprehendantur. Etenim in philosophia prima explicatur notio entis in genere & *notiones*

es generales proponuntur prædicato-
rum, quæ eidem convenire possunt,
ive illud in se consideretur, five ad
entia alia referatur. Sunt igitur ve-
uti genera suprema, ad quæ reducun-
tur omnia prædicata specialia enti cui-
dam dati generis datæque speciei tri-
buenda. Ex his adeo notionibus col-
ligitur, qualia sint prædicata specialia
investiganda vel dijudicanda, conse-
quenter ad ea applicari possunt, quæ
de prædicatis generalibus in philoso-
phia prima fuere demonstrata. Exem-
plo nobis esse possunt regulæ Logicæ,
quarum rationem in opere nostro Lo-
gico ex notione entis in genere dedu-
ximus. Plurimæ sane huc spectantes
occurrunt cum in doctrina de defini-
tionibus, tum ubi de propositionibus
agitur. Et multum lucis Logicæ af-
fudimus, quod quædam de notione
entis in genere doctrinis istis præmise-
rimus uberius & ex instituto explica-
ta in philosophia prima. Regulæ au-
tem logicæ dirigunt intellectum in ve-
ritate cognoscenda, consequenter cum
pendeant a notionibus ontologicis,
notiones ontologicæ inserviunt diri-
gendo

gendo intellectui in veritatis cognitione. Enimvero cum per exempla multo clarius appareat, quod & quomodo notiones ontologicae sint directrices; res ipsa postulat, ut talia in medium afferantur.

*Notio-
num di-
rectrici-
um ex-
empla.*

§. 4. Notio impossibilitatis longe simplicissima est & inter maxime abstractas referenda, cum ipsam notionem entis in genere transcendat. Facillime autem ostenditur quod sit directrix, ubi in impossibilitatem inquirendum, vel de impossibilitate ejus, quod asseritur, judicandum. Notio impossibilitatis etiam scholasticis distincta fuit, quam ideo retinuimus in philosophia prima (i). Dicitur nimirum impossibile esse, quod contradictionem involvit. Ponamus jam ab Astronomo affirmari, quod dentur in Luna montes & quod maximorum altitudo sit infra dimidium milliare Germanicum. Non desunt, qui, ubi asseritur Astronomi audiunt, impossibile esse pronunciant, ut talia non. Judicium deproperant, propterea quod ad notionem directricem non
atten-

(i) §. 79.

attendunt: etenim assertum in medio relinquerent, si notionem impossibilitatis consulerent. Ad hanc enim respicientes intelligerent, sibi ostendendum esse, quanam contradictio lateat in hoc asserto: Astronomus existentiam montium lunarium agnoscere eosque dimetiri valet. Quod si ergo perpenderent, ut appareat, impossibile esse, ut Astronomus existentiam montium lunarium agnoscat, atque eos dimetiatur, ex propositione affirmativa colligendum esse, quod eidem, vel propositioni cuidam veræ alteri contradicit (k); aut tale quid a se colligi non posse animadverterent, aut se in ratiocinando vel materiæ, vel formæ vitium admittere deprehenderent. Ponamus enim notitiam illam Astronomo impossibilem pronunciari, quod Luna adeo procul remota sit, ut ad eam accedere non detur, vel ab alio critiori hanc afferri rationem, quod ubi non adeo amplificent objecta, ut, quod ultra superficiem Lunæ intervallo dimidii miliaris Germanici elevatur, ad eam distantiam videri possit,

in

in qua Luna distat; in neutro casu impossibilitatem evictam esse notio directrix palam faciet. Etenim ex eo, quod Luna adeo procul remota sit, ut ad eam accedere non liceat, non aliud colligitur, quam montes lunares a nobis videri non posse: id quod de oculo quoque armato negatur in casu altero. Ut igitur adsit contradictio, ex ea propositione, Astronomus novit existentiam montium lunarium eosque dimetiri valet, colligi debet, quod montes lunares viderit, quodque eosdem eodem modo dimetitus fuerit, quo vel nos altitudinem januarum dimetiri solemus, vel Geodæta montis in terra altitudinem metitur. Enimvero non multo acumine opus est, ut videamus, id ex illa propositione colligi minime posse. Supponimus enim existentiam montis non aliter agnosci posse, nisi quando eum videmus, nec aliter dimetiri Astronomum eundem posse, nisi vel more vulgari, mensura ad mensuratum applicata, vel methodis Geodætarum: quod utrumque precarium esse agnoscit, qui neutrum a se probari posse advertit. Patet itaque

que defectu attentionis ad notionem directricem iudicium deproperari, cum impossibilis pronunciatur cognitio, antequam ostendi possit, quod ea admissa sequatur aliqua contradictio. Ostendimus jam in superioribus, cum de hypothefibus philosophicis ageremus (1) momentum controversiæ de harmonia præstabilita redire ad possibilitatem corporis liberis animæ decretis in operationibus suis harmonici: sed ostendi quoque quod consequentarii tamdiu inani boatu aërem repleant, quamdiu seposita notione directrice de contradictione in suppositione istiusmodi corporis latente investiganda non fuerint solliciti. Per notionem enim directricem apparet, alia via controversiam terminari non posse, nec consequentiis ex sumptione precaria, quasi libertas per harmoniam præstabilitam tollatur, deductis quicquam confici: etenim tolli libertatem non ante patet, nisi evicta impossibilitate corporis decretis animæ liberis in operationibus suis harmonici, hoc est, demonstrata contradictione inter stru-

(Hor. subs. 1729.) X ctu-

(1) Num. I. §. 8. p. 198 & seqq.

cturam corporis humani a causis materialibus ad motus suos determinati & libertatem. Vides adeo in prima philosophiæ principia peccare, qui sibi tanti heroës videntur, ut de philosophorum summorum (quos inter *Leibnitium* magno suo merito referimus) hypothefibus sententiam decretoriam ferant. Rectius notione directrice utuntur Geometriæ, dum asserti impossibilitatem per latentem intus contradictionem manifesto demonstrant: quemadmodum ex forma demonstrationis indirectæ liquet, quam alibi a nobis clarissime depictam (m) consequentiariis vociferationes deperantibus perpendendam commendarem, nisi obstarent ea, quæ de successiva assensus generatione paulo ante dicta sunt. Sed agedum demus adhuc alia nonnulla exempla, quæ notationum directricium usum palam loquuntur. Si rationem quis dare præ tendit, cur sol oriatur & occidat, ubique dijudicandum proponitur, numcam fuerit assecutus; notio directri erit notio rationis sufficientis ontologicæ

(m) Log. §. 553.

gica. Probe autem notandum est, ad notionem rei non tantummodo referri definitionem, sed præterea omnia prædicata, quæ de eadem vi definitionis & determinationum aliarum eidem superaddendentium, seu non repugnantium demonstrantur. Quoniam ratio sufficiens est id, unde intelligitur, cur aliquid potius sit quam non sit (n) & posita ratione sufficiente ponatur id, quod per eam potius est, quam non est (o), atque adeo claret id, quod allegatur, esse rationem sufficientem ejus, de quo quæritur, si vel demonstratione, vel experientia patet, hoc ideo esse, quia illud est; de ratione ortus & occasus Solis judicium laturus inquirere debet, num per eam intelligatur, quomodo sol oriatur & occidat, hoc est, num ex ea assumpta tanquam vera directe demonstrari queat, solem oriri & occidere debere, & num præterea id, quod rationis loco affertur, poni etiam possit, hoc est in præsentī casu in natura rem obtineat. E. gr. ponamus ortum occasum Solis tribui motui ejus,

X 2 quo

(n) Ontolog. §. 56. (o) Ontolog. §. 118.

quo ab oriente in occidentem circa terram quiescentem revolvitur, quemadmodum vulgo faciunt qui rerum astronomicarum sunt ignari. Tum equidem evidens est, posito istiusmodi motu solis poni etiam ejus ortum atque occasum, cum id accurata demonstratione evinci possit, nisi in cognitione intuitiva acquiescere velis, quam satis clare in presenti casu exhibet notio confusa: enimvero demonstrandum præterea est, motum istum poni posse, hoc est, in rerum natura revera obtinere. Quamdiu igitur posterius demonstratum non est, nec certus esse potes motum solis circa terram quiescentem esse ortus atque occasus rationem, etsi vi demonstrationis prioris palam fiat, quod talis esse possit. Obiter moneo, conspicuam hic fieri rationem, cur quidam arbitrentur in Physicis nunquam certos nos esse posse, quod veram rationem fuerimus assecuti, propterea quod semper supersit suspicio, annon res eadem alia adhuc ratione sese habere possit. Debetur enim defectu attentionis ad notionem directricem

vi cuius manifestum est, ut certi simus, rationem datam esse genuinam, duo demonstranda esse, nempe primo poni id, quod rationis loco allegatur, & secundo eodem posito poni quoque alterum, cuius illud ratio esse debet. Demonstrationem priorem insuper habent, qui notione directrice destituuntur nonnisi ad posteriorem solam animum advertentes, quam in notione rationis confusa pro acuminis sui modulo perspiciunt. Qui vero notione directrice utuntur, illi ejusdem beneficio & norunt, quando certo constet, rationem datam esse genuinam atque sufficientem; & in dato casu dirimere valent, utrum eandem habeamus perspectam, nec ne, & si nondum penitus perspecta fuerit, quid adhuc desit omnimodæ certitudini. Sæpius impingunt non modo philosophi, sed Facultatum omnium eruditi, quod notionem rationis sufficientis in Ontologia evolutam non experiantur cogitationum suarum directricem: id quod multis exemplis doceri poterat, si de directrice, quæ notioni rationis sufficientis convenit, ex instituto ageremus.

mus. Enimvero in posterum talia occurrent, de quibus lectorem veritatis cupidum monebimus. Ecce tibi nunc exemplum adhuc aliud, quo notionum ontologicarum vis directrix illustratur! Ponamus quæstionem moveri, utrum mundus, qui existit, sit perfectus, an imperfectus. Consulamus Ontologiam, quæ notionem perfectionis evolvit (p). Videmus perfectionem omnem rationem aliquam generalem habere, per quam intelligitur, cur ea, quæ perfectio insunt, ita se potius habeant, quam aliter, seu talia potius sint quam alia; exinde derivari regulas, per quas in dato casu speciali explicari possit, cur determinationes intrinsecæ tales potius sint quam aliæ, exceptionem locum habere in perfectione composita, nec verum, sed tantummodo apparentem gignere defectum, salvaque perfectione fieri & quæ sunt alia ad notionem perfectionis pertinentia ibidemque enucleata. Apparet adeo de perfectione mundi judicaturum inquirere debere in rationem generalem, per quam intelligitur, cur quæ

in

(p) §. 503. & seqq.

in universo existunt, talia potius sint, quam alia; eundem in regulas quoque inquirere debere, quæ ex ratione ista generali derivantur, & per quas reddi possunt rationes speciales determinationum cum essentialium, tum accidentalium; cumque exceptiones ex eo oriantur, quod duæ regulæ vi rationum quarundam una observandæ sibi mutuo repugnent(q), in regularum illarum collisionem eundem ulterius inquirere debere. Quod si jam perpendamus, quantus sit mundus materialis, & quam parum nobis sint perspecta, quæ in eo dantur; judicium de mundi perfectione non esse in potestate nostra intelligemus, a rationibus intrinsicis derivandum, consequenter judicium suum eos deperire agnoscimus, qui ob mala physica & moralia mundum imperfectum arguunt, antequam expendere valent, quomodo illa tanquam exceptiones ex regulis optimis resultent, & inquirere possunt, utrum salva perfectione mundi istis locus esse potuerit, nec ne. Si notionibus directricibus tanquam perpicillis uterentur, qui, nulla prorsus

facta discussione, de rebus infinitam
discussionem requirentibus adeo super-
ciliose sententiam decretoriam pronun-
ciare solent, non adeo facilia ipsis vi-
derentur, quæ difficillima, immo sub-
inde cognitu impossibilia deprehen-
duntur a viris, qui rebus difficilibus
discutiendis pares sunt. Sed de mun-
di perfectione ex instituto agemus in
Cosmologia.

*Ufus no-
tionum
ontologi-
carum in
Arte in-
veniendi.*

§. 5. Quoniam notiones ontologi-
cæ intellectum dirigunt in veritate in-
vestiganda, ne a verò tramite ad de-
via deflectat; ars vero inveniendi re-
gulas tradit veritates investigandi; ex
notionibus ontologicis demonstranda
sunt regulæ artis inveniendi, quatenus
ab objecto pendent. Etenim quate-
nus regulæ istæ a natura mentis huma-
næ pendent, principia artis inveniendi
ex Psychologia petenda. Non rectius
idem doceri potest, quam si artis inve-
niendi regulæ generales ipsæ exhibean-
tur & demonstrationibus suis munitæ
in systema redigantur: id quod olim
præstabimus, quando ceteris philoso-
phiæ partibus ad umbilicum perductis
artem inveniendi methodo scientifica

tra-

trademus. Ne vero quis suspicetur, regulas istas esse minus genuinas, quemadmodum non infrequens est, ut tales præscribant, qui artis inveniendi notionem nullam habent; illas præclaris in philosophia & Mathesi inventis confirmabimus. Enimvero cum ad Artem inveniendi, qualis nondum datur, hic provocare non liceat; sufficit nunc uno alteroque exemplo docuisse, quomodo notiones ontologicae hunc usum præstent in ipsa Algebra & quomodo aliquem earum usum fecerimus in Logica. In Algebra veritatem investigamus ope æquationum: æquationes autem constant duplici caractere ejusdem quantitatis, consequenter nituntur axiomate isto ontologico, quod idem sit æquale sibi metipsum. Substituimus in calculo algebraico æqualia pro æqualibus vi notionis æqualitatis ontologicae, quod æqualia sint, quæ sibi mutuo substitui possunt, salva quantitate. Reducimus duas æquationes ad unam ope principii ontologici, quod in Ontologia ex suis notionibus a priori deducitur, æqualia eidem tertio esse æqualia inter

se & æqualibus æqualia inter se æqualia esse. Reductio æquationum magna ex parte nititur duobus principiis ontologicis, quæ itidem in philosophia prima ex suis notionibus derivantur, tota esse æqualia, si æqualibus æqualia adjiciantur, & residua æqualia esse, si æqualia ab æqualibus auferantur. Immo in eadem Algebra utimur principiis aliis ontologicis de quantitate, veluti quod altero æqualium majus vel minus sit id, quod uno æqualium majus vel minus est; si majori & minori adjiciantur æqualia, totum prius esse posteriori majus; si æqualia a majori & minori auferantur, residuum prius esse posteriori majus & quæ sunt alia complura, quæ in Ontologia nostra demonstrata reperire licet. Notiones signorum, quas in Ontologia exposuimus, inserviunt regulis Artis characteristicæ generalis demonstrandis ac eruendis, quarum aliqua pars in Algebra ad denominandas quantitates & eruendos duos valores æquivalentes transfertur. Immo ex notionibus infiniti & infinite parvi quas cum reales, tum imaginarias explicat

plicat philosophia prima, ubi officio suo satisfacit, principia Analyseos infinitorum demonstrantur. Qui hæc perpendit, ei dubium superesse nequit ullum de utilitate notionum ontologicarum in Arte inveniendi. Et sicuti notionες quantitatis ontologicæ inserviunt arti inveniendi veritatem de quantitibus, seu mathematicam; ita notionες ontologicæ ceteræ inservire debent arti inveniendi veritatem reliquam de aliis, quæ præter quantitatem rebus conveniunt. Dedimus jam specimina aliqua in Logica, ubi ejus usum in investiganda veritate exposuimus. Ideo præter notionem entis in genere, ac generum specierumque definitiones in limine Logicæ statim ex Ontologia mutuo petitas, ex eadem quoque mutuo desumimus definitionem causæ(r). Quod si quis notionες ontologicas sibi reddiderit familiares ac methodum demonstrandi, qualem in Logica delineavimus, in potestatem suam redegerit; is re ipsa experietur, quantum præsidii in notionibus ontologicis positum fuerit, ubi quis in

in meditando cogitationes suas legitime dirigere voluerit, ut videat, quid in dato casu factu sit opus, ut veritatem consequatur.

Notio-
num on-
tologica-
rum usus
in demon-
strando.

§. 6. Non minor vero notionum ontologicarum usus est in demonstrando in omni disciplinarum genere. Etenim re ipsa experimur, si in principiis acquiescere nolumus, nisi ad talia perveniatur, quæ evidentia sunt, nos ubi vis tandem pervenire ad principia ontologica. Ubi philosophiam universam ea methodo pertractatam, qua Logicam & Ontologiam pertractavimus, exhibuerimus; absque omni labore innotescet, quomodo tandem omnia in principia philosophiæ primæ resolvantur. Omnis Mathesis resolvitur in Elementa *Euclidis*; elementa autem *Euclidis* in principia ontologica, quæ *Euclides* instar axiomaticum sumit. Sane nullum datur axioma *Euclidis*, quod ex linearum & figurarum notionibus desumptum non est, quod a nobis in Ontologia, ubi de quantitate agimus, non fuerit demonstratum: ut adeo manifestum sit, universam Mathesin in principia ontologica resolvi & ab his

his lucem suam mutuare. Neque alia est ratio disciplinarum philosophicarum. Vidimus profecto, nos Logicam pro dignitate pertractare non potuisse, nisi principiis nonnullis ontologicis præmissis. Videbimus proxime in Cosmologia, mundi seu universalis alicujus notionem a priori formari non posse, nisi præsuppositis principiis ontologicis. Immo ex ceteris disciplinis philosophicis patebit, quam sæpe recurrendum sit ad principia philosophiæ primæ, ut propositiones ad illas pertinentes demonstrari possint, vel ad propositiones alias, quæ vi principiorum philosophiæ primæ sive in eadem disciplina, sive in alia quadam anteriori demonstrata fuere. Quod usus iste amplissimus philosophiæ primæ hætenus non fuerit animadvertus, causæ potissimum duæ sunt. Prima est, quod Scholastici in philosophia prima præter terminorum obscuras explicationes nullas dederint propositiones determinatas, quæ usui esse poterant in disciplinis ceteris. Obscuræ autem terminorum explicationes notionibus fecundis substitutæ nullius usus sunt in disci-

disciplinis ceteris, utpote ad ratiocinandum inutiles. Altera causa est, quod philosophi illarum propositionum, quas inter axiomata refert *Euclides*, in philosophia prima nullam fecerint mentionem, ut adeo vel ipsi Mathematici sibi persuaferint, propositiones istas esse principia mathematica, minime autem ontologica, atque adeo non agnoverint, vel prorsus negaverint, elementa *Euclidis*, consequenter Mathesin universam evidentiam suam mutuare ab Ontologia, vel ipso nomine exosa & abjecta visa: cuius tamen contrarium ex Ontologia nostra constare potest. Neque obstat, quod *Euclides* ex nulla Ontologia in formam artis suo tempore redacta notationes istas communes, quas vocat, desumserit; sufficit principia ista ad Ontologiam pertinere nec nisi in ea ex aliis notionibus anterioribus eodem modo demonstrari posse, quemadmodum *Euclides* ex definitionibus figurarum demonstrat, quæ iisdem conveniunt. Ars characteristica universalis, quæ Artis inveniendi pars quædam est, quemadmodum suo loco palam

am faciemus, nondum est in formam
artis redacta; hoc tamen non obstan-
te principiis ejus utuntur Mathema-
tici in Algebra tum communi, tum
in Analyfi recentiori, seu infinite par-
vorum.

§. 7. Dum vero *Euclides* demon-
strationes in *Elementis* suis in princi-
pia ontologica resolvit, quibus noti-
ones communes respondent; hoc ipso
non modo *Mathesin* elementarem, sed
universam reliquam ad notiones com-
munes reducit, quo nomine cum ab
ipso, tum aliis principia ista ex *On-
tologia* mutuo petita appellari solent.
Iisdem enim principiis utimur in ra-
tiorinando communiter omnes de re-
bus maxime obviis, quemadmodum
in *Ontologia* docui, ubi principia ista
demonstrationibus a me muniuntur.
Ecquis enim ignorat, æqualitatem al-
titudinum duarum januarum interval-
lo quodcunque a se invicem distan-
tium inde colligi, quod filo secundum
altitudinem utriusque extenso eidem æ-
qualis deprehendatur altitudo uni-
uscujusque? Utimur igitur in colli-
genda æqualitate altitudinum janua-
rum

*Reductio
Mathese-
os & phi-
losophia
ad sensum
commu-
nem.*

rum principio ontologico, quod æqualia eidem tertio sint æqualia inter se, quod *Euclides* inter axiomata retulit, seu eas notiones reposuit, quibus propositionibus suis lucem affundit. Notiones istas communes cum admittant etiam illi, qui in confusis acquiescentes solo sensuum iudicio stare solent; ideo ad communem hominum omnium sensum reducitur, cuius veritas in notiones istas resolvitur, hoc est, cuius primitiva demonstrandi principia sunt notiones illæ. Patet igitur *Euclidem* Mathesin universam ad sensum communem reduxisse, dum illas Geometriæ ac Arithmeticæ propositiones, in quas tanquam principia demonstrationes mathematicæ omnes resolvuntur, in notiones istas communes tanquam principia primitiva resolvit. Etenim inde est, quod propositionem mathematicam quamcunque negans per sufficientem Analysin tandem eo redigi possit, ut negare teneatur, quod ipsi sensui obvius est, & universali hominum omnium sensu utentium consensu comprobatur, ita ut ipsi vulgo maxime imperiti

rito se deridendum propinet, si in ea negatione persistere velit. *Euclides* igitur exemplo suo abunde docet, quid sit scientiarum ad sensum communem reductio, nempe resolutio demonstrationum in principia tanquam prima, quibus notio communis confusa respondet communi usu approbata, quemadmodum a me jam alibi (s) annotatum est. Philosophia igitur ad sensum communem reducitur, si propositiones determinatæ *Euclidis* exemplo demonstrantur & demonstrationes reducuntur similiter ad principia tanquam prima, quibus notiones respondent communi usu in ratiocinando approbatæ nec in dubium revocandæ, nisi te sensu percipere negare velis, quæ percipis. Quemadmodum vero *Euclides* istiusmodi principia de quantitate, de qua utiliter tractare ipsi propositum fuerat, non repperit nisi in philosophia prima, quæ notiones quantitatis generales easque primas explicat; ita nec philosophus istiusmodi principia de rebus ad se pertinentibus alibi reperire potest (*Hor. subs. 1729.*) Y. quam

(s) Ontolog. §. 125

quam in philosophia prima. Etenim in philosophia prima agitur de ente in genere atque adeo primæ explicantur notiones, quibus aliæ priores darinequeunt, cum genus summum, sub quo cetera genera omnia collocantur, sit ens in genere. Notiones autem istæ sunt omnibus communes, et si confusæ, iisdemque utuntur in ratiocinando in casibus obviis omnes, quatenus ex notionibus confusis species quædam ratiocinii nasci potest, prouti in Psychologia explicabo distinctius &, si quæ præterea quædam occurrunt, eadem in ipsa Ontologia ad communes per demonstrationes reducuntur. Quamobrem qui in disciplinis philosophicis demonstrationes tandem resolvit in principia ontologica rite evoluta, is philosophiam ad sensum communem eodem modo reducit, quo *Euclides* Mathesin ad eundem reduxit. Atque ideo in philosophia prima ostendi notiones distinctas, quas dedi, & in quas ceteræ per demonstrationes resolvuntur, esse communibus confusis conformes, quamvis etiam inter notiones derivativas

hau

haud paucae occurrant, quibus confusa communes respondent: id quod passim a me annotatum legitur & in aliis ab attento lectore intelligitur. Ex his autem constat, quid circa philosophiam omnem moliamur, dum eam & certam, & utilem efficere studemus. Nimirum dum certam efficere nitimur, eam exemplo *Euclidis* ad sensum communem reducere conamur, resolutis tandem demonstrationibus omnibus in notiones communes & his ulterius reductis, quando datur, ad notiones communes alias simpliciores, ut primitivarum numerus admodum exiguus evadat. Ex iisdem porro liquet, rigorem demonstrandi cum reductione philosophiae ad sensum communem subsistere posse, atque adeo multum aberrare a vero, qui, cum se solos alta videre gloriantur, tractationem superficialiariam cum reductione ad sensum communem confundunt, quasi philosophi sit in notionibus confusis, quae vulgo sunt, acquiescere & cum eodem terminis ac judiciis vagis ratiociniisque confusis inhaerere, peccatum vero, immo delictum publicum com-

Y a mittat

mittat philosophus, ubi notiones a se invicem separat, quæ in rebus involvuntur, & in simplices resolvit, quamdiu datur, ut in omni proposito casu accurate discerni possint, quamnam in notione confusa contineantur. Discant igitur, cogitationes *Euclidis* eique similium alias esse quam cogitationes eorum, qui in regno veritatis eminere volunt, propterea quod fortuna in regno opinionum eos supra alios extulit, quasi quis in regno veritatis eandem habeat auctoritatem, quæ ipsi est in regno opinionum. Diversitas facile ostenditur. Dum enim *Euclides* Mathesin reducit ad sensum communem & dum alii philosophiam ejus exemplo ad eundem reducant, non alio fine idem moliuntur, quam ut certitudini & utilitati doctrinæ consulatur: dum vero alta videntes disciplinas ad sensum communem reducant, certitudinem cognitionis tollunt & disciplinas steriles efficiunt. Ipsa enim experientia loquitur fertilitatem Elementorum *Euclidis* & sterilitatem disciplinarum communi more pertractatarum. Ratio fertilitatis illorum & sic.

sterilitatis harum patet per ea, quæ in Trimestri superiori de habitu philosophiæ ad publicam privatamque utilitatem aptæ differuimus. Nemo igitur, qui sapit, negabit, omnem dandam esse operam, ut philosophia eo modo ad sensum communem reducatur, quo *Euclides* Mathesin ad eundem reduxit. Quare cum extra omnem dubitationis aleam positum sit, quod id tum demum fieri possit, ubi philosophia prima fuerit exculta & ceteræ disciplinæ per demonstrationes legitimas in eandem fuerint resolutæ; præclarus quidam Ontologiæ usus in aprico positus est, quem a disciplina nulla alia sperare licet. Male igitur sibi consulunt, qui eam contemnunt: bene autem operam suam collocant, qui in ea excolenda & amplificanda desiderari non patiuntur industriam suam.

§. 8. Quoniam notiones ontologiæ intellectum ad ea dirigunt, quæ in eâ proposita enodanda perpendere debemus: maximo nobis adjumento sunt, ut, quæ olim didicimus, nobis ordine in memoriam revocare valeamus

Notionum directricium usus in docendo.

Y ;

mus

mus. Experimur nos quotidie hunc usum in tradenda philosophia: quam vel ideo quantivis facimus, quod sine ulla animi defatigatione ordine maxime naturali notionum directricium subsidio, accedentibus regulis genuinæ methodi in opere Logico expositis, aliis proponere valeamus, quæ docenda sunt, perinde ac si nunc demum ex assumptis ratiocinando eruerentur. Ac iisdem notionibus debemus, quod ad rem enodandam nihil peregrini afferamus, nec quicquam a nobis prætermittatur, quod ad eam enodandam faciat, etsi sensui nihil obijciatur eorum, quæ dicenda sunt. Dumque vi notionum directricium & regularum methodi genuinæ quasi per meditationes demum eruuntur, quæ ore proferuntur, adeo defixa est in notionibus, quæ verbis ore prolata respondent, attentio, ut nulla objecta sensui obvia eam inde divertere possint. Inde est, quod doceamus alios non sine voluptate insigni & docendo animus in statum redigatur tranquillum. Hæc ingenue cum aliis communicamus, ut, quorum est doce

alio

alios, intelligant, quantum ipsis subsidio esse possint notiones directrices, methodo genuinæ junctæ. Illas vero in Ontologia, hanc in Logica ea perspicuitate explicavimus, ut, si ad utrumque opus legendum conveniens attentio afferatur, in ipsa Logica abunde satis descripta, ubi librorum legendorum regulæ proponuntur, non hanc minus, quam illas sibi comparare possit: Mathesin quoque universam & opera philosophica in eam formam redegitur, ut eorundem lectione habitum utendi regulis methodi genuinæ nobis comparare valeamus. Quamorem si quis mediis hisce uti voluerit ad notiones directrices & methodi genuinæ leges sibi familiares reddendum; nullus profecto dubito fore, ut idem experiatur, quæ ego quotidie experior, nec eum unquam pœniteat laboris.

§. 9. Neque hoc silentio prætereundum est, quod notionum directricium singularem prorsus experiar vim in augendo acumine. Neque ejus rei ratio obscura est. Etenim notiones directrices cogitationes nostras eo dirigunt, quo sunt vertendæ, ut appareat,

Notio-
num di-
rectrici-
um vis
in augen-
do acu-
mine.

reat, quid in re proposita enodanda perpendendum, Figitur adeo attentio nostra in iis, quæ alias eandem effugerent. Quid ergo mirum, quod perspicillis istis usi videamus, quæ absque iis videre minime poteramus. Est autem acumen istud profundum, cum ejusdem efficacia in interiora rei penetremus, quæ a sensu procul remota sunt, consequenter ab iis minime advertantur, qui nonnisi in superficie rerum hærent. Atque ita notiones nostræ continuo fiunt magis adæquatæ &, dum in concretis abstracta pervidere adsuevimus, nihil fere nobis occurrit, quod vile & abjectum apparet, a quo non universalia multa utilitatis abstrahere & in judicia determinata redigere liceat. Quodsi quis hoc acumine res maxime obvias perlustrare voluerit, is non modo notiones ontologicas a nobis traditas experimento confirmabit, verum etiam alias iisdem superaddet sicque notionum directricium thesaurum locupletioorem reddet. Nullum vero dubium est, quin propositiones sic repertas ex principiis nostris demonstrare possit,

qui

qui methodi demonstrandi compos fuerit, sicque eos cum his connectere, atque adeo systemati inferre valeat. Ecce tibi modum valde obvium notiones ontologicas ad examen revocandi atque scientiam longe utilissimam novarum accessione locupletandi. Pertinent hæc examina ad *Ontologiam experimentalem*, atque idcirco de iis uberius dicemus, quando ex instituto in his Horis subscecivis docebimus, quomodo philosophia experimentalis ultra arctos ejus limites ad quamcunque philosophiæ partem sit extendenda.

§. 10. Eximius quoque notionum *Notio-*
directricium usus in eo consistit, quod *num di-*
scepticissimum profligent. Quædam *rectrici-*
huc spectantia jam in superioribus *um usus*
monui (§. 4), cum ostenderem, quos- *in arcan-*
dam a cognitione physica omnem *do scepti-*
certitudinem perperam remove- *cismo.*
re, propterea quod semper supersit suspi-
cio, an non res eadem alia adhuc ra-
tione sese habere possit. Quæ ibidem
e Physica dicta sunt, ad alias quoque
philosophiæ partes transferri posse vel
inde apparet, quod, quemadmodum

Y 5

Phy-

Physicus rerum naturalium, seu phaenomenorum in mundo materiali obvi-
 orum rationem reddit, ita in aliis
 philosophiæ partibus rationes aliorum,
 quæ sunt, redduntur, vi illius diffe-
 rentiæ, quæ inter cognitionem histo-
 ricam & philosophicam intercedit (t).
 Eodem nimirum modo in quacunque
 philosophiæ parte patet, nos veram
 rationem fuisse assecutos, quo in Phy-
 sicis patere ostendimus, nos ab ea
 non aberrasse. Enimvero non uni no-
 tioni rationis sufficientis debetur, quod
 Scepticismus per philosophiam pri-
 mam profligetur, quamvis usus ejus
 amplissimus sit, cum per omnem cau-
 sarum seriem atque cohortem sese ex-
 tendat. Sed omnes omnino notiones
 ontologiæ sive a nobis propositæ, sive
 in posterum a nobis, vel aliis iisdem
 superaddendæ huc concurrunt. Ete-
 nim notionibus in universum omni-
 bus tribuenda est vis illa directrix, quæ
 intellectus in cognitione rerum a devio
 in verum tramitem vel invitatus adduci-
 tur (§. 3), & iisdem in universum o-
 mnibus acceptum refertur, quod philo-
 sophia omnis secundum leges veriori

me

methodi ad sensum communem reduci possit (§. 7). Quoniam itaque major certitudo ne optari quidem possit, quam quæ hoc pacto obtinetur; ab omni sane philosophia, perinde ac a Mathefi, Scepticismum procul removet philosophia prima. Enimvero cum id tum demum fiat, ubi propositiones datæ per demonstrationes legitimas in notiones communes, quas tradit Ontologia distinctas, resolvuntur; nemo hunc usum neget propria experientia fretus, qui veriorum methodum ne intelligit quidem, tantum abest ut eadem dextre uti possit. Ne quis hic plus speret de facultatibus suis, quam in iis est, attenta lectio & relectio operis nostri logici efficiet, præsertim si Mathematicum tractatio frequens accedat, quæ nos in eum ordinem redeamus, quo methodi leges in Logica expositæ facilius percipiuntur. Etsi autem quis Ontologiæ auxilio a philosophia Scepticismum profligare nondum possit; non tamen id obstat, quo minus notiones ontologiæ vi, qua pollent, directrice animum a Scepticismi labe præservent, quatenus per eas

eas assequitur suspensionem impossibilitatis ad certitudinem perveniendi nullo fundamento niti: neque enim hic alia re opus est quam applicatione illorum principiorum, quæ de impossibilitate demonstranda ex definitione impossibilis eruimus (t). Neminem fugit, Scepticismum de immaterialitate animæ, a qua ejus immortalitas pendet, per plurimos annos fuisse disseminatum non alia de causa, quam quod immaterialitatis demonstratio ideo impossibilis habeatur, quod non constet; an non Deus materiæ vim cogitandi superaddiderit. Ex notionibus ontologicis liquet impossibilitas, quemadmodum in Psychologia ostendimus, & per eas constat adeo absurdum esse tribuere vim cogitandi materiæ ac efficere ut triangulum simul habeat quatuor angulos quemadmodum quadratum, licet tantummodo eidem ut triangulo convenient tres. Enimvero ad arcendum Scepticismum sufficit, ut videamus, impossibilitatem demonstrationis precario sumi, propterea quod nondum demonstratum fuerit fieri pos-

(t) §. 81 & seqq. Ontol.

e, ut materiæ vis cogitandi superaddatur. Ut enim intelligatur id fieri posse, ostendendum est, quod non involvat contradictionem. Quocunque enim argumento utaris, id tandem in notionem possibilitatis resolvi debet, alias non erit genuinum: id quod pervulgatum est iis, qui leges methodi perspectas habent & ex notione entis, vel inde derivatis principiis logicis demonstratur.

§. II. Et si autem quæ de usu Philo-^{usus spe-}
 sophiæ primæ dicta sunt, eam satis com-^{cialis no-}
 mendent, atque palam faciant, cur ^{tionum}
 scientia Architectonica dicatur, cum ^{ontologi-}
 notiones ontologicæ eodem munere ^{pathm.}
 fungantur, quod Architecto convenit;
 sunt tamen notionibus singulis sui et-
 iam usus peculiare & inter eos haud
 postremi, qui in directionem actionum
 liberarum, adeoque in prudentiam
 non minus publicam, quam privatam
 influunt. Enimvero cum talia in ge-
 nere doceri non possint; dabimus spe-
 cimina in posterum, quibus veritatis
 ac virtutis cupidos eo perducamus, ut
 thesauris suis fruantur. Neque enim
 veritas, quæcunque illa fuerit & quam
 procul

procul a vitæ negotiis remota esse videatur, ideo addiscenda ut sciatur; sed danda omnino opera est, ut indirectionem actionum tandem influat: quod etsi non statim ubivis appareat, non tamen acutioribus, hoc est, nexum veritatum perspicientibus nec in una disciplina sola ætatem omnem consummentibus impossibile deprehenditur. Utinam huc adverterent animum, qui veritatum non alium faciunt usum, quam ut rixandi materiam habeant, quasi veritas sit ventositatis ac odiorum pabulum! Ita enim humanum genus veritate frueretur, nec eam abominando| abusu converteret in perniciem suam.

V.

*De officio hominis circa injurias
juxta mandatum Christi
Matth. V. 39.*

§. I.

Officium
hominis
circa in-
jurias
quibus

Officium hominis circa injurias præcipit Christus his verbis ex versione vulgata: *Ego dico vobis non resistere malo: sed si quis te percusserit*
in

in dextram maxillam tuam, præbe ei ^{verbis}
& alteram. Purioris Latinitatis te- ^{Christi}
max Castalio ita vertit: Ego vobis dico, ^{continua-}
non esse resistendum injuriis, quin si
quis colaphum in dexteram malam im-
pegerit, obverte ei etiam alteram.
 Verba hæc præcipere videntur, quæ a
 ratione aliena sunt. Quamobrem
Henricus Hammondus in Paraphrasi
 Novi Testamenti ea ita reddit: Ne
 vim opponite hominum injuriis, sed
 contra, quantumlibet contumeliose
 vobiscum agant, omnia patienter fer-
 te, quamvis [etiam, dum ita vos ge-
 ritis, videamini occasionem malis præ-
 bere vos iterum laceffendi. In rebus
 exigui momenti par est ejusmodi pe-
 riculum subire potius, quam vim vi
 repellere. Etenim ipsi persuasum est
genam obvertere proverbialiter idem
 significare ac aliquid patienter ferre:
 quod ipsi manifestum videtur Thren.
 III. 3. Et *Clericus* in Notis ex Scri-
 ptoribus profanis idem probat: etenim
 apud *Livium* lib. 4. c. 35. & *Tacitum*
 lib. 3. c. 31. *os contumeliis præbere* idem
 est ac se injuriæ & contumeliæ exponere.
Lutherus in nota marginali prohiberi
 a Chri-

a Christo inculcat vindictam privatam & omnem deferri Magistratui. *Clericus* tamen in iisdem notis non modo vindictam privatam a Christo interdici existimat in casu levis contumelia, sed etiam vindictam illam, quæ fit per leges implorata Magistratus auctoritate. *Lightfootus* (u) ex Judæorum Doctrinibus adducit multas gravissimas ei statutas, qui colaphum alteri in maxillam impingit, quas vi legis talionis in terrorem ac demonstrationem peccati latæ dictatas ex charitate Christi-ana emolliendas esse ex verbis Christi infert. Enimvero videamus, quomodo sensus verborum Christi juxta nostras regulas logicas beneficio principiorum moralium & politicorum eruat, ut appareat quidnam in sententiis virorum doctissimorum subsit veri, & quinam inter eos sit consensus.

*Sensus
verbo-
rum Chri-
sti inve-
stigatur.*

§. 2. Monui non alias in Scriptura sacra supponi posse notiones, quam quæ a rebus præsentibus abstrahuntur (y). Constat vero integris pro-

(x) in Horis Hebraicis & Talmudicis in 4 Evangelistas ad hunc locum p. m. 282, 283.

(y) §. 972. Log.

positionibus suas respondere notiones
possibiles. Ut igitur has a rebus præ-
sentibus abstrahere possimüs, primum
certi esse debemus, de qua re Chri-
stus loquatur, cum alias non constet,
inquam mentis aciem convertere debe-
amus: deinde opus est nonnullis prin-
cipiis, per quæ liquet, quænam rei
insint, cum non omnia intuitiva ra-
tione consequamur. Quænam vero
sint illa principia objectum ipsum, de
quo loquitur Salvator, indicabit. Ob-
jectum hoc in præsentē casu patet per
contextum. Etenim Christus præce-
ptum suum opponit legi talionis, quod
adeo manifestum est, ut nemo inter-
pretum hoc non viderit. Ita enim
habent verba contextus: *Audistis,
quia dictum est: Oculum pro oculo &
dentem pro dente. Ego autem dico
vobis non resistere malo &c.* Lex
talionis erat forensis seu civilis, quæ
legitur Exod. XXI. 22. 25. & ex versio-
ne vulgata ita habet: Si rixati fuerint
viri, & percusserit quis mulierem &
prægnantem & abortivam quidem fe-
cerit, sed ipsa vixerit, subiacebit da-
Z mmo,

mno, quantum maritus mulieris expetiverit & arbitri judicaverint. Sin autem mors ejus fuerit subsecuta, reddet animam pro anima, oculum pro oculo, dentem pro dente, manum pro manu, pedem pro pede, adustionem pro adustione, vulnus pro vulnere, livorem pro livore. Eadem repetitur Levit. XXIV. 19. 20. ubi ex versione vulgata hæc leguntur: Qui irroga- verit maculam cuilibet civium suorum: sicut fecit, sic fiet ei. Fracturam pro fractura, oculum pro oculo, dentem pro dente restituet: qualem inflixerit maculam, talem sustinere cogetur. Quoniam vero per *Mosen* a Deo lata erat Judæis, ideo injustitiæ accusari nequit: id quod etiam patet ex iis, quæ superius (a) de justitia commutativa dicta sunt, & in specie, quatenus ea versatur circa commutationes invitas. Nemo enim ignorat querelas inde ortas tolli jure talionis & ex principiis politicis patet, eas statuendas pœnas in delinquentes, quæ delictis coërcendis pro statu hominum sufficiunt (b) ubi ratio etiam habetur naturæ eorum corruptæ;

(a) Num. II. 5. 10. (b) §. 343. Polit.

uptæ Quodsi ergo quis alteri vulnus
affligerat, jure talionis obligatus erat
ad pœnam, qua simile vulnus eidem
affligeretur, ne haberet vulneratus,
quod conquereretur & ut alii exemplo
vulnerantis sapere discerent. Enimvero
cum vi principiorum politicorum pœ-
nis durioribus non sit locus, ubi mi-
tiores profunt (c); ideo pœna conver-
tenda erat in mulctam, prouti a Ju-
dæis factum fuisse ex antecedentibus
constat. Mulctæ autem non modo
determinandæ erant ex æstimatione in-
juræ, qualis & olim obtinuit apud Ro-
manos; verum etiam ex eo, quod pu-
blico intererat, ne quis facile alterum
injuria laceffere auderet: unde denuo
Judæi, quemadmodum modo retuli-
mus, mulctas gravissimas eo in casu de-
cernebant illi, qui colaphum alteri in
maxillam impegerat. Christus itaque
præceptum suum juri talionis non op-
ponit tanquam legem civilem civili.
Sequitur adeo, quod ipsum eidem op-
ponat, tanquam legem naturæ legi ci-
vili: constat enim (d) legem civilem
subinde a naturali recedere & aliqua
Z 2 eidem

(c) §. cit. Polit. (d) §. 401. Polit.

eidem superaddere, in quorum numero etiam sunt pœnæ civiles. Idem quoque ex ipso contextu perspicuum est, ubi quis caput integrum mente attenta perlegit. Pharisei enim legem civilem cum naturali, seu, ut Theologi loqui amant, forensem cum morali confundebant: Christus vero confusionem istam tollit moralem forensi opponendo. Quamobrem verbis Christi ea respondet notio, qua officium hominis circa injurias jure naturali continetur. Patet adeo, quomodo ad eam perveniri possit, ubi eandem ex ipsa derivare volueris. Nimirum jure naturali fons officiorum erga alios est amor alterius (e), sive is amicus fuerit, sive inimicus (f): id quod etiam doctrinæ Christi consentaneum novimus (g). Ostendimus vero (h), nos tum amare alterum tanquam nosmetipsos, si ex ejus felicitate eam voluptatem percipimus, quam ex propria percipere solemus, consequenter & ex alterius infelicitate eum dolorem, illud tedium

(e) §. 774. Mor. (f) §. 856. Mor. (g) Matth. XXII. 39. 40, c. V. 44. (h) §. 442. Met. & §. 774. Mor.

um, quod ex propria percipimus. Quamobrem si jure talionis ei, qui obis injuriam intulit, eandem ipsi inferimus, eundem inde dolorem percipere debemus, quem ex ea percipiebamus, quæ nobis inferebatur. Etenim vero si ita dispositus fuerit animus, fieri nullo modo potest, ut alteri malum inferamus, qui nobis male fecit: qui enim hoc facit, ex malo, quo alter afficitur, voluptatem percipit, qua dolorem suum lenit, adeoque odio adversus alterum flagrat, quod in ea animi dispositione consistere, qua quis voluptatem percipit ex alterius infelicitate, consequenter ex eo, quod ipsi ægre fiat, alibi (i) dudum ostendimus. Apparet adeo cupidinem vindictæ omnem adversari amoris inimicorum, qui juri naturali conformis est, consequenter a vero aberrare, & jus civile cum naturali, seu forense cum morali, confundere, qui jus talionis regulam morum esse volunt. Etenim morum regula hæc est, ut habeamus animum ab omni cupidine vindictæ vacuum. Quare cum

Z 3

præce-

(i) §. 454. Met.

præceptum Christi juri talionis opponatur tanquam regula morum, Salvator autem optimus sincerum juris naturalis usum inculcaverit, vitæ integerrimæ doctor; verbis quoque ejus alia notio respondere nequit, nisi animus ab omni vindictæ cupidine vacuus. Enimvero principium juris naturalis, quod nos in Moralibus stabilivimus, requirit actionis externæ cum interna consensum (k), cumque interna in sensum minime incurrat, ex externa interna colligitur, si posita externa interna etiam ponatur. Quamobrem Christus notionem animi ab omni vindictæ cupidine liberi in auditoribus excitaturus actionem externam commemorare debebat aqua animus iste abesse nequit. Cumque notiones universales ab imaginibus separata claritate careant, quam per eas habent notiones specialissimæ, quibus nonnisi casus singulares respondent, atque adeo illis evidentia concilianda sit per demonstrationes; huic instituto actio externa quædam specialissima conveniebat, quæ nonnisi singulari-

(k) §. 13. Moral.

gulares sub se complectitur, ne notiones in animo recurrentes sua destituerentur claritate. Patet igitur cur exemplo colaphi in maxillam impactius fuerit Salvator, actione obvia neminique ignota. Jam si quis alteri colaphum incutit & hic eidem vicissim alapam impingit; alter jure talionis abusus, jure civili cum naturali confuso, vindictæ cupidinem prodit atque cum ea simul odium, utpote voluptatem exinde percipiens, qua suum lenit dolorem. Si quis alterum colapho cedit & hic eidem alapam non impingit vicissim, ejus quidem rei ratio gemina esse potest, vel quod sibi metuens a majori malo vindictam differt, ab ea autem non abstinet; vel quod animum habet a vindictæ cupidine alienum, vel quod talem simullet, consequenter cum omissione actionis, quæ animum vindictæ cupidum manifesto prodit, non necessario conjungitur animus a vindictæ cupidine alienus, consequenter ad eam provocans in animo alterius notionem animi a vindictæ cupidine prorsus alieni excitare nequit. Quodsi denique

Z. 4

quis

quis colapho cæditur & tam parum inde afficitur, ut malam alteram eidem obvertat; is animum ab omni vindictæ cupidine procul remotum habere debet, consequenter ad hunc casum provocans notionem animi ab omni vindictæ cupidine procul remoti in eo, cum quo loquitur, excitat, vel saltem eum ita disponit, ut in dato casu judicare possit, quod is sit ab omni vindictæ cupidine prorsus alienus. Etenim tum demum intelligit animum suum ab omni vindictæ cupidine vacuum esse, ubi injuria affectus ita dispositum sentit animum suum, ut eam denuo perpeffurus nihil in se deprehendat, quod reluctetur, seu eum ad averfandum disponat. Atque adeo jam patet ratio, cur Salvator optimus, in quo omnes scientiæ ac sapientiæ thesauri absconditi, ad casum postremum provocaverit, ubi populum docturus erat nos in perferendis injuriis habere debere animum ab omni vindictæ cupidine ita remotum, ne avari inimicorum ulla ex parte contrarietur. Et talem revera animum ipsemet habuit Christus: id quod satis super-

perque probavit, cum in crucem actus Deum his verbis invocaret (l): *Pater, dimitte illis* (nempe inimicis, qui in causa erant, ut inter latrones in cruce vitam finire cogeretur), *non enim sciunt, quid faciunt*, ut adeo Petrus animum a vindictæ studio alienum commendaturus exemplum Christi nobis imitandum proponat (m). Quemadmodum enim comminationibus proditur animus vindictæ cupidus, ita ex adverso preces ad Deum fusæ pro inimicis, ne malum pro malo illis rependat, loquuntur animum ab omni vindicta alienum.

§. 3. Enim vero etsi quis habeat animum a vindictæ cupidine prorsus alienum, ut adeo, si per eum stare, injuriam sibi illatam non vindicari mallet; id ipsum tamen non obstat, ut, quantum Reip. interest, vindictam Magistratui committat. Vindicta enim publica opus est, ne, qui desunt officio suo, alios injuriis frequenter afficiant mutuisque injuriis Reip. salus ac tranquillitas turbetur. Quamobrem non in se, sed in alios & societatem

*Consensus interpretatio-
nis Lutheri cum
nostra.*

(l) Luc. XXIII. 34. (m) 1 Petr. II. 23.

tatem omnem, in qua vivit, injurius esset, si quis injurias sibi illatas publica autoritate vindicari nollet, ubi vindicta publica malitia coerceri potest. Etenim non ita amandi sunt inimici, ut odio habeamus amicos, seu eos, qui saltem inimicum in nos non produnt animum. Quamobrem *Lutherus* (§. 1) recte omnino sentit, prohiberi a Christo vindictam privatam, dum animum esse jubet ab omni vindictæ cupidine vacuum, non vero publicam; sed eam omnem deferri Magistratui, a quo nimirum exerceri potest absque omni personæ odio, & a quo exerceri debet, ob salutis ac tranquillitatis publicæ curam ipsi injunctam. Colliduntur in præsentī casu amor amici atque eorum, qui inimicum in nos non habent animum, etsi nec in numero amicorum sint, atque amor inimici. Exceptio itaque fieri debet per ea, quæ in *Ontologia* docuimus (n). Nulla vero ratio est, cur a præcepto de amore amicorum & eorum, qui indifferenti erga nos sunt animo, exceptio fieret: cur vero eadem fiat a præcepto, quod amorem inimicorum injungit, & ipsum

(n) §. 510. *Ontol.*

ipsum præceptum de amore amicorum & eorum, qui indifferenti erga nos sunt animo, suadet, & salus ac tranquillitas Reip. urget. Non absimili modo doceri poterat, cur animus a vindictæ cupidine vacuus nec obftet defensionis sui, neque juri inculpatæ tutelæ: sed cum idem ex instituto demonstremus in moralibus, & in Jure Naturæ idem argumentum discussuri simus, a repetitionibus inutilibus abstinendum esse judicamus. Ex eadem ratione præmittimus, quæ ex præcepto de perferendis injuriis animo a vindictæ cupidine prorsus alieno deduci poterant, cum de iis suo loco in philosophia morali plura dicturi simus.

§. 4. Ex hoc ipso specimine patet ^{usus phi-} philosophiæ ^{lophia} usus in interpretanda Scri- ^{in inter-} ptura sacra & quidem eo in casu, ubi ve- ^{pretanda} ritas non est pure revelata, sed ex prin- ^{S. S.} cipiis quoque rationis demonstrabilis. Nec multa attentione opusest, ut intelligamus, usum, quem præbet philosophia, eum esse, ut eodem successu philosophiæ aliud quid substitui nequeat. Confirmat idem collatio interpretationis a nobis factæ cum ceteris, quæ Criticæ superstructæ ideo a nobis fuerunt præ-

præmissæ, cujus alium esse usum quam in notionibus peruestigandis, quibus verborum sensus continetur, alibi ostendimus (o). Duo inprimis probe perpendenda, quæ in specimine nostro manifesta sunt. Nimirum primo si quis principiis philosophiæ in Scriptura sacra interpretanda dextre uti noverit; is sensum genuinum a se esse repertum demonstrare potest. Quoniam vero principia philosophiæ desumenda sunt ex systemate, ne quid circa ea dubii superesse possit; demonstrativam esse interpretationem nemo judicare valet, nisi qui & formam demonstrationis animo comprehensam tenet, & principia, quibus utitur, ad systema refert. Patet adeo novus usus systematis veri nominis: neque enim contemnendus est usus demonstrativæ interpretationis, quoniam facit ad controversias terminandas, quamprimum systema receptum fuerit. Deinde secundoliquet, interpretationem eo more institutam, quem nos secuti sumus, intimius in viscera rei penetrare, quam vulgo fieri solet, cum eorum prodeat ratio, quorum aliquandari posse ne cogitari quidem solet: id

quod loquentis elevat auctoritatem & magnum momentum affert ad S. S. divinitatem contra Anti - Scripturarios adstruendam, atque ad universalia principia inde abstrahenda. Talia bene multa exemplo præsentis insunt, sed quæ abstrahi & dilucidari præsens locus non permittit.

§. 5. Colophonis loco observandum, *Consensus philosophiæ Authorum cum Christo.* ex hoc ipso specimine Sole meridiano clarius elucere, quam bene principiis metaphysicis, moralibus atque politicis nostris conveniat cum principiis Christi. Qui philosophiam nostram probe excultam cum legibus verioris methodi in Logico opere expositis conjunxerit & methodo utendi facultatem sibi comparaverit; is sensum verborum Christi atque Authorum factorum oppido profundum in aliis quoque Scripturæ S. locis detegit eodem modo, quo nos in casu præsentis eum eruimus. Et ut alii idem intelligant, utque aliorum conatus exemplis juvemur; in posterum specimina dabimus alia, quibus diligenter expensis regulæ hermeneuticæ in usum interpretationis demonstrativæ abstrahere licebit.

CON-

CONSPECTUS TRIMESTRIS VERNALIS.

I.

De Hypothesibus philosophicis, 177

II.

*De Definitione Justitiæ Ulpiani
l. 10. ff. de justitia & jure, at-
que ejus cum notionibus Aristo-
telicis consensu, 230*

III.

*De successiva Assensus generatio-
ne in solida rerum cognitione,
269*

IV.

*De Notionibus directricibus & ge-
nuino usu philosophiæ primæ,
320*

V.

*De officio hominis circa injurias
juxta mandatum Christi Matth.
V. 39, 350*

Finis Trimestris Vernalis.

HORÆ SUBSECIVÆ MARBURGENSES

ANNI MDCCXXIX,

QVIBUS

PHILOSOPHIA

AD

PUBLICAM

PRIVATAMQVE UTILITATEM
APTATUR.

AUTORE

CHRISTIAN. WOLFIO,

CONSILIARIO AULICO HASSIACO, MATHE-
MATICUM AC PHILOSOPHIÆ PROFESSORE PRIMA-
RIO IN ACADEMIA MARBURGENSI, ET ORDI-
NIS PHILOSOPHORUM p. t. DECANO, PROFES-
SORE HONORARIO PETROPOLITANO, SOCIE-
TATUM REGIARUM BRITANNICÆ AC BO-
RUSSICÆ SODALI.

TRIMESTRE ÆSTIVUM.

FRANCOFURTI & LIPSIAE MDCCXXIX.

PROSTAT IN BIBLIOP. RENGIERIANO.

HORÆ SUBSECIVÆ MARBURGENSES

Anni M DCC XXIX.

Trimestre Æstivum,

I.

De Voluptate ex cognitione veritatis percipienda.

§. I.

NUllam dari voluptatem, quæ ^{Infinitum} cum ea comparari possit, quam ^{sum Am-} ex veritatis cognitione ^{toris,} percipimus, dudum agnovere viri intelligentes, ita ut vir generosus de scientiis mathematicis bene meritus, *Ehrenfried Waltherus de Tschirnhausen* (a), summum hominis bonum in ea consistere existimaverit. Nihil, inquit, nostræ felicitati augendæ hucusque magis necessarium agnoscere potui, quam ignotas posse detegere veritates & ex iis, quæ ad istum scopum quam maxime conducunt feligere. Pau

A a 2

lo

(a) in *Medicina Mentis* part. I. p. 7.

lo inferius autem (b) in rem nostram ita loquitur: Expertus sum summam & purissimam delectationem omnium, quæ modo naturali in homines in hac vita videntur posse cadere, eam nimirum, quæ ex acquisitione veritatis oritur, & cui æquiparandam nunquam sensi aliam. Provocat ad experientiam aliorum, qui multarum veritatum magni momenti notitiam adepti sunt, inprimis vero illos, qui eo usque progressi, ut eam proprio Marte sibi acquirere valeant. Hanc vero delectationem tantam pronunciat, ut, cum plures, qui alios a nimio sensualium delectationum usu abducere conantur, id successu parum felici præstent; hi e contrario delectationibus, quæ ex veritatis acquisitione percipiuntur, degustatis, facillime summas vulgi voluptates pro nihilo reputarint. Immo fuisse nonnullos autor est, qui cum sibi haud difficulter honores, divitias ac delicias hujus mundi comparare potuissent, iis tamen plane nuncium miserint, quod præviderent, hæc forte futu

(b) loc. cit. p. 13.

atura esse impedimento, quo minus
in acquisitione veritatis, uti incepe-
ant, possent progredi. Nihil hic
actum reperio, quod non ipsemet
expertus fuerim meoque exemplo
confirmare possim. Enimvero cum
veritatem eorum, quæ tam confiden-
ter afferuit vir egregio acumine præ-
litus, in se experiri velle non adeo
facile existimari debeat, ut unum-
quemque promiscue ad experientiam
domesticam invitare liceat; deside-
rio amici doctrinæ hujus utilitatem
percipientis satisfacturi ex notioni-
bus nostris a priori deducemus, quæ
se voluptate ex cognitione veritatis
percipienda tenenda sunt, tum ut ra-
tionis lumine collustrati intelligant,
quod experiri non valent, plurimi, at-
que sic ardore quodam idem experiun-
ti incendantur, tum ut ceteri, quibus
apud hiis frui datum est, discant,
quid tribuendum sit philosophiæ no-
tæ; tum ut attentio experientium
tendatur ad observanda, quæ hacten-
us animadversa non sunt, & ad di-
cernenda, quæ parum utiliter con-
ducuntur. Cumque præter veritates

naturales dentur etiam revelata, nostrum quoque esse arbitramur de voluptate, quæ ex his percipitur, nostrum interponere iudicium. Immo cum nec veritates naturales ejusdem sint generis, quid hic quoque discriminis intercedat in voluptate, quæ ex iis percipitur, edocendum erit.

*Voluptas
quid sit.*

§. 2. Notionem voluptatis distincte explicavit *Cartesius* in epistola ad *Elisabetham*, Principem Palatinam(c). Tota nostra voluptas, inquit, posita est tantum in perfectionis alicujus nostræ conscientia. Monet præterea, si rationem sequaris, quamlibet voluptatem ex magnitudine perfectionis illam producentis metiendam esse; homines tamen sæpius confundere quod apparet cum eo, quod est. Atque hæc nobis ansum dedere, ut voluptatem per intuitum seu cognitionem intuitivam perfectionis cuiuscunque sive veræ, sive apparentis definiremus (d), ut sic determinationes omnes, quæ definitionem ingredi debent, complecteremur eique omnem amplitudinem tribueremus.

quam

quam habere potest. Notionem hanc esse veritati consentaneam clarissime ostendimus (e) & proxime in Psychologia, quæ Cosmologiam generalem excipiet, uberius confirmaturi sumus. Eadem quoque in Moralibus & in Teleologia seu Tractatu, quem de finibus rerum naturalium conscripsimus, felicissime usi sumus, ut fecunditatis extent exempla luculenta: nec minus eadem faciem nobis præferet in tractatione præsentē. Et quamvis *Cartesius* voluptatem ad conscientiam perfectionis nostræ restringere videatur; experientia tamen ubivis obvia confirmat, eam non minus oriri ex conscientia perfectionis non modo hominis, sed rei etiam alterius cujuscunque. Ecquis enim ignorat nos voluptate perfundi, si attentionem nostram defigamus in perfectione horologii, imaginis aut ædificii alicujus, præsertim ubi fuerimus artis periti, ut perfectionem, quæ rei inest, percipere valeamus. Neque enim nos movet perfectio rei, nisi ejus nobis conscii simus.

Aa 4

§. 3.

(e) loc. cit.

*Qualis sit
cognitio
veritatis.*

§.3. Ut igitur appareat, quinam perfectionis sensus cognitionem veritatis comitetur, paulo distinctius exponendum, quandonam veritatem cognoscamus. Esse aliquam in rebus veritatem, quæ transcendentalis appellatur, dudum agnovere philosophi, dum ens omne verum esse pronunciarunt. Quid vero sibi velit ista veritas transcendentalis, primus, quantum constat, distincte exposui tum in *Metaphysica Germanica* (f), tum in *Ontologia Latino sermone nuperissime edita* (g). Notione enim entis distinctius evoluta, quam hactenus factum fuerat a Philosophis, quemadmodum opus nostrum ontologicum, ejus in primis caput tertium sectionis secundæ & secundum tertiæ partis primæ, abunde loquitur, veritatem transcendentalem, quæ rebus ipsis inesse intelligitur, non diversum quid esse deprehendi ab ordine in varietate eorum obvio, quæ simul sunt ac se invicem consequuntur, cujus cum sint regulæ principium, quod voco, contradictionis & rationis sufficientis

(f) §. 142 & seqq. (g) §. 493. & seqq.

tis(h), veritatem rebus inesse docui, quatenus ea, quæ insunt, per ista principia determinantur. Cumque ostenderimus (i) veritatem transcendentalem esse fundamentum veritatis logicæ; veritatem logicam consistere reperimus in determinabilitate prædicati per notionem subjecti(k), neque enim alio in casu intellectus iudicium objecto conforme est, nisi quando rei tribuitur prædicatum per alia, quæ eidem conveniunt, atque notionem subjecti in dato iudicio absolvent, determinabile; omnes autem uno ore consentunt, tum dici verum iudicium nostrum, quando rei, de qua iudicamus, conforme est, seu quod eidem tribuitur, eidem quoque convenit. Veritatem adeo is demum cognoscit, qui perspicit, quomodo prædicatum per ea, quæ in notione subjecti continentur, determinetur, quemadmodum jam alibi docuimus (l). Non unum idemque sunt veritatem licuius propositionis, vel etiam rei

A a 5

agno-

(h) Vid. de his principiis Ontologiæ C. I. & 2. Sect. I. part. I. (i) §. 499. Ontol. (k) §. 513. Log. (l) §. 516. Log.

agnoscere, & quod propositio vera sit cognoscere, quemadmodum jam alias(m) differentiam clarissime exposuimus. Atque hoc discrimen in presente præsertim casu minime negligendum: id quod ex sequentibus elucescet. Quodsi cui in philosophia nostra parum versato hætenus dicta non satis perspicua videntur; is missis iis, quæ, cum in systemate pleno lumine fulgeant, extra idem obscuriora videntur, ad sequentia animum aduertat. Ea, quæ enti conveniunt, in triplici differentia constituuntur. Alia sibi mutuo non repugnant, ut simul inesse possint; non tamen per se invicem determinantur, ut necessario simul infint. Alia per ista priora determinantur, vel quoad actualitatem, vel quoad potentiam, ut scholæ loquuntur, ita ut illa necessario simul infint, hæc vero tantummodo inesse possint. Quodsi posteriora actu esse debeant, aliæ determinationes accidentales sive extrinsecæ, sive intrinsecæ superaccedere debent. Singula patent per theoriam entis in Ontologia a nobis

stabili-

(m) §. 517. Log.

stabilitam. Veritatem adeo cognoscit quæ enti inest, qui distincte perspicit prima entis attributa sibi invicem non repugnare, sed simul eidem subiecto, convenire posse, utut absolute non repugnet ut unum sit absque altero, atque præterea per primaria ista attributa intelligit, cur cetera vel actu insint, vel inesse possint & quænam enti porro superaccedere debeant, ut hæc quoque actu insint. Tum enim ens concipit, quale est, ipsiusque ideæ inest veritas, quæ dicitur, logica. Quod si quis tantummodo experientia duce intelligit, quædam simul enti cuidam inesse posse, & enti, cui talia insunt, ob quæ eidem hoc vel istud nomen tribuitur, inesse porro alia, vel saltem eidem convenire in aliquo statu; is quidem cognoscit ens istud esse verum & veritati consentaneum esse, quod talia eidem vel constanter, vel in dato quodam statu conveniant, ipsam vero veritatem non perspicit. Singula satis patent per theoriam nostram logicam. Etsi autem rerum cognitio a posteriori derivata ipsam veritatem penitus perspicendam non exhibeat;

hibeat; aliquid tamen ejus spectandum offert, ubi iteratis observationibus factisque experimentis nexus rerum detegitur, ut appareat, quibus positis ponantur alia, etsi nondum constet cur iisdem positis simul ponantur. Atque hoc philosophiæ esse existimamus ut veritatem intimius inspiciendam exhibeat, quam ideo ad notiones determinatas, quibus vocum significatus fixus constituitur, & propositiones determinatas reducimus, in quibus prædicatum ex notione subjecti legitimis ratiociniis colligimus. Quamobrem ex præsentē tractatione novus quidam apparebit usus philosophiæ nostræ, forsitan hæcenus non animadversus, aut saltem non satis expensus.

*Voluptas
percipien-
da ex ve-
ritate ipsa.*

§. 4. Qui veritatem rerum ipsam perspicit, is ordinem agnoscit, quo vi principiorum contradictionis atque rationis sufficientis collocanda sunt illarum prædicata, five ea constanter insint, five sibi invicem succedant. Omnis ordo perfectus est: quod etsi in Ontologia brevitati studentes non demonstraverimus, ex principiis ta-
men

men ibidem positis facile deducitur. Perfectio enim rebus tribuitur, quatenus determinationes intrinsecæ per rationem quandam seu regulam generalem, aut plures istiusmodi regulas explicari possunt (n). Quare cum in omni ordine per regulas istiusmodi explicari possit, cur unicuique coëxistentium vel successivorum hic potius cesserit locus, quam alius (o), nec ordini præter determinationes locorum aliæ infint (p); ordo utique omnis perfectus esse debet, seu omni omnino ordini perfectio quædam inest. Retinenda autem hic est perfectionis genuina notio, quam dedimus (q) & quæ omni ordini in casu speciali facile applicatur. Consistit nimirum perfectio in consensu, qui datur inter plura in uno differentia. In eo autem ordine, quo veritas rerum constituitur & a somnio distinguitur, determinationes locorum, quæ prædicatis cedunt, inter se consentiunt, ut in nullo ente admittatur nisi quod per alia, quæ eidem conveniunt, inesse debere in-

(n) §. 530. Ontol. (o) §. 475. Ontol. (p) §. 472.
Ontol. (q) §. 503. Ontol.

intelligatur. Ipsam adeo rerum, quæ ipsis inest, veritatem intimius perspicientes perfectionem quandam intuemur. Quamobrem fieri nequit, quin voluptatem ex ea percipiamus. Atque ea voluptas est, quæ veritas ipsa animum cognoscentis perfundit. Quoniam nos in philosophia id agimus, ut ex notione subjecti determinata eruatur quodlibet prædicatum secundarium ei tribuendum, primariis definitione comprehensis; attentus & assiduus lector veritatem rerum & in ea ordinem prædicatorum perspicit, qui in mutua a se invicem dependentia consistit. Quamobrem superatis difficultatibus, quæ tyronum attentionem defatigare solent, philosophiæ nostræ lectio animum voluptate continua perfundit.

*Confirmatio
ejusdem a
posteriori.*

§.5. Enimvero nostrum esse arbitramur, hætenus dicta experientia confirmare, ut earum veritatem iis persuadeamus, quorum animus difficulter cedit rationibus. Mathematicum perito facile persuaseris esse quid in ordine quod delectet: neque enim alia re opus est, quam ut ei experientiam

tiam domesticam in memoriam revo-
ces & ea, quæ in potestate est, atten-
tione uti jubeas. Notum est Gcome-
tram maximo suo merito celebrem
Isaacum Newtonum reperisse, si quadra-
tum diametri circuli sit 1, fore aream
 $1 - \frac{1}{8} - \frac{1}{40} - \frac{1}{112} - \frac{1}{1152} - \frac{7}{2816}$ &c. Nec mi-
nus hodie constat, *Jacobum Gregori-*
um, Geometram eximium, primum
invenisse, si quadratum diametri cir-
culi sit 1, fore aream circuli $1 - \frac{1}{3} + \frac{1}{5} -$
 $\frac{1}{7} + \frac{1}{9} - \frac{1}{11}$ &c. Quoniam serierum infi-
nitarum usus alius non est, quam ut
approximationes inde eruantur in eo
casu, quo perfecta quadratura dari a
nobis non potest; seriem *Newtonia-*
nam utique præferendam esse patet *Lei-*
bnitiana, quæ vulgo dicitur, quod lon-
go tempore *Leibnitio* tributa fuerit,
antequam constaret, eam a *Gregorio* fu-
isse inventam. Sunt tamen, qui *Lei-*
bnitianam, seu *Gregorianam* præfe-
runt *Newtonianæ*, propterea quod
in illa manifesta sit lex progressionis in
infinisum, qualem in hac nullam esse
arbitrantur. Lex illa progressionis or-
dinem quendam ipsam facit, quo
termini progrediuntur: ex quo cum
volu-

voluptatem percipiant, qualem in se nullam experiuntur ad seriem *Newtonianam* attenti, hac *Leibnitianam* elegantiorē appellant significaturi, quod ea delectet, non tantum profit. Enimvero reducamus iis artificiis, quæ alibi (r) exposuimus, eandem ad formam aliam, ut termini manifesta lege progrediantur in infinitum; nullum profecto mihi superest dubium fore ut series *Newtoniana* majore voluptate animum a præjudiciis liberum perfundat quam *Leibnitiana*. Etenim si terminus primus seriei dicatur A, secundus B, tertius C, quartus D & ita porro, sitque diametri quadratum 1; area circuli vi seriei *Newtonianæ* est

$$1 - \frac{1.1}{2.3} A - \frac{1.3}{4.5} B - \frac{3.5}{6.7} C - \frac{5.7}{8.9} D - \frac{7.9}{10.11} E$$

&c. In hac serie plus ordinis deprehenditur quam in *Leibnitiana*, cum non modo lex progressionis sit observatu facilis, verum etiam singuli termini a se invicem constante quadam ratione dependeant & in ipsa varietate insit similitudo non una. Delectat adeo series *Newtoniana* ad hanc formam reducta

(r) *Analys. infin.* §. 124, edit. sec. *Element. Math.*

ducta vi solius ordinis, quæ antea in se spectata non delectabat. Sed demus exemplum aliud, quod est facilius. Qui principia Architecturæ civilis vel primis labris degustavit, non ignorat, eurythmiam, quæ inter principia venustatis connumerata similitudinem ab utroque latere mediis dissimilis custodit, esse regulam ordinis. Unusquisque duo conspiciens ædificia, quorum unum juxta regulas eurythmiæ constructum, alterum vero iis adversatur, in se experitur, ex conspectu prioris se voluptatem percipere, quæ a conspectu alterius aliena. Id igitur, quod hic delectat ordo est. Quod si cui nec hoc exemplum satis clarum fuerit, is obvium quodque capiat ex rebus quibuscunque ordine collocatis. Neque attentione usus difficulter intelliget esse ordinem, qui hic delectat. Unde porro colliget, ordinem quoque in aliis rebus, adeoque & in veritate obvium delectare debere, quamprimum is perspicitur.

§. 6. Similiter haud raro experitur, qui in demonstrationibus resolvendis versantur, quod insignis ex ordine, *Demonstratio quando voluptatem parit.*
(*Hor. subs. 1729.*) Bb dine, at.

dine, qui in iisdem percipitur, voluptas capiatur. Genuinam demonstrationis formam & accuratam analyfin delineavimus in opere logico (s). Eam qui perpendit observat, illam certis regulis contineri, quibus ordinata efficitur & hoc ipso ab inordinata distinguitur (t). Ordinem intuentes, quem in ordinata deprehendimus, voluptate perfundi, & ratio docet, & experientia aperte loquitur. Non aliare opus est, quam ut demonstrationem, prolixam in primis, legitime resolvamus & resolutam distincte in tabula quadam describamus, ut uno obtutu comprehendi possit, & ordo in eadem latens conspectui offeratur. Nos sane, qui in Mathesi tradenda analytica methodo utentes demonstrationes ita resolutas auditoribus nostris conspiciendas exhibemus, voluptate illa constanter fruimur, quae accedentibus aliis mox describendis efficiunt, ut in docendis trivialibus non sine animi voluptate versetur & animum alio labore defatigatum docendo recreemus, immo a tædiis qui-

(s) §. 551. & seqq. Log. (t) §. 799. Log.

bus forte implicitus est, liberemur. Hæc ipsa quoque voluptas in rationum illarum numero est, quæ nos impulerunt, ut in nova Elementorum Matheseos editione demonstrationes efficeremus quam maxime ordinatas, & idem, quantum datur, in ipsa quoque philosophia, quam Latino sermone publici juris facimus, externa forma plurimum differente ab ea, quam vernaculo idiomate conscripsimus, imitaremur: nihil enim magis in votis habemus, quam ut alii quoque ejusdem fiant participes. Ceterum plura moneri poterant de iis, quæ voluptatem hanc intendunt: sed cum nobis non liceat esse prolixioribus, ea illis observanda relinquimus, qui in demonstrationibus resolvendis ac perpendendis eandem nobiscum viam ingredientur. Non desunt testes ejusdem voluptatis nobiscum participes facti: sit ita, quod non quivis tyro aliis difficultatibus præeditus nec eo acumine adhuc utens, quod ad pervidendum ordinem præequiritur in demonstratione latentem, illam persentiscat.

Modus
perci-
piendi
volu-
ptatem
ex cog-
nitione
per-
fectionis
rerum,

§. 7. Ens omne esse perfectum du-
dum agnovere veteres & nos ex ipsa
notione perfectionis demonstravimus,
quo respectu rebus perfectio tribua-
tur (u). Jam ad veritatis cognitio-
nem spectat etiam cognitio perfectio-
nis rerum, dolendumque quod non
plus studii in eadem collocetur. Qua-
re cum ex intuitu perfectionis na-
scatur voluptas (§. 2); animus co-
gnoscentis voluptate perfundi debet,
ubi in perfectione rerum attentio-
nem suam defigit. Æstimatur perfe-
ctio rerum ex earum finibus. Atque
inde est, quod Teleologia seu, quæ
definibus rerum instituitur tractatio,
adeo delectet: quamvis altera acce-
dat ratio, de qua mox dicemus di-
fertius. Obvia vero etiam exempla
loquuntur, cognitionem perfectio-
nis rerum conjunctam esse cum vo-
luptate. Ita similitudo picturæ cum
objecto, quod repræsentat, delectat,
artis præsertim peritum, qui eam in-
timius perspicit. Nemo autem est,
qui ignoret, picturæ perfectionem in
ista similitudine consistere. Similiter

quod

horologium delectat Astronomos, quod cum motu cœli diurno conspirat quam exactissime, ita ut intra dies complures vix uno alteroque secundo ab eodem dissentiat. Ecquis vero est, qui ignoret, horologii perfectionem ex eo agnosci, quod tempus exacte indicet? Hoc voluptatis genus, si ab obviis rebus discesseris, quas ars potissimum offert, paucissimi hactenus experti sunt, propterea quod notione perfectionis fecunda deficiente de rerum perfectione in disciplinis explicanda hactenus non cogitarunt philosophi atque merito inter desiderata refertur scientia, qua rerum perfectiones demonstrat, adeo parum nota, ut nomine adhuc destituatur. Dedimus nos notionem perfectionis (x), quam fecundam in Theologia naturali, Psychologia, Philosophia morali ac civili, ipsa etiam Philosophia naturali & Technologia quam inter disciplinas philosophicas, sed desideratas, retulimus (y), experti sumus. Et quamvis ignoremus, num Deus nobis per tantum temporis spatium

B b 3

vitam

(x) §. 503. & seqq. (y) Disc. prælim. §. 71.

vitam corporisque ac animi vires sit clementissime conservaturus, ut ad eam philosophiæ partem, quæ rerum perfectiones demonstrat, excolendam animum appellere liceat; dabimustamen in disciplinis ceteris specimina luculenta, ut posthac propior ad eam pateat aditus. Nec deerit subinde occasio, ut istiusmodi specimina his ipsis Horis subscepiis inferamus, quo aliorum studia ad argumentum generi humano adeo utile excolendum provocemus. Utinam tandem saperent eruditi, ut rebus intelligendis potius, quam aliis perstringendis & male intellectis suggillandis tempus ac operam impendere mallent! Sed nec nostrorum temporum ea est felicitas, ut meliora placeant plurimis, ignorantia, segnitie virtutisque infucata defectu fastui inani pabulum subministrantibus & contra scientiam omnem etfi, humano generi adeo utilem, arma suppeditantibus.

*Voluptas
percipien-
da ex per-
fectione
intelle-
ctus in
genere.*

§. 8. Nemo est, qui non ultro largiatur, ignorantiam inter imperfectiones mentis nostræ esse referendam. Unde sua sponte consequitur, cognitionem rerum, quæ eidem opponitur, ad per-

perfectionem mentis referri, seu intellectum nostrum esse perfectiorem, si ideis rerum imbuatur, quam si iisdem vacuus existat. Quando itaque judicamus nobis esse hanc rerum cognitionem, perfectionis intellectus nostri nobis conscii sumus. Ubi igitur animus in hoc statu voluptate perfunditur, non aliud profecto accidit nisi quod naturæ mentis humanæ conveniens deprehenditur. Percipimus enim voluptatem, quotiescunque perfectionis cujusdam nostræ nobis conscii sumus (§.2) Experientia abunde confirmat, quæ modo diximus. Sane alius voluptatem percipit ex linguarum, quæ ipsi est, notitia, alius ex numerorum & figurarum, alius ex rerum naturalium, alius ex rerum moralium atque civilium, alius ex rerum artificialium, alius denique ex rerum aliarum quarumcunque cognitione voluptatem haurit. Nimirum nihil hic ad voluptatem confert objectum, circa quod versatur cognitio nostra, cum rerum cognitio voluptatem generet, quatenus mentis nostræ perfectionem loquitur, nullo attento disparum rerum discrimine. Etsi autem a se invicem separemus, quæ

confundenda non sunt; non tamen ideo negamus, cum ea voluptatis specie, quæ in præsentē casu percipitur, conjungi quoque posse alteram, quæ a perfectione rei cognitæ manat & de qua in antecedentibus (§. 7.) diximus: id quod ideo monemus, ne qui cavillandi animo ad hæc legenda accedunt, cum sint methodi accuratæ imperiti, sibi aliquid reperisse videantur, quod experientiæ repugnet ac ideo virgula censoria dignum sit. Plures omnino voluptatum species in uno eodemque casu percipiuntur, atque multiplex voluptas, quæ plurimum simul perceptarum quædam congeries est, utique intensior earum qualibet sigillatim percepta. Neque me fugit, non esse cujusvis singulas illas voluptates, quæ in multiplici permiscentur, a se invicem discernere, atque adeo plurimos de eo ne cogitare quidem solere, quod jam plures voluptates simul percipiant. Nostrium tamen est, voluptatem multiplicem, etsi uno sensu contineatur, in simplices illas resolvere, quæ simul percipiuntur, cum nobis propositum sit theoriam voluptatis, quæ ex cogni-

gnitione veritatis percipitur, a priori seu ex notionibus suis derivatam exhibere. Illud autem jubet vera methodus & in ea applicanda maxime artis est a se invicem separare ea, quæ in notionibus complexis confunduntur experientiæ studio acquisitis. Opportune talia moneri non diffitebitur, qui præsentem rei litterariæ, in Germania præsertim nostra, statum cognitum atque perspectum habet. Ipse satis superque expertus sum, quod ignorantia methodi reprehendantur, quæ laudari debebant. Expertus quoque sum non deesse, qui existimant necessitatem respondendi ad tales censuras nobis esse impositam, quæ ex crassa ac supina ignorantia ortum trahunt. Discant igitur lectores cur temeraria imperitorum judicia contemnamus, nec adeo temere judicantibus invidemus hominum sui similium applausum. Sint felices per nos errore ac turpi facinore suo! Nobis potius est frui voluptate, quæ ex veritate ac virtute percipitur.

§. 9. Major voluptas ista deprehenditur, si quis cognitionem suam confert cum ignorantia alterius: tum

*Grades
illius
voluptatis.*

Bb 5

enim

enim vi oppositi magis sibi conscius est perfectionis suæ, quam ubi ad ignorantiam alterius non attenderit, præsertim cum ignorantia alterius major appareat imperfectio, quam ubi propria fuerit, atque adeo sua quoque cognitio perfectio major. Et quoniam in uno casu quis sentit, quod magis delectetur cognitione sua, si ad alterius ignorantiam eam referat, quam si in ea sola obtutum defigat; ideo hac ipsa voluptate stimulatur ad ignorantiam aliorum scrutandam & ardore incenditur imbuendi animum iis doctrinis, quibus animum alterius vacuum deprehendit. Equidem hoc stimulo communiter non uno modo abutuntur præsertim illi, quibus acumen non est ad pervidendum, quid in hisce lateat discriminis: abusus tamen non ab eo, quod homini naturale est, sed ab arbitrio ipsius manat. Licet enim stimulo isto uti ad diligentiam excitandam & conservandam, qua in hauriendis doctrinis utilibus opus est, tum ubi ignorantiam veritatis alteri nocuam deprehendimus, tum ubi ejus cognitionem eidem valde proficuum experimur: neque ideo

ideo opus est ut alterum elatis superciliis contemnamus, quemadmodum facere solent, qui ab experientia rationis suppetias excludunt. Abusus, quem faciunt alii, rectum nos docere debet usum. Unde dudum invaluit præceptum istud generale: Ex alieno casu disce, non modo quæ vires, verum etiam quæ facias. Intenditur porro eadem voluptas, quæ ex cognitione veritatis in genere spectata proficiscitur, si animum ad numerum eorum advertas, quæ cognoscis. Etenim qui veritatis cognitionem ad perfectionem suam refert, is se tanto judicat perfectiorem, quo plurimum rerum cognitione animum sentit imbutum, quemadmodum alterum tanto imperfectiorem esse existimat, quanto majorem eorum numerum deprehendit, quæ cum ipse norit, alter ignorat. Gradus autem voluptatis respondet gradui perfectionis, cuius quis sibi conscius est. Nascitur tunc inexatiabilis sciendi cupido, ita ut etiam seni discere adhuc volupe sit, quamvis altero pede se jam in sepulchro stantem videat. Voluptatem nimis anhelamus omnes: quamobrem

rem ubi nobis innotescit objectum, ex quo voluptatem percipimus, in idem statim dirigitur appetitus atque adeo idem consequi studemus, quando ipsum in potestate nostra positum existimamus. Quod si illa cupido non subsit rationis imperio, nunc inde fluit intemperantia in studiis, quæ cum ipso sanitatis dispendio & neglectu aliorum, quæ sunt officii nostri, conjungitur; nunc in sterili rerum cognitione desudando tempus fallitur; quod utiliter collocari poterat, immo debebat. Enimvero ubi distincta cognitione singula ad rationes suas revocantur, per errorem objecto cognoscibili minime tribuitur, quod ab ipsa cognitione in se spectata derivatur, consequenter in objecto eligendo prudentiam nostram minime desiderari patimur. Apparet denuo, quantæ sit utilitatis voluptatem, quæ ex cognitione veritatis perspicitur, intimius pervideri, ne abusui sit, quod maximo inservire poterat usui. Ceterum de gradibus voluptatis ex cognitione veritatis in se spectata oriundæ notandum ulterius, quod cognitu difficilia majorem

rem

em voluptatem pariant, quam facilia. Quare cum difficilia adeo delectent, ut plerique, ubi eorum cognitionem sibi acquisiverint, facilia contemnere soleant, ideo in proverbium dudum abiit, pulchra esse quæ difficilia sunt. Nimirum ex eo, quod difficultatem experiamur in re cognoscenda, cum aliarum rerum cognitionem facilius nobis comparaverimus, majorem mentis perfectionem requiri ad illius cognitionem colligimus, quam qua ad res ceteras cognoscendas usi sumus. Quare ubi tandem superatis difficultatibus re difficili potiti fuimus, eam nobis perfectionem adesse persuasissimi sumus. Quid igitur mirum, si major quoque voluptas ex cognitione rerum difficile, quam facili in nos redundet? Intenditur porro voluptas ex rerum difficili cognitione percepta, ubi mentis aciem in eos converteris, qui eadem destituuntur atque in facilibus acquiescere tenentur, viribus ad ulteriora non sufficientibus. Etenim cum hoc pacto nostram potentiam ad aliorum impotentiam referamus

mus, quam ante quoque in nobis experiebamur, vi legis oppositionis potentia clarior elucescit, adeoque magnitudinis perfectionis, quæ nobis adest, magis conscii majore utique voluptate perfundimur, quam si nobis ejusdem minime conscii essemus. Quamvis autem non infrequenter rerum difficilem cognitio facilius, etsi utilius, contemptum pariat, ut non sine multiplici damno sterilia magni fiant, quia difficilis est eorum cognitio, apprime autem scitu necessaria atque generi humano utilia negligantur, quod cognitu facilia existimantur; in eo tamen abusus voluptatis consistit, qua rerum difficilem cognitio animum perfundit, diversus longe ab ejusdem usu, quem optimus naturæ Autor intendit. Non minus abusui isti tribuendum, quod, qui cognitione rerum difficili animum imbuunt, contemnat ceteros, qui nonnisi facilia cognita atque perspecta habent. Quasi vero ideo quis contemnendus, quod eum nobis imperfectiorem judicamus, vel in aestimanda perfectione hominis tantummodo

nodo respiciendum sit ad aliquas intellectus prerogativas, non attentis ceteris animi dotibus, quarum major adhuc vis est in felicitate generis humani promovenda. Hic profecto etiam abusus procul distat ab usu, quem Deus vi bonitatis suae intendit, dum rerum difficilem cognitionem facili jucundiorē esse jussit homini. Ea nimirum voluptas stimulus esse debet ad difficultates, quae nobis obiciuntur, superandas, ut ad actum educantur potentiae naturales menti dātae, ne frustra a Deo homini datae sint, sed ad detegendam veritatem humano generi utilem convertantur. Hunc ejus usum non modo innocuum, sed admodum salutarem faciunt, qui acumen sibi acquirunt ad distinguendum ea, quae in notionibus confusis rerum ad mentem spectantium involvuntur, & cum eo virtutem conjungunt.

§. 10. Sunt qui ex cognitione errorum ab aliis admissorum voluptatem percipiunt, cum proprii erroris cognitio animum reddat turbulentum. *Cur quidam ex cognitione erroris aliter voluptatem percipiant*
 si errat, is non modo rem ipsam re-
 reve-

revera ignorat, verum etiam nubem, quod vulgo dicitur, pro Junone amplectitur. Ignorantiam arguere imperfectionem mentis nostræ jam supra notatum est (§. 8.). Defectum autem acuminis cum arguere videatur falsi cum vero confusio, non minus ea ad imperfectionem mentis referri solet. Immo si in causas erroris omnes inquisiveris, quibus acuminis defectus in dato quolibet casu debetur, eas semper in numero imperfectionum collocandas esse deprehendes, quocunque te vertas: id quod alibi commodius quam hic doceri poterit, si quando de causis erroris in gratiam errorum evitandorum commentaturi sumus ex instituto. Quicquid sit, nemo non agnoscit errorem duplicem arguere in mente imperfectionem, adeoque majorem ea, quæ ignorantia debetur: unde etiam jam olim errori ignorantia compositæ nomen tributum, quod non simplicem rei, sed aliam præterea ignorantiam involvat pro diversitate casuum diversam, veluti ignorantiam modi verum a falso discern-

scernendi, vel principii veri, cujus loco falsum quis amplexus in errorem incidit. Quodsi quis errorem ab altero admissum agnoscit, aut agnoscere saltem videtur; tum alteri tribuit imperfectionem duplicem, consequenter sibi perfectionem eidem respondentem. Quamobrem ex cognitione erroris ab altero admissi voluptatem percipit. Quoniam vero voluptas non praesupponit iudicium verum, sed sufficit, ut ei videatur verum, qui voluptate perfunditur; idcirco non est quod miremur, voluptatem percipi ex imputatione errorum, qui nonnisi finguntur per imperitiam imputantis. Qui hebetes adhuc sunt ingenio atque iudicio, ut causas errorum a viris praestantibus admissorum non perspiciant, non sine magna temeritate majus sibi tribuunt acumen, quam viris merito suo celeberrimis, propterea quod sibi videre videntur, quæ acumen illorum effugiunt; idemque facile persuadent sui similibus, hoc est, plurimis. Hinc enatus est mos virorum bene meritorum famam lacessendi, impugnando

(*Hor. subs. 1729.*) Cc ea,

ea, quæ ab iis minus recte statui videntur, atque detrahendo aliorum meritis ad famam contendendi, in Germania nostra proh dolor! adeo frequens, ut tutissimum inclarescendi medium vulgo existimetur. Enimvero hæc voluptas nocua est, non modo quod in tedium degenerare valet, ubi quis se delusum sentit agnoscens se errorem commisisse, cum alteri errorem imputare intendit: verum etiam quod ad actiones istiusmodi seducat misellos, ex quibus plurima ipsis procreantur tædia, ut ut hoc nomine felices existimari debeant, quod mentis acie destituti fontem tædiorum non semper videant. Voluptatis hujus magnitudo cum hebetudini iudicii accepta referri debeat; ea parum afficiuntur, qui majore acumine præditi agnoscunt, quantum a vero aberrant, qui viris magnis absurdissimas tribuunt opiniones, vel sibi persuadent minore acumine præditos esse errantes, quam eos, qui ab ipsis commissos errores advertunt. Hinc non videas viros magnos publice reprehendere alios et in eorum

erro-

oribus confutandis tempus confu-
re: sed eos potius emendare, quæ ab
s minus recte dicta existimant ac ve-
atem iis oppositam demonstrare ci-
injuriam alterius. Eminent inter Gal-
Cartesius, singularibus in Mathe-
& philosophiam meritis inclytus.
llibi vero is in scriptis suis nomina-
perstringit alios, sed suam sen-
tiam explicat & rationibus confir-
t, ab impugnandis aliorum sen-
tiis maxime alienus. Sane cum
bertus Voëtius, vir multa eruditi-
s, sed scientiæ nullius, philoso-
insultaret & more Matæologorum
ismi crimen impingeret, quod
vorum affectuum impetu loco ra-
is uteretur, hominis infruniti
scientiam appellabat, num in scri-
suis ullibi alterius famæ insidias
erit vel ulli injurias fecerit, ca-
gloria ex interitu famæ alterius.
nglia magnus ille *Newtonus*, qui
esin sublimiorem & cognitionem
æ mathematicam tot egregiis in-
s auxit, ut Geometris omnibus
am dubiam reddiderit, in suis
onendis totus occupatur, de

aliorum erroribus, vel opinionibus parum sollicitus. Nemo sane est, qui jure conqueri possit, se in scriptis ejus fuisse offensum. Sufficiant dumviri isti præ ceteris magni, quibus alios addere liceret, si ex instituto hanc telam pertexeremus. Inprimis autem notatu dignum est, si quando contingit, virum, cujus extantiora sunt in orbe erudito merita, in juventute aliquid humani passum censoria virgula notasse alios, cum tamen ad maturiorem ætatem provectum a more isto recessisse ac ultro agnovisse, quod magnis in scientiam meritis non conveniat mos impugnandis aliis tempus consumendi, qui in tyronibus excusationem meretur, in provectioribus censuram, in nemine laudem. Exemplo nobis est *Hngenius*, qui inter Batavos tanquam stella primæ magnitudinis fulget, vir nemini de scientiis mathematicis præclare merito secundus. Cum enim anno 1651. annos vix natus 21. Tractatum de Quadratura Hyperbolæ, Ellipsis & Circuli ex dato portionum gravitatis centro ederet, *Jacobum*

n *Gregorium*, *Scotum*, *Geome-*
sum, molesta censura no-
 at, ita ut is in *Exercitationibus*
ometricis p. 1. & 2. conquereretur
 tacite ignorantia; ac plagii fuisse ac-
 satum, atque sui defendendi causa
 profecto magnus tela in se vibrata
 adversarium retorquens ipsum per-
 cipitantiæ defectu acuminis, quo
 poterat, siquidem a perstringen-
 alienis fuisset alienus, sibi con-
 dicere ostendebat atque mayo-
 a tanto viro ingenuitatem se-
 ectasse confitebatur, suo etiam
 cio de ipsius *Tractatu* modo lau-
 & libro de magnitudine circuli,
 in publicum prostabat, interpo-
 Enimvero in scriptis ceteris
 hematicus summus a more isto,
 juvenili impetui condonandus
 , se procul abesse abunde com-
 avit. Vident nimirum viri ma-
 qui acumen suum nulla in re
 lerari patiuntur, voluptatem,
 ex impugnandis aliis percipitur,
 allacem ac non uno nomine no-
 , qua frui non est hominis pru-
 s. Paucis multa dico: quæ etsi

non videant acumine non utentes, sed judicia deproperantes, nostrum tamen non est ea hic explicare disertius. Ceterum hinc manavit consuetudo Mathematicorum primi ordinis, quod tanquam pruritus tyronum contemni debeant censura præcoces hominum, qui in aliis reprehendunt quod emendare nesciunt. Obiter moneo, mihi in præsentem non esse negotium cum voluptate, quæ ex imputatione errorum studio nocendi facta percipitur. Etenim tum voluptas non percipitur ex agnitione erroris alieni, sed ex vindicta, quæ ideo dulcis dici solet, & eatenus animum afficit, quatenus quis sibi conscius est potentia alteri nocendi, quam utique ad perfectionem sui refert, quemadmodum impotentia in imperfectionum numerum referri solet, miro sane veritatis cum errore confusione.

*Voluptas
percepta
ex philo-
sophica
rerum co-
gnitione.*

§. II. Quoniam unusquisque in se ipso experitur, se veritatem distingere comprehendere nondum posse, utut historicam rerum notitiam sibi comparare valeat; hoc ipso sibi conscius est, majorem intellectus seu

omnis

nis facultatis cognoscitivæ perfectionem requiri ad rerum philosophicam, quam historicam cognitionem, ipsius utriusque differentiam exposuimus nuperrime (z). Quamobrem manifestum est, cur voluptas ex re cognitione philosophica major recipiatur, quam ex historica. Atque inde ulterius patet, cur studium philosophiæ verioris, ad quod promovendum omnem impendimus operam, adeo delectet, ut inter animarum gratias reponi debeat; cur studiumque Matheseos non minus delectet, ut felices sese reputent, quoties eidem unice vacare datum est. Quamobrem autem Mathesin, sive philosophiam methodo philosophica, quæ a Platone dicitur (a), traditam spectes, videmus, inuolvens est a facilioribus ad difficiliorem progressus: quæ enim difficilia videbantur, antequam eorum cognitio esset in potestate nostra, ea nunc iudicamus, ubi ea optime cognitæ nobis datum, illa ex adverso pronuntiantes, quæ nobis ea

Cc 4

conci-

a Trimestri brumali Num. I. §. 4, 7 (a) Di-
ars, prælim. §. 11. & seqq.

concupere conantibus negotium fa-
cessunt. Hæc ipsa sane voluptas in
causa est, ut indefessum laborem
continuemus, donec tandem exopta-
ta veritatis cognitione, cujus dulce-
dinem præsentimus, beemur. Ce-
terum cum non desint plurimi, qui
sibi persuadent, solum Matheseos
studium voluptatem istam comitem
agnoscere; reliquam rerum cogniti-
onem aut vili pendunt, aut prorsus
contemnunt. Enimvero quoniam
abunde docuimus, posse quoque phi-
losophiam ea methodo tradi, ut ejus
studium voluptas ista sincera continuo
comitetur; quod nos diuturna expe-
rientia edocti sumus & rationibus a
priori demonstrare valemus, idem
quoque se expertos esse datis ad nos
litteris testati sunt plures, se non mi-
nore cum voluptate in lectione phi-
losophiæ nostræ Latinæ versari, quam
in Mathesi accurata methodo pertra-
ctata. Domestica nobis experientia
est, præsupposito philosophiæ syste-
mate (b), planam esse ad systematicam
supe-

(b) Vide, quæ de istiusmodi systemate dixi-
mus in Trimestri brumali Num. III. §. II.

periorum, quas dicimus, Facultatum tractationem, & veritates ibidem in systema redactas, ut ex notionibus rerum mutua earum appareat colligatio, eadem voluptate perfundere animum lectoris habilis, qua Mathematici eundem perfundere solent. Quamvis ubi plures socias nobiscum iungas cum in philosophia nostra methodo excolenda, tum in veritatibus superiorum Facultatum ordinandis & distincte explicandis junxerint; nec in re testibus destituemur, quales in philosophia habemus. Hoc enim testimonio non alio fine utimur, quam ut aliorum studia excites, ut & ipsi compotes fiant veritatis adeo sinceræ, quæ non eximiam felicitatis humanæ partem conuenit: ut enim appareat, ex omnino systematica rerum tractatione eandem voluptatem percipi posse, sibi Mathematici soli frui videntur rationibus liquido doceri potest, cuiusvis experientia confirmetur, nec orem illius ideam adipisci liceat, nisi ubi eandem in nobismetipsis experiemur. Quod enim voluptas, de

qua in præfenti nobis fermo est, ex Matheseos studio percipiatur, inde est, quod, superatis iis, quæ difficilia videbantur, nunc vero facilia habentur, semper supersint difficiliora, quæ majorem animi vim requirunt, ut agnoscantur. Idem autem obtinere cum in omni philosophia, tum etiam in omni cognitione reliqua, quocunque tandem nomine veniat, & res ipsa docet, & sine probatione quivis facile largitur. Quodsi tamen rationem desideres, ne quicquam sine ea admisisse videaris; ad animum, quæso, revoces, non alia de causa dari in Mathesi continuo difficiliora, quam quod in sequentibus occurrant, quæ plurimum veritatum cognitionem familiarem præsupponunt & longiori rerum meditandarum serie ex antecedentibus colliguntur. Id vero ita sese habet in omni systemate, ubi in sequentibus occurrunt, quæ plurimum rerum cognitionem nobis familiarem præsupponunt.

*Voluptas
percepta
ex arte
inveni-
endi.*

§. 12. Quamvis autem quis veritatem ab aliis inventam comprehendere valeat; non tamen ideo eam proprio

io Marte investigare potest. Unde
odem prorsus, quo ante, modo
lligitur, artem inveniendi verita-
m esse perfectionem majorem, quam
aliis inventam comprehendendi.
cum intellectus in eo subsistat,
od veritatem proprio Marte eruat,
e progredi ulterius possit, cum
s ipsa progressum ulteriorem non
at; ars inveniendi maximus perfe-
onis gradus est, ad quem ille per-
gere valet. Quamobrem ubi quis
itatem vel sibi, vel omnibus laten-
o proprio Marte detegit; perfectio-
illius sibi conscius est, consequen-
voluptate perfunditur, tanto qui-
n majore, quanto majoris gradus
fectio ista ipsi videtur. Enimve-
mo veritatem per se detegere va-
nisi qui veritates ab aliis inventas
prehendit sibi que familiares red-
t: id quod cum inventoribus
tum esse nequeat, magnitudinis
que perfectionis sibi conscii sunt,
arti inveniendi convenit. Quam-
m voluptatis quoque gradus ex-
tus est, qua animus inventoris
inditur. Hac autem voluptas
tanto

tanto major deprehenditur, quanto plus studii atque laboris in veritate investiganda posueris, propterea quod maiore arte eo in casu opus esse existimatur, quam in alio, ubi minore studio eruitur, quod erat invenendum. Etsi enim hoc non omni in casu verum sit, ex anterioribus tamen satis superque constat, non opus esse iudicio vero, sed ad voluptatis generis abunde sufficere, quod videatur verum. Sane non alia de causa accidit ut multa voluptate fruantur, qui sibi quid inuenisse videntur, etsi in errorem inciderint veritatem minime assecuti. Non unum nobis suppetit exemplum: sed mittamus eos, qui felices sibi videntur errore suo. Fallax enim est felicitas, ubi voluptas cum tadio permutari potest.

Gradus

hujus voluptatis.

§.13. Intenditur voluptas inventoris, si inventa sua ad alios refert, qui, cum veritatem ab aliis inventam optime concipiant & distincte aliis explicare atque demonstrare valeant, in veritate tamen latente proprio Marte erunda frustra desudant. Etenim potentiam suam ad aliorum impotenti-

CITAT

am

am referens perfectionis suæ sibi magis
consciens est, quam illa collatione ne-
glecta. Quid igitur mirum, si ma-
iore voluptate perfundatur, quam
ubi tantummodo aciem mentis in se
intendit. Voluptati enim ex at-
tentione ad seipsum orta jungitur
altera, quæ ex gradu ortum trahit
differentiam inter potentiam inven-
toris & impotentiam alterius, qui
inter inventores nondum constituitur,
exhibente. Gradum istum confuse
percipi sufficit, cum ex confusa per-
fectionis perceptione oriatur voluptas,
modo sit intuitiva (b). Duplex vero
voluptas simplici major est. Abu-
tuntur hac voluptate, qui se præsta-
re aliis putantes hos alto supercilio
contempnunt: utuntur eadem, qui ad
gratias Deo omnis boni datori refe-
rendas impelluntur & ad magis ardua
& sublimiora audenda adducuntur,
quatenus agnoscunt dispositiones na-
turales, quibus alios antecellunt, si-
bi a Deo essentiarum autore datas,
ac divinæ omnino providentiæ deberi,
quod non defecerint determinationes:

ac-

accidentales, sine quibus nunquam ad habitum deducti fuissent. Sed de his ex instituto dicemus in philosophia morali, ex principiis Theologiæ naturalis obstetricantibus philosophiæ primæ notionibus, clarissime demonstraturi illud Apostoli, non esse homini quicquam boni, quod non acceperit a Deo, idque ex mera gratia, vi bonitatis ejus summæ; non esse quicquam, de quo gloriari possit, quasi illud non acceperit, sed sibi debeat. Multa hic dici poterant, in quibus inexpectata deprehenditur sublimitas, quamvis ipsa obvia sint; sed præsens instituti ratio ea in locum alium differri jubet. Redeamus ab hoc diverticulo, ad quod pietas in Deum nos pertraxit, in viam. Cum ex dictis constet, intendi voluptatem inventoris, ubi inventa sua refert ad alios, qui nihil proprio Marte reperire possunt, etsi ab aliis inventa distincta notione comprehendant, veritatis vi demonstrationis prorsus convicti; haud difficulter porro intelligitur, hunc ipsum voluptatis gradum fore majorem, ubi inventa ad alios

inven-

inventores referuntur, qui, cum alia
inveniri potuerint, huic tamen inve-
niendo vires suas minime sufficere de-
prehenderunt. Etenim exinde colli-
gens se in arte inveniendi præstare in-
ventoribus aliis, sibi cujusdam gra-
tus perfectionis conscius est, vel sal-
tem esse videtur, qui alias attentio-
em ejus subterfugeret. Fruitur ad-
voluptate, quam alias minime sen-
iret. Quamobrem nova quædam
oluptas alteri superaddens eam uti-
que efficit majorem. Hoc ipso pa-
ro autem porro intelligitur, volu-
tatem adhuc majorem evadere, ubi
venta tua retuleris ad inventores
immos, qui vel eadem invenere,
vel in inveniendis aliis licet felices
ec tamen invenire minime potue-
runt. Etenim in priori casu te inven-
toribus summis parem esse colligis ex
hoc, quod paria cum ipsis præstare
videaris; in posteriori te iisdem præsta-
re videris, quod in potestate tua esse
prehendas, quæ ipsis impossibilia
estimatis. In utroque igitur casu
ad quem alias non pertingeret
mentis

mentis tuæ acies; ac in posteriori præfertim magnitudinem quandam gradui tribuis alias non animadvertendam. Quamobrem & in utroque casu voluptate quadam frui debes, quam alias minime perciperes, & in casu quidem posteriore multo majore, quam in priore. Desideratur theoria de viribus ad veritatem datam investigandam requisitis, cum ea ad Artem inveniendi spectet hætenus pro dignitate minime excultam. Non mirum itaque videri debet, quod ipsi veritatum sublimium inventores hic plurimum cespitent de facultatibus suis sæpissime plus judicantes, quam revera in iis est. Ac idcirco nemo in dubium revocaverit, qui seria attentione utitur, voluptatem inventorum non semper esse sinceram, sed eos sæpissime felices sibi apparere errore suo. Sola enim voluptas constans est, quæ a vero judicio mentis ortum trahit: quæ autem præjudiciis debetur, in se mutabilis, esto ita quod quis nunquam errorem agnoscat suum. Ostendi jam alibi (d), quantum a vero

(d) §. 857. Met.

aberrant, qui se *Archimede* superiores esse arbitrantur, quod reperire valeant, quæ ab Heroe isto Mathematico inveniri non poterant, cum multa hodie tyronibus facilia sint, quæ insuperabilia deprehendebantur viris in Geomtria summis tempore *Archimedis*. Sed unicum hoc præjudicium non est, quod eradicari debet: dantur omnino plura, quæ olim manifesta erunt, ubi Artem inveniendi in theoremata seu propositiones determinatas redegerimus & inventis in Mathesi præsertim prostantibus illustraverimus. Ita exempli gratia non desunt inter Geometras, qui se aliis præstare sibi videntur, si aliorum solutiones particulares problematum ad universalitatem evehunt, in omni hypothesis possibili indeterminate exhibentes, quod a primo inventore determinate propositum fuerat in casu particulari, quasi vero vires intellectus sint extensioni doctrinæ proportionales, atque difficilius sit solutionem particularem aut, si mavis, specialem revocare ad universalem, aut, si mavis, generalem imitando artificia

(*Hor. subs. 1729.*) Dd ab

ab aliis in casu simili usurpata, quam particularem novis artificiis proprio ingenio excogitatis invenire. Sed mittamus ista præjudicia alio loco eradica-
dicanda, ut inventorum voluptas pura ac sincera reddatur.

*Distincta
intelle-
ctus co-
gnitio
quid huc
conferat.*

§. 14. Si quis distincte agnoscat facultates mentis & habitus, ad quos evehi debent, ut veritati inveniendæ sint pares; ille perfectionem mentis clarius ac evidentius agnoscit, quam qui nonnisi confusam illorum notionem habet. Enimvero evidentior & clarior perfectionis suæ agnitio voluptatem efficit majorem ea, quæ ex minus evidente ac obscuriori resultat (d). Voluptas adeo in præsentē casu major est: immo vera quoque, pura, sincera atque constans. Hinc autem in genere colligitur, quantum discriminis intersit inter eum, qui felix errore suo habetur, & inter alterum, qui veritati acceptam refert voluptatem; qua fruitur, ut adeo non supervacaneus existimandus sit labor, qui perfectioni intellectus rite æstimandæ impenditur. Conducit eo si-

(d) §. 416 Met.

ne Psychologiæ tractatio accurata, in qua intellectus omniumque facultatum mentis distincta notio exhibetur. Inprimis vero Ars inveniendi plurimas hic sibi vindicat partes, in qua facultatum mentis ad veritatem investigandam applicatio docetur. Quod si ergo animum a præjudiciis liberare volueris, quibus impeditur, ne voluptas, quæ ex veritatis cognitione percipitur, sit pura & innocua; principiis istis psychologicis & artis inveniendi eum imbuere teneris, ut in dato casu perfectionem mentis, cujus tibi conscius esse videris, accurate dijudicare ac rite æstimare possis. Interest autem ut voluptatem genuinam a spuria separemus, illamque in omni casu puram efficiamus. Etsi enim voluptas spuria eo, quo eadem fruimur, momento genuinæ ac puræ æquipollere videatur; si tamen rem curatius spectes, nec ei æquipollet, nec quæ inde in utroque casu consequuntur eadem sunt. Ubi voluptas genuina ac pura perfunditur animus, exinde nova quadam voluptas resultat, quod facta inquisitione,

Dd 2 agno.

agnoscis, esse revera mentis tuæ perfectionem, cuius tibi conscius es, nec eam saltem apparere. Etenim non modo perfectionem mentis sentis, in qua alias attentionem tuam minime defigis, acumen intuens, quo in discernendo vero ab eo, quod circa perfectiones mentis apparet, uteris, præsertim ubi simul recordaris te deficiente adhuc isto acumine sæpius fuisse delusum; verum etiam voluptatem, qua frueris, quatenus perfectionis mentis in veritate cognoscenda tibi conscius es, bonum verum esse agnoscis, non apparens, consequenter de eo gaudes. Est autem gaudium voluptatum prædominium insigne (e), atque ideo animus voluptate fruitur, cuius alias nihil prorsus perciperet. Præterea voluptas, quæ ex perfectione apparente ortum trahit, animum labe quadam inficit, quatenus eum ad perversos appetitus disponit, unde actiones pendent parum legitimæ adeoque turbiorum procreatrices. Quibus principia nostra psychologica & moralis

(e) S. 446. Met.

sunt perspecta, iis non ignota loquimur, etsi paucis adeo multa comprehendantur, ut ea distinctius hic loci explicari nequeant. Manant profecto ex hoc, non ex fonte alio, abusus isti voluptatis ex veritatis cognitione perceptæ, de quibus in superioribus aliquoties diximus. Etenim voluptas, quatenus genuina atque pura, nocua non est, sed appetitum potius eo flectit, quo tendere debet, ita ut sensitivus cum rationali sponte sua consentiat. Quodsi ergo nocua evadit, id aliunde provenire nequit nisi ex eo, quod vel tota spuria sit, vel saltem spurii quid genuinæ admisceatur. Multa adeo in appetitus determinationem influunt, ut non exiguo acumine opus sit ad ea pervidenda ac a se invicem discernenda, nullusque sit acuminis usus, nisi animus theoriis veris habeas imbutum. Nostrum igitur esse judicamus porro inquirere, quo in casu voluptatem spuriam cum genuina, impuram cum pura confundunt, qui voluptatem ex veritatis cognitione percipere sibi videntur. Cum enim nulla sit volu-

ptas animi, quæ cum ea comparari possit, absit ut tanto bono non innocue fruamur, sed eidem admisceamus, quod felicitati nostræ adverfatur!

Voluptatis spuria genus.

§. 15. Si quis cognitionem suam ad aliorum opinionem referens & benignum sibi de ea iudicium promittens voluptate perfunditur; is non ex veritatis cognitione, sed ex laude, quam sperat, voluptatem percipit, quatenus desiderio suo potitur: affectat enim aliquod inter eruditos nomen fama lata contentus, etsi non magna, latitudine cum magnitudine perperam confusa. Quamobrem ubi eam sibi acquisivisse videtur rerum cognitionem, qua famam aliquam se consecuturum sperat, ex eo voluptatem percipit, quod in medium inciderit satisfaciendi desiderio suo. Hæc autem voluptas fallax est atque nocua. Etenim ab aliorum iudicio suspenditur: quod cum in nostra potestate non sit, multiplici de causa spem animo conceptam fallere potest. Quamobrem ubi contrarium ejus accidit, quod quis speraverat; animus perturbatur

ta

tadioque afficitur, variis pro varietate circumstantiarum singularium affectibus molestis eum simul occupantibus. In felicitatis adeo pabulum est voluptas ista, cum ea, quæ ex veritatis cognitione percipitur, sit non postrema pars felicitatis terrestris, nec unquam in tadium degenerare possit. Ponamus vero spei respondere eventum, cum non infrequens sit, ut alii famam mereantur, alii habeant: voluptas illa cum ex famæ representatione nascatur, vanæ laudis cupidos efficit, qui eadem se inelcari patiuntur. Unde ambitio, invidia erga meliores, contemptus parium vel inferiorum, immo & se meliorum animum invadunt: ex impuro autem hoc fonte actiones profluunt, quæ dedecent eruditos & damni multiplicis causa existunt. Nimis longum foret damna ista sigillatim perstringere, præsertim si ea nostro more ex ipsis notionibus rerum a priori derivare ac a posteriori demum confirmare velimus, ne circa ea, quæ experimur, deficiat acumen nostrum, nec quid desit certitudinis cognitioni. Neque necessarium esse videtur hic

D d 4

loci

loci iis recensendis aliquam impendi operam, cum proh dolor! nimis obvia sint, ut levi attentione agnoscantur. Sane non alio ex fonte oriuntur tot contentiones inter eruditos, quibus veritas opprimitur, ignorantia ac erroribus patrocinantur. Etsi enim in impugnandis aliis frequentes hoc potissimum prætextu utantur, quod sibi hoc datum sit veritatem ab erroribus repurgatam conservare: non multo tamen acumine opus est, ut veras instituti turpis causas pervideas. Cur non cogitant de veritate ad praxin morum transferenda, qui adeo solliciti sunt, ne errores noceant honestati actionum? Cur ea tantum modo ipsis erronea videntur, quæ ab opinionibus suis in! diversa abeunt, quasi eadem sint lapis lydius veritatis? Cur non potius sese invitari patiuntur ad opiniones suas rigidius examinandum, ubi alios iudicio atque acumine pollentes diversa sentire intelligunt? Cur in aliis damnant errores, quos in aliis tolerant? Talpa omni cæcior foret, qui angvem sub herbis latentem non videret. Talia verome-
tuenda

tuenda non sunt, ubi voluptas ex cognitione veritatis percipitur pura. Et enim hæc inflamat animum, ut desiderio exardescat alios compotes reddendi ejusdem cognitionis, quo & ipsi parem nobiscum sentiant voluptatem. Unde errores aliorum citra ullius injuriam refelluntur, oppositam iisdem sententiam ad liquidam veritatem perducendo. Non appetitur laus, etsi delectet animum non appetentis ab intelligentibus tributa: nemo contemnitur, nemo publica censura notatur, nemo dissensum experitur! sibi nocuum. Quemadmodum enim voluptas spuria vitiorum; ita ex adverso pura & genuina virtutis fomes est. Ingens abyssus mens humana! Etsi autem hætenus prorsus inaccessa credatur, ut adeo sibi metipsis blandiantur hypocritæ, quasi prætextu aliis imponere possint; non tamen desperamus fore, ut, edita Psychologia nostra, aliquis pateat in eam aditus. Multo minus autem dubitamus fore, ut, si nostra ab aliis ulterius excolantur & continuo studio alia istis profundiora in apri-

Dd 5

cum

cum protrahantur, abyssus illa continuo magis magisque accessa fiat, non sine maxima utilitate generis humani: etenim pudore suffundentur hypocritæ experti, non deesse, qui dissensum actionis externæ cum interna perspiciunt, nec virtutis infucata studiosi scopo suo adeo, facile excident, nubem pro Junone, quemadmodum nunc fieri assolet, amplectentes noxio facultatum mentis in se bonarum abusu, quibus recte uti sibi videbantur.

Aliud genus voluptatis spiritus.

§. 16. Sunt etiam quorum animus voluptate perfunditur, dum cognitionem sibi acquisitam referunt ad lucrum, quod ejus beneficio sese obtenturos sperant. Etenim voluptas, quæ hic sentitur, non ex cognitione veritatis proficiscitur, sed ex lucro. Quod adeo in casu præcedente de fama dictum est; idem in præsentem ad lucrum applicari debet: quemadmodum enim ibidem veritatis cognitio spectabatur tanquam medium consequendi famam, ita hic refertur inter modos acquirendi. Quamobrem quoque nec in præsentem casu, nec in præ-

præcedente voluptatis intensitas & cognitione veritatis manat; sed sicuti in præcedente famæ, ita in præsentē lucro, & præterea amoris laudis in præcedente, pecuniarum vero in præsentē proportionatur. Enimvero hanc quoque voluptatem esse spuriam haud difficulter probatur. Quemadmodum enim famam non semper consequuntur, qui merentur, immo haud raro convitiis proscinduntur, qui encomiis ornari debebant, ita & spes lucri sæpissime frustratur. Eventu igitur contrario voluptas in tædium mutatur, quod pœnitentiam comitem habet, affectum valde molestum, subinde & indignationem erga seipsum, qua quis damnat diligentiam cognitioni sibi comparandæ impensam. Tantum adeo abest, ut eo in casu veritatis cognitio nos felices reddat, ut potius miseros faciat, cum e contrario voluptas pura & sincera ex veritatis cognitione percepta constans sit, nec in tædium unquam degeneret. Qui cognitioni veritatis pretium ex lucro vel fama statuunt, de certitudine cognitionis

tionis parum sunt solliciti. Quare cum cognitio rerum solida maiorem diligentiam requirat quam superficialia; illam non modo contemnunt, sed eos etiam odio prosequuntur, quibus illa curæ cordique est. Eadem de causa hominibus istis perinde est, sive veritatem profiteantur, sive errores, atque ideo accidit, ut oppositæ sententiæ eodem fervore defendantur & nunc periculosissimæ pronuncientur, nunc pro utilissimis venditentur, prout unusquisque hanc vel alteram in juventute fuerit edoctus. Per eos igitur non stat, ut disciplinæ ad maiorem perfectionis gradum evehantur & in cognitione veritatis ulteriores fiant progressus. Ita spuria voluptas impedit, quod genuina & pura promovet, plurimumque interest aurum adulterinum a vero distinguere.

*Dubium
quoddam
expenditur.*

§. 17. Voluptatem, quæ ex cognitione veritatis percipitur, nunquam degenerare in tedium, experientie contrarium videtur. Ponamus enim Titium, qui ex studiis litterariis vitam tolerare debet, totum fuisse in
Mathefi

Matheſi ſublimiori & in ea tantos fe-
ciſſe progreſſus, ut inter inventores
locum mereatur. Nullum eſt dubi-
um, quin ex Matheſi plurimum vo-
luptatis perceperit, quæ utique in
cauſa fuit, ut neglectis ſtudiis aliis
tempus omne in illa ſola conſumerit.
Enimvero ubi poſtea experitur, Ma-
theſin, ſublimiorem præſertim, cui
totum ſe dedit, non eſſe de pane lu-
crando, videtque alios, qui in alio
ſtudiorum genere vitam academicam
conſumerunt, & dignitatibus, &
divitiis eminere; ipſum inſtituti ſui
tædet, pœnitentia animum haud pa-
rum conturbante. Hic tædium ex vo-
luptate enaſci videtur, quam quis ex
cognitione veritatis perceperat. E-
nimvero non multa attentione opus
eſt, ut agnoſcas, tædium iſtud non
ex cognitione veritatis conſequi, ſed
ex imprudentia, qua quis intempe-
ſtivo Matheſeos amore doctrinas olim
ſibi profuturas diſcere neglexit, quod
non parem inde perciperet, volupta-
tem. Imprudentiæ enim ſuæ ſibi con-
ſcius agnoſcit, ſe ſua culpa in ea in-
cidiffe fata, quæ animum angunt.

Quam-

Quamobrem eidem dans pœnas sibi indignatur, quod parum provide futura perspexerit, sit ita quod imprudentiam Matthesin accuset, ut inepta excusatione dolorem suum lenire tentet, quemadmodum vulgo fieri solet. Quamvis iratus Matthesin damnat, alio tamen tempore ad eandem rediens & veritates profundas eruens voluptate eadem perfunditur, quam antea tanti fecerat. Eodem modo sese res habet, si Matthesi substituas aliud studiorum genus, quo quis delectatus neglexit alia sibi magis profutura. Quod si quis non amore alicujus studii ductus, sed aliis de causis totum sese eidem dedit; spem fallacem expertus tædio corripitur, non quod voluptas ex cognitione veritatis percepta in ipsum degeneret, sed quod imperfectionis suæ sibi conscius est, dum consilia sua irrita fuisse seque spe vana delusum vel invitum agnoscere tenetur. Nec alia est ratio in casibus aliis, ubi incautis voluptas ex cognitione veritatis profecta tædia procreare videtur.

Voluptas
ex con

§. 18. Quemadmodum vero imprudentia

dentia intempestivo scientiæ amori ^{gnitione}
juncta tadum procreat & hoc ipso ^{veritatis}
voluptatem ex veritatis cognitione o- ^{orta quo-}
riundam contaminat; ita ex adverso ^{modo au-}
eandem non modo intemeratam con- ^{gentur,}
servant, verum prorsus adaugent,
qui prudentia usi in illis potissimum
veritatibus cognoscendis defudant,
quas sibi olim profuturas certo certi-
us agnoscunt. Suadet hanc pruden-
tiæ partem philosophia moralis, ani-
mum illarum veritatum cognitione
inprimis imbuendum esse graviter in-
culcans, quæ ad futurum vitæ genus
conducunt, ceteris nonnisi eo fine
degustatis, quatenus vel ad has viam
planiorē sternunt, vel a neglectu
earundem sejunguntur. Non minor
virtus mentis perfectio est, quam
scientia & eruditio, etsi vulgo non
videatur. Quamobrem virtutis ad-
eo utilis sibi conscius non minus per-
fectionem mentis suæ sentit, quam
ad scientiam, qua imbutus est ani-
mus, attentus. Cum adeo ex hac
conscientia voluptas oriatur; hæc al-
teri juncta, quæ ex cognitione veri-
tatis proficiscitur, eandem utique au-
gere

gere debet. Et sic demum clarissime perspicitur, non posse tribui voluptati ex cognitione veritatis oriundæ, quod paulo ante (§. 16) tribuimus imprudentiæ. Illa enim indifferens prorsus est ad alias voluptates aliaque tædia, quæ aliis de causis excitantur. Ut itaque vel voluptas alia superaccedat, vel tædium eidem societur; hominis est eadem vel per prudentiam, vel per imprudentiam fruentis. Vidimus nimirum jam in superioribus, voluptate in se innocua vel uti homines ad virtutem, vel ad vitia abuti. Prudens futura prospiciat, ne rebus suis male consulat, ut tollatur abusus, retineatur usus. Ex dictis colligitur, quod cum sit maximimomenti probe notari velim, voluptati ex cognitione veritatis percipiendæ jungendam continuo esse alteram, quæ ex virtute proficiscitur. Patet nimirum, ex virtute non minus percipi voluptatem, quam ex cognitione veritatis, ut adeo a vero aberraverit supra laudatus de *Tschirnhausen*, si voluptatem ex virtutis infucata conscientia ortam inter eas retulit, quæ

quas ex acquisitione veritatis derivatae non æquiparandas esse judicat. Ostendemus alias, utramque esse eandem, ubi pura fuerit, & sincera. Quicquid de una a nobis dictum est, idem quoque ad alteram facile applicatur. Immo hæc altera novum quoque procreat incrementum, quo illa alias careret, præterquam quod ipsa sui accessione eandem augeat. Veritatis enim cognitio multiplici modo in virtutem influit, ita ut meminerim me jam olim advertisse, Matheos studio posse perfici voluntatem & sublimioris gradus virtutis reddi pacem. Quamobrem ubi quis sentit, quantum sibi profuerit ad virtutem, quæ adeo animum delectat, veritatis cognitio & acquisita rerum sublimium tractatione intellectus perfectio; ex veritatis acquisitione novam quandam voluptatem percipit, quæ tanto quidem major est, quanto intensius ex virtutis possessione oritur gaudium. Habitus non minus voluntatis, quam intellectus mentis perfectiones sunt: quamobrem ratio prorsus nulla est, cur non ex his perinde ac illis sincera
(*Hor. subs. 1729.*) **Et** ani-

animi voluptas ortum trahere debeat. Conjungent autem eruditi voluptatem utramque, quamprimum eam, quæ habitibus intellectus debetur, effecerint puram.

*Cor. &
quando
veritates
utiles
magis
delectant
sterilibus.*

§. 19. Quodsi voluptatem ex cognitione veritatis resultantem effeceris puram, veritatum utilium cognitio magis delectat, quam sterilem, aut minimum talium, quarum nulla nobis apparet utilitas. Qui enim ambitioni dediti & vanæ laudis cupidi sunt theorias ad ostentationem ingenii compositas adamant & quæ repertu faciliora videntur, etsi maxime utilia sint, præ illis contemnunt. Illud eos vehementer delectat, quod sibi inter alios eminere videantur, atque adeo tantam ex veritatis acquisitione percipiunt voluptatem, quatenus eam tanquam medium famæ ac laudis consequendæ intuentur. Atque ea de causa animus ægritudine affligitur, ubi spe sua se excedere experiuntur & continuis querelis animum suum, aliorum aures defatigant, quod ipsis merita laus non rependatur: Quo ipso intelligitur, nocuam esse voluptatem, quæ

que tam exquisita credebatur, satis-
que proditur, eam ex illimpido fonte
quidpiam trahere. Enimvero ubi
animum habueris bene compositum,
ut imprudens nihil facias, quod ad
finem ultimum non referas, ne actio-
num liberarum aliquis deprehenda-
tur dissensus; ex studio inserviendi
aliis, ardore gloriam Numinis illu-
strandi & continuo conatu te tuum-
que statum perficiendi, voluptas ma-
xime sincera percipitur, de qua alias
ex instituto dicemus. Quamobrem
ea quoque sedet animo sententia,
non gratis cognosci veritatem, sed
ut eadem utaris ad finem tibi propo-
situm prosequendum. Veritati adeo
pretium statuitur ex utilitate, etsi
non contemnantur theoriæ, quarum
nulla utilitas adhuc apparet, pro-
pterea quod tum demum ea sese pro-
dat, quando veritatum applicanda-
rum occasio offertur. Sane *Isaacus*
Newtonus, vir in theoriis sublimibus
summus, illud judicat melius, quod uti-
lius & in Geometria ideo præfert, quod
problemata minori labore solvit (f).

E e 2

Ex-

(f) Vid. *Commercium epistolicum Collinzi* p.
m, 77.

Experieris etiam in juventute magis placere, quæ sublimia & paradoxa videntur, ubi animus a vanitate nondum expurgatus: at ubi ad ætatem magis provec̃tam perveneris & vanitatis rerum humanarum multiplici ac diuturna experientia tandem convictus fueris, utilitati cedit sublimitas & profunditas ab illa sejuncta. Nimirum major mentis perfectio est & acquisitu multo difficilior sincerus ac infucatus humani generis amor & felicitatis ejusdem promovendæ potentiâ, quam ulla ad veritatis cognitionem requisita intellectus perfectio: id quod clarissimis rationibus evincemus, ubi voluptatem ex virtute percipiendam paulo propius intuebimur. Illius adeo perfectionis sibi conscius voluptate eidem conveniente perfunditur. Probe autem notandum est, ex consensu æstimari perfectionem omnem (g). Perfectio itaque mentis non modo requirit habitus intellectus, verum etiam voluntatis, ex quibus conjunctis genuinus illorum usus resultat, alias facillime in abusum

(g) §. 503. Ontol.

um trahendus. Quamdiu itaque se-
ria attentione usus solam intellectus
perfectionem animadvertis, in vo-
luntate autem nullius tibi conscius es;
mentem imperfectam esse sentis: quo
ipso sensu voluptas prioris intuitu e-
nata deprimitur. Enimvero ubi ve-
ritatem præclara intellectus vi acqui-
sitam ad felicitatem generis humani &
actionum liberarum directionem re-
tuleris, totius mentis perfectionis ti-
bi conscius es simulque de medio fe-
licitatis generis humani promovendæ
& actiones liberas prudenter dirigen-
di gaudes. Ecquis ergo dubitet,
voluptatem sic percipi & maiorem,
& stabiliorem. Absit autem, ut quis
sibi persuadeat, theorias sublimes,
quarum vulgo nullus existimatur u-
sus, a nobis contemni! Ipsimet enim
ad abstrusas in Mathesi veritates viam
planam sternimus, ut pluribus ad eas
accedere liceat, atque ideo in nova
(cujus nunc pars prima prodit) Ele-
mentorum Matheseos editione ad
hunc finem conducentia plura addi-
dimus. Immo nec in philosophia a
theoriis abstinemus, quæ plurimorum

judicio inter steriles nugas per præcipitantiam communem referuntur. Id tamen agimus, ut eorum aliquem usum commonstremus, quem ipsimet experti sumus, non modo in aliis demonstrandis, quorum usum manifestum nemo negare ausit, sed & in mentis facultatibus perficiendis, qua de re parum adhuc cogitarunt viri eruditi. Justum rebus statuimus pretium citra ullius injuriam, nihil magis in voto habentes, quam ut genus humanum utatur thesauris veritatum, ne destituatur felicitate, qua frui datur.

*Cur veri-
tas exa-
minibus
compro-
bata pla-
ceat.*

§. 20. Ceterum in hac tractatione merito reddenda quoque ratio est, cur delectemur, veritate examinibus comprobata. Habemus in Arithmetica algorithmi examina, quibus in Geometria respondent figurarum constructiones theorematum & problematum veritatem in casibus singularibus loquentes. In Astronomia examinum vicem subeunt observationes, quibus theoriæ atque calculorum veritas confirmatur. In Mathefi mixta, veluti Optica, Mechanica, Statica, Hydrostatica,

statica, Hydraulica, examina præbent experimenta, quæ idem munus per Physicam universam obtinuerunt. In Theologia naturali Teleologia examina præbet, quatenus ex finium contemplatione eruuntur ea, quorum ratio ex attributis divinis redditur. In moralibus & politicis casus & exempla examinum vicem sustinent. Et nobis ideo in more positum est ex notionibus a priori deducta a posteriori comprobare, ut sua secum ferant examina, sicque certiori tramite in cognitione veritatis progrediamur. Constat tyrones delectari, quando Arithmeticam vel Geometriam addiscentes per examina certi redduntur, se regulas & theoremata rite intellexisse & in dato casu applicasse. Immo ubi calculi fuerint prolixiores, ut impatienter finem expectemus, sicque non dubio omni careamus, an non ex defectu attentionis error quidam irreperit; animus utique delectatur, si facto examine deprehendimus nullam omnino in calculo commissum fuisse errorem. Ponamus incidisse aliquem præter opinionem in calculum ad-

Ec 4

modum

modum prolixum satisque perplexum, qualis est, quem pro rectificatione Ellipseos indefinita ideo evolutum exhibuimus (h), ut tyronibus ipso opere insinuaremus artificia, quibus in calculis prolixis & perplexis attentio conservatur, confusio erroris generatrix evitatur & tedium omne procul abigitur, difficultas, quæ deterret, penitus evanescit, voluptas autem ex ipso progressu percipitur, quæ ad eum continuandum continuo stimulat. Quod si formula pro arcu obtenta supponat diametros fieri æquales, ut ellipsis in circulum degeneret; non sine multa voluptate videt illam degenerare in aliam, quam minori multo labore absque nonnullis artificiis, quibus hic utendum fuit, & vix satis fidebat talium nondum expertus, pro arcu circuli jam eruit, hoc ipso examine edoctus se in formula pro ellipsi investiganda a veritate minime aberrasse. Idem experiuntur qui in Mathesi mixta, Theologia naturali, Physica & omni philolophia reliqua ad examina de-

scen-

(h) §. 127. *Analys. infinit.*

scendunt: neque enim ipse loquor nisi
multiplici vice experta. Ratio vero
cur delectet veritatis per examina fa-
cta comprobatio non elonginquo pe-
tenda est, etsi in omni casu non ea-
dem prorsus esse videatur, si a gene-
rali ad speciales descenderis, ut adeo
diversi quoque deprehendantur volu-
ptatis hujus gradus. In genere uti-
que constat, nos conscios esse perfe-
ctionis intellectus nostri aut, si ma-
vis, mentis, cum multiplices ejus fa-
cultates sapissime in hoc casu concu-
rant, ubi institutis examinibus depre-
hendimus nos veritatem quæsitam
obtinuisse: sed in casu speciali hujus
vel illius perfectionis mentis, aut plu-
rium simul nobis conscii sumus, qui-
bus ad veritatem pervestigandam aut
cognoscendam opus fuisse intelligi-
mus. Habes igitur rationem suffici-
entem, cur in casu omni procreari
debeat voluptas, in casu autem spe-
ciali hic potissimum oriatur volupta-
tis gradus. Accedit, quod sapissime
veritatem acquisitam tamquam bo-
num quoddam consideremus. Quam-
obrem cum per examina certi redda-

Ee 5

mur,

mur, nos jam bonum istud possidere; animus gaudio perfunditur, quo voluptas ista mirifice augetur. Hac autem ipsa voluptas stimulus est, ut continuo magis magisque ardua moliamur: neque enim frustra naturæ Autor menti dedit, ut voluptatis particeps fieri possit, sed ut ea sit stimulus ad se continuo magis magisque perficiendum. Quamobrem non invita notione juris naturalis, quam alibi explicatam dedimus (i), id nobis incumbit, ut voluptate ista utamur tanquam stimulo ad præclaras actiones edendas. Neque vero hic alia re opus est, quam ut ad operationes mentis nostræ attenti, quas rite sese habuisse examina loquuntur, scrutemur, ex quo fonte manaverint: ita enim orietur voluptas, quæ animum ad ulteriora stimulare apta est. Plurimum omnino hic adjumenti affert Psychologia & philosophia moralis probe exculta: illa enim docet, quænam sint mentis facultates & quænam in ea deprehendantur dispositiones naturales

ad

(i) Vide trimestre brumale Num. II,

ad habitum evchendæ; hæc autem modum ostendit, quo ad habitum evchi possint, ut promptus earum evadat & expeditus in operationibus mentis usus. Ceterum huic voluptati ex accidente in casu speciali jungi posse alias & res ipsa loquitur, modo attentionem asferre possis sufficientem, & circumspecta observatio confirmat. Ita si cui tempus sit valde pretiosum; is etiam hoc nomine gaudebit, quod examinibus certior redditur illud a se non fuisse frustra consumtum, sed utiliter locatum. Quoniam veritates non modo demonstrationibus evidentibus gaudent, verum etiam examina sua secum ferunt, ita ut & veritatis convincaris, & in convictione confirmaris; satis jam evidens est, cur ex tantopere delectent. Similiter quia Astronomi ex observationibus successus certi redduntur, Astronomia quoque tanto magis delectat, quanto veritates a nobis remotiores sunt, ut eas detegi posse desperandum videatur. Quamobrem vitio verti non potest *Keplero*, viro summo, quod gau-

gaudio diffuso abreptus in Dedicatione Commentariorum de Motibus stellæ Martis ad *Rudolphum* II. Romanorum Imperatorem tantopere triumphet de Marte a se devicto, qui omnium hætenus molimina eluserat, & opus profundissimum ipse admiratus (k) in hæc eruperit verba: *Ipsæ ego, qui Mathematicus audio, hoc meum opus relegens fathisco viribus cerebri, dum ex figuris ad mentem revoco sensus demonstrationum, quos a mente in figuras & textum ipse ego primitus induxeram.* Cum etiam in Physica experimentalia experimenta sint examina, quibus & doctrinarum veritas confirmatur, & successus comprobatur; eadem quoque hac ratione pertractata mirifice delectat, quod rerum naturalium cognitio, non una de causa magis delectet, ceteris paribus, quam nudorum numerorum atque figurarum contemplatio. Standum hic est iudicio illorum, qui utramque voluptatem sunt experti, ubi rationes a priori ex jactis antea prin-

(k) In Introductione, ad Comment. de Stella Martis initio.

principiis elicere nolueris, vel non potueris. Cumque mentis nostræ cognitio ejusque perfectio, ad quam morales inprimis virtutes siue habitus voluntatis referuntur, propius nos tangant quam veritates aliæ; dici quoque vix potest, quantopere Psychologia & philosophia moralis delectet, ubi secum fert examina sua. Atque ideo nobis propositum est, in omni disciplinarum genere non modo ex notionibus a priori veritatem propositionum demonstrare, verum etiam a posteriori eadem confirmare, ut ubivis veritas sua secum examina ferat: immo hoc quoque nomine urgeamus, ut quilibet eas veritates, quarum experimentum innocuum in se ipso capi potest, in semetipso experietur. Nihil enim magis in votis habemus, quam ut voluptatis adeo exquisitæ ac humano generi adeo proficue omnes participes fiant, certissime persuasi multiplicem inde in genus humanum redundaturam utilitatem, quam expressius hic eloqui non datur.

§. 21. Postquam abunde docuimus, *Cur igno-*
rantia ex
quo-

erroris sui modo ex veritatis cognitione procre-
 sibi con- etur voluptas & spuriam a sincera se-
 sciens tadio paravimus, ut ex his feminibus lætam
 afficiatur. segetem messemque largam sperare
 possit, qui ea agro fertili commiserit;
 haud difficili labore doceri porro po-
 terit, cur ignorantia propriique er-
 roris sibi conscii afficiantur tadio,
 immo prorsus contristantur. Oppo-
 nimus hic tadium animi voluptati,
 cum qua hætenus nobis fuit negoti-
 um. Quamobrem ad notionem vo-
 luptatis *Cartesianam* (§. 2) attenti ex-
 templo perspiciunt, illud tadium ap-
 pellari, quod unusquisque in se ex-
 peritur, quando imperfectionis suæ
 sibi conscius est. Istiusmodi autem
 tædiorum prædominium insigne tri-
 stitiæ nomine nobis venit (1). Ignorantiam esse imperfectionem mentis
 nemo ignorat: errorem eandem re-
 darguere haud invitus fatetur unus-
 quisque. Suæ igitur ignorantia, sui
 erroris sibi conscius imperfectionis
 suæ sibi conscius est. Ex ignoran-
 tia adeo sua suoque errore tadium
 percipere debet, immo contristari,

occu-

(1) §. 448 Met.

ubi *tadium* multiplex una animum occupaverit. Ex his intelligitur, cur initio tyronibus *tadiorum* sit disciplinarum studium, quod proveciores adeo delectat. Sane qui ad elementa Geometriæ animum primum appellant, iis Geometriæ studium admodum molestum est, ita ut plurimi *tadiis* inde resultantibus superandis non sint pares, præsertim ubi in doctorem inciderint, qui eadem sublevare non novit, aut methodi docendæ Matheseos non satis peritus eadem prorsus adaugere solet. Cum enim notiones, quibus claritas terminorum nititur, non experiantur familiares ac procul ab ista familiaritate adhuc absint propositiones anteriores, quibus tanquam principiis utimur in demonstrandis sequentibus; perpetua animis ipsorum obversatur obscuritas, ut non intelligentes, quod vel legunt, vel audiunt, ignorantia suæ constanter sibi conscii existant, a qua conscientia *tadium* arceri nequit, cum confusa illa perceptio, cui *tadii* a nobis tribuitur nomen, ipsam illam ignorantia conscientiam involvat: id
quod

quod in Psychologia clarissime ostensuri sumus. Similiter tyro in limine studii mathematici demonstrationum formam animo comprehensam minime habet, ac præterea animus eadem est demonstrationibus parum adfuetus. Quamobrem denuo ignorantia suæ ac defectus facultatum mentis sibi continuo conscius est. Anne igitur mirum videri debet, quod Mathematicum tractatio evadat valde tardiosa, præsertim ubi in doctorem incidit, qui demonstrationes rite evolvere, evolutas ordinare, ordinatas ipsis oculis conspiciendas exhibere non didicit, ut demonstratio ab ipso proposita delectet ac memoria voluptatis tadia in animo repetentis suborta sufflaminet, ne impatientiam gignant, atque ardorem majore attentione utendi excitet, donec difficultatibus patienter superatis successum tandem latus experiatur. Augetur nimirum tadium in tyrone, ubi eam, quæ in docente est, imperfectionem sibi tribuit nimia in laudem falso ipsi tributam vel munus, quod virum ornatur, fiducia. Non minus patet ratio,

ratio, cur in Mathesi multa cum diligentia, summa cum voluptate veritati cetera omnia fastidiant. Etenim cum luce fruuntur in Mathesi ac felices experiantur progressus, in ceteris autem disciplinis perpetuas offendant tenebras, ita ut vix latum unguem progressi in difficultates inextricabiles incidant progressum ulteriorem remorantes; non sibi tribuunt vitium, sed disciplinæ nondum ita exultæ, ut eidem operam navans continuo de nova veritatis acquisitione gaudeat atque lætetur. Ea inprimis ratio est, quæ philosophiam, Metaphysicam præsertim Scholasticam, in contemptum adduxit, postquam *Cartesius* ipsumque secuti alii notiones obscuras & terminos inanes ex philosophia profli-gaverant. Quamobrem utut inficias non iverim, fore tempus, quo philosophia exulta subtilitatibus geometricis & calculorum tricis non tantum statuatur pretium; quantum hodie statui solet, ubi figuræ ac numericum fere videntur objectum, circa quod ars inveiendi exerceri potest utiliter; nunquam tamen erit
(*Hor. subs. 1729.*) Ff tem-

tempus, quo Geometria sublimior cum Metaphysica scholasticorum jure comparabitur ac contemnetur, cum cognitio naturæ mathematica summus cognitionis humanæ gradus sit, utilitate sua nunquam defraudandus, ad eum tamen sine profundis theoriis Geometriæ sublimioris aditus non detur. Opera igitur danda erit, ut a philosophis methodo philosophica, quam alibi (m) delineavimus, philosophantibus detegantur hypotheses naturæ, ad quas non sine utilitate generis humani figuras & calculos suos aptent Geometriæ, nunc artis inveniendi exercendæ gratia hypotheses quaslibet memoriæ obvias amplectentes. Quæ initium studii mathematici tædiis plenum exhibet ratio, ea quoque palam facit, cur Geometriæ a philosophia & studiis aliis abhorreant. Etenim in Geometria ex felici, quem experiuntur, progressu conscii sibi sunt perfectionis intellectus, adeoque nova continuo voluptate perfunduntur; in philosophia

(m) in Discurs. prælimin. de philosophia n. s. s. seqq.

tudiis aliisubique hærent, cum
 tendant lumen acumini suo
 ionatum, sed obscura depre-
 , quæ tantæ claritatis vulgo
 itur; inevidentia & incerta,
 n exac̃te demonstrata ferun-
 nsequenter ignorantia suæ ac-
 itia veritatem perspiciendi
 o sibi conscii tadio continuo
 itur. Cum adeo homini natura-
 petere ea, ex quibus voluptas
 itur; averfari autem ista, ex qui-
 um in ipsum redundat: nihil
 singulare, ubi Geometra Ma-
 eoretica mirifice delectatur, a
 phia autem & studiis aliis ani-
 mabet prorsus alienum. Quam-
 ubi philosophia ad notiones
 as & evidentes reducitur, Geo-
 ab eadem non amplius ani-
 alienare valet: quemadmo-
 & nos quotidie experimur, &
 ipsa loquitur.

. Equidem nobis dicendum *Epilogus.*
 ie erat de voluptate, quæ ex
 tibus revelatis percipitur: sed
 ea paucis tradi non possint,
 is autem tractatio in majorem

E f 2

jam

jani excreverit molem, quam institutum præfens ferre videbatur, in trimestre autumnale eadem rejecimus. Argumenti enim tam præclari dignitas meretur, ut notiones penitus evolutæ claritate sua percellant animos lectoris, ne quis tanti jacturam faciat boni. Plerique homines pro dolor! voluptatibus nocuis indulgent, mentis prorsus immemores, quasi corpus nobis datum sit non alio fine, quam ut esset instrumentum voluptatis. Qui errorem hunc advertunt, & ad mentem redeunt, non satis sibi cavent, ne voluptas inquietur & ne ea destituantur, quam inprimis appeti conveniebat. Consultum igitur judicamus, ut, discussis ignorantia tenebris, facem præferamus errantibus, ne lateat via, qua fit eundum.

II.

De notione Substantialium, Naturalium & Accidentalium feudi.

§. I.

*Institu-
tum An-
toris.*

Qui notionibus claris ac distinctis adsuerti sunt, in ipso limine Ju-
ri

is feudalis offenduntur, ubi essenti-
am & naturam feudi explicaturi Do-
ctores substantialia, naturalia & ac-
cidentalialia a se invicem distinguunt,
cum in hac distinctione majorem lu-
cem desiderent, ut appareat, quo-
modo ex notionibus illorum conse-
quantur, quæ de iis prædicari solent.
Quamobrem cum philosophiam no-
stram eam judicemus, quæ dispellen-
dis tenebris in omni cognitione hu-
mana inservit ipsisque Facultatibus,
quas vocant, superioribus lucem af-
fundit, quid in notionibus substanti-
alium, naturalium & accidentalium
feudi dilucidandis illa valeat ut expe-
iremur non inconsultum duximus.
In his autem notionibus evolvendis
ingrediemur eandem viam, quam
ingressi sumus, cum in eas inquirere-
mus, ut exemplo aliis præeamus,
qui in philosophia nostra versati no-
tionibus directricibus uti constitue-
runt ad alia pervestiganda. Neque
nim nobis in his Horis subsecivis ali-
ud propositum est, quam ut usum
philosophiæ exemplis doceamus: quo
lo nos obtenturos esse confidimus,

Ff 3

ut

ut alii ejus utilitatem perspiciant nec
eam tanquam rem inanem conte-
mnant, qua carere possit genus hu-
manum, Facultatibus, quas vocant,
superioribus felicitati generis humani
promovendæ solis sufficientibus.

*Notiones
directri-
ces in ex-
plicanda
differen-
tia sub-
stantiali-
um, natu-
ralium
& acci-
dentali-
um feudi.*

§. 2. Feudum in numero eorum
entium est, quæ moralium nomine
indigitari solent & certam entium
speciem constituunt. Nullum adeo
dubium superest, quin etiam ad feu-
dum applicari possint, quæ in noti-
one entis in genere continentur.
Quamobrem notio directrix, quæ hi-
utendum, est notio entis in genere
quam (n) ex ipsis rebus derivata
perspicue evolvimus, ut & ejus ap-
plicatio nullam habeat difficultatem
modo recordatus fueris methodi ap-
plicandarum notionum generalium
ad casus speciales alibi (o) a nobis
tis distincte expositæ. Feudum
species dividunt Doctores. Etsi eni-
inter divisiones feudi occurrant
quæ, quarum fundamentum extri-
secum esse videtur, veluti cum fe-
du

(n) §. 142 & seqq., Ontol. (o) §. 1218 & seqq., Log.

dum dividitur in novum, vel vetus, quorum istud vasallus ipsemet sibi acquisivit, hoc vero per successionem ad ipsum delatum fuit; attamen dantur etiam aliae, quarum fundamentum intrinsecum est, veluti cum feudum dividitur in proprium & improprium: quam divisionem paulo post ex instituto examinabimus. Est igitur feudum genus quoddam, quod in plures species dividi non repugnat. Quamobrem notiones directrices hic quoque erunt notiones generis & specierum, quas notioni entis in genere consonas tradidimus (p). Has igitur notiones directrices ad distincte explicandam differentiam inter substantialia, naturalia & accidentalia translaturus satisfaciam, ut opinor, desiderio illorum, qui ut exemplo quodam illustrarem, quæ de notionibus directricibus nuper diximus (q), a me petierunt. Hinc autem apperiturum arbitror, quod in ipso etiam jure, perinde ac in Mathesi, ex notionibus jam nobis familiaribus con-

Ff 4

tinuo

(p) §. 247. & seqq. Onol. (q) in Trimestri
vernali Num. IV.

tinuo consecutionis filo conclusiones colligere detur, donec tandem in eam incidamus, quam intenderamus. Quo ipso simul confirmabitur regularum nostrarum logicarum rectitudo, neque amplius quis dubitabit in mathematicis demonstrationibus & resolutionibus problematum analyticis sedulo versatum eum sibi comparare meditandi habitum, quo in omni cognitionis genere utiliter uti valet.

Notio sub
stantiali-
um feudi
explicat
2a.

§. 3. Si ens quoddam concipiendum, primo loco in eo ponenda sunt, quæ sibi mutuo non repugnant, quæ tamen non per alia determinantur nec quorum unum determinatur per alterum (r). Quæritur adeo primo loco, quænam ea sint, quæ ad feudum constituendum sumi debent. Quoniam feudum est jus in re, in qua dominium plenum quis non habet; igitur in assumendis iis, quæ primo loco ad notionem entis constituendam assumenda sunt, non regnat arbitrium nostrum, etsi entia moralia arbitraria esse videantur, sed quæ ad feudum concurrunt ita deter-
minan-

(r) §. 1. 2. Oatol.

minanda sunt, ut ipsum a ceteris juribus similibus distinguant, qualia sunt usufructus & emphyteusis. Quod si in genere jus in re aliena constitutum in suas species dividere jubemur, vi principiorum generalium de generibus & speciebus rerum non alia re opus esset, quam ut ad ea attendentes, quæ per se invicem minime determinantur atque essentialium nomine nobis veniunt, rationem eorum haberemus, quæ manentibus essentialibus ceteris iisdem diversimode determinari possunt (s). Etenim ea determinantes tot modis, quot fieri poterat, inde deduceremus diversas illas jurium in re alterius species (t). Nimirum cum dominium duo involvat, proprietatem & usufructum, hoc est, jus disponendi de ipsa substantia rei & de ejus usu ac fructu; facile apparet, tot hic esse species condendas, si omnia exhaustire velis, quot modis quis de proprietate & usufructu rei suæ disponere potest in gratiam alterius. Species has persequentes incideremus quoque in eam,

F f 5 quæ

(s) §. 255, Ontol. (t) §. 712 Log.

quæ feudi nomine venit. Atque hæc tractatio analytica, qua nos cum in Mathesi, tum in philosophia docenda constanter utimur, plurimum lucis affundit rebus, ut & clarius percipiantur, & intimius perspiciantur. Sed nostrum jam non est per istas ambages e via divertiri. Sufficit itaque annotasse, in feudo a Domino transferri in Vasallum usumfructum prorsus illimitatum & proprietatem limitatam. Quoniam vero nihil fit sine ratione sufficiente (id quod per jus universum observari deprehenditur); neque gratis aliquis seu sine omni ratione totum rei suæ usumfructum cum parte aliqua proprietatis in alterum transfert. Quare cum ratio non una esse possit, cur hoc fiat, in notione feudi constituenda determinanda est conditio, sub qua ususfructus cum proprietate restricta transfertur in alium. Placuit feudum appellari, si dominium utile, quod usumfructum totum & proprietatem restrictam complectitur, conceditur sub conditione certorum officiorum ei præstandorum, qui sibi potiore

pro-

proprietas partem retinet & dominus directus appellari suevit, quemadmodum Vassallus, cui quid in feudum datur, in oppositione ad dominum directum a dominio utili, quod habet, dominus utilis appellatur. Complexus istorum officiorum, quæ ex conventionem Vassallus debet domino directo, uno nomine Fidelitas appellari solet. Terminos hos, etsi in jure feudali notissimos, ideo hic explicamus, ut exemplum præsens, quo usus notionum directricium illustratur, ab iis etiam intelligatur, qui juris istius non sunt periti. Ex hæcenus vero dictis apparet, quænam sint ea, quæ primo loco sumenda sunt, ubi notionem feudi formare volueris. Sunt nempe ratione vassalli dominium utile & promissio fidelitatis, sub qua ei illud conceditur; ratione autem domini directi dominium directum, quod sibi reservat, dum utile alteri concedit, quodque continetur eo, secundum quod proprietas in utili restricta, & promissio fidei reciproca, qua continentur officia illa, ad quæ se dominus directus

clus

ctus Vafallo obligat. Quoniam in feudo non occurrit, nifi res, quæ in-feudatur, dominium rei directum & utile, ac mutua tandem fides; ideo ad plura hic quoque refpiciendum non eft, confequenter ea habemus omnia, quæ in feudo concipiendo primo loco lūmi debent, ita comparata, ut ipfa per fe invicem minime determinentur, per ea tamen determinentur cetera, quæ de omni feudo prædicari neceffario debent. Sunt, igitur ea, quæ modo enumeravimus, non alia, quam quæ intrinsecam feudi poffibilitatem abfolvunt & a nobis effentialia fimpliciter (u), a Scholasticis vero effentialia constitutiva appellantur, qui, cum omnes determinationes neceffarias five constantes, quamvis minus accurate, effentialia appellant, ea, quæ per alia determinantur, hoc eft, quæ aliis pofitis una ponuntur, a nobis vero attributa vocantur (x) effentialia confe cutiva dicunt. Jam vero noto notius eft, Jctos pro fubftantialibus feudi habere concessionem dominii utilis cum

refer-

(u) §. 143. Ontol. (x) §. 146. Ontol.

reservatione directi & promissionem reciprocam fidei mutua. Quamobrem quæ a Jctis substantialia feudi appellantur, ea conveniunt cum iis, quæ a nobis essentialia vocantur, sed quatenus notionem generis ingrediuntur. Substantialia adeo feudi sunt determinationes essentialia, quibus notio feudi in genere absolvitur. Etenim cum singula illa feudi requisi- ta ultiores admittant determina- tiones easque varias, per substantia- lia nonnisi genus determinatur. Quamobrem quando *Schilterus* (y) & alii substantialia quoque essentialia appellant, in oppositione ad natu- ralia, cum ad essentialia etiam refe- rantur determinationes a se invicem non dependentes, quæ differentiam specificam absolvunt (z), vocem es- sentialium strictiori quodam sensu su- munt, quam quo a nobis accipitur & accurata philosophandi methodus eam accipi permittit. Sed cum de- nominationes sint arbitrariae, per nos integrum esto significatum vocabuli pro

(y) in *Introduc.* ad *Jus feudale* c. 4. §. 3, p. 16.

(z) §. 248. *Ontol.*

pro arbitrio condi, quamdiu notiones juris feudalis cum primis philosophiæ principiis non connectuntur, uniformitate studiorum nondum introducta, quæ quid sibi velit alias dicemus apertius. Ex hæcenus dictis colligitur, substantialia feudi sufficere ad definitionem feudi in genere, etsi non sufficiant ad feudi alicujus definitionem in specie. Recte adeo Feudum in genere definitur per dominium utile in re aliqua alteri a domino concessum sub conditione fidelitatis mutux. Definitio hæc fere coincidit cum definitione feudi, quam exhibet *Struvius* (a) Ita enim ille: *Feudum est dominium utile in re immobili a retinente dominium directum alicui constitutum, ita ut hic ad fidelitatem illi exhibendam sit obligatus.* Ponimus nos in definitione feudi in genere rem simpliciter, non verò rem immobilem, quemadmodum facit *Struvius*, propterea quod etiam res mobiles. immo incorporeales infeudari possunt, consequenter illa determinatio inter eas referenda est, quæ differ-

TEN

(a) in Syntagmate Juris feudalis c. 2. §. 3. P. 58.

in speciem alicujus speciei seu-
m ingrediuntur, quemadmo-
mox ostensus. *Struvius* tan-
mentionem facit fidelitatis a Va-
præstandæ: sed ubi substantialia
recenset (b) ipsemet monet sub
tione ad fidem exhibendam
ue contineri fidem, quam domi-
vasallo debet. Videtur autem
eam ex definitione ommittere,
moribus nostris fidem vasallo
xpresse promittit, etsi ipsemet
ius moneat, tacite & per conse-
tiam ipsum quoque dominum
em adstringi, vi juris feudalis,
o etiam ideo inter dominum &
am fides dicitur esse reciproca
ob hanc fidem reciprocam do-
s conjux vasalli appellatur (d),
o *Schilterus* (e) fidem a domi-
vasallo præstandam inter substan-
feudi disertis verbis referat. Du-
oriri poterat ex eo, quod
ius affirmat, tacite & per con-
ntiam ipsum dominum ad fidem
ngi, dum vasallus fidem eidem
pro-

§. 5. p. 60. (c) II. f. 58. (d) II. f. 26.
1) loc. cit.

promittit, num fidei a domino præstandæ mentio in definitione fieri debeat, cum ex definitione exulare debeant, quæ per alia in eadem contenta demonstrari possunt (f). Dubium hoc non est de nihilo; etenim si rem curatius spectes, fides a domino præstanda vasallo ex ea fide colligi potest, quæ a vasallo eidem promittitur, consequenter in systemate inde demonstrari debet. In systemate igitur, quemadmodum fecit *Struvius*, fides illa ex definitione omitti potest, simulque apparet ratio, cur dominus teneatur vasallo ad fidem quam non promisit, & cur non opus sit, ut vasallo fidem promittenti reciproce eandem expresse promittat. Enimvero extra systema, antequam per demonstrationes patefit, quamam per se invicem determinantur, non reprehenditur, si attributum aliquod ab essentialibus nondum distinxeris, quia idem inter ea continetur, quæ rem intuenti statim occurrunt. In Analyfi enim subinde initio admittenda sunt nondum præsus limata, quæ deinceps in progressu de-

mum

demum limantur. Præterea absolute non repugnat, ut fides a domino vasallo præstanda variis modis determinetur, ita ut etiam in ea admittantur, quæ ex fidelitate a vasallo promissa non consequuntur. Atque hæc ratio sufficit, ut nos in notione feudi evolvenda philosophi partes adimplentes in definitione generis fidei domino præstandæ mentionem injiciamus, quæ ex definitione aliqua feudi recepti in specie omitti potest. Nostra igitur definitio & *Struviana* non sunt ejusdem prorsus rei: nos enim genus definimus, *Struvius* aliquam speciem sub genere contentam. Hæc ideo monemus, ne reprehendere videamur definitionem Jcti, qua ad confirmandam analysin nostram utimur, & ne vidamur lapsu memoriæ impegisse in regulam, quæ ex definitionibus se invicem determinantia exulare jubet.

§. 4. Agedum vero! progrediamur jam ulterius, cogitationes via *Naturalium notio.* analytica promovendo. Reperimus definitionem feudi in genere: dispiciendum itaque, quomodo inde deducatur
(*Hor. subs. 1729.*) Gg can-

cantur diversæ ejus, quotquot concipi possunt, species. Ex data notione generis quomodo notiones specierum formentur, clarissime docuimus, cum usum Logicæ in investiganda veritate a priori traderemus (g). Totum, scilicet huc redit negotium, ut, quæ in notione generis adhuc indeterminata sunt, tot diversis modis, quot fieri potest, ita tamen determinentur, ne iis, quæ jam determinata sunt & notionem generis constituunt, repugnent. In definitione feudi in genere occurrit dominium utile a dominio directo divisum, concessio ejus a domino directo domino utilitatis facta, res cujus dominium utile in alterum transfertur, directo a transfereute sibi reservato, fides denique mutua, sub qua dominium rei utile transfertur. Inquirendum igitur est an separatio dominii utilis a directo, modus concedendi alteri dominium utile, res cujus dominium dividitur, fides tandem mutua ita variari possit, ut aliis determinationibus superacceden-

(g) §. 712. Log.

dentibus nulla oriatur contradictio respectu illarum, quæ simul notionem generis ingrediuntur. Expendenda adeo sunt, quæ in istorum singulorum notionibus continentur, ut appareat, num quædam insint, quæ adhuc indeterminata sunt, ulteriorem ideo determinationem admittentia. Notum vero est, notionem latius patere definitione, cum omnia omnino complectatur prædicata, quæ rei tribui possunt, sed perperam in definitione cumulantur (§. 3.). Dominium utile duo complectitur, usumfructum illimitatum & proprietatem restrictam. Ususfructus cum vasallo omnis concedatur, nulla inde variatio in feuda proficisci potest. Proprietas est potestas disponendi de ipsa substantia rei: quæ dum in feudo restringitur, num modus restringendi diversitatis quid admittat inquirendum. Disponitur de ipsa substantia rei, quando ea alienatur, hoc est dominium ejus in alterum transfertur. Quamobrem cum in feudo jus istud non totum habeat vasallus, alienatio non est prorsus arbi-

trii ejus, quemadmodum in dominio pleno, sed restricta. Quoniam vero non uno modo restringi potest, diversi isti modi sunt determinationes specificæ, quæ differentiam specificam feudorum diversorum ingrediuntur. Ita hodie apud nos ex constitutionibus *Lotharii II.* & *Friderici* Imperatorum (h) vasallus feudum in scio domino alienare nequit, cum antea posset (i); sed ea fieri debet ipsius consensu: immo vasallus nulli domino in scio ac in consulto jus aliquod in feudo constituere valet. Determinatio itaque specifica est, quod proprietas ita restringatur, ut vasallo nullum concedatur jus alii in scio ac in consulto Domino directo jus quoddam constituendi: unde deinceps vi principiorum juris civilis de modo, quo quis alteri in re sua jus quoddam constituit, prono alveo fluunt speciales de jure domini directi in feudum conclusiones complures, tum etiam aliæ, quibus definiuntur casus, in quibus vasallus domini directi consensu opus habet, ut valide agat.

Si

(h) II. f. 52. 55. (i) II. f. 44. & alibi.

Si porro concessionem dominii utilis a domino vasallo factam spectes, in ea denuo occurrunt varia, quæ ut in casu singulari determinata sint opus est. Quæritur enim an feudum constitutur in perpetuum, an ad certum tempus, & quanam in priori casu tenenda sint circa successionem; an dominium utile alicui concedendum sit gratis, an pro certa pecuniæ vi, quæ a vero pretio deficit; an successor in feudo ceteris, qui pari alias jure succedendi gaudent, aliquid solvere teneatur & quæ sunt alia hujusmodi plura, quamdiu scilicet feudum in genere consideras, citra respectum ad leges, quibus quid obtinere debeat definitur. Ita e. gr. feuda primum precaria erant, ita ut dominus directus eadem arbitratus suo revocare posset. Dabantur deinde ad dies vitæ; postea jus successionis introductum, modo tamen succedendi non semper eodem modo determinato: id quod ex libris feudorum satis liquet. Potest etiam ad concessionem referri investitura, quæ non minus varias admittit determinationes arbi-

trarias, ex aliis non consequentes, utut aliqua ratio earum ex ceteris desumi possit, quatenus arbitrium intrinsecis regitur rationibus, sed non necessariis. Illæ igitur determinationes denuo spectant ad específicas, quas appello (k), consequenter differentiam specificam feudorum ingrediuntur. Res quoque infeudanda varias determinaciones admittit, quemadmodum ex divisione rerum in jure civili tradi solita satis patet. Feudum e. gr. constitui potest non minus in re mobili, quam immobili, in re non minus incorporali, quam corporali, etfi inter nos communiter receptum sit, ut feudum in re immobili constituatur. Denique si ad fidem mutuam animum advertas, quam loquitur definitio feudi in genere & quæ differentiam ejus specificam constituit ab aliis juribus agnatis, veluti emphyteusi & censu, itemque superficie, cum ea complectatur officia, quæ vassallus domino, dominus vassallo præstare debet, non multa attentione opus est ut intelligas officia ista

(k) §. 236 Ontol.

ista diversimode determinari posse :
neque enim unius generis sunt. Pos-
sunt enim esse militaria, aulica, &
alia quæcunque, ad quæ dominus va-
sallum sibi obligat. Pertinet huc et-
iam modus, quo dominus vasallum
sibi obligat, veluti an juramento, an
simplici promissione. Sunt igitur
& determinationes fidei ac modi obli-
gandi vasallum ad fidem determina-
tiones specificæ, quæ ingrediun-
tur differentiam specificam specierum
feudi. Haftenus dicta manifesta
sunt, modo principia philosophiæ
primæ familiaria experiaris. Videamus
vero jam, quænam inter natu-
ralia feudi a Feudistis referantur.
Naturalia feudi recenset *Schilterus*
(1) obligationem vasalli ad juramen-
tum, ut fidelitatem jurato præstet;
perpetuitatem, ut non possit auferri
feudum; successionem masculorum;
speciem rei, ut ea sit immobilis; obli-
gatio ad consensum in alienatione;
determinationem servitiorum & suc-
cessionem descendantium. Addit
Struvius, consensum agnatorum in
G g 4 alie-

(1) in Instit. Jur. feud. cap. 4. §. 8. p. m. 16.

natione feudi paterni (m). Nemo ignorat, hæc feudi naturalia in ipsis feudorum libris commemorari (n). Sunt itaque naturalia feudi determinationes specificæ, quæ simul sumtæ aliquam feudi speciem constituunt. Quare cum naturalia ista feudo insint autoritate juris, ut adeo *Struvius* (o) naturalia definiat *per qualitates iuris autoritate feudo inditas, ita ut, nisi aliter conventum sit, illi insint*; naturalia non sunt nisi differentia specifica feudi autoritate legis communiter recepti. Quamobrem cum non ubivis locorum eadem feudi species tanquam ordinaria introducta sit; nihil sane absoni habet, quod alibi terrarum inter naturalia feudi recensentur, quæ nostro jure ex eorum numero excluduntur. Differentia igitur specifica feudi recepti a ceteris est id, quod *communis feudi ratio* appellatur. Illa species feudi cum sit lege introducta, igitur naturalia, quibus ejus differentia specifica ab aliis feudi spe-

(m) in Syntagm. c. 2. §. 7. p. 66. (n) Vide f. 1. 8. 11. f. 23. 104. 3. 47. 24. 4. c. 23. 50. 59. (o) loc. cit.

speciebus continetur, regulariter ac tacite insunt, etsi in contractu feudali non expresse facta fuerit eorundem mentio. Lex enim regula est feudi ordinarie recepti: quare cum a regula disceditur, ea, in quibus receditur, disertis verbis sunt exprimenda; eidem vero conformia vi ipsius legis intelliguntur. Quod itaque feudum proprium, immo (p) rectum vocatur, & definitur per id, quod habet perfectam essentiam atque communem feudi naturam (q), est feudi vi legum communiter recepta species, quæ scilicet differentiam specificam ejus ab aliis speciebus determinant, cum non omnibus simul locus esse possit. Essentialia feudi, quæ substantialium nomine veniunt, cum notionem generis ingrediantur, tanquam unico modo determinabilia in oppositione ad alias domini utilis species, nulla lege immutari possunt, nisi feudum appellare velis diversum quid ab eo, quod nunc hoc nomine salutatur, hoc est, nisi nomen muta-

Gg 5

re

(p) II. f. 33. (q) *Struvius* in *Synagm.* c. 4. s. 1, p. 110.

re volueris, non rem ipsam. Atque adeo patet, cur substantialia feudo per se insint, quatenus nimirum id certum quoddam genus entium moralium constituit, quoniam genus omne specierum respectu immutabile est; naturalia autem nonnisi autoritate legis, quatenus nimirum lex hanc feudi speciem introduxit, quoniam legum conditoribus liberum est, quamnam feudorum speciem tanquam ordinariam introducere velint: ex pluribus enim possibilibus datur electio. Dum substantialia per ipsam feudi essentiam immutabilia pronuncio, ea a naturalibus accurate discerno. Et enim qui defectu notionum satis distinctarum aliqua naturalia cum substantialibus confundunt; illi in feudis impropriis, quæ vocant, etiam aliquam mutationem quoad substantialia admittunt: id quod non mirum, cum illa immutatio revera non in substantiali, sed in naturali fiat, etsi perperam pro substantiali habeatur. Exempli loco est, si res immobilis pro substantiali feudi habeatur, hoc est pro tali determinatione, quæ notio-

nem feudi in genere ingredi debet. Constat enim ex antecedentibus, rem in genere sumi debere pro substantiali feudi seu determinatione generica; rem vero immobilem pro naturali seu determinatione specifica, quæ ingreditur differentiam specificam auctoritate juris communiter receptæ feudorum speciei, ut suus vocabulis constet significatus certus ac fixus.

§.5. Restat ut videamus, quid tandem sint accidentalia feudi. Referuntur inter accidentalia feudi obligatio vasalli ad officia insolita, atque ^{Notio accidentalium feudi expli- cata.} successio foeminis concessa, & ex adverso liberatio vasalli ab omnibus servitiis, quodque feudum non veniat ad successores (r). Ex antecedentibus liquet, has determinationes esse ex eorum numero, quæ specifica dicuntur, atque adeo differentias specificas diversarum feudi specierum ingrediuntur. Quamobrem accidentalia feudi sunt determinationes, quæ continentur differentiis specificis specierum feudorum a specie juris auctoritate communiter recepta diversarum.

(r) Vid. Struvius in Synagm. c. 2, §. 9. p. 67.

rum. In ea specie feudorum, quæ apud nos communiter recepta est, foemina non succedunt, sed soli masculi, atque successio ista non continetur notione feudi in genere, consequenter ad differentiam specificam pertinet, qua feudum inter nos communiter receptum ab aliis feudorum speciebus differt. Quare si successio ita determinatur, ut, deficientibus masculis etiam ad foeminas pertineat; differentia specifica variatur, consequenter species feudi recepta in aliam mutatur. Cum in arbitrio legislatoris positum sit, quamnam feudi speciem tanquam ordinariam introducere velit; non implicat, ut alicubi feudi communiter recepta species successionem etiam foeminis masculis deficientibus deferat, consequenter ut alicubi naturale sit, quod nobis accidentale est, & vicissim accidentale habeatur, quod nostro jure naturale est. Idem patet in exemplis ceteris accidentalium, quæ in medium adduximus. Determinationes officiorum in specificarum numero sunt, & ideo, ubi vasallus ad officia insolita obli-

obligatur, differentia feudi specifica variatur, specie feudi communiter recepta in aliam mutata. Ista obligatio cum nostro jure in accidentalium numero fit; exemplo hujus accidentalis liquet, quod accidentalia sint determinationes arbitrariae, quae differentiam specificam feudorum a recepto communiter diversorum ingrediuntur. Eodem prorsus modo idem ostenditur de duobus accidentalibus ceteris, quae in medium adduximus, nimirum, quod vasallus liberari possit ab omnibus servitiis & fides tantummodo spectetur in subjectione, consequenter in officiis moralibus, obedientia, reverentia, amore; quodque feudum non veniat ad successores. Quamobrem si accidentalium numerum inire velis, species omnes feudorum omnium possibiles detegere licet, condendo notiones omnes feudorum, quas non ingrediuntur nisi determinationes nostra phrasi essentialles, hoc est tales, quarum nulla per alteram determinatur. Sed nostrum non est in praesenti hoc labore defungi, cum non aliud nobis propositum fuerit, quam terminos receptos sub-

stan-

stantialium, naturalium & accidentalium explicare, ut principiis nostris philosophicis consentiant & ad determinatas notiones reducantur.

Notiones
stabilita
confir-
mantur.

§. 6. Notiones substantialium, naturalium & accidentalium feudi nunc esse non modo claras atque distinctas, sed etiam sufficienter determinatas, ut fixum significatum vocabulis tribuant & definitionum formam habeant, nemo negaverit, qui principia logica & ontologica, quæ in opere logico & ontologico evolvimus, familiaria experitur. Enimvero ne quis existimet, significatum vocum a nobis immutari, superest ut doceamus idem obscurius & confusius defectu principiorum philosophiæ primæ a nobis demum distincte evolutorum animo Jctorum obversatum fuisse, quod beneficio illorum principiorum clarius ac distinctius a nobis propositum fuit. *Struvius*, qui in philosophia Scholastica, quæ tunc temporis in Academiis florebat, optime erat versatus notionem substantialium, naturalium & accidentalium explicaturus ad notionem entis in genere re-

currit (s), sicque agnoscit terminorum istorum notiones claras & distinctas non obtineri, nisi ex principiis ontologicis de ente in genere lumen affuderis. Eandem igitur ingressus est viam, quam nos ingressi sumus, atque hoc ipso abunde docuit, philosophiæ primæ principia etiam Icto utilitate sua sese commendare. Expendit autem ea, quæ de ente prædicari posse *Aristoteles* docuit & cum iis comparavit feudi substantialia, naturalia & accidentalia, ut appareret, quibusnam ea prædicatis generalibus de ente responderent. Agnovit etiam de ente in genere stabilita principia non minus ad res corporales, quam incorporeales, quas Icti appellant, seu ad entia naturalia, quam moralia applicari posse: quibus omnibus & acumen, & limatum, quod ipsi erat, iudicium abunde comprobavit. Jam cum *Aristoteles*, prædicata rei necessaria enumeret genus, differentiam, proprium; contingentia autem accidentia; colligit inde Ictos substantialium nomine designa-

re

re non minus proprium, quam genus & differentiam, quæ simul essentiam constituunt. Nihil igitur supererat, quam ut & naturalia, & accidentalialia in numerum accidentium referret: unde ipsi opus erat differentiam quandam comminisci inter accidentia, quorum alia ex essentia quodammodo fluere videantur, alia nihil prorsus cum eadem commune habeant, seu plane non ex essentia fluant, ut differentiam inter naturalia & accidentalialia tradere posset. Quod autem in his scopum, ad quem collineabat, non fuerit consecutus, vel ex eo intelligitur, quod, cum non distincte exposuerit, quid sit quodammodo ex essentia fluere & plane non ex eadem fluere, istarum notionum beneficio naturalia & accidentalialia in dato casu distingui non possint. Nihil adeo obstitit, quo minus *Struvius* in easdem nobiscum notiones substantialium, naturalium & accidentalium feudi incideret, quam quod theoria de ente in genere careret, qualem nos in philosophia prima exhibuimus. Etenim si ipsi perspectum fuisset, omnia illa

in essentialium numerum referri, quæ quidem simul enti inesse possunt, non tamen simul insunt, neque rationem cur inesse possint, vel simul actu insint, in ceteris, quæ simul insunt, ullam agnoscunt, & per essentialia genera atque species determinari, quatenus eorum identitate similitudo in essentiis rerum constituitur, quemadmodum a nobis clarissime demonstratum est (t); pro eo, quod ipsi erat, acumine utique vidisset, non tantum substantialia, sed & naturalia atque accidentalia in essentialium numero contineri, quibus & genus feudi, & species feudorum diversæ determinantur. Hinc vero pronum est colligere, quod substantialia sint essentialia notionem generis ingredientia, naturalia vero essentialia differentiam specificam feudi autoritate legis communiter recepti, tandemque accidentalia itidem essentialia, sed differentias específicas ceterorum feudorum possibilitatum constituentia. Nullum igitur inter nos atque *Struvium* reputamus dissensum, quatenus pro certo
(*Hor. subs. 1729.*) H h to

to habemus, Ictum summum eandem prorsus terminorum explicationem daturum fuisse, si notio entis in genere satis distincta tunc temporis non latuisset. Quamvis vero, si ad terminos philosophiæ primæ respicias, diversa videtur explicatio Icti a nostra: ubi tamen describit, qualia sint substantialia, naturalia & accidentalia feudi, ea tradit, quæ ex nostris notionibus eodem rigore demonstrantur, quo Geometræ ex figurarum notionibus earum proprietates seu prædicata necessaria demonstrant. Atque ideo monui in antecedentibus, nostras substantialium, naturalium & accidentalium notiones distinctas esse easdem cum iis, quæ obscure quodammodo & confuse animo illius observabantur, etsi mentem suam operum principiorum *Aristotelicorum* explicaturus ab iis aberrasse, adeoque a seipso dissensisse videatur. Dum enim naturalia vi superiorum (§. 5) qualitates feudi esse affirmat, quæ autoritate juris inditæ sunt, & omni feudo eadem inesse pronunciat, nisi aliter sit conventum; non alia loquitur,

quam

quam quæ ex nostra notione naturalium necessario fluunt. Etenim vi hujus naturalia sunt determinationes, quæ simul sumptæ differentiam specificam feudi communiter recepti ab aliis feudorum speciebus constituunt: Omnes autem determinationes intrinsecæ, per quas species determinantur, qualitates sunt (u): naturalia igitur sunt qualitates feudi. Enimvero quoniam plures feudi species possibiles sunt, lege definiendum est, quænam tanquam ordinaria obtinere debeat. Quamobrem cum determinationes specificæ generi superaddantur, ut in speciem abeat, naturalia juris autoritate feudo indita sunt. Quoniam itaque id, quod lege definitum, tamdiu obtinet, quamdiu ab ea tanquam regula non receditur; naturalia feudo omni inesse debent, quamdiu non aliter convenitur. Licet autem aliter convenire, quia integrum est Domino directo, quamnam feudi speciem in dato casu eligere velit, non modo quatenus dispensare potest contra legem autoritate sua videntem

Hh 2 gentem

(u) §. 156 Carol,

gentem, sed etiam multo magis quatenus ipsa lege illa electio continetur. Similiter quia differentia specifica mutata non mutatur genus, quippe quod omnibus speciebus totum commune est, omnibus determinationibus genericis notionem speciei ingredientibus (x); naturalia feudi salva essentia ab eo abesse & pactis inter dominum & vasallum initis tolli vel imutari possunt (y). Dum vero naturalia immutantur, feudi qualitates mutantur, per ea, quæ modo ostendimus. Quare cum qualitatum mutatione res alteretur; feudum alteratur, naturalibus immutatis, quemadmodum *Schilterus* loquitur (z). Autores enim nonnisi de feudo in genere loquuntur, dum ipsius essentiam immutabilem pronunciant: id quod vel inde manifesto intelligitur, quia hanc immutabilitatem eidem tribuunt in oppositione ad jura cognata, veluti *emphyteusim* &

(x) §. 237. 241. *Ontol.* (y) *Struvius* in *Synragm.* c. 2, §. 8. p. 66. (z) in *Instis.* c. 3. §. 8.

& censum, nec non usumfructum. lisdem vero opponi feudum in genere, non quandam ejus speciem ex differentia patet, qua ipsum a juri- bus agnatis distinguitur. Naturalia igitur cum mutabilia agnoscerent, salvis substantialibus, quibus notio feudi in genere absolvitur; illa tan- quam modos considerarunt, quæ in eodem ente salva ejus essentia variari possunt: id quod ex eo apparet, quod naturalia in numerum accidentium referat *Struvius*, quæ a scholasticis prædicabilia, a nobis vero ad evitan- dum homonymiam modi appellan- tur: id quod in ente morali tolera- ri potest, quatenus aliquid fictitii ad- mittas, ut feudum in genere confide- retur tanquam ens singulare variis modis modificabile adeoque alterabi- le. Atque hæc notio omnino obti- net in feudorum libris. Nil vero im- pedit, quo minus notiones suæ veri- tati restituamus, postquam philoso- phia prima ad notiones distinctas a nobis revocata lumen affundit, quo cumen in discernendis hisce rebus vivatur. Quod de naturalibus osten- dimus

dimus, idem quoque de accidentalibus eodem modo doceri potest. Vocat *Struvius* (a) accidentalia feudi qualitates per conventionem domini & vassalli feudo adjectas. Vi nostrae notionis accidentalia sunt determinationes intrinsecae feudi, quibus differentiae specifica feudorum a communiter recepto continentur. Sunt igitur qualitates, vi principiorum ontologicorum (b). Enimvero quia sunt differentiae specifica feudorum a feudo communiter autoritate juris recepto, nec eadem autoritate aliter a recepta specie recedere licet, nisi per conventionem domini & vassalli; igitur accidentalia feudo in genere adjiciuntur hac ipsa conventionione, ut in determinatam speciem abeat. Quando vero accidentalia feudo in genere ita adjiciuntur, naturalia fiunt, mutataque differentia specifica mutatur feudi natura. Atque ita ex notione nostra etiam sequitur, quod addit *Struvius* (c), accidentalibus adjectis naturam feudi immutari, ut ea vel

augra-

(a) in *Syntagm.* c. 2. §. 9. p. 66. 67. (b) §. 27. 281. *Obrol.* (c) *loc. cit.*

augeatur, vel minuatur. Ex his dictis adeo sufficienter intelligitur, quam bene notionibus nostris cum jure feudali conveniat & quam pulchre principia nostra ontologica cum eodem consentiant: quo ipso principiorum nostrorum & veritas, & utilitas confirmatur.

§. 7. Absit autem, ut quis hanc *usus re-*
terminorum juris feudalis ad notio- *ductionis*
nes ontologicas reductionem inutilem *termino-*
ac sterilem pronunciet: usum enim *rum juris*
multiplicem habet. Labet aliquos *feudalis*
commemorare usus, ne quid gratis *ad notio-*
vel in favorem principiorum nostro- *nes onto-*
rum ontologicorum asseruisse videamur. In aprico nunc positus est modus omnes omnino species possibiles feudorum determinandi ac singulas una cum genere accuratis definitionibus comprehendendi: quo facto patet via ad theoriam omnibus suis numeris absolutam feudorum, cum & contineat omnem, quæ in feudo locum habere potest, varietatem possibilem, & in universum omnia, quæ de feudis prædicari possunt, & præterea ea, quæ feudis omnibus com-

Hh 4 munia

munia sunt, ab iis, quæ singulis speciebus propria sunt, accurate discernat. Hac ipsa vero theoria juri feudali multum lucis affundi, ut intimius perspiciatur, nemo dubitabit, qui theoriarum universalium utilitatem ex variis speciminibus cognitam atque perspectam habet. Nimirum singulorum inde petitur genuina ratio, ut intelligatur, cur ita potius se habere debeat quam aliter: quo facto jura ipsa & clarius intelliguntur, & facilius atque tutius applicantur. Præterea hac luce collustratus intelligit, in quibusnam adhuc jura feudalia deficient & quænam ceteris præstent, cum ubivis terrarum non prorsus eadem deprehendantur. Videt etiam, quomodo in iis, quæ emendari merentur, manum medicatricem afferre liceat. Atque ita prudentia legislatoria in hac juris parte locupletatur. Fidem oculatam daret, qui methodi gnarus & ea utendi habitu pollens theoriam istam conderet, ea progressus via, quam commonstravimus: nostrum enim non est hanc telam pertexere, cum temporis commoditate destituamur.

mur. Obiter autem monemus hoc ipso exemplo doceri, quod philosophia nostra methodo exculta & ad Facultates, quas vocant, superiores applicata, futurum sit tempus, quo in iis perinde ac in Mathesi continuo novæ veritates ex iis, quas perspectas habemus, detegentur, non sine præsentissimo generis humani emolumento, & veritates, quæ jam prostant, in maiore luce constituentur earumque usus amplificabitur. Novæ quando deteguntur veritates ex iis, quas jam cognitæ & perspectas habemus, non ipsis contrariæ, sed iisdem consentientes reperiuntur, ut adeo non habeat, quod sibi a novitate metuat antiquitatis venerator. Si quis veritatibus novis opus non esse arbitretur; is nondum intelligit, quomodo in omni genere praxis perfectæ a theoria perfectæ pendeat, nec quantum omnis praxis nostra a perfectione adhuc distet, etsi continuæ sint ubivis de imperfectione querelæ. Enimvero mittamus ista, quæ nondum sunt ad plurimorum palatum. Agedum itaque! in-

Hh 5

tuea-

tueamur propius usus quosdam alios, qui leviori attentione intelliguntur. Dedimus definitiones substantialium, naturalium & accidentalium accuratas, quas nulli ingrediuntur termini, qui non in philosophia prima jam sufficienter fuerint explicati. Earum igitur ope substantialia a naturalibus, naturalia ab accidentalibus semper accurate distinguere licet. E. gr. *Schiltzerus* (d) inter naturalia feudi refert, ut sit in re immobili. *Struvius* idem ad substantialia, alii eodem narrante prorsus ad accidentalia referunt (e). Videtur textus juris (f) favere illorum opinioni, qui rei immobilitatem ad feudi substantiam pertinere existimant. Diserta enim hæc verba ibidem leguntur: *Sciendum est, feudum non nisi in rebus soli, aut solo coherentibus, aut in iis, quæ inter immobilia connumerantur, posse consistere.* Quod si ergo feudum consistere nequit nisi in re immobili, immobilitas rei a feudo abesse nequit, atque adeo ad feudum omne, consequenter ad sub

(d) in Instit. c. 3. §. 8 p. 16. (e) Vid. *Syntagma*. c. 2. §. 6. p. 62. 63. (f) II, f. 1.

substantiam ejus spectat. Etsi autem hanc sententiam amplectatur *Struvius*, ea tamen, quæ præclara ingenia decet, æquitate (g) usus monet, posse cum *Bocero* & *Rosenthalio* rei immobilitatem ad naturalia sive accidentalia referri, si feudum separatam juris in re speciem constituere & ita definire velis, quod sit jus in re constitutum alicui, ita ut sit obligatus ad fidem constituenti exhibendam. Quodsi quis hæsitet, quamnam sententiam in hoc doctorum divortio amplecti teneatur; nemo primorum philosophiæ principiorum gnarus dissitebitur, opus esse definitionibus accuratis: quas cum dederimus, nec difficile erit omnem dirimere dissen- sum. Nimirum ad substantialia referri nequeunt, nisi quæ notionem feudi in genere ingrediuntur: quæ vero speciem feudi ordinariam a ceteris discernunt, ad naturalia spectant. Quoniam itaque nemo non fatetur, feudum etiam constitui posse in re mobili, & modum constituendi feudum in re mobili docent Do-
ctores

ctores omnes; rei immobilitas inter substantialia referenda non est, sed vel inter naturalia, vel inter accidentalia. Quoniam porro constat speciem feudi ordinariam lege determinari, lex autem inculcat, feudum non nisi in rebus soli, aut solo coherentibus, aut iis, quæ inter immobilia connumerantur, posse consistere; rei immobilitas in naturalium numero est, minime autem in numero accidentalium. Non exigui profecto momenti est substantialia, naturalia & accidentalia feudi in omni casu accurate a se invicem distingui, sed instituti ratio non fert ut de hac utilitate dicamus. Monemus igitur tantummodo, accuratas & fecundas substantialium, naturalium & accidentalium notiones hunc quoque habere usum, ut multæ juris feudalis propositiones rigide demonstrentur, quoniam earum beneficio cum primis philosophiæ principiis connectuntur, in quæ tandem resolvuntur demonstrationes in universum omnes, ipsæ etiam geometricæ ac arithmeticæ, quemadmodum dudum ostendi alibi.

Deni-

Denique multa juris feudalis capita fi-
unt clara, ubi luce illarum definitio-
num collustrantur. Etenim multa in
jure feudali a differentia substantiali-
um, naturalium & accidentalium
pendent. Definitiones autem affun-
dunt iis lucem, quæ ab ipsis pendent.
Exempla non afferimus: qui princi-
piis philosophiæ primæ imbutus & ha-
bitu applicandi regulas Logicæ verio-
ris instructus ad jus feudale accesserit;
quanti facere debeat lucem istam ipso
facto experietur.

III.

*De homine nihil a seipso habente
juxta I. Cor. IV. 7.*

§. 1.

Vidimus exemplum, quod notio-
num directricium, de quibus in <sup>Insti-
sum An-
toris,</sup> superiori Trimestri duxi, usum palam
loquitur in scientia juris: non incon-
sultum itaque dixi, si earundem usum
in interpretanda & applicanda Scri-
ptura Sacra ostenderem. Commo-
dum huic instituto videtur locus A-
postoli

postoli 1. Cor. IV. 7. ubi in hæc verba erumpit: *Quid habes, quod non accepisti? Si autem accepisti, quid gloriaris, quasi non acceperis?* Constat ex capite primo epistolam illam scriptam fuisse occasione dissidiorum in Ecclesia, quæ Corinthi erat, ortorum, quibus in sectas divisi alii se *Pauli*, alii *Apollinis*, alii *Cephæ*, alii *Christi* appellabant, alii alios contemnentes ac se super eos efferentes. Quamobrem cum Apostolus Corinthios ab hac superbiæ specie dehortaturus hoc argumento utatur, quod nemo quid habeat, quod non acceperit, atque adeo gloriari non possit, quasi non acceperit, nullum omnino dubium est, quin loquatur de fide, quam Evangelio præbebant, & de iis, quæ quomodocunque ad eam pertinent vel ab eadem ullo modo pendent: ut adeo planus sit sensus litteralis verborum Apostoli negantis scilicet habere quicquam, quod ullo modo ad fidem referri potest, Corinthios a seipso, & hinc porro colligentis, non esse ipsis causam superbiendi, seu supra alios sese efferendi. Jam alibi
osten-

ostendimus (h) in explicanda Scriptura sacra investigandum, quoque esse nexum prædicati cum subjecto. Docuimus quoque quomodo nexus iste detegatur, nimirum facta analysi vel in principia rationis sola, vel in principia revelationis & rationis simul, prout propositio aliqua vel ad veritates mixtas, vel ad puras pertinet (i): qui casus posterior in præsentem obtinet. Quodsi ergo analysin propositionis præsentis, quod Corinthii in iis, quæ ad fidem ullo modo spectant, nihil a seipsis habebant, sed omnia aliunde acceperint, instituere volueris; usum notionum directricium non contemnendum experieris. Hac ipsa autem analysi facta, ipsa notionum directricium applicatio docebit, quæ de Corinthiis dicta sunt, non modo ad omnes in universum applicari posse Christianos, verum etiam a fide ad quævis alia transferri posse, in quibus homo quid sibi tribuere posse videtur. Hac autem duplex doctrina Pauli ampliatio cum ratione subjecti, tum ratione

(h) §. 981 Log. (i) §. 979, 980 Log.

quod absurdum esse experientia loquitur, eidem tamen non repugnare, seu cum essentia hominis contradictionem nullam involvere, quoniam alias impossibile foret, ut ad fidem perduceretur homo (l). Ex his autem colligitur, fidem inter modos, vel accidentia prædicabilia, si cum Scholasticis loqui malueris, referendam esse (m). Notio igitur modi ea est, quæ tanquam directrice utendum in præsentī analysi, ut fiat exacta & acumen sufficiat ad singula pervidenda, quæ hic expendi merentur. Et enim ex ea intelligimus, quamam in modo quocunque a se invicem sint discernenda: unde juvatur acumen, ne in dato casu quicquam eorum prætermittatur, quod attentionem nostram requirit. Obiter moneo ex applicatione notionum directricium nos ipso facto doceri, Ontologiam menti lucem affundere, ut sit perspicacior ad videndum ea, quæ alias aciem ejus effugerent, & attentionem habeat in sua potestate absque illarum subsidio ab ejus arbitrio min-

(*Hor. subs. 1729.*) I i ni-

(l) §. 79 Ontol. (m) §. 148 Ontol.

nime pendentem. Eidem inter modos mentis referendam esse, inde quoque colligi potest, quod hominum alii habeant fidem, alii non habeant, quique nunc eandem possident, antea eadem fuerint destituti. Etenim a nobis demonstratum est (n), quæ enti modo insunt, modo non insunt, ea inter modos referri debere: quo criterio facillime utimur ad modos ab essentia & attributis distinguendos.

*Applica-
tio ea-
rundem
ad sen-
sum ver-
borum A
postoli
pervesti-
gandum.*

§. 3. In modis discernenda est possibilitas ab actualitate earum: siquidem alia illius ratio est, alia hujus. Etenim a nobis demonstratum est (o), cur modi inesse possint, rationem sufficientem in essentialibus contineri; cur vero actu insint, rationem vel in modis antecedentibus, vel in ente alio ab eo, cui insunt, diverso aut pluribus istiusmodi entibus, vel denique partim in modis antecedentibus, partim in ente alio ab eo, cui insunt, diverso, vel pluribus etiam entibus aliis querendam esse. Quamobrem inquisituri, num fidei & eorum, quæ quo-

(n) §. 151 Ontol. (o) §. 160. Ontol.

modocunque ad eam referuntur, ipsam a se habeat homo; tum ad possibilitatem, tum ad actualitatem ejusdem respiciendum est, ut appareat, cui accepta referri debeat utriusque ratio. Primum, quod hic occidit, est veritatum revelatarum notitia. Ne impossibile esset, ut Cohii ad eam pervenirent, non multis facultatibus mentis instructi esse debent, sine quibus cognitio rei nulla datur; verum etiam Deus facul- tates rationi impervias revelare testatur. Quamdiu enim nec homo videt, cui Deus easdem immediate revelavit, nec a quoquam scriptore traditus inspirato eadem litteris connotatae prostant; nullus in iis cognoscendis esse potest facultatum mentis. Jam vero nemo in dubium vocari potest, facultates mentis in unum omnes se accepisse a Deo, re omnium Autore, quo sine necquam foret possibile, nec actu es- quemadmodum in Theologia naturali clarissime ex primis rerum rationibus ostendi. Neque minus evidens est, nihil ad hoc contulisse

hominem, ut Deus veritates nobis revelaret, quas naturali facultatum mentis usu pervestigare non poteramus. Jam ut Corinthii notitiam illarum veritatum haberent, ab Apostolis & viris Apostolicis docebantur. Enimvero ut essent viri divino afflati spiritu, qui eos illas docerent; ut iidem ad ipsos accederent, cum istiusmodi doctrinæ tanquam sibi ignotæ nulla esset cupido, Deo sapienter decernenti & benigne providenti tribuendum erat. Patet itaque in rerum revelatarum notitia nihil contineri, quod sibi acceptum referre poterant Corinthii, sed eos ultro fateri debuisse, quod singula accepta referri debeant Deo. Quod si ad specialiora descendere velimus, notionibus directricibus usi psychologicis de notitia rerum; idem uberiori adhuc luce collustraretur. Nostrum tamen in præsentem non est eo usque evagari. Consideremus igitur eodem modo assensum, qui veritatibus revelatis præbebatur. Nemo Christianorum ignorat, veritates revelatas, cum ex principiis rationis demonstrari nequeant,

videntia destitui, qua naturaliter
ellimur ad assensum, consequen-
facultates mentis naturales mini-
sufficere, ut veritatibus revelatis
iter assentiatur homo. Et, si
maxime contingat, contineri in-
eas veritates, quas etiam naturali
ine usi veras esse agnoscimus, non
en iisdem assentiri quis potest na-
liter tanquam verbo Dei: quem
licem assensum probe distinguen-
esse dudum agnovere viri The-
, cum non ab uno pendeant,
proficiscuntur ab altero, & uter-
fit inter officia hominis christiani,
in cognitionem Dei ac voluntatis
omnes, quas habet, facultates
endere debet. Patet adeo assen-
lius, qui ad fidem requiritur, ne
em ullam rationem possibilitatis,
im sufficientem in homine conti-
quemadmodum aliquid rationis,
non sufficiens, in mente humana
ehenditur, cur rerum revelatarum
ia in eam cadere possit. Quoniam
ie facultates mentis natura ita dis-
æ non sunt, ut homo veritati-
pure revelatis sumiter assentiatur,

& veritates mixtas tanquam verbum Dei amplectatur ; eas Deus supernaturali quadam vi ita disponere debet, ut jam assentiri possit , cum antea non posset. Deo igitur, non sibi acceptum referre poterant Corinthii, quod veritatibus revelatis firmiter assentiri possent, cumque vim illam assentiendi a Deo haberent, utque actu assentirentur notitia in intellectu præsupponeretur, non minus eidem ipsam quoque assensus actualitatem acceptam referre tenebantur. Quod si denuo assensum istum intimius speculari luberet, multo adhuc evidentius appariturum erat, nihil in ipsius determinationem influere, quod non a Deo omni realitatis fonte sit derivandum. Enimvero sufficit nobis monstrasse viam, qua illis sit eundum, qui assensum, qualem fides requirit, accuratiori analysi pervestigarunt. Cum ex firmitate assensus sequatur applicatio veritatum revelatarum ad se in singulari; ex dictis patet, Corinthios nec illas ad se applicare potuisse, nec actu applicasse viribus propriis, sed non minus potentiam quam actum

actum pependisse a viribus gratiæ, quas Deo acceptas referebant. Equis enim est, qui defendere ausit, fieri posse ut quis veritatem, quam cognoscit, ad se applicet, quamdiu hælitat, num talis sit? Quis, quæso, sibi persuadebit, non sine animi commotione veritatem, cujus quis notitiam habet, ad se applicari, quamdiu sibi metuit, ne forte fallatur? Unusquisque in seipso experietur, modo attentione uti velit, cum certitudinis sensu crescere ardorem in applicando. Quamobrem cum supernaturali Spiritus S. operatione animus hominis christiani disponatur, ut verbo Dei assentiatur firmiorque sit assensus, quam qui veritatibus naturalibus præbetur; illa quoque animi commotio, ille ardor, qui in veritarum revelatarum applicatione ad se statumque suum percipitur, ad Deum auctorem referri debet. Constat ad istam applicationem concurrere rerum revelatarum singularem prorsus utilitatem, cum ab iis non modo sublimis cujusdam felicitatis gradus in his terris pendeat, verum etiam æterna

illa beatitudo a Christo fidelibus promissa in illarum numero fit, ad quam fides nostra tanquam ad metam tendit. Enimvero nec illa rerum utilitas, nec utilitatis istius certa cognitio ab homine, sed hominis potius in veritatibus revelatis applicandis ardor & varia pro earundem varietate animi commotio ab illa pender. Unde neque ea in re Corinthiis quicquam deprehendere licebat, quod sibi autoribus tribuerent. Si cui hic visum fuerit ad specialia descendere, ille idem experietur, quod in omni rerum cognitione obvium est, singula luce idearum, quæ in ista contemplatione menti obversantur, fieri clariora & ad vulgi quoque captum accommodari, quæ in notionibus abstractis eum transcendunt. Restat vero, ut etiam inquiramus, in quibus quærenda sit ratio, tum quod Corinthii ad Deum conversi veritatibus revelatis uti potuerint ad determinandum appetitum, tum quod iisdem actu fuerint usi. Hominem Christianum veritatibus revelatis uti debere tanquam motivis suarum actionum,

onum, easque esse tales, ut tanquam motivis actionum utri iisdem detur, nemo in dubium vocare potest, qui vel fugitivo oculo Scripturam sacram percurrit. Nonne jubemur amare Deum, quod ipse prior nos dilexit (p)? Nonne jubemur esse misericordes, quod DEUS misericors est (q)? Nonne ipsa incarnatio filii Dei idcirco appellatur pietatis mysterium (r), quod aptum sit ad mentem nostram ita disponendum, ut actiones suas liberas in universum omnes ad Deum tanquam redemptorem referat. Alibi sane (s) ostendi, virtutem Christiani a virtute naturali materialiter in eo differre, quod is utatur actionum suarum motivis ab opere redemptionis desumptis. Hinc verò jam intelligitur, non impossibile esse ut homo Christianus veritatibus, quas credit, utatur ad determinandum appetitum, propterea quod tales deprehendantur, ut singularum actionum honestarum motiva esse possint: id quod in theo-

Ii 5 logia

(p) 1. Joh. IV. 19. (q) Luc. VI. 36. (r) 1. Tim. III. 16. (s) Von der Menschen Thun und Lassen S. 676.

logia morali demonstrari debere plus simplici vice monui, si quidem ea docere debet vitam homine christiano dignam, utpote non in verbis, quæ hypocritarum persuasio est, sed in re consistentem, quæ Apostoli doctrina est. Quod vero veritates revelatæ omnes in actiones nostras influere possint, id non a nobis habent, sed ipsarum autore Deo. Præterea ut homo appetitum determinare possit ad eas actiones, quas bonas esse judicat, id inde esse nemo non agnoscit, qui vel primis labris philosophiæ principia degustavit, quod mens humana ad bonum generaliter determinata sit. Ut vero nexum inter actiones honestas & res revelatas percipere possit, rationi eidemque illuminatæ tribuendum. Ecquis vero nescit, a Deo, qui hominem condidit, nos habere, quod ea sit mentis natura, ut nil appetat nisi sub ratione boni, & eidem tribuendum esse, quod habeamus rationem, eamque illuminatam? Non igitur opus esse judicamus, ut in hæc prolixius inquiramus.

Quem-

namadmodum vero in conversione
minis vi illuminationis nova quæ-
intelligendi facultati superacce-
facultas, qua naturaliter destitui-
mens humana, nimirum assen-
firmum præbendi veritatibus na-
i evidentia destitutis & aliis, quæ
m non destituuntur, assentiendi
uam verbo Dei; ideo facultati
que appetitivæ vi sanctificationis
quædam superaccedit facultas,
i mens humana naturaliter non
i, nempe nil appetendi nisi quod
ad gloriam Dei redemptoris atque
ti. Hinc enim est, quod eas ap-
actiones, quibus docet alios, se
e Deum non modo pro creato-
conservatore, sed inprimis et-
ro redemptore, & Christum pro
tore ac salvatore generis huma-
oc est, quæ sunt genuini fidei
us. Amplissimus hic sese offert
di campus, siquidem ea omnia
ui lubeat, quæ in actualitatem
itus influunt: sed cum tantæ
itati locus esse nequeat, ut per-
t lector velim, quæ in philoso-
moralis seu tractatu paulo ante
cita-

citato (u) de modo perveniendi ad habitus morales integro capite docui, attenta differentia, quæ inter hominem solo naturæ lumine utentem & illuminatum ac sanctificatum a Deo intercedit. Nemo non deprehendet, in analyfi eorum, quæ in determinationem appetitus influunt, semper tandem ad Deum causam primam & ultimam perveniri, tanquam omnis boni datorem (x). Repetenda vero hic quoque sunt, quæ paulo antemonuimus, in casibus specialibus singula fieri & clariora, & evidentiora, ut omnimoda appetitus hominis christiani a Deo dependentia intelligatur. Arque sic abunde patere arbitror, quomodo notione directrici, quam de modis rerum offert philosophia prima, legitime usus inquiras in rationes non minus possibilitatis, quam actualitatis, attentionem tuam defigens in iis omnibus, in quibus defigenda, ut ambitum verborum Apostoli paucis multa comprehendentis obtutu comprehendas: quem esse no-

notio-

(u) von der Menschen Ebn und Laffen c. 3. §. 139. & seqq. (x) Jac. I. 17.

notionum istarum usum nuper (y)
ostendi.

§. 4. Nullum vero mihi dubium est, *Confir-*
omnia ista, de quibus diximus, men- *matio ex-*
ti Apostoli obversata fuisse, dum ver- *plicatio-*
ba illa scriberet ad Corinthios, in *nis ver-*
quæ hætenus commentati sumus. *borum*
Etenim verba sua per interrogatio- *Pauli con-*
nem proponit: cujus triplicem ratio- *rumque*
nem reperire licet. Primo enim in- *uberior*
terrogatio certitudinem loquitur, quæ *explica-*
erat Apostolo affirmanti nihil Corin- *tio.*
thios a se ipso habere, quod ullo mo-
do ad fidem referri possit: cum non
interrogasset, nisi prorsus convictus
fisset impossibile omnino esse, ut quic-
quam reperiat, quod sibi tribuere
queant circa fidem, ad quam a su-
perstitione Gentilium fuerant conyer-
si. Hæc vero Apostolo certitudo non
fuisse, nisi in singula, quæ ad fidei
atque ab eadem pendentium deter-
minationem requiruntur, mentis il-
luminatæ ac sanctificatæ aciem inten-
disset, ut non loqueretur nisi in se-
ipso experta. Altera interrogationis
ratio

ratio est, quod jubeat Corinthios sollicita mente inquirere in singula, quibus fides illorum & quæ ab eadem pendebant determinata fuerant, ut & ipsimet eadem certitudine intelligerent, se nihil illorum a seipsis habere, sed singula Deo, consequenter fidem totam quæque eam sequuntur omnia, accepta referri debere. Etenim hoc motivo uti debebant a superbia ad humilitatem, quæ Christianos decet, convertendi: constat vero motiva non urgere, nisi adsit cognitionis certitudo. Tertia interrogationis ratio est tacita Corinthiorum reprehensio, quod in re adeo evidenti attentionem suam desiderari paterentur. Neque enim ipsis opus erat nisi attentione ad pervidendum, nihil profecto in numero fidem & ad eam quomodocunque pertinentia determinantium reperiri, quod sibi, non Deo tribuere possent. Conversi nimirum modo erant ad Deum, ætate quidem adulta, qua sibi conscii esse poterant singulorum in præsentē negotio expendendorum, ut recens esset singulorum

ia: quæ etiam ratio est, ut
verbis utatur Apostolus tam
ideas in animis Corinthiorum
urus, cum enim divino spiri-
tus eadem protulerit, legem
æ divinæ sanctissime coluit.
frustra fieri permittit, ita ut
dversum foret vel unicum pro-
rbulum, quod sine, qui in-
tur sermone, salvo abesse po-
d quod per totam Scriptu-
ram observare licet, argu-
divinitatis ipsius evidentissimo.
s duæ priores in omni casu si-
m habent, ubi non sine ratione
atione utimur propositionem
enunciaturi: ratio autem
pecialis est & nonnisi in iis ca-
stinet, qui aliquid similitudi-
præsenti habent, scilicet ubi
quadam negligentia deficit at-
d ea, quæ observari facile po-
& quam maxime debebant.
am in altera quæstione, quam
Apostolus, si autem accepisti,
loriaris quasi non acceperis?
t eadem rationes. Nimirum
is indicat Apostolus certitu-
dinem

dinem sententiæ suæ, quod de iis, quæ accepimus, non autem nobismetipsis debemus, gloriari nequeamus. Jubet Corinthios expendere sententiam suam, annon eidem assentiri teneantur nihil prorsus repicientes, quod adversus eam excipere queant. Nec minus eosdem tacite reprehendit, quod in re adeo manifesta patiantur desiderari attentionem suam, ut pudore suffusi vitium corrigant. Constat enim ex moralibus, pudorem esse medium avocandi a vitiis, quamdiu quis nondum omnem pudorem exuit inter homines malitiosos eminens. Sed redeamus ad id, unde digressi sumus: ostendendum nobis est, Apostolum ad singula illa respexisse, in quæ vi notionis directricis attentionem nostram direximus. Rationi igitur a modo enunciandi desumptæ jungimus alteram, quam ex intentione Apostoli derivamus. Quæstio altera aperte loquitur, propositum ipsi fuisse avocare Corinthios a superbia spirituali, qua alius præstare ob fidem sibi videbatur alio. Utendum igitur erat motivo, sine quo

itas minime flectitur. Mo-
ostolo commodum videba-
l nihil ad fidem quomodo-
rtinens a se ipsis habeant,
Deo accepta referre debe-
nvero motiva tum demum
uando singula, quæ in ide-
continentur, quasi coram
, ita ut eorum vis cum cla-
evidentia crescat. Ecquis
itet, non aliud egisse Apo-
quam ut Corinthiis in me-
vocaret singula, quæ in fi-
terorum inde pendentium
tionem modo quocunque
it, ut ea perpendentes in-
, nihil eorum eos habere a-
ed singula Deo accepta refe-
e. Nemo enim nobis per-
aut non satis intellexisse A-
divino spiritu afflatum mo-
quo utebatur, aut cum no-
dem tribuere vim omnem,
habere poterat. Tum vero
immutum censendum erat,
illis perpensis, quæ inter de-
itia fidei ac ceterorum inde
ium referri possunt, faten-
(*subf.* 1729.) Kk dum

dum erat, nihil eorum hominem habere a seipso.

Interpre-
tatio ex-
terius
sen am-
pliatio
verbo-
rum PAU-
li.

§. 5. Ex rationibus adductis, quibus nexus verborum *Pauli* ostenditur, apparet, quæ de fide Corinthiorum dicuntur, ea ad fidem alterius cujuscunque applicari posse. Rationes enim istæ fuere tales, ut ad Christianum quemcunque transferri possint. Quamobrem citra omnem difficultatem ex doctrina superiori generalia de fide theorematata conduntur, ex quibus tandem simul sumtis colligitur, hominem circa fidem nihil sibi tribuere posse, sed omnia Deo boni omnis datori accepta referre debere. Et profecto hanc verborum suorum ampliationem Apostolus haud obscure ipsemet indicat, dum quæstionem suam in singulari & in genere proponit, tanquam ad hominem quemcunque christianum directam. Neque enim Corinthios allocutus quærit: Quid habetis, quod non accepistis? sed, quasi sibi cum omni homine res sit, interrogat: Quid habes, quod non accepisti? Ecce igitur rationem, quæ fuit Apostolo, cur in singu-

singulari quæstionem suam proponat, cum tamen Corinthios omnes, quotquot a superstitione gentilium ad Deum conversi fuerant, alloquatur. Neque vero hæc unica est verborum *Pauli* ampliatio: sed ad notiones directrices attentus intelligis, in genere verum esse, quod ens nullum habeat quicquam, quod non a Deo acceperit. Quicquid enim enti inest, id vel inter essentialia, vel attributa, vel modos locum habet (z). Essentiam & existentiam ens omne habere a Deo, ex Theologia naturali constat, & in sacris litteris docetur. Attributa cum essentialibus indivulso nexu coherent, ut posito uno alterum simul ponatur (a). Quamobrem cum ens omne a Deo essentiam habeat, ab eodem quoque habere debet attributa. Modorum possibilitas five proxima, five remota inter attributa continetur (b). Quamobrem de eadem valent, quæ de attributis modo diximus. Actualitas modi cum pendeat a causis extrinsec-

Kk 2

cis.

(z) §. 149. Ontol. (a) §. 146. 120 Ontol.
 (b) §. 162 & seqq. Ontol.

cis coëxistentibus (c); ideo enti unicuique hi potius insunt modi, quam alii, &, si ad omnes modificationes successivas respicias, hæc potius est quam alia modificationum series, quia in serie rerum contingentium, quæ existit, hunc potius locum obtinet quam alium: id quod ex principiis cosmologicis apertius demonstrari potest, in exemplis autem obvium prorsus est. Neque enim alia re opus est, quam ut quis mentis suæ aciem in seipsum convertens videat, quomodo a circumstantiis externis pendeat, ita ut multa aliter sese haberent, nisi his & nunc vixisset. Enimvero omnis rerum coordinatio & subordinatio Deo ex toto adscribenda, consequenter modorum quoque actualitas ei tribuenda. Atque sic generatim non de homine modo, verum etiam ente omni palam fit, quod nihil habeat, quod non acceperit a Deo. Quodsi dubium movere videatur libertas hominis, ita ut sibi tribuere posse quis existimet, quæ a libertate sua pendent; is perpendat velim,

velim, se non modo libertatem a Deo habere, sed ad libera sua decreta formanda uti quoque motivis a rebus coexistentibus: id quod adeo obvium est, ut plura in eam rem dicere nil attineat. Neque dubitandum est, hanc quoque verborum suorum ampliationem indigitari ab Apostolo. Etenim quaestionem movet generaliter, quid habes, quod non accepisti? etsi ipsi potissimum sermo esset de fide ac iis, quæ ab eadem pendent. Dumque propositionem suam, nihil habere hominem, quod non acceperit a Deo, per interrogationem enuncians certitudine sententiae suæ confidit, tanto autem major certitudo est, quod a priori in genere de omni ente ostendi possit, nihil ipsum habere posse, quod non aliunde acceperit; dubium sane non est, autorem omni lumine usum, quo ad veritatem pervidendam opus est, ad id quoque attendisse & verborum suorum amplitudinem plenissime perspexisse. Absit igitur ut quis existimet, nos verbis Apostoli ampliorem tribuere sensum, quam qui iisdem

Kk 3 inest.

ineft. Obiter monemus apparere jam modum, quo verborum Scripturæ ampliatio conveniens interpretatione extenſiva reperiatur.

*Vfus ex-
plicationis
non no-
ſtra.*

§. 6. Accuratam analyſin verborum Apoſtoli, ad quam nos manu ducunt notiones directrices eorumque iisdem ducibus factam ampliationem non ſua deſtitui utilitate ex ipſa antecedente tractatione lectori attento & acumine ſufficiente utenti palam eſſe poteſt. Vidimus Apoſtolum veritatem theoreticam, quod homo fidem totam Deo acceptam referre teneatur, uti tanquam motivo humilitatis & remedio adverſus ſuperbiam ſpiritualem, qualis & Chriſti ævo Phariſæorum erat, & hodiernum Phariſæorum ab inferis excitatorum eſſe ſolet. In philoſophia autem morali veriori hoſpes ſit neceſſe eſt, qui ignorat, motiva fortius flectere voluntatem, ubi diſtincte evolvitur, quod in iisdem continetur, & hoc ipſo evidentia veritatis multo illuſtrior efficitur. Nec minus hoſpes in eadem ſit opus eſt, qui nondum novit, remedia adverſus vitia fortius mentem ab eadem alienare, ubi notione, quantum fieri poteſt

potest, adæquata exhibentur. Et sane ipsum Apostolum idem sensisse, ex ejus intentione paulo ante collegimus. Usus adeo egregium præstat ista verborum Pauli analysi, ubi quis eam ad se statumque suum in singulari applicat, ut in seipso singulorum veritatem experiatur: id quod denuo intentioni Apostoli convenire ex antecedentibus liquet. Et quia verba Pauli per interpretationem extensivam ad ens omne in omni casu transferri possunt; haud obscure intelligimus eodem motivo humilitatis in omni casu nos uti posse & idem esse remedium adversus superbiam vel fastum quemcunque in casu quocunque eodemque singulari. Hunc usum esse prorsus egregium nemo diffitebitur, cui cognitum perspectumque est, quam sit homo ad fastum pronus, quo se super alios effert eosque contemnit, & quanta zizaniorum seges ex semine isto nascatur. Habet autem motivum hoc aliquid singulare, quod, cum universale sit, in applicatione tamen nonnisi singularia admittat: id quod inde est, quia expenduntur rationes, quibus &

possibilitas in dato casu singulari proprius, & actualitas tandem ejus determinatur, ob quod animus hominis effertur. Atque hinc porro consequimur, ut eodem non sine successu uti detur, etiamsi res ipsa talis sit, ob quam homo sese efferre non habebat opus, neque tamen opus sit initio corrigi errorem ejus. Et enim ubi factus fuerit beneficio motivi generalis ablati, nunc multo facilius error circa objectum corrigitur, cum sit jam attentior, nulla animi commotione attentionem amplius impediens, atque ad utramque contradictionis partem indifferens, cessante nimirum ratione, ob quam ad affirmativam assensus erat jam quodammodo prædeterminatus, antequam discussio fieret, ita ut in veritatem inquisiturus anxio desiderio teneretur veritatis in parte affirmativa inveniendæ. Ex his profecto ratio quoque perspicitur, cur Apostolus generali usus fuerit motivo, non autem speciali ab objecto desumpto ostendens fidem eam esse, quæ hominem ad humilitatem impellere debeat, minime autem ex illorum numero, quæ factum

factum inspirare queant: quod sese ita habere haud difficulter non uno modo probari potest. Quoniam vero institutum nostrum non ad alium scopum tendit, quam ut exemplis usum philosophiæ nostræ doceamus; nullus quoque dubito fore, ut ex hac ipsa tractatione perspiciant philosophiæ principiis imbuti, quid sibi in aliis casibus sit agendum. Iter enim, quod per præcepta longum est, per exempla breve. Porro cum hæc ipsi tractationi multa universalia insint, qualia sunt rationis sufficientis perve- stigatio, interpretatio extensiva vi universalitatis rationis agnitæ facta, vis motivorum & remediorum in mente ad objectum vel inclinanda, vel ab eodem reclinanda, applicatio veritatum theoreticarum ad emenda- tionem voluntatis & alia bene multa attento ac perspicaci lectori obvia; si quis ad ea respicere velit, amplis- simus contemplationum utilium cam- pus aperietur, in quem tamen nobis exspatiari non licet, cum in verba Apostoli integrum commentarium conscribere nobis minime proposue-
rimus

rimus, neque adeo sensus, qui eorum est, amplitudinem omnem emetiri teneamur. Obiter monemus, expendendam hic esse verborum Scripturæ Sacræ amplitudinem, quæ magis lectori patet, quo in veritatis cognitione factus fuerit provectior, ut adeo hinc intelligatur quid sibi velint Apostoli, dum nos in cognitione crescere quotidie jubent, etsi non novæ revelentur veritates. Addimus usum philosophiæ nostræ ac methodi philosophandi in amplitudine istius sensus demonstrativa quadam ratione adstruenda, ut adversus quascunque Antiscripturariorum objectiones clarissime defendi possit.

IV.

De notione Sanitatis.

§. I.

*Institu-
tum Au-
toris,*

Medici in sanitate definienda non prorsus conveniunt. *Galenus* (d) sanitatem vocat naturalem omnium partium constitutionem & dispositio-
nem

(d) de diff. morb. c. 2. f. m. 2.

nem secundum naturam actionum naturalium autorem esse observat (e). *Daniel Sennertus*, gravis in Arte Medica autor, (f) eam definit per potentiam corporis humani eas, quæ secundum naturam sunt, actiones exercendi, a partium omnium naturali constitutione proveniens. Celebrissimus in Academia Lugdunensi Medicus, *Hermannus Boerhaave* (g), Sanitatem esse ait facultatem corporis aptam omnibus actionibus perfecte exercendis. *Fridericus Hoffmannus*, Medicus in Academia Halensi non minus celebris (h), sanitatem definit per vigorem actionum tam corporis, quam animi, a temperato & libero solidorum ac fluidorum motu sanguinisque & humorum temperie, neque minus a convenientibus secretionibus & excretionibus dependens, hancque definitionem realem esse pronunciat, propterea quod non tantum formalem ejus rationem, quæ in vigore actionum animi & corporis con-

(e) de differ. Symptr. c. 1. (f) in Instit. Medic. lib. 1. c. 3. (g) in Instit. Medicis §. 695. (h) Medic. rat. Tom. 1. sect. 2. c. 1. §. 1. p. 503.

consistat, sed & veras ejus causas complectatur. *Michaël Ettmüllerus* (i) sanitatem breviter definit per vitæ integritatem, vitam vero in machinæ hydraulico-pnevmaticæ, quæ corpus humanum est, motu seu actuatione consistere affirmat. *Thomas Campanella* (k) Sanitatem definit per vitæ fruitionem seu conservationem; vitam vero per solidarum, humidarum & spiritualium partium consensionem, mutuis officiis usibusque contentam in animali esse per calorem innatum. Possemus plures in medium afferre definitiones, nisi eas, quas attulimus, satis superque docerent, Medicos in sanitate definienda non prorsus consentire videri, saltem non eum apparere consensum, qui est Geometrarum in triangulo vel Quadrato definiendo. Quodsi ergo quæsiueris, qua ratione ad genuinam sanitatis notionem perveniatur & quomodo ejus beneficio definitiones Autorum dijudicentur & inter se concilientur; nostrum

(i) in *Medico Theoria & praxi generali instructio Physiol.* c. 3. §. 6. p. 31. (k) *Medicinal.* lib. I. c. 2. §. 5. p. 4.

strum est docere, quemnam in hac disquisitione usum præstet philosophia.

§. 2. Sæpius jam monuimus noti- *Modus*
 ones rerum non esse ex verbis Auto- *perven-*
 rum, sed ex rebus ipsis desumendas, *endi ad*
 etsi verba Autorum hunc possint haud *notionem*
 raro præstare usum, ut intelligamus, *Sanitatis*
 in quamnam rem attentionem no- *limasam.*
 stram dirigere debeamus: id quod
 etiam in præsentē casu obtinet, ubi
 quolibet fere definitio insinuat, con-
 siderandas esse partes corporis nostri,
 quatenus certis functionibus desti-
 nantur, & ad communem sermonem
 attendentes, quo Sanitatis quendam
 defectum a nobis observari dicimus,
 si ad negotia consueta obeunda nos
 ineptos deprehendimus. Quamob-
 rem vi regularum, quas de notione
 distincta rei perceptæ formanda dedi-
 mus (l), de partibus corporis quoad
 functiones tot formanda sunt judicia
 generalia, quot formare datur (m),
 & ea retinenda, quæ constantia sunt.
 Agedum itaque! contemplemur pau-
 lisper

(l) §. 675. Log. (m) §. 669. Log.

lisper corpus nostrum, ut appareat, quanam notionem sanitatis ingredi debeant. Corpus nostrum constat ex variis partibus organicis, quas Anatomia in conspectum producit, et si exterius non appareant omnes. Satis etiam superque constat, omnes corporis partes suas habere functiones, & quæ ad eandem speciem pertinent, functiones habere similes: id quod jam olim *Galenus* integro Tractatu de usu partium docuit, Anatomici & Physiologi docent omnes, & nos quoque in Tractatu de usu partium patrio idiomate nuperrime recuso clarissime evicimus. Exempli gratia oculus destinatur ad videndum, auris ad audiendum, ventriculus ad cibum digerendum, cor ad motum sanguinis continuum in vasis conservandum, pulmones ad respirandum, ut adeo partes singulæ a se invicem diversæ diversas habeant functiones. Musculi omnes sunt organa ejusdem speciei; sed omnium quoque eadem functio est: destinantur enim in universum omnes ad motum organorum producendum. Ita oculo dati sunt

sunt musculi, quibus bulbus in varios situs moveri potest: sunt sui manibus, sunt sui singulis articulis digitorum musculi, quibus motus manuum & digitorum diversi perficiuntur. Constat præterea unumquodque organum, seu unamquamque corporis animalis partem, vi structuræ suæ esse aptam ad functionem suam. Ita oculus vi structuræ suæ aptus est ad videndum: id quod & a priori demonstrarunt Optici, & experimentis comprobarunt Physici. Similiter cor vi structuræ suæ aptum est ad motum circulationis sanguinis conservandum, quemadmodum in Physicis docetur. Et ex principiis nostris metaphysicis in genere demonstratur, omnem corporis partem, qualiscunque tandem illa sit, per structuram suam ad eam functionem esse dispositam, quæ ab ea proficiscitur, nec aliam ab eadem proficisci posse, nisi ad quam per structuram suam apta est. Ex iisdem principiis constat, dari quoque principium quoddam activum in corpore, quo functionum istarum actualitas determinatur, &
in

in Physica inquiritur, quale sit illud principium. In præsente autem casu perinde est, qualecunque tandem fuerit. Haud obscure itaque ex his perspicitur similitudo corporis humani cum machina, veluti cum horologio : quamdiu enim in similitudine generali subsistis, perinde est, cum quacunque tandem machina corpus humanum contuleris. Singulis machinis commune est id, ob quod corpus humanum machina dici solet. Non inutiliter autem instituitur hæc comparatio, cum sic idea, in quam animi attentionem dirigere debemus, multo fiat clarior, atque animus ipse dirigatur ad ea, in quibus attentio defigenda, ne per ambages demum quærenda sint, aut prorsus frustra quærantur, immo cum peregrinis confundantur. Enimvero intueamur paulo propius istam similitudinem. Constat horologium variis partibus, quarum unaquæque ad actionem aliquam vi structuræ suæ apta est : ita rota una impellit alteram eamque certa quadam ratione movet, quia hanc habet figuram, non aliam. Adest præ-

præterea vel elater, quemadmodum in horologiis portatilibus, vel pondus, quemadmodum in ceteris majoribus, quod subit vicem principii activi, & a quo motus actualitas dependet, ut unaquæque pars agere actu possit, ad quod agendum per structuram suam apta deprehenditur. Quoniam itaque in præsentē corpus humanum non consideramus nisi sub eo schemate, quod in ipso etiam horologio perspicimus, ita ut horologium eidem substitui possit, ne multitudo peregrinorum nos confundat; expendamus, quinam status horologii concipi possint, quatenus ut machina consideratur: eosdem enim in corpore quoque humano concipi posse dubitandum non est, cum horologium & corpus humanum, quatenus tanquam machinæ spectantur, tanquam duæ species sub eodem genere contineantur; consequenter quod de genere abstrahitur ab una specie, idem etiam ad alteram recte transferatur. Quod si quæsieris, cur notionem sanitatis investigaturi ad status corporis a se invicem di-

(Hor. subs. 1729.) Ll fcer-

scernendos animum advertamus: ratio haud obscura est. Etenim sanitas in numero eorum est, quæ mutari possunt, & tollitur, mutationibus in corpore factis, consequenter per mutabilia intrinseca constituitur. Est igitur status quidam corporis internus (n). Quamobrem cum extra omnem controversiam positum sit, genus in definitione sanitatis collocandum esse statum corporis internum; id unice agendum nobis est, ut differentiam hujus status ab aliis, qui in idem corpus cadunt, investigemus: id quod comparatione cum horologio facta optime nos consecuturos speramus.

*Qualis
notio Sa-
nitatis
analyticae
eruat.*

§. 3. Quamdiu horologii motus continuari potest, ut ad eum non prorsus ineptum deprehendatur; duplicem in eo distinguere licet statum. Aut enim singulae partes ita comparatae sunt, ut ad usum, cui destinantur per sui ac horologii structuram, aptae sint, sicque motus ille regularis produci possit, quo tandem index regulariter circumducitur: aut una

vel
(n) S. 705, 706. Ortel.

vel altera pars ita sese habet, ut ad usum, cui destinatur, inepta sit, neque adeo amplius ea prorsus ratione moveri queat, qua initio movebatur, cum nihil in ea desideraretur. Nul- lum sane dubium est, quin in corpus humanum duplex iste status similiter cadat. Etenim is in horologio ob- tinet, non quatenus horologium est, sed quatenus ex variis partibus com- ponitur, quæ vi structuræ suæ ac modi, quo invicem combinantur, ad certos usus exequendos aptæ sunt, ut finis aliquis in toto horologio obtineatur. Quare cum corpus etiam animale ta- le sit, quemadmodum paulo ante (§. 2.) docuimus; in eodem quoque du- plex iste status locum habere debet. Aut igitur is est corporis animalis sta- tus, quo partes singulæ ita sese ha- bent, ut ad usum, cui destinantur, per sui ac corporis structuram aptæ sint, sicque munia ista obire possint, quibus corpus fines constitutos conse- qui valet: aut una vel altera pars ita se- se habet, ut ad usum, cui destinatur, inepta sit, neque adeo amplius mu- nere suo defungi possit, quo in fines

corpori toti præscriptos influit. Duo hi status sibi invicem repugnant, ita ut simul in eodem subiecto reperiri nequeant: ex iisdem autem alteruter semper obtinere debet, quod nemo non admittere tenetur, nisi in primas notiones impingere velit. Ecquis vero jam dixerit, corpus tunc dici sanum, quando pars una vel altera inepta est ad munus suum obeundum, cui destinatur? Quis v. gr. oculum dicet sanum, quando ad videndum ineptus deprehenditur? Quis ventriculum dicet sanum, quando ad cibos digerendos parum aptus observatur? Quis manum dicet sanam, quando non sine dolore movetur, aut is ejus status est, quo motus quidam alias possibiles prorsus consequi nequeunt? Sanum igitur erit corpus eo in statu, quo partes singulæ ad munia sua obeunda apta deprehenduntur. Quamobrem sanitas definitur per statum corporis, quo singulæ ejus partes ad usus suos omnes, quibus destinantur, aptæ sunt. Definitio hæc statum corporis sani a statu aegroti seu non sani distinguit, atque

notio sanitatis completa est. ro etiam sit foecunda, mox us disertius. Notandum ver- corpus animale in eo differre ogio, quod partes ipsius sint achinæ, quibus sui præstitus, & hæ denuo ex machinis onantur. Nemo hoc igno- ex Anatomia fabricam cor- ani perspexit & singulorum isum cognovit. Legat no- usu partium tractatum Ger- diomate conscriptum, qui ic ignorat: neque ullus du- , ut attentione ad singulo- n horologio similitudinem a totus in nostram senten- tinus abeat. Sanitas igitur o corpore, & de singulis ejus prædicatur, cum status iste, us integrum sanum dicitur, is quoque partes conveniat, in se, non tanquam partes considerantur. Nec abhor- a communi loquendi usu. oculum dicimus sanum, ven- sanum appellamus, perinde i corpus, & vocabulum sa-

nitatis in utroque casu eodem prorsus fumitur significatu. Quando enim sanitatem de oculo prædicamus, eum ipsius statum designamus, quo singulæ oculi partes ita sunt dispositæ, ut visioni inserviant, cujus gratia structuram oculi ingrediuntur. Et similiter ventriculum sanum dicimus, quando cibos bene digerimus, consequenter eum per sanitatem indigamus ipsius statum, quo partes singulæ ad eas functiones aptæ sunt, quibus ciborum digestio absolvitur. Notandum vero præterea est, integrum corpus humanum perinde ac quodvis ejus organum in eo a machinis artificialibus, veluti horologio, differre, quod multiplex machina sit ob diversos fines simul consequendos. Ita oculus machina optica est, quatenus est organon visorium; idem vero machina hydraulica est, quatenus fluida ad singulas oculi partes vehit ac revehit; idem aliarum machinarum rationem habet, quatenus spectatur ut pars corporis vivi, adeoque aptus est ad sui conservationem. Quemadmodum itaque oculus sanus dicitur, quatenus

tenus est machina optica, dum singulæ partes aptæ sunt ad visionem efficiendam; sic similiter idem sanus dicitur, quatenus est machina hydraulica, dum singulæ partes ita constitutæ sunt, ut motus fluidorum nullo prorsus modo impediatur, sed singula libere fluant ac refluant: immo idem oculus dicitur sanus, quatenus est pars corporis vivi, dum omnes ipsius partes ita constitutæ sint, ut ad conservationem totius oculi tendant. Multiplicem istum respectum qui non attendit, non modo in difficultates incidit, quas evitare potuisset nullasque deprehendisset, siquidem animum ad illum advertere voluisset; verum etiam sibi ipsi obstaculo est, quo minus notionem sanitatis adæquatam adipiscatur.

§. 4. Ista sanitatis definitio utique *Qualis sit illa sanitatis notio.* tantummodo nominalis est, cum non nisi per eam constet, vocabulum hoc non esse sine mente sonum, propterea quod ex Anatomia & Teleologia constet, statum istum corporis esse possibilem. Sufficit autem in *systemate* nominalis definitio, cum ex ea

omnia deduci possint, quæ notionem sanitatis ingrediuntur. Immo necessarium est ut in systemate hic ordiamur a definitione nominali, quia hæc maxime obvia est, nec res ipsa in controversiam adduci potest, quod autem eam hoc nomine insignire velis prorsus arbitrarium, neque etiam difficulter probatur, significatum non abhorrere a communi usu loquendi. Quodsi objicias eam esse nimis abstractam, nec ea continere, unde in omni casu sanitas agnosci & dijudicari possit: notionem rei cum definitione confundis, nec ea, quæ ad definitionum applicationem spectant, distincte expendis. Utrumque non ignorat, qui in Logica veriori, qualem dedimus, satis versatus fuit. Cum enim notionem rei ingrediantur prædicata ejus quæcunque, sive absoluta, sive hypothetica; in definitionem tamen non admittuntur nec plura, nec pauciora, quam quæ ad eam agnoscendam & ab aliis distinguendam sufficiunt (o). Definitionem applicaturus ostendere debes, ea quæ in ipsa

con-

(o) §. 153. Log.

continentur omnia rei obviæ inesse : non autem opus est, ut intuitiva cognitione pateat, quod insint; sed sufficit idem quacunque ratione demonstrari. Certus esse debes, quod ea subiecto insint, quæ definitionem ingrediuntur : parum autem refert, quocunque tandem modo ad illam certitudinem perveneris (p). Ceterum non video, cur mirum cuique videri debeat, definitionem sanitatis terminis concipi admodum generalibus: vidimus enim eam prædicari & de toto corpore, & de singulis ejus partibus non simplici, sed multiplici respectu, immo de partium corporis partibus absolute consideratis, tum etiam ad corpus relatis, & quidem respectu usus, quem unicuique ad obtinendos fines totius corporis Naturæ Autor tribuit. Partes illæ non nisi in generali mechanismi notione inter se conveniunt & singulorum usus diversi sunt, nec nisi in generali quadam notione iidem sunt, quatenus nempe tanquam media iisdem finibus subordinantur & rationem pos-

Ll 5

sibi-

(p) §. 1218. Log.

sibilitatis sufficientem cum remotæ, tum proximæ in ipsa partium notione habent. Status igitur singulis istis respectu usus unicuique proprii communis nonnisi terminis generalibus concipi potest. Tantum vero abest, ut hoc obftet vel claritati, vel foecunditati definitionis, ut potius utrique hac ratione omnium optime consulatur. Etenim cum termini generales tanquam abstracti nihil in notionem, quam designant, admittant, nisi quod ab omni alieno fuerit prorsus separatum; ubi definitionem ad exemplum speciale applicas, ut claritatem consequaris, definitioni generali tanquam directrici acceptum referre debes, ne attentionem dirigas nisi in ea, quæ ad notionem sanitatis trahenda sunt, quasi cetera non adessent. Et quoniam iidem termini generales in ontologicos resolvuntur, quibus notionem directrices respondere me nuper (q) ostendisse memini; postquam a nobis principia ontologica ad notionem fixas & determinatas sunt reducta, ut habeant in ratiocinando

ulum,

(q) in Trimestri vernali Num. III.

usum, earum ope definitio ad plurima invenienda & accurate demonstranda interserviet, quæ alias vel attentionem nostram subterfugerent, vel minus concinne enunciarentur, vel principiis parum convenientibus probata dubiis implicarentur.

§. 5. *Galenus* (r) via analytica in ^{Consen-} notionem sanitatis inquit, sumens ^{sus Auto-} principium omnium consensu appro- ^{ris cum} batum, quod omnes homines tunc ^{Medicis} se sanos existiment, cum partium ^{quantus} corporis ministerio ad eas, quæ in vita necessariae sunt, actiones, sine aliquo vitio perfungi potuerint. Unde tandem colligit, sanitatem esse naturalem omnium partium constitutionem, quemadmodum supra annotavimus. Quod igitur *Galenus* in definitionem admittit, id ex nostra definitione necessario consequitur. Et enim in superioribus (§. 2) jam observavimus, omnem corporis partem, qualiscunque tandem illa sit, per structuram suam ad eam functionem dispositam esse, quæ ab ea proficiscitur, nec aliam ab eadem proficisci posse,

(r) de differ. morb. c. 2. f. 2. cl. III.

posse, nisi ad quam per structuram suam apta est, darique in corpore principium activum, quo functionum illarum actualitas determinatur. Quare si sanitas is fuerit corporis status, quo singulæ ipsius partes ad suas functiones aptæ deprehenduntur (s. 3), quamdiu corpus sanum est, partes omnino omnes ita constitutæ esse debent, qualis respectu finis totius corporis ipsarum constitutio requiritur. Ita ventriculi functiones sunt cibi digestio & in intestina expulsio, quibus ad finem totius corporis, quatenus corpus vivum est, ejus scilicet conservationem concurrunt. Quod si ergo ad has functiones aptus est, ita omnino constitutus esse debet, ut & cibos digerere, & digestos in intestina expellere possit. Et hanc naturalem ipsius constitutionem vocat *Galenus*. Ex iis autem, quæ a nobis clarius dicta sunt, perspicitur, unde naturalis constitutio æstimanda veniat, scilicet ex usu uniuscujusque partis, quem habet vi finis totius corporis. Ex fine enim totius corporis

colligitur, qualis esse debeat
cujus organi, nempe ut sit
finis obtinendi, adeoque
contineat rationis, cur finis
consequatur, veluti ut in præ-
u ex digestionem cibi ac ejus in
facta expulsionem intelligatur,
lo id serviat corporis conser-

Non igitur a *Galeno* dissen-
sed a superiori saltem prin-
cipio sumus, vi cuius definitio
is sanitatis cum principiis
icis ita connectitur, ut, quæ
tione *Galeni* obscuriora vide-
ant, luce sua collustrentur.
us vestigia *Galeni* pressit, nec
Barvius dereliquit, & ex nostra
supplentur, quæ ab iis omissa
oterant, atque explicantur, quæ
liquam expectant. Etenim or-
n functiones, in quibus ipso-
is consistunt, non in solis actio-
consistunt, sed passionibus simul
nt. E. gr. ad actum visionis non
iones oculi requiruntur, ve-
am passionibus ab agente extrin-
amine in transitu per humo-
hrySTALLINUM refracto. Et si
ris, quænam actiones sint se-
cun-

cundum naturam & quænam constitutio sit naturalis; quid responderi debeat, modo diximus. Cumque exercitium actionum perfectum *Boerhavii* re ipsa conveniat cum *Sennerti* exercitio actionum secundum naturam & ejus dependentia a naturali partium constitutione, quoniam dum invaluit nos confuse percepta exprimendi terminis diversis, etsi eadem sint, prout unusquisque hos aliis ob familiaritatem clariore experitur; ideo perfectum quoque exercitium actionum non aliam admittit distinctam explicationem, quam quæ a consensu usus organi cum fine totius corporis, quem non unum esse alibi demonstravimus(t), derivatur. Nul- lum igitur mihi dubium superest, quin eadem sanitatis notio viris in arte Medica summis obversata fuerit, quam ego exposui, etsi non iisdem proflus verbis eam expresserint, quibus nos uti sumus. Enimvero nimis a nostra definitione abire videtur *Ettmüllerus*, dum sanitatem per vitæ integritatem definit. Sed nobis non desperandum

(t) Vom Gebrauch der Theile s. 1. & seqq.

esse videtur de conciliatione
 nis *Extmülleriana* cum nostra.
 ratem ita definivimus, ut co-
 lu ad corpus totum & singu-
 s partes applicari possit, pro-
 uod communis usus loquen-
 ut sanitatem perinde de fin-
 poris organis, ac de corpo-
 prædicemus, immo sanitas
 rporis ex sanitate singularum
 simul resultet. Vulgo au-
 ratem ad solum corpus totum
 tionibus restringunt Medici,
 modum definitiones superi-
) adductæ omnes palam lo-
 . Ratio etiam manifesta est
 ioribus, quod nimirum non
 int ad differentiam, quæ in-
 hanismum corporis animalis
 anismum artificialem inter-
 Jam quando sanitas de orga-
 o corporis prædicatur, eum
 tum designamus, quo singu-
 s ita dispositæ sunt, ut infer-
 consequendum finem totius
 ejus gratia structuram in-
 tur. Quamobrem sanitas
 corporis totius dici potest
 ejus

ejus ipsius status, quo singula ipsius organa seu singulæ ejus partes ita dispositæ sunt, ut inserviant ad finem totius corporis, cujus gratia structuram corporis ingrediuntur. Quoniam itaque vita est finis totius corporis, cum quo ceteri connexi sunt; per sanitatem totius corporis intelligi potest ejus status, quo singulæ partes ita sunt dispositæ, ut vitæ corporis inserviant, seu eos usus habere possint, quos in corpore vivo concipere licet. Et hæc idea *Ettmüllero* obversata fuisse videtur, dum sanitatem dixit vitæ integritatem. Si enim pars aliqua corporis ita disposita non est, ut ejus in eodem sit usus, qualis in corpore vivo esse debet, inepta ad motus ipsi convenientes, vita integra esse non videtur, cum perinde sit ac si ea in parte vita deficeret. Consultius tamen judicamus clarius enunciari, quod tanquam principium ad ulteriora colligenda inservire debet. Magis scopum nostrum ferit definitio *Campanella*, sanitatem per vitæ conservationem definientis, cum vitæ conservatio sit

finis

finis corporis humani, a quo pendent ceteri, & in corpore sano omnes partes ita dispositæ sint, ut suo unaquæque usu eidem serviat. Ex tentata definitionum de sanitate reconciliatione pater, non tantum esse inter viros egregios in re dissensum, quantus in verbis eorum apparet. Quando nostro more philosophabuntur, significatibus terminorum fixis introductis, cum facultate bene cogitandi facultatem bene eloquendi conjungent, nec tot amplius comparabunt in scriptis virorum insignium errores, quot nunc sibi in iisdem deprehendere videntur de dissensu ex diversitate vocabulorum statuentes.

§. 6. Satis patet, quantus sit nobis *Quomodo*
cum Medicis primi ordinis consensus. *notio sa-*
Ostendendum porro est, quam sit de- *nitatis*
finitio nostra fecunda. Primo igitur, *evolva-*
tur notamus loco, eam commodè
inservire evolutioni notionis sanitatis,
ut quantumlibet distincta & adæqua-
ta obtineatur. Sanum est corpus
nostrum, quando singulæ partes aptæ
sunt ad usus suos omnes, quibus de-
stinantur. Quamobrem in genere pa-
(*Hor. subs. 1729.*) M m tet,

tet, ope Anatomix addiscendum esse, quot & quanam sint partes corporis animalis & ex quibusnam hæ denuo componantur. Ope observationum & experimentorum anatomicorum detegendus est usus singularum partium & ejus a priori ex ipsa partis essentia ac fine totius corporis, cui servit, reddenda est ratio: id quod imprimis eo in casu apprime necessarium, ubi usus a posteriori vel non satis certo, vel non distincte satis patet, in omni autem casu certitudinem cognitionis auget. Jam partes corporis organicae sunt & qua materiam mixtae. Usus igitur habent a structura & eodem inserviunt fini corporis vi structuræ totius corporis, hoc est, vi modi, quo organis aliis junguntur. Ut autem perdurent, mixtio materiae, ex qua constant, salva esse debet. Quamobrem per structuram suam aptæ sunt ad suos usus, & per modum, quo una alteri jungitur, aptæ sunt ad promovendum finem totius corporis, & tamdiu aptæ permanent, quamdiu mixtio materiae non ita immutatur, ut usus partis impe-

impediatur, vel corrupta materia prorsus tollatur, & quamdiu causa nulla supervenit, quæ passiones & actiones partis ad functionem requisitas sufflammat. Hinc omnino liquet, ut corpus sit sanum, & structuram totius corporis & singularum ejus partium, & materia, ex qua eadem constant, mixtionem salvam singulasque a causis accidentalibus, quibus earum actiones ac passiones turbantur, liberas esse debere. Ceresse machinam hydraulicam, cui circulatio sanguinis per pulmones totumque corpus debetur, nemo hodie ignorat, qui in Anatomia & Philosophia corporis humani non prorsus hospes est. Vi structuræ suæ sanguinem per venas affluentem in ventriculos suos admittit eumque rursus in arterias magno impetu expellit. Ut autem hoc suo munere defungi queat, a modo utique pendet, quo venarum atque arteriarum systemati jungitur. Quodsi structura cordis læditur, v. gr. ventriculo alterutro transverso, aut modus, quo venis atque arteriis jungitur, tollitur, veluti si

ponamus arteriam magnam prope cor refecari; cor ad usum suum erit ineptum. Similiter si ponamus musculofam cordis substantiam inflammari ac ita intumescere, ut contrahi amplius nequeat; sanguini expellendo ineptum erit. Quod si denique ponamus ulcere quodam destrui materiae mixtionem, nec in hoc casu ad motus suos continuandos aptum erit. Exempli causa hæc ita ponimus, ut dictis sua constet claritas. Ceterum cum insuper principium activum requiratur, ut, quæ vi structuræ suæ ac totius corporis qualitatūque materiae possibiles sunt actiones ac passionēs, actu contingant, quod naturæ nomine compellarunt veteres & alio tempore a nobis distinctius exponetur; ad idem quoque in aptitudine partium ad suos usus respiciendum esse superius jam annotavimus. Ita sola structura cordis non sufficit ad systolen atque diastolen suam peragendum, cum utraque per eam nonnisi possibilis intelligatur: ut vero actu fiat, principio activo opus est, quod qualecunque tandem fuerit, in præ-

senti

fenti nobis perinde est. Quodsi jam principium istud activum alterari possit, ut vel vis ad movendum augeatur, vel minuatur; motus quoque cordis non erunt ordinarii, quales ad finem corporis consequendum requiruntur. Quodsi impediri possit, ut in cor prorsus non influat; ipsum per modum instrumenti sese habet, seu per modum antliæ non agitatur, neque munere sibi demandato amplius fungetur. Atque jam apparet, quomodo investigandus sit status corporis, quem secundum naturam esse dixerunt veteres, ut sanitatis notionem distinctam & quantumlibet adæquatam adipiscamur. Ita vero porro intelligitur, quam necessarium sit Anatomix ac Physiologiæ eidem superstructæ studium una cum observationibus atque experimentis anatomicis, ut sanitatem intimius perspicias. Quodsi porro memoria recolas, quæ de multiplici respectu unius ejusdemque partis ad multiplicem finem totius corporis dicta sunt, eaque cum his contuleris, quæ modo uberius proposuimus; nullus dubito

fore ut prorsus convincaris, quam vasta sit sanitatis notio. Singulis autem probe perspectis & ita ordinatis, ut eorum mutua a se invicem dependentia comprehendatur, palam fiet, quænam sint ea in corpore humano, quibus positis cetera simul ponuntur ad eum ejusdem statum requisita, ut partes singulæ functiones suas decenter obire possint. Quamobrem cum constet, inepte in definitione cumulari ea, quæ per se invicem determinantur (u), & imprudenter omitti ea, per qua determinantur alia, cum ipsa per alia se priora minime determinantur (x); tum demum judicium fieri poterit, quænam in definitionem realem seu causalem admittenda sint, ut certo asseverare possis, iis positis in machina corporis humani cetera simul poni omnia, quæ ad eum statum requiruntur, quo singulæ partes ad functiones suas aptæ sunt, consequenter quibus positis necesse sit poni sanitatem. Atque tum demum de definitione sanitatis reali seu causali *Hoffmanniana* judicium firmum formare lice-

(u) §. 950 Log. (x) §. 153 Log.

licebit, quod ideo interponere nolui-
mus, cum veritatis demonstratio
præsentis tractationis limites excedat.
Ceterum patet, demonstrationem ve-
ritatis definitionis realis præsuppone-
re definitionem nominalem, nisi ipsa
realis definitio in nominalem degene-
rare debeat, verendumque fit, ne ab
usu loquendi recedens sanitatis voca-
buli significatum vel arctioribus, vel
amplioribus, quam quos idem fert,
limitibus constringas. Obtinent hæc
in omni casu, in quo definitio realis
respondere debet usui loquendi.
Quamobrem non inutili consilio *Hon-*
oratus Fabri, Societatis Jesu, Ma-
thematicus & Philosophus eximius,
qui ut methodum genuinam sibi fa-
miliarem redderet multum operæ po-
suit (y), in Synopsi Geometrica defi-
nitiones nominales præmisit & iis rea-
les deinde subiecit, quæ figurarum
istiusmodi proprietatibus præditarum
genesin continent.

§. 7. Corpus humanum vivum est, *Vnde san-*
conservatione indiget, sentit atque ad *nitatis*
agnoscitur.
Mm 4 men-

(y) Vid. præfatio ad Tractatus de plantis, de
generatione animalium & de homine, conf.
præfatio ad Physicam §. 2.

mentis operationes concurrunt, motusque voluntarios exercet: quæ cum unusquisque in se experiatur, ut prolixè probentur opus non est. Dantur itaque aliquæ ipsius partes, quarum *actiones* ad vitam necessaria ac ideo *vitales* dicuntur. Dantur partes aliæ, quæ corpori continuæ transpirationi obnoxio conservando inserviunt, & quarum propterea *actiones naturales* appellantur. Dantur denique partes, quæ sensationi ac mentis operationibus motibusque voluntariis destinantur & quarum *actiones* dicuntur *animales*. Quoniam in eo corporis statu, cui Sanitatis est nomen, partes singulæ ad usus suos, quibus destinantur, aptæ sunt (§.3); in corpore sano nulla actio, neque vitalis, neque naturalis, neque animalis impediri debet, multo minus earum ulla prorsus labefactanda. Quamobrem si certus fueris, triplex istud actionum genus rite sese habere; certus quoque eris, te optima sanitate gaudere. Etenim quamdiu actiones, quæ a partibus corporis proficiuntur, rite sese habent, tamdiu etiam partes

partes ipsæ ita sunt dispositæ, ut ad usus suos aptæ deprehendantur, earumque etiam passiones, quæ ad functiones concurrunt, rite sese habere debent. Ad sanitatem igitur qui attentum animum conservare voluerit, is omnes omnino actiones vitales, naturales & animales sibi cognitæ atque perspectas reddat, cumque paucissimæ per se in sensus incurrant, de aliis dispiciat, quæ cum iis connexæ sunt quocunque modo & in sensus incurrunt. Actiones vitales e. gr. sunt motus cordis & respiratio. Respiratio per se percipitur, tum qualis sit in inspirando, tum qualis in expirando, ut adeo facile unusquisque ad semetipsum attendens de eadem judicare valeat, utrum rite sese habeat, nec ne. Motus cordis, itidem actio vitalis est: sed non tam facile percipitur, quam respiratio. Enimvero ab eo sanguinis in arteriis motus pendet, qui ex pulsu earum optime dignoscitur. Quamobrem cum arteriarum pulsus sit facile observabilis, nec difficile erit iudicium de hac vitali actione, quæ maximi omnino

Mm 5

mo-

momenti est, modo pulsum the-
oriam pragmaticam vel domestica ex-
perientia tibi comparaveris. Ad
actiones naturales urinæ in renibus
facta secretio & transpiratio insensi-
bilis pertinet, An renes suo fungan-
tur officio, ex quantitate urinæ per
urethram emissæ haud difficulter ju-
dicatur. Enimvero transpiratio in-
sensibilis cum ponderatione corporis
Sanctoriana moleste innotescat, per
alia in corpore observanda indicia se-
se prodit. Ita noctu bene perspirasti,
si surgens nullum corporis pondus
sentis, sed idem leve ac agile depre-
hendis. Ad actiones animales visus
& motus organorum corporis spe-
ctant. Visus qualis sit per se pater-
nec alia re præter attentionem opus
est, ubi cognoscere volueris, qualis
sit organi alicujus corporis, v. gr.
pedum aut brachiorum motus. A-
ctiones naturales observatu utpluri-
mum difficiliiores sunt vitalibus atque
animalibus; animales autem facilli-
me omnium observantur. Pen-
dent tamen & vitales, & animales
a naturalibus, ut adeo ex vitalibus
&

& animalibus iudicium fieri queat de naturalibus. Quare naturalium observatio longe utilissima, & de iis adeo rite dignoscendis sollicitus esse debet, qui de sanitate haud fallax iudicium ferre decreverit. Nostri tamen instituti ratio minime fert, ut actiones singularum specierum singulas earumque mutuam a se invicem dependentiam expendamus, consequenter singularum observandarum certam rationem præscribamus. Sufficit enim ostendisse, quæ vi definitionis sanitatis observari debeant, ut de sanitate corporis singularumque partium certus esse possis.

P. 8. Cum corpus integrum non sit sanum, nisi singulæ partes sint sanæ, nec singulæ partes sint sanæ, nisi harum denuo partes sanæ sint, in statu autem Sanitatis singulæ partes ac partium partes ad usus suos, quibus destinantur, aptæ esse debent; sanitas corporis earumque partium in potestate est, quatenus illam partium dispositionem quocunque modo

*Quous-
que sani-
tas sit in
potestate
nostra.*

modo conservare valemus. Partium conformationem a natura habemus, nec ea in potestate nostra est, nisi quatenus læsionem violentam avertere valemus, veluti nobis caventes, ne vulnus infligatur organon aliquod ad functionem suam ineptum reddens, e. gr. ne cor transfodiatur, aut nervus aliquis motorius disseccetur, aut cornea vulneretur, ut humor aqueus ex oculi bulbo effluat. Si hinc discesseris, organorum conformatio damnum non patitur, nisi quatenus actiones naturales læduntur, dum v. gr. nutrimentum partibus singulis reficiendis commodum ac quantitate conveniente non advehitur aut fluidorum motus quocunque modo impeditur. Eatenus adeo aptitudo partium ad functiones suas in potestate est, quatenus a cibo ac potu actiones vitales pendent. Quam obrem ad sanitatem conservandam alimentorum salubrium & insalubrium rationem nosse debemus, ut ab his abstineamus, istis vero utamur. Constat experientia, aërem multis modis influere in actiones naturales: quod

in calore & frigore inprimis
estum est, non minus tamen in
litate & siccitate paulo majore
ione utenti obvium. Est igitur
nitas in potestate, quatenus a
pendet, ut aëris istas qualita-
dem convenienter moderemur.
at præterea somnum plurimum
e conferre, ut partes corporis
otæ ad suos usus, inprimis ad
ies animales. Quamobrem fa-
in potestate est, quatenus so-
a nobis pendet. Constat por-
a organorum corporis actioni-
ræsertim animalibus destinato-
onveniente ac moderato eorum
dinem ad usus suos conservari,
ntem immoderato ac inconve-
: tandem lædi. Quamobrem
s in potestate est, quatenus
torum organorum a nobis pen-
Constat etiam actiones cum
ales, tum vitales ac animales ab
tionibus pendere, quibus cor-
nocitura, postquam ab eo,
ipsi utile est, ejiciuntur, vel-
ces alvi, urina, sanguis men-
in foeminis, ac nimius in per-
sonis

sonis cujusque sexus. Quamobrem sanitas in potestate est, quatenus excretiones in potestate habemus. Constat denique affectus animi in actiones omnis generis plurimum influere. Quamobrem sanitas in potestate est, quatenus illorum regimen arbitrio nostro subest. Ex his omnino abunde perspicitur, quod sanitas plurimum a nobis pendeat: at non minus perspicitur, multam requiri rerum, quas dixere veteres, non naturalium notitiam, ubi in potestate esse debet, quatenus scilicet per eas corpus humanum alteratur. Atque hinc nata est Medicis ea Medicinæ pars, quæ *Dietetica* dicitur & rerum sex rerum non naturalium, ænis, cibi ac potus, somni & vigiliarum, excretorum & retentorum, motus & quietis atque affectuum animi usum tradere debet. Quod si in ea certam ac solidam doctrinam desideres, ex principiis physicis per experimenta accurata comprobatis & physiologicis de naturali corporis humani statu demonstrandum est, quasnam alterationes inducant res non natu-

naturales & quomodo per eas status naturalis corporis conservetur. Im-
mensus adeo theoriarum utilium
campus hic aperitur, unde praxes
utilissimæ fluunt.

§. 9. Quodsi hæcenus dicta omnia *Notitia*
perpenderis, quanta Anatomix, Phy- *ad sanita-*
siologiæ, Teleologiæ specialissimæ, *tis notio-*
Phylicæ aliarumque disciplinarum sub- *nem ad-*
fidiarum peritia præsupponatur, *aquatam*
antequam ad sanitatis notionem ad- *eruen-*
æquatam & generi humano utilem *dam ne-*
perveniri detur, abunde intelliges. *cessaria.*
Neque amplius latebit, quanta sit
methodi accuratæ necessitas in tot ac
tantis veritatibus examinandis, ordi-
nandis ac investigandis. Nostra igitur
conamina eo tendunt, ut præcla-
re de genere humano meritis sup-
petias feramus, dum philosophi-
am & certam, & utilem præ-
stare allaboramus.

FINIS Trimestris æstivæ 501

CON-

CONSPECTUS TRIMESTRIS ÆSTIVI.

I.

*De Voluptate ex cognitione veri-
tatis percipienda,* 167

II.

*De Notione Substantialium, Na-
turalium & Accidentalium
fendi,* 248

III.

*De homine nihil a seipso habente
juxta I. Cor. IV. 7,* 289

IV.

De Notione Sanitatis. 31

HORÆ SUBSECIVÆ
MARBURGENSES

ANNI MDCCXXIX.

QVIBUS

PHILOSOPHIA

AD

PUBLICAM

PRIVATAMQVE UTILITATEM
APTATUR.

AUTORE

CHRISTIAN. WOLFIO,

CONSILIARIO AULICO HASSIACO, MATHE-
MATICUM AC PHILOSOPHIÆ PROFESSORE PRIMA-
RIO IN ACADEMIA MARBURGENSI ET ORDI-
NIS PHILOSOPHORUM p. t. DECANO, PROFES-
SORE HONORARIO PETROPOLITANO, SOCIE-
TATUM REGIARUM BRITANNICÆ AC BO-
RUSSICÆ SODALI.

TRIMESTRE AUTUMNALE.

FRANCOFURTI & LIPSIAE MDCCXXX.
PROSTAT IN BIBLIOP. RENGIERIANO.

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

ORÆ SUBSECIVÆ ARBURGENSES

Anni M D CC XXIX.

Trimestre Autumnale.

I.

Voluptate ex cognitione veritatis revelatæ percipienda.

§. I.

Im in Trimestri superiori (a) ^{Institu-} de voluptate ex cognitione veri- ^{tum Au-} tatis percipienda ageremus, no- ^{toris.} quoque iudicium interponere tebamus de voluptate, quæ ex ibus revelatis percipitur (b). E- o postquam tractatio in majorem excreverat, quam præsens uni ferre videbatur, quæ de vo- ex veritatibus revelatis per- dicenda erant, in præsens tri- differebamus (c). Fidem igitur n liberaturi inquiremus, qua- i hoc genere prærogativa gau- N n 2 deant

lum. I. p. 167 & seqq. (b) loc. cit. §. I.) loc. cit. §. 22.

deant veritates revelatæ: quæ enim de voluptate ex veritatis cognitione percipienda in genere dicta sunt, quin etiam ad revelatas applicari possint dubium profecto nullum superest. Enimvero non jam repetemus, quæ nuper satis discussa sunt; sed singularia tantummodo in medium proferemus, quæ non nisi veritatibus revelatis conveniunt. Nullus dubito fore, ut, qui salutari veritatum revelatarum cognitione pollet eorum in seipso veritatem experiatur. Neque dubito fore, ut, qui attenta mente hæc perlegit, voluptate hujus dulcedine capiatur, quamvis ea tum demum degustetur, quando quis voluptatem istam percipit. Deficit enim notione ea claritas, quam sensus internus eidem affundit.

*Veritas
tum re-
velata-
rum di-
visio.*

§. 2. *Veritates* revelatæ duplicis sunt generis: aliæ mixtæ, aliæ puræ. *Mixtæ* dicuntur illæ, quæ simul rationis lumine innotescunt, seu ex principiis rationis a priori deduci, vel etiam a posteriori ex observationibus colligi possunt. In hunc censum veniunt, quæ de attributis divinis & Deo conditore ac conservatore hujus universi docentur a Viris di-

divino spiritu afflatis: etenim ea in Theologia naturali ex principiis rationis non uno modo demonstrari possunt, modo artis demonstrandi fueris peritus. Huc etiam pertinent, quæ de officiis hominis erga Deum, erga seipsum & erga alios docentur, quatenus Deus spectatur tanquam creator, conservator & gubernator hujus universi, homines vero tanquam creaturæ rationis usu pollentes: ea enim in philosophia morali demonstrari possunt, modo principiis genuinis fueris instructus & vera methodo uti noveris. *Puræ* appellantur illæ, quæ, cum rationi sibi relictæ sint impervix, sola revelatione innotescunt. In hunc censum veniunt, quæ de magno redemptionis opere nobis patefacta sunt, quæ de regno gratiæ, quæ de regno gloriæ, immo quæ de statu hominis post mortem in genere traduntur. Huc etiam pertinent, quæ de officiis hominis christiani præcipiuntur in sacris, ex notione Dei tanquam Salvatoris atque Christi mundi redemptoris, & notione hominis tanquam a Christo redempti & supernaturali Spiritus S. regniti fluentia. Singula enim talia sunt, quorum

veritatem solo rationis usu nemo assequatur. Pertinet huc præterea nova obligatio ad officia jure naturali præcepta, quæ ex iisdem notionibus derivatur: alia specialiora nunc non commemoramus.

*Voluptas
percipi-
enda ex
veritati-
bus mix-
tis.*

§. 3. Ex veritatum mixtarum cognitione non uno modo voluptas percipitur, dum eadem tanquam mixtæ cognoscuntur, hoc est, dum consensus inter revelationem & rationem percipitur. Animus voluptate perfunditur, quoties videmus aliis quoque innotuisse veritatem, quam nos cognovimus, nisi quid sit quod animum in transversum rapiat, ut sinistro quodam affectu illa suffocetur. Quamobrem jucundum quoque nobis accidit, ubi scriptoribus sacris veritatem innotuisse observamus. Et cum nobis placeat veritatis cognitio in altero, ubi affectu nullo præpeditus fuerit animus; amore in eos ferimur, quos veritatis cognitione vel olim fuisse imbutos, cum viverent, vel nunc imbutos esse agnoscimus. Nulla igitur ratio est, cur non idem amor excitetur in nobis, quoties Autores sacros ea docere legimus, quæ veritati consentaneæ jam ante

ante cognovimus. Est vero in iisdem
singulare quid, cujus gratia veritas ipsis
agnita magis delectat. Viri enim divi-
ni veritates maximi momenti, veluti de
beatitudine æterna & mediis eam con-
sequendi, docuerunt: quæ ut vera sint
optare vel maxime debet, qui a veritate
revelata alienum adhuc habet animum.
Maxime igitur jucundum accidit, ubi
veritatis assertores deprehendimus,
quos tanquam veritatis testes venera-
mur. Atque hæc voluptas utilitate sua
non destituitur: animum enim homi-
nis ad assensum veritatibus pure revela-
tis præbendum disponit, attentionem
ad eas excitat atque conservat, & stu-
dium in eas inquirendi accendit. Vo-
luptati igitur illi tribuendum, quod in-
ter motiva credibilitatis, quæ appellant
Theologi & per quæ ipsorum iudicio
nobis credibile redditur scripturam sa-
cræ esse verbum Dei, (d) veritatum
mixtarum cum ratione & observatione
conformitas referenda. In primis au-
tem usui est, ubi veritates mixtas divino
quoque assensu complectimur: sed cum

N n 4

dein-

(d) Vid. Bechmannus in Annor. ad Com-
pend. Hutteri loc. 1. quæst. 4. §. 8. p. 24.

deinceps ex instituto ea de re dicturi sumus, nihil quidem anticipare lubet. Oriuntur subinde hominibus etiam piis scrupuli circa veritates puras, immo nonnunquam circa ipsas mixtas, quod tentationis tempus appellari suevit. Quodsi circa puras oriatur scrupulus, & attentione ad mixtas facta earum vel cum ratione, vel cum experientia, præsertim domestica, conformitas percipitur, voluptas inde percepta dulcior, quatenus aliquod tædii ex scrupulis percepti affert lenimentum: tædium enim non ante prorsus tollitur, quam ubi assensu divino veritates puras de novo amplectitur, qui in dubitationem fuerat adductus.

*Voluptas
percipi-
enda ex
modo, quo
veritates
mixtæ enun-
tiantur.*

§. 4. Singulare autem voluptatis genus est, quod ex modo, quo veritates mixtæ enunciantur, percipitur: quod ut clarius intelligatur, attenta mente perlustrentur exempla, quæ in his ipsis Horis subsecivis proposuimus. In sunt enim iisdem generalia, quæ ad notionem præsentem spectant, nec difficulter inde abstrahuntur, modo in generalibus & specialibus abstrahendis fueris versatus.

Expendimus (e) verba Christi, animum ab omni vindictæ cu- alienum explicat, ita ut ab aliis is illibatum conservet erga eum m, quo homo hominem com- lebet, nec ulla ex parte odio con- tur, quo in transversum abripi- mus. Verba illa primo adspe- inuare videntur, quod rationi s contrarium: jubet enim Chri- pingenti colaphum in dexteram obvertere etiam alteram. Ubi in notionem inquirimus, quam in audientium excitare debent, & licia perpendimus, quibus non tibus ea oriri debet; non alia ver- aptiora reperire licet. Sane quo i verborum theoria regulas con- tissima feligendi præscribente fue- gis versatus; eo clarius atque di- us demonstrabit, quod illa sele- a sint. Habemus adeo veritatem em, ex genuinis principiis ratio- monstrabilem, verbis communi- ed adeo selectis expressam, ut ea nem illi respondentem in animo diciis præpedito excitare valeant.

N n 5

etfi

In Trim. Vernal. n. V. p. 350 & seqq.

etſi eam nunquam habueris, non ſecus ac ſi rem verbis denotatam tibi familiarer experireris & a præſente notionem abſtraheres. Talia qui perpendit, & perfectionem, quæ modo enunciandi ineſt, & multiplicem loquentis perfectionem ſentit. Quamobrem dubitari nequit, quin animus ejus intensiſſima voluptate perfundi debeat. Similiter (f) verba Apoſtoli diſcuſſimus, quibus animis Corinthiorum ad ſuperbiam pronis motivum humilitatis inſtillare conabatur, dum iſſis ad animum revocabat, quod nihil habeant a ſeipſo. Etſi enim verba primo adſpectu trita videntur, nec ſublime quid ſpirent; accuratius tamen excuſſa non modo ſenſum latum fundunt atque profundum, verum etiam adeo ſelecta deprehenduntur, ut nec diſcuſſis circumſtantiis ſingularibus quidpiam vel ſummo acumine detegi poſſit, in ſeligendis verbis attendendum, quod ab Apoſtolo non fuerit obſervatum. Si cujus animus ad talia attentus voluptate non perfunditur, etſi nullo affectu contrario impediatur, non alia ſane de cauſa id accidit, quam

ut

(f) In 1^a Tim. 2^a ſtiv. n. III. p. 289.

ut sensum illius perfectionis nondum habeat, quæ ex connubio facultatis cogitandi cum facultate eloquendi resultat. Nec verba Christi de animo ab omni vindictæ cupidine alieno, nec illa Apostoli de homine nihil a seipso habente studio elegimus exempla daturi, quibus regularum nostrarum logicarum & notionum ontologicarum in scriptura sacra interpretanda utilitas commendatur; sed ea sumimus, quæ tunc temporis memoria per rationes prorsus extrinsecas prima suggerebat. Quamobrem absit, ut quis sibi persuadeat in aliis verbis Christi atque Apostolorum, ceterorumque virorum divino spiritu afflatorum non eandem sensus sublimitatem cum verborum simplicitate conjungi, nec ea adeo exquisita esse, ut omnibus electionis regulis fuerit satisfactum. Nullum igitur dubium est, quin hoc voluptatis genere continuo fruatur, qui ad legendam scripturam accedit, postquam severiori rerum & verborum philosophia animum imbuat. Experta loquimur, ac ideo non simplici vice monuimus, siue res, siue verba spectes, philosophiæ nostræ in veritatibus mix-

mixtis optime cum scriptura sacra convenire. Hæc voluptas in præparando animo ad assensum veritatibus puris præbendum maximum habet usum: auget enim eam, quæ ex conformitate veritatum mixtarum cum ratione percipitur. Quamobrem cum illa præparatio voluptatis istius effectus sit (§. 3); ecquid mirum, si una cum causa effectus capiat incrementum? Præterea eadem voluptas ardorem legendi scripturam sacram cum maxima, quam adhibere nobis datum est, attentione excitat: cum enim dulcedine ejus capiamur, desiderium sui in nobis relinquit, quod expleturi objectum appetimus, eadem denuo nos perfusurum.

*Voluptas
percipi-
enda ex
veritati-
bus mix-
tis, qua-
tenus eas
assensu
divino
amplecti-
mur.*

§. 5. Etsi veritates mixtæ non modo per principia rationis demonstrari, verum etiam per observationes confirmari possint, ut naturalis consequatur assensus; nemo tamen christianorum dubitat, easdem quoque assensu divino comprehendendi posse, qui Spiritus S. gratiæ ac verbi divini efficaciam tribuendus. Nos hic supponimus, quod a Theologis demonstratur, Qui veritatem aliquam assensu divino complectitur, is

eam

eam verbum Dei esse agnoscit, consequenter eidem assentitur propter autoritatem Dei, quem nec omniscium falli, nec summe bonum fallere posse novit. Quodsi jam veritatem mixtam admittimus tanquam verbum Dei, ejus cum ratione atque experientia conformitas experimenti loco est, quo veritas agnita confirmatur. Demonstratio igitur & observatio examinibus respondent, quibus certiores reddimur nos in veritate dijudicanda non aberrasse a vero. Ubi veritatem examinibus comprobari deprehendimus, voluptate perfunditur animus. Equidem id alias inde accidit, quod facultatibus ad veritatem investigandam vel dijudicandam requisitis recte nos usos esse appareat, consequenter in præsentī examinibus tribui non posse videtur, quod iisdem convenit, quoties solo naturali facultatum usu veritatem assecuti sumus: habent tamen & in præsentē casu examina, cur delectent. Etenim hoc ipso confirmatur, quod non temere assensum nostrum in autoritatem Dei dicentis resolverimus, atque idcirco volupe nobis est agnoscere, quod adeo tutum sit
assen-

assentiri veritatibus, quas a Deo revelatas credimus. Hæc voluptas nos impellit ad defendendam scripturæ sacræ auctoritatem adversus eos, qui eam in dubium vocant, usi hoc argumento, quod veritatum mixtarum conformitatem cum ratione atque experientia deprehenderimus, & inprimis in simplicitate verborum sensum admodum profundum latere intellexerimus. Eadem voluptas nobis quoque stimulum addit, ut veritates mixtas, quas ex scriptura sacra nobis familiares reddidimus, duplici isti examini submittamus, ficque omnes omnino facultates in veritatis agnitionem impendamus. Plurimum vero refert in veritatis alicujus cognitionem facultates omnes impendi: etenim tum metuendum non est, ut quædam nobis suboriantur dubia, quibus assensus in discrimen adducatur. Extra hoc periculum constituti inprimis esse debemus, ubi veritates in actionum liberarum determinationem influunt, quales sunt mixtæ in scriptura sacra contentæ. Neque enim ea veritates alio fine proponit, quam ut iisdem utamur ad studium virtutis prosequendum,

Qui veritates mixtas tanquam in Dei assensu divino amplecti-
us assensus multo fortior est ille,
demonstrationis, vel observatio-
torquetur. Quodsi posterior
superaccedat, multo minus du-
potest de majore firmitatis gradu.
vero veritates, ubi motivorum vi-
beunt, tanto efficacius movent
atem, quo firmiori nituntur as-

Quamobrem efficaciz hujus
conscii quin peculiari quodam
atis genere perfundi debeamus,
profecto in dubium vocabit, nisi
ionem nondum satis perspicit, ob
oriri solet voluptas. Capit vo-
ista incrementa ab ardore, quo in
m ferimur. Etenim qui ex virtu-
ptatem percipit, ac ideo eam ap-
voluptatem quoque percipit ex
s, quæ ad virtutem consequen-
el augendam quidpiam afferunt
enti. Atque hoc nomine de ipso
divino, cujus in nobis efficaciam
mur tanquam bono eximio gau-
. Sed idem in veritatibus puris
t. Plura igitur paulo post dictu-
us,

*Voluptas
percipi-
enda ex
nexu ve-
ritatum
revela-
tarum
inter se,*

§. 6. Monui jam alias, cum de interpretanda scriptura sacra agerem (g), inter veritates puras nexum intercedere similem ei, qualis inter veritates naturales intercedere dprehenditur, ita ut veritatis unius ratio per alteram reddi possit. Quamobrem cum notio subjecti contineat rationem sufficientem prædicati (h); per eam demonstrabilis est propositio, suppositis propositionibus aliis revelatis. Et nexus idem in causa est, cur veritates revelatæ in systema veri nominis, quale alibi (i) delineavimus, redigi possint: neque enim alia ratio est, cur veritatum quidam complexus in systema redigi possit, quam quod unius ratio ex aliis reddi queat, adeoque propositiones & definitiones ita ordinari possint, ut quibusdam positis ceteræ inde continuo nexu demonstrantur. Quod si objectum consideres, circa quod veritates puræ versantur, nexum illum ex eodem colligere licet. Veritates enim puræ versantur circa medium restituendi imaginem divinam amissam. Finis adeo, ad quam tendunt, est imagoinis

(g) §. 989 Log. (h) §. 130 Ontol. (i) in Trimestri brum, n. 3. §. 3. p. 109.

divinæ per lapsum Adami amissæ restitutio. Quare cum Deus sapientissimus sit, neque adeo eligat nisi media fini consequendo aptissima, media autem tum demum fini consequendo apta deprehendantur, ubi ex eo illorum ratio reddi potest, ac Deus præterea vi sapientiæ fines particulares alios ultimo ita subordinare debeat, ut sese habeant propiores per modum mediorum ad remotiores; veritates revelatæ puræ omnino omnes eo modo ad se invicem referri possunt, ut aliarum ex aliis ratio continuo reddatur. Nos ipso facto edocti sumus talem nexum inter veritates revelatas intercedere, neque de eo proferimus, nisi quæ in nobis ipsis experti sumus. Nexum adeo duplex in veritatibus puris observari potest. Alius particularis est, ubi veritatis unius ratio ex altera redditur: alius universalis, ubi omnes veritates eo ordine disponuntur, ut sequentium ratio reddatur continuo per antecedentes. Nexum particularem hæcenus ostenderunt multi, cum in scriptis Theologorum non infrequens sit ut veritatum purarum ratio ex aliis reddatur, ipsa præeunte scriptura sacra: univer-

(*Her. subs. 1729.*) Oo sa-

falem tamen publice adhuc nemo demonstravit, non quod fuerint Theologi pii ac eruditi, qui eas animo complexi sunt notiones, quibus systema veri nominis continetur; sed quod hactenus Mathematici propemodum soli eam sibi compararunt facultatem, quæ ad notiones distincte enunciandas & quæ iisdem respondent propositiones ita ordinandas requiritur, ut sequentium ratio continuo pateat per anteriores. Quoniam nexus veritatum revelatarum sapientiam Dei loquitur, dum particularis quicunque percipitur, sensum quandam sapientiæ divinæ habemus, adeoque voluptate perfunditur animus, quam primum veritatis revelatæ fuerit convictus. Quare cum nexus universalis Numinis sapientiam multo magis palam faciat; haud difficulter inde colligitur, quantum esse debeat voluptatum prædominium, ubi eundem intueri nobis datur, consequenter quanto gaudio perfundi debeat animus, quoniam gaudium in prædominio insigni voluptatum consistere constat. Quemadmodum vero nexus particularis testimonium aliquod veritatis præbet iis,

que

quæ a Deo revelata sunt, cum propositiones de rebus revelatis in eo similes sint propositionibus naturaliter veris, quod notio prædicati determinetur per notionem subjecti, in notione autem subjecti nulla impossibilitas appareat, etsi possibilitatem demonstrare non valeamus (k); ita multo magis nexus universalis veritatum revelatarum veritatis testimonium præbet, quod sine omni nexu systematico in scriptura sacra proposita adeo pulchre inter se conspirent, ut in systema maxime harmonicum redigi possint. Cum igitur veritates revelatæ vel hoc ipso nomine voluptatem creent in animo ejus, qui divinitus revelata vera esse exoptat, quod nihil in iis falsi deprehendat; nexus autem universalis palam loquatur, quam sint ab omni contradictione liberæ; voluptas, quæ ex nexu veritatum revelatarum percipitur, nova hac superaccedente augetur. Et hæc omnino voluptas firmum præstat præsidium adversus quoscunque scrupulos, qui quacunque de causa in animo nostro suboriri possunt, cum attentionem nostram in

O o 2

nexum

(k) S. 524. 533 Log.

nexum istum alliciat, qui inter motiva credibilitatis haud infimum tenet locum. Ubi vero probabilis quidam assensus adest, homo non amplius reluctatur spiritui sancto assensum firmum atque certum vi supernaturali in eodem producenti. Firmum istum assensum dum in se experitur, de nexu veritatum revelatarum porro latatur, quod nactus fuerit argumentum eorum, quae divinitus revelata sunt, veritatem defendendi, cum ad veritatem defendendam sufficiat ostendere, quod sit a contradictionibus libera. Enimvero ubi nexum veritatum revelatarum, praesertim universalem, perspicimus, ipsam quoque perfectionem intuemur, quae oeconomiae salutis inest. Aestimatur enim perfectio ex consensu eorum, quae rei insunt, & consensus ex tendentia ad eundem finem, quemadmodum nuper jam inculcavimus. Quare cum ex nexu universali appareat, quomodo omnia ad eundem finem tendant; perfectio, quae oeconomiae salutis convenit, omnino inde agnoscitur. Oritur adeo insignis prorsus in animo hominis regenti voluptas, cum gradus voluptatis

con-

convictioni respondeat. Quod si vero quis veritates istas assensu divino nondum amplectatur, aliquid tamen voluntatis jam inde percipere debet, quod animo instillatur cupido aliqua in veritatem illam inquirendi, qualem invasisse legimus animum *Agrippæ* de rebus divinis Apostolum loquentem audientis (1). Non igitur inanem operam sumeret, qui veritates divinitus revelatas in systema veri nominis redigeret.

§. 7. Quamvis vero veritates revelatas ex principiis rationis demonstrari nequeant, neque omnes ex aliis anterioribus demonstrari possint, sed quædam admittenda sint tanquam axiomata, quæ in auctoritatem Dei revelantis uni-
 resoluenda sunt; hoc tamen non ob-
 stante doceri potest, quod sint Deo di-
 gna, adeoque attributis ipsius conveniant. Scilicet ubi ad attributa divina
 animus advertit, ex iis quidem veritates revelatas tanquam ex principiis necessariis inferre minime licet, cum de-
 retum liberationis nulla absoluta necessitate ex essentia Dei fluat; sed cum
 idem sit liberrimum, ex illis tantum mo-
 do

do intelligitur, convenienter Deum talia decrevisse, qualia in scriptura sacra fuere revelata, nec quicquam eorum Deum dedecere. Hoc ipso igitur agnoscimus, Deum agere, quod maiestatem divinam deceat: quod quia perfectionem Dei loquitur, ex eo utique voluptatem percipere debemus. Enimvero dum in Deo nobis placet, quod agat modo attributis suis conveniente; hac ipsa voluptate in nobis accenditur desiderium Deum imitandi, ut non modo agamus vitam homine rationis usu valente, sed inprimis Christiano dignam. Immo ipsius Dei nonnisi se digna decernentis ac exequentis exemplum tanquam exemplar nobis proponimus, ut mentis nostræ aciem in ipsum convertentes perspiciamus; quid fieri debeat, ut vitam homine ac inprimis christiano dignam agamus. Habemus adeo medium obedientiæ, quam Salvatori optimo debemus, dum nos perfectos esse jubet, quemadmodum Deus perfectus est. Voluptatis adeo hoc genus totum practicum est, nec diversa quoque ab eadem deprehenditur quævis alia, quæ ex veritatis revelatæ cognitione

tione percipitur. Utinam hæc perperderent, quotquot de veritatibus salutaribus disceptare, quam eas in usum præticum convertere malunt! Ita enim fore non dubitamus, ut missis altercationibus hominem rationis usu eminentem parum decentibus multoque magis christianum deformantibus de veritatibus theoreticis ad dirigendas actiones applicandis serio cogitarent.

§. 8. Verum enim vero veritates re- *Voluptas percipi- enda ex influxu veritatum re- velatarum in praxim.*
velatæ in universum omnes mirifice influunt in praxes, seu exercitium virtutis, quatenus actionum voluntati divinæ conformiter dirigendarum motiva præbent. Influxus longe præcipuus est, qui in Theologia morali explicari debebat. Dudum nimirum in philosophia morali ostendimus, virtutem hominis christiani etiam materialiter differre a virtute hominis solo naturæ lumine utentis, quatenus ille singularum actionum liberarum motiva desumit ab opere redemptionis & universa œconomia salutis, & quatenus ipsum redemptionis opus ipsaque œconomia salutis regulas quasdam generales suppeditat, quæ loco normæ inservire possunt, ad quas actiones

componendæ, ut fiant legi naturali conformes. Sane qui motivis istis, qui hac norma utitur, is demum vitam christiani vivit. Docui quoque in philosophia morali his ipsis motivis, hac ipsa norma plurimum facilitari exercitium virtutis, ita ut hoc lumine supernaturali, ac connexis cum isto viribus supernaturalibus adjuti præstare valeamus, quod vires naturales longe superat. Qui veritates supernaturales cognoscit, is etiam illarum influxum in exercitium virtutis perspicit, immo ubi Spiritus S. gratia illuminatus fuerit, eundem in semetipso experitur. Quamobrem cum ex virtute voluptatem percipiat, qui eidem deditus, & ejusdem pulchritudine capiatur, qui eam intimius novit, quemadmodum suo tempore a priori demonstraturi sumus, & ex iis colligitur, quæ in philosophia morali idiomate patrio conscripta de virtute jam demonstravimus; ex veritatibus revelatis voluptatem percipere debet, virtutis studio deditus, qui earum adeo eximium usum ad virtutis studium promovendum agnoscit. Ostendimus in moralibus, felicitatem individuum virtutis co-

mi-

mitem esse, nec sine ea ad eam perveniri posse. Quamobrem virtutem tanto majoris æstimat, quicumque ejus pulchritudine capitur, quo intimius ejus cum felicitate nexum perspicit. Quare nec aliter fieri potest, quam ut gaudio perfundatur animus, dum nexus veritatum revelatarum cum virtute convincitur. Enimvero nemo hæc rectius intelligit, quam qui a nobis dicta in semetipso experitur. Danda igitur opera est, ut ea unusquisque in semetipso experiatur. Necesse igitur est ut salutarem veritatum revelatarum cognitionem acquirere studeat. Etenim ubi eadem altas in ejus animo egerint radices & ubi de iisdem convictus fuerit Spiritus S. gratia, ut divino assensu easdem complectatur; fieri profecto haudquaquam poterit, ut oblata occasione iisdem tanquam motivis utatur, etsi nondum fuerit edoctus, quænam datarum actionum motiva subire queant. Quare ubi serium ipsi fuerit virtutis studium, & quantum præsidium in istis motivis positum sit, & quanta ex hac ipsa cognitione oriatur voluptas opere ipso intelliget. Atque ita demum ex

Oo 5 seipso

leipso addilcet, & quomodo a nobis dicta intelligi debeant, & quod eadem sint veritati in singulis consentanea.

*Voluptas percipi-
enda ex
eo, quod
veritates
rerum
revela-
tarum in
nobis ipsis
experia-
mur.*

§. 9. Monui nuper (m), veritatem tum demum, nempe a priori, cognosci, dum perspicitur, quomodo pradica- tum per ea, quæ in notione subjecti continentur, determinetur. Quamobrem veritatem quoque rerum revelatarum inspicimus, dum earundem nexum, de quo ante (§. 6) dixi, perspicimus, ut adeo voluptas illa, quæ ex nexu veritatum revelatarum percipitur, potissimum hic sibi locum vendicet. Enimvero veritas eorum, quæ revelata sunt, etiam a posteriori agnoscitur, dum eorundem experimentum in nobismet ipsis habemus: neque enim solum notiones clarissimas consequimur plurimorum, quas ante vel non habebamus, vel non satis claras experiebamur (n); verum etiam de veritate eorum, quæ in nobismet ipsis præsentia intuemur, dubitare amplius non possumus (o). Ipsemet Salvator optimus hanc veritatem rerum revelatarum cognoscendi viam com-

(m) In Trimestr. æst. n. 1. §. 3. pag. 173.

(n) §. 971 Log. (o) §. 170 Ontol.

commendat (p). *Si quis inquit, voluerit voluntatem eius (qui misit me) facere, cognoscet de doctrina, utrum ex Deo sit, an ego a me ipso loquar.* Dum vero veritatem rerum revelatarum, quæ statum reparationis & regnum gratiæ concernunt, in nobismetipsis experimur & eas citra aberrationem a vero sensu clarissime intelligimus, & veritatis ipsius longe certissimi evadimus. Exemplo nobis est *Petrus (q)*, qui propria experientia edoctus confirmabatur in veritate eorum, quæ Spiritus S. ipsi revelaverat, *quod Deus non sit acceptor personarum, sed in omni gente, qui timet eum & operatur justitiam, acceptus sit illi.* Quoniam itaque voluptate perfunditur animus, immo potius gaudio effertur, dum veritatis rerum revelatarum certissimi evadimus; quin gaudio prorsus singulari perfundamur, dum experimentum veritatum revelatarum in nobis ipsis capimus, nemo sane dubitare potest, nisi qui & omnem voluptatis genesin prorsus ignorat, & ab istiusmodi experimentis etiam in naturalibus fuerit procul remotus. Enimvero volu-

pra

(p) Joh. VII. 17. (q) Act. X. 34.

ptas ista stimulat attentionem nostram, ut omnem mentis aciem in ideam rei præsentis intendamus atque adeo unusquisque pro facultatibus mentis sibi concessis vel clarissimam, vel distinctam maxime acquirat rerum hoc modo confirmatarum notionem. Eadem sensum certitudinis cum notione rei firmiter connectit, ut, quoties de ea cogitamus, notio absque sensu certitudinis nunquam recurat. Atque inde est, quod magna veritatis fiducia de rebus illis loquamur, nec sine commotione animi præsentibus clare admodum perceptibili de iis verba proferamus. Qui exemplum *Petri*, ad quod modo provocavimus, satis attente perlustrare voluerit, is horum omnium veritatem in eodem perspiciet; lætabitur autem, quamprimum singulorum hæcenus dictorum veritatem in semetipso experiturus. Enimvero cum dentur veritates de vita, morte, resurrectione ac ascensione Christi in cælum, de statu hominis post mortem, de regno gloriæ alique, quarum experimentum in nobis capere non licet, vel quia res dudum præteritæ, vel quia demum futurae sunt; sen-

sensus tamen certitudinis, quem experimentū cum iis veritatibus conjuuxit, quas cum aliis connexas perspicimus & ad eundem autorem Deum referimus, ad omnem omnino veritatem revelatam diffunditur, ita ut perinde sit, ac si rebus præteritis ipsimet interfuissemus, cum acciderent, & futura præsentia intueremur. Poteramus idem Apostolorum aliorumque martyrum exemplis docere: enimvero quamvis nos ad experimentum invitare debeant aliorum exempla, idcirco attenta mente recolenda, malleamus tamen ut unusquisque eadem in seipso experiri conetur.

§. 10. Quodsi objectum veritatum *Voluptas* revelatarum cogites, de quo supra (§. 2) *percipi-* locuti sumus; haud difficulter anim- *enda ex* advertes plurimas esse veritates, quas *ob-* nemo ad seipsum applicare potest, nisi *jecto* una animus insigni prorsus gaudio effe- *verita-* ratur. Enimvero cum nobis jam non *sum re-* propositum sit exponere voluptatem, *velata-* quam ex rebus revelatis percipit, qui ve- ritates revelatas divino assensu comple- ctitur easque ad se applicat, qui in ea acquiescimus, quam sola cognitio offert; nostri quoque in præsentē instituti non est

est de istis voluptatum generibus pro diversitate objectorum, unde oriuntur, diversis sententiam dicere. Qui ex Psychologia didicit, quænam gaudii aliorumque affectuum agnatorum, quibus demulcetur animus, materia sit, & veritatum revelatarum notionibus refer-tum habet animum; illi haud difficile fuerit detegere ea, quæ de argumento tam sublimi dici poterant, præsertim ubi domestica experientia juvatur, modo in veritatibus nondum sibi cognitis ex aliis cognitis certa methodo deducendis fuerit versatus. Multa hic singula-ria occurrunt, quæ religionis Christianæ præstantiam mirifice commendant. U-tinam huc animum advertere vellent, quotquot religionem Christianam aliis commendare debent!

II.

De Computatione graduum
canonica.

§. I.

*Institu-
tum au-
toris.*

Nemo ignorat in prohibendis matri-
moniiis ob propinquitatem sangui-
nis gradus cognationis in linea collate-
rali aliter computare Jus canonicum,
quam

quam Jus civile. Sed quamvis computatio canonica in matrimonialibus & criminalibus etiam inter Protestantes usu recepta sit; in eo tamen non conveniunt omnes, quamnam alteri sit præferenda, Theologis eam probantibus, Jêtis tanquam absurdam rejicientibus. De Canonistis & Theologis Pontificiis nullum superesse potest dubium. Quare nobis hic sufficiat ad solum provocasse *Bellarminum* (r), qui unus instar omnium esse potest. Inter Theologos Lutheranos pro computatione canonica pugnant *Hemmingius* (s), *Chytræus* (t), *Selneccerus* (u), *Zehnerus* (x), *Chemnitius* (y), *Mentzerus* (z), *Tarnovius* (a), *Gerhardus* (b), aliique, etsi etiam nonnulli civilem præferant canonicæ, veluti *Hafenrefferus* (c) exemplum *Bezae* secutus (d). Inter Jctos *Ulricus Hube-*
rus.

(r) lib. 1 de matrim. c. 26. (s) de Conjugio p. 70. (t) in Comment. in Cap. 18 Lev. (u) in Examin. (x) de grad. p. 25. (y) part. 3 Loc. de Conjug. p. 537. (z) de Conjug. p. 32 (a) lib. 1 de Conjug. c. 52. (b) Loc. Tom. 7 de Conj. §. 253 f. m. 132. (c) In lib. de Conjug. p. 624. 631. (d) de repud. & divort. p. 21 & seqq.

rus(e)computationem canonicam adeo absurdam esse censet, ut quid absurdius ne fingi quidem posse existimet. Quare cum absurda, quæ ex computatione canonica fluere videntur, recensuisset, in hæc tandem verba prorumpit: *eo si quid absurdius dici potest, fatebor, Pontifices merito imperatoriam computationem præ sua cum supercilio spernere.* Ab hac sententia parum discedit Hoppius (f), qui ex computatione canonica sequi affirmat absurdum, quod sana ratio non admittat, etiamsi cum Canonistis rationem cognationis in stipite quæramus, ut adeo desperet afferri posse rationes ad eam defendendam, rationibus hæcenus allatis ad eam tantummodo excusandam facientibus. Non opus est ut plura testimonia Jætorum de absurditate computationis canonicæ in medium proferamus, cum nullo negotio reperiri possint: silentio tamen prætereundum non est, quod inter Jætos quoque reperiantur, quibus ea tam absurda non videatur. In eorum

(e) in Præl. Jur. civil. secundum Inst. Tit. de nupt. §. 12. p. m. 25. (f) in Comment. ad Inst. Tit. de nupt. p. 83.

numero est *Struvius* (g), qui defensionem facillimam judicat. In tanto sententiarum inter Theologos & Jctos divortio non inanem operam nos sumturos esse confidimus, ubi in eam rem nostra methodo inquisiverimus ex ipsis notionibus deducturi, quod inde fluit. Ita enim demum judicium ferre licebit, quid conveniat rationi, quid eidem adverteretur, eritque judicium ab omnibus rationibus extrinsecis liberum, nec ulla ratione a voluntate, aut appetitu potius sensitivo pendulum.

§. 2. Homines per generationem a se invicem descendunt & per continuas generationes genus humanum conservatur. Generationes istæ continuæ sunt: etenim Titius generavit Mevium, Mevius Sempronium, Sempronius Cajum, Cajus Grachum & ita porro. Quod si jam seriem quandam hominum per continuas generationes a se invicem descendentium supponas, veluti in dato exemplo in una serie Titium, Mevium, Sempronium, Cajum, Grachum, Paulum &c. constituas, erit earum (*Hor. subs. 1729.*) Pp una,

(g) In Pande&. Exercit. 29, lib. 23. Tit. 2. §. 44.

una, veluti hic Titius, a quo cetera omnes per generationem descendunt, sed singula diversa ratione. Etenim Mevius a Titio descendit per generationem unam, Sempronius per duas, Cajus per tres, Grachus per quatuor, Paulus per quinque & ita porro, quousque series ista continuatur. Hæc facilia & obvia sunt; sed ideo non contemnenda, cum inde derivata fuerit notio graduum. Notandum vero præterea est, ab una persona plures per generationem descendere posse, quibus deinceps alia per continuatas generationes descendunt ut ante. Ponamus a Titio non solum generari Mevium, verum etiam Florentem & Septimium. Habemus ergo personas tres, quæ ab eodem Titio per generationem descendunt. Enimvero quemadmodum posuimus a Mevio porro continuatis generationibus descendisse Sempronium, Cajum, Grachum &c. ita non minus supponere licet, descendere quoque a Florente atque Septimio per generationes continuas aliquam personarum seriem, veluti a Florente Octavianum, Pomponium, Gajum, Modestinum &c. a Septimio

primio autem Galum, Scævolum, Marcellum, Julianum &c. Atque ea sunt, quæ de descensu hominum plurium ab uno per generationem notari possunt. Facile autem apparet, necessario in omni casu supponendam esse unam personam, a qua ceteræ in universum omnes per generationes sive in una serie, sive in diversis descendunt, antequam ratione generationis personas istas ad se invicem referre possis. Videamus igitur porro, quomodo notio graduum & eorum, quæ ad eam spectant, ex hoc fonte deducantur.

§. 3. Persona illa, a qua aliæ sive in una serie, sive in diversis per generationem descendunt, dicitur *Stipes*. Ita in nostro exemplo a Titio in eadem serie per generationem descendunt Sempronius, Marius, Cajus, Grachus, Paulus; eorum itaque stipes est Titius. Similiter ab eodem Titio in alia serie descendunt Florens, Octavianus, Pomponius, Gaius, Modestinus: eorundem igitur quoque stipes est Titius. Quare si duas sumas personas in diversis seriebus constitutas, veluti Cajum & Cajum; dicetur Titius stipes earum communis. Eodem mo-

*Stipitis
definitio.*


do seferes habet cum serie tertia, in qua a Titio per generationem descendunt Septimius, Galus, Scævola, Marcellus, Julianus. Etenim & horum stipes est Titius: idem vero est stipes communis Pomponii & Marcelli, Grachi & Scævola.

Linea definitio & divisio.

§. 4. Series personarum per continuas generationes a se invicem descendunt dicitur *Linea*, eaque *recta*, quamdiu in se spectatur. Ita Titius, Sempronius, Marius, Cajus, Grachus, Paulus per continuas generationes a se invicem descendunt, cum persona præcedens continuo sit generans, proxime sequens ab eadem genita: Titius itaque, Sempronius, Marius, Cajus, Grachus, Paulus constituunt lineam, eamque rectam. Similiter Titius, Florens, Octavianus, Pomponius, Cajus & Modestinus, lineam rectam constituunt: & idem eadem de causa de Titio, Septimio, Galo, Scævola, Marcello & Juliano patet. Quod si jam plures fuerint lineæ rectæ, quarum principium commune est, idem nempe stipes; linearum una ad alteram obliqua est, cum repræsententur per lineas rectas ex eodem puncto edu-

. Sempronius.
 . Marius.
 . Cajo.
 . Grachus.
 . Paulus.

[1] Septimius.
 [2] Galus.
 [3] Scævola.
 [4] Marcellus.
 [5] Iulianus



(1) Florens.
 (2) Octavianus.
 (3) Pomponius.
 (4) Gajus.
 (5) Modestinus.

Hor. Subsec. Trim. Autumn. Fig. I.

eductas vel in eodem puncto concurrentes. Atque hinc nomine a Geometris mutuato una quoque linea respectu alterius dicitur obliqua. Ita linea, in qua constituuntur Sempronius, Marius, Cajus, Grachus, Paulus est ad alteram, in qua sunt Florens, Octavianus, Pomponius, Gajus, Modestinus vel etiam ad tertiam, ad quam pertinent Septimius, Galus, Scævola, Marcellus Julianus obliqua. Ut imaginatio juvet intellectum in lineis istis concipiendis; non in consultum est, personas a Titio descendentes in triplici serie sibi repræsentare & series illas tanquam in imagine per lineas exhibere, personis per puncta in iisdem designatis: quemadmodum Schemate adjecto exprimitur.

Titius

1. Sempronius (1) Florens [1] Septimius

2. Marius (2) Octavianus [2] Galus

3. Cajus (3) Pomponius [3] Scævola

4. Grachus (4) Gajus [4] Marcellus

5. Paulus (5) Modestinus [5] Julianus

&c.

&c.

&c.

P p 3

In

Fig. 1.

In computatione graduum duastantummodo lineas ad se invicem referimus, quoniam nonnisi de duarum personarum cognatione quæritur, quæ, ubi non constituuntur in eadem linea, in duabus constitui debent. *Linea obliqua* dicitur etiam *collateralis*, cujus denominandi ratio mox patebit. Quodsi lineam rectam S 5 vel S (5) divides in duas quascunque partes, veluti in 3, pars stipiti adjacens continet personas, quæ ad personas in parte altera 3. 5 constitutas se habent ut generantes ad genitas, & pars altera stipiti opposita continet personas, quæ ad eas in parte superiori constitutas sunt ut genitæ ad generantes, seu, quod perinde est, pars superior S 3 continet personas, a quibus ceteræ in parte inferiori 3. 5 descendunt, nempe Titium, Sempronium, Marium; pars vero inferior 3. 5 eas, quæ ab iis in superiori parte S 3 constitutis descendunt, nempe Grachum, Paulum &c. Atque ideo pars superior S 3 dicitur *Linea ascendens*; pars inferior 3. 5 *Linea descendens*, & Caji, qui in 3 constituitur, *Ascendentes* appellantur, a quibus per generationes continuatas descendit, Titius,

tius, Sempronius, Marius; ejusdem vero *Descendentes* vocantur, qui ab ipso per generationem descendunt, veluti Grachus, Paulus &c. Pars lineæ obliquæ, quæ respondet lineæ ascendenti in recta una data, dici potest *collateralis ascendens*: pars vero ejusdem, quæ lineæ descendenti in recta data respondet vocari potest pars *collateralis descendens*. Distinctio hæc sua non careret utilitate, etsi communiter non sit recepta.

§. 5. Qui ab eodem stipite descendunt, dicuntur, *Cognati*. Olim cognati distinguebantur ab agnatis: sed hodie illud discrimen nullum amplius momentum in jure habet, adeoque a nobis merito negligitur. Cognati in eadem linea constituti respectu personæ datæ vel sunt ascendentes, vel descendentes, quemadmodum diximus (§. 4). Dicuntur autem ascendentes etiam *cognati ordinis superioris*; descendentes vero *cognati ordinis inferioris*. Qui autem in diversis lineis constituuntur, quarum una ad alteram obliqua est (§. 4), *cognati ex transverso* sive *a latere* vocantur. Atque hinc linea, quæ est ad alteram obliqua, dicta est linea colla-

Cognatorum definitio & divisio.

teralis. E. gr. Si Cajum ad Sempronium refertur in eadem linea; Sempronius est cognatus ordinis superioris, seu ejus ascendens; si vero in eadem linea Cajum ad Paulum refertur, Paulus est cognatus ordinis inferioris, seu Caji descendens. Si denique eundem Cajum ad Modestinum refertur, qui in linea obliqua constituitur, erit Modestinus cognatus a latere, vel, quod perinde est, Cajus & Modestinus sunt cognati a latere.

*Fundamentum
cognitionis & diversitas
ejus.*

§. 6. Cum omnis cognatio indefinita, quod quædam personæ ab eodem stipite descendunt (§. 5); Jus canonicum recte rationem cognitionis in stipite quærit. Sequitur id ex definitione rationis, quam in philosophia prima dedimus. Definimus rationem per id, unde intelligitur, cur aliquid sit (h), nec alio in significato terminum accipiunt philosophi, immo ipsimet Jcti, quando de ratione loquuntur, ut ut plerique in notione confusa acquiescentes distincte non perpendant, quid in ea involvatur. Ratio igitur cognitionis dicendum erit id, unde intelligitur, cur aliqui sint
inter

(h) §. 56. Ontol.

cognati & cur hoc potius modo cognati sint quam alio. Quod si ris, cur Marius & Gajus sint coiter profecto respondere neam quia uterque a Titio tancommuni stipite, seu per contingenerationes descendit. Et si uasiveris, cur hoc potius modo sint inter se, quam alio; id aliunigi nequit, quam ex eo, quo moidendi a communi stipite vaest. Omnis adeo cognationis in Canonistis in stipite quazrenpite remoto cognatio amplius nequit. Tenendum tamen, in sta personam quamlibet superad quam inferiorem refert, prosumi posse. Neque enim linea remadmodum ea, quæ est ad alliqua, ullibi terminatur, sed in n progreditur, ut adeo, si eaminare volueris, in quovis ciscendente eandem terminare. Quare cum non opus sit, ut ulprogrediaris personam superioquam inferiorem quandam re, pro stipite assumenda. Hæc anda sunt, ut appareat, in omni

casu cognationem intelligi per dependentiam a stipite. Enimvero non uno modo personæ quædam a stipite pendunt. Etenim in linea recta ea constans est relatio, quæ geniti ad genitorem; in lineis autem collateralibus cognati a latere referuntur ad stipitem tanquam geniti ad communem genitorem. Quoniam itaque relatio illa ex eo oritur, quod quædam personæ ab alia per generationem descendunt; omnis, quæ hic occurrit diversitas, a numero generationum est, per quas a stipite usque ad personam genitam descenditur.

*Gradus
definitio
& diver-
sas,*

§. 7. Quod si cognatos in linea recta ad stipitem refers veluti Sempronium, Mevium, Cajum, Grachum, Paulum ad Titium; diversa oritur a stipite distantia pro numero generationum, per quas persona genita a stipite descendit. Ita Sempronius a Titio descendit per generationem unam, Marius per duas, Cajus per tres, Grachus per quatuor, Paulus per quinque. Et similiter in linea, quæ est ad eam obliqua, Florens descendit a stipite per generationem unam, Octavianus per duas, Pomponius per tres, Gajus per quatuor, Modestinus per quin-

e. Eodem prorsus modo de-
tia Septimii, Gali, Scævola, Mar-
aliana Titio sese habet. Enim-
lineis collateralibus personæ duæ
icem non descendunt per gene-
m, sed utraque simul per gene-
m descendit ab eadem tertia,
a stipite. Ita Cajus & Pompo-
l Cajus & Marcellus non descen-
se invicem per generationem,
Cajus & Pomponius, tum idem
tque Marcellus, hoc est, Cajus,
nius & Marcellus simul a Titio
erationem descendunt. Pro-
piti est, qui per pauciores gene-
nes eundem attingit; remotior
eodem existimatur, qui per plu-
rationes ab eodem distat. Ita
titio stipiti propior est Paulo vel
quia Cajus a Titio distat per tres
iones, seu tribus generationibus
dentibus ab eodem descendit;
vero per quinque, Gajus per
r. Quoniam a stipite ad eos,
odem descendunt, quasi per sca-
andam descendimus, dum ab u-
eratione ad alteram transimus,
as cognationis *Gradus* ap-
pel-

pellari suevit. Reddit hanc rationem *Paulus*: Gradus, inquit (i), dicti sunt a similitudine scalarum, locorumve declivium, quos ita ingredimur, ut a proximo in proximum, id est, in eum, qui quasi ex eo nascitur, transeamus. Atque ideo generatio gradum facere dicitur. Hinc *Sempronius*, *Florens* & *Septimius Titio* cognati sunt in gradu primo, quia ab eodem descendunt per unam generationem; *Marius*, *Octavianus* & *Galus* eidem cognati sunt in casu secundo, quod ab eodem descendant per duas generationes; *Gajus*, *Pomponius* & *Scævola* eidem *Titio* cognati sunt in gradu tertio, quod per tres generationes ab eodem descendunt. Et eodem modo intelligitur, quod *Paulus*, *Modestinus* & *Julianus* eidem *Titio* cognati sint in gradu quinto; *Grachus* vero, *Gajus* & *Marcellus* in quarto. Apparet vero gradum duplici modo considerari posse, vel in relatione unius personæ ad stipitem, dum in eadem recta a stipite ad personam quandam datam descendimus, vel a persona quadam in linea recta constituta ad stipitem ascendi-

(i) l. 10 §. 10 ff. de Gradibus.

vel in relatione plurium personarum diversis lineis ad communem. Quatenus itaque plures in gradu stipiti cognati sunt, gradus eandem familiam constituunt. Atque hoc fundamentum cognationis a quo eo consistit, quod duarum personarum eodem gradu familiam, vel in diversis constituuntur. Nimirum inter collaterale ideo cognatio intercedit eodem, vel simili modo ad stipitem feruntur, scilicet eodem modo, eodem gradu familiam constituuntur simili modo, si constituuntur in diversis. In priori nempe casus relationis speciem idem est; in posteriori vero nonnisi genere idem. In priori casu personarum singularum, quarum eandem familia, per æqualem numerum generationum a stipite descendunt; in posteriori vero ab eodem genere sumuntur per numerum generationum eundem. In linea igitur recta gradus constituitur per numerum generationum, quæ inter stipitem & personam intercedunt: sed cum in collateralibus collocata personarum a quo eodem per generationem non descendunt.

scendant, nec eo modo gradus dependentiæ a se invicem quoad existentiam constitui possunt, quo in linea recta constituuntur. Quamobrem eo sensu gradus cognationis ipsis tribui nequit, quo tribuitur cognatis in linea recta: ipsimet enim quoad existentiam a se invicem non dependent, nisi quatenus simul ab eodem stipite dependent, ita ut, si stipes non extitisset, nec ipsi omnes extitissent. Mutua igitur dependentia a communi stipite quoad existentiam est cognatio a latere & diversi gradus illius dependentiæ diversitatem ejusdem pariunt. Quamobrem si hic quoque cognationis diversitatem gradum appellare velis, quemadmodum in linea recta gradus cognationis a latere ex gradibus cognationis in linea recta deducendi sunt, aut, accuratius loquendo, cum plures gradus in lineis ad se invicem obliquis gradum familiæ constituent, quemadmodum modo expositum est, ex gradibus familiæ æstimandus. Quæ de gradu familiæ diximus, exemplo, quo hactenus usi sumus, facile illustrantur. Etenim Sempronius, Florens & Septimius constituuntur in primo familiæ gra-

Marius, Octavianus & Galus in
 ; Cajus, Pomponius & Scævola
 ; Grachus, Gajus, Marcellus in
 Paulus, Modestinus, Julianus in
 donec tandem memoria fami-
 guitur, quæ tamdiu conserva-
 ndiu dependentia a stipite non
 ir. Quoniam generatio effi-
 ntiam a stipite, ut adeo genera-
 ngulæ addant eidem æquale in-
 n, numerus vero generationum
 parit; in eodem gradu familiæ
 ti eandem a stipite distantiam
 Quare si stipites repræsentetur per *Fig. 1.*
 n S, gradus familiæ exhibentur
 is circuli ex centro S descriptos
 d se invicem obliquas interse-
 n æqualibus a stipite distantis.
 cus transiens per 1. (1) & [1] de-
 rimum gradum familiæ; arcus
 s per 2. (2) & [2] secundum; qui
 er 3. (3) & [3] tertium & ita

. Hactenus dicta adeo manifesta *Modus*
 : in dubium revocari non pos- *compu-*
 que fieri potest, ut quis aliam for- *tandi*
 gnationis notionem, quamdiu *gradus in*
 s ipsis potius, quam ex suo inge- *linea re-*
 nio *an.*

nio sapere voluerit, nec ita pendet ab aliorum auctoritate, ut eidem sit locationis. Enimvero videamus porro, quomodo hæc principia ad determinandum gradum cognationis in dato quolibet casu applicentur. Eam igitur *cognitionem*, quæ intercedit inter personas in linea recta constitutas, in oppositione ad eam, quæ est a latere, brevitatis gratia dicemus *directam*. In linea recta numerus generationum determinat gradum (§. 7), & persona superior, ad quam refertur inferior, est ipsi loco stipitis (§. 6); tot igitur gradibus persona inferior a superiori distat, quot generationes inter utramque intercedunt. Non alia igitur re opus est, quam ut generationes numerentur inter personas datas intercedentes, ut gradus cognationis innotescat. Ita inter Titium & Sempronium una intercedit generatio; adeoque Sempronius Titio cognatus est in gradu primo. Similiter Marius Sempronio, Cajus Mario, Grachus Cajo & Paulus Gracho in primo gradu cognatus est, & eodem modo res sese habet in lineis ceteris, quæ principium suum in Titio tanquam communi

stipite

stipite habent. Similiter inter Titium & Marium, Titium & Octavianum, Titium & Galum duæ generationes intercedunt, adeoque & Marius, & Octavianus, & Galus Titio cognati sunt in gradu secundo, ac propterea in eodem gradu familiæ, secundo scilicet, constituuntur. Inter Titium & Grachum, Titium & Gajum, Titium & Marcellum quatuor generationes intercedunt. Quamobrem & Grachus, & Gajus, & Marcellus Titio cognati sunt in gradu quarto & hoc nomine in quarto gradu familiæ constituuntur. Gradus igitur familiæ & gradus cognationis directæ eodem modo computantur. Non tamen in omni casu gradus cognationis directæ idem est cum gradu familiæ. Etenim in computanda cognatione directæ persona superior inferiori semper loco stipitis est; in gradu autem familiæ computando stipes pluribus lineis ad se invicem obliquis communis esse debet, atque adeo gradus familiæ cum gradu cognationis directæ tum demum coincidit, quando cognatio directæ in lineis ad se invicem obliquis respicit eundem stipitem, quo mediante lineæ istæ

(*Hor. subs. 1729.*) Qq inter

inter se junguntur. E. gr. Inter Cajum & Paulum duæ generationes intercedunt, atque adeo cognatio directæ inter Cajum & Paulum est secundi gradus. Similiter inter Titium & Octavianum duæ generationes intercedunt atq; ideo cognatio directæ, quæ inter Titium atque Octavianum intercedit, est eisdem secundi gradus. Lineæ istæ directæ, in quibus cognationes directæ computantur, sunt tales, ut in iis constituantur cognati a latere. Etenim Paulus & Octavianus sunt cognati a latere, consequenter linea, in qua constituitur Octavianus est ad eam, in qua Paulus sibi locum vendicat, obliqua. Non tamen ideo Paulus & Octavianus in eodem gradu familiæ constituuntur propterea quod eorum cognatio directæ non fuit determinata respectu ejusdem personæ, ceu stipitis communis. Etenim Paulus ad Cajum, Octavianus ad Titium tanquam ad stipitem refertur. Ceterum si mentis aciem in gradum familiæ intendimus; clarissime perspicitur, quod omnis cognationis lateralis ratio in stipite quaerenda sit, neque ea sine relatione ad stipitem intelli-

modo queat, quemadmodum
tæ defendunt. Enimvero si li-
nationis per lineas rectas defi-
; intervalla inter loca persona-
, 1. 2, 2. 3, 3. 4, 4. 5 &c. gradus
it. Tot enim sunt istiusmodi
a, inter binas quascunque per-
terjecta, quot generationes in-
intercedunt. Ita inter 1. Sem-
1 & 4 Grachum tria intervalla
nt; sed tres quoque inter ipsas
ones intercedunt. Quoniam
radus cognationis directæ in-
, numeratis generationibus in-
personas intercedentibus; idem
patere debet, si intervalla inter
loca intercepta numerentur.
ronius & Grachus sunt cognatio
gradu cognationis directæ,
a intervalla 1. 2, 2. 3 & 3. 4 in-
um loca in linea S. 5 interci-

Liquet porro, tot interjecta
r binas quascunque personas
a, quot sunt personæ genitæ,
sona superior, ad quam infe-
rtur, tanquam non genita con-
r, quod in eadem generationes
itur, nec ultra eam progredian-

Qq 2 tur.

tur. Gradus igitur cognationis directæ etiam innotescit, si numerentur personæ genitæ. Ita si quæstio fuerit de gradu cognationis directæ 4. Grachi & 1. Sempronii, in Sempronio generationes, quas hic consideramus, terminantur, atque ideo Sempronius spectatur tanquam non genitus, 2. Marius, 3. Cajus & 4. Grachus sunt personæ genitæ. Tres hic numerantur personæ genitæ, Marius, Cajus & Grachus; cognatio itaque directæ inter Grachum & Sempronium intercedens est tertii gradus. Denique si personas genitas ab ea, quæ tanquam non genita spectatur, distinguere nolueris abhorrens a fictione, qua persona, quæ loco stipitis est, pro non genita habetur; tot habes gradus cognationis directæ, quot sunt personæ, de iusto stipite. Ita si de Sempronii & Grachi cognatione sermo fuerit; personas habes quatuor, Sempronium, Marium, Cajum & Grachum. Quare si inde Sempronium, qui stipitis loco est, tollas, seu, quod perinde est, si a numero personarum unitatem demas, is residuus fit numerus, qui gradum cognationis directæ numerat. Deme hic a qua-

quaternario unitatem, relinquitur ternarius, qui tertium cognationis directæ gradum inter Sempronium & Grachum loquitur. Hæc computatio graduum cognationis directæ adeo prona est, ut ideo non mirum sit, nullum dari inter jus canonicum atque civile dissensum. Ipsæ etiam regulæ diversæ sponte veluti sua sese offerunt, ut adeo fieri non potuerit, quin a Doctoribus animadverterentur. Directa igitur computatio facilis & perspicua est. Sed majus negotium facessit computatio obliqua, quæ est cognationis a latere. In ea jus canonicum a civili in diversum abit, & nostrum jam est inquirere, utrum canonica civili, an civilis canonica sit præferenda.

§. 9. Quando cognati non sunt in eadem linea recta, sed in duabus, quarum una est ad alteram obliqua; vel in eodem gradu familiæ, vel in diversis constituuntur (§. 7). Quare cum gradus familiæ represententur per arcus ex stipite communi tanquam centro descriptos (§. cit.) in priori casu lineæ ad se invicem obliquæ æquales sunt (§. 40 Geom.), in posteriori autem inæ-

Linea obliqua distincta.

Qq 3

qua-

Fig. 1.

quales (§. 15 *Arithm.*). Quamobrem
 jus canonicum lineam, quæ est ad alte-
 ram *obliqua*, recte distinguit in *æqua-*
lem, vel *inæqualem*, ei scilicet, quæ sumi-
 tur tanquam recta in se considerata &
 ad quam altera refertur. Ita e. gr. Si
 linea S 3 recta est, ad quam altera S (3)
 refertur; linea S (3), quæ est ad illam
 obliqua, est linea obliqua æqualis. E-
 nimvero si linea S 5 ea est, ad quam re-
 fertur altera S (3); eadem linea S (3) est
 obliqua inæqualis. Nimirum quoties
 quæritur de cognatione duarum perso-
 narum, una earum est, ad quam refer-
 tur altera. Quare linea illa, in qua con-
 stituitur persona, quæ ad alteram refer-
 tur, ea est, quam obliquam appellamus,
 quoniam altera, in qua constituitur
 persona, ad quam refertur altera, poni-
 tur tanquam linea recta, antequam de
 persona altera cogites. E. gr. in 3 li-
 neæ S 3 est locus Caji; in (3) vero Pom-
 ponii. Quod si jam quæsieris, quo gra-
 du Pomponius Cajo cognatus sit; Pom-
 ponius refertur ad Cajum, qui ponitur,
 antequam de Pomponio cogitetur. At-
 que ideo S (3) est linea, quæ respectu
 alterius S 3 dicitur obliqua. Simi-
 liter

liter si quæſiveris; quoto gradu idem Pomponius cognatus fit Paulo, cujus locus est in 5; Pomponius refertur ad Paulum, atque ideo linea $S(3)$ denuo respectu alterius S_5 tanquam primum positæ obliqua appellatur. Quia vero relationes mutæ sunt, ut Cajus referri possit ad Pomponium, sicut Pomponius ad Cajum refertur; vel etiam Paulus ad Pomponium, sicut idem Pomponius refertur ad Paulum; persona, quæ ad alteram refertur, ab ea, ad quam refertur altera, non semper adeo accurate distinguitur communi loquendi usu: id quod tamen fieri debebat, ubi lineæ ad alteram obliquæ denominatio phrasi in Geometria, unde desumpta est, receptæ convenire debebat. Enimvero quamvis termini ante accurate sint explicandi, ut genuina constet significandi ratio, in communi tamen loquendi usu non sectamur minutias, sed inconvenientias loquendi ferimus, quamdiu citra præjudicium veritatis fieri potest. Quamobrem eum non reprehendimus, qui notationum geometricarum ignarus S_3 & $S(3)$ sibi imaginatur tanquam partes unius lineæ, quæ dicatur obliqua, &

Qq 4

qui-

quidem æqualis, quia ex duabus partibus æqualibus componitur; & similiter S5 & S (3) tanquam partes unius lineæ, quæ obliqua inæqualis dicatur, quia ex duabus partibus inæqualibus constat, etsi primorum Geometriæ rudimentorum gnaro loqui videatur, quæ male cohærent. Sufficit enim notiones, quas contradictorias agnoscit Geometra, nullum in computandis gradibus errorem invehere, propterea quod error, qui Geometram offendit, denominationem saltem afficit, non rem ipsam. Qui veritati rerum studet, in verbis non nimium curiosus esse debet, utut reprehendi non possit, si quis & recte sentire, & bene loqui voluerit.

*Modus
compu-
tandi
gradus in
linea ob-
liqua æ-
quali,*

Prop. 10. Quando itaque de cognatione collateralium quæstio incidit, casus duo occurrere possunt. Aut enim cognati collaterales sunt in linea æquali, aut in inæquali, hoc est, cognati collaterales aut in eodem constituuntur gradu familiæ, aut in diversis. Discrimen hoc non fingitur, sed reale est (S. 9). Et ex sequentibus patebit, non sine ratione in computandis gradibus cognationis collateralium, lineam æqualem ab inæ-
qua-

quali distingui, ut adeo Jus canonicum eo nomine reprehendi non possit, Videamus igitur, quomodo computandi veniant gradus in linea obliqua æquali, ubi rationis ductum sequimur. Constat igitur absque hypothesibus ullius juris, sola attentione ad rem ipsam, cognatos collaterales in linea æquali ideo sibi invicem cognatos esse, quia eodem modo ad communem stipitem referuntur, seu per æqualem generationum numerum ab eodem stipite descendunt (§. 7. 9). Quare cognatio nexus est, qui inter cognatos collaterales intercedit, quatenus ipsis nexus aliquis est cum stipite. Habentur adeo cognati collaterales pro cognatis inter se, quia eorum uterque cognatus est eidem tertio, nempe stipiti, applicata ad eos propositione cosmologica (k): Quæ cum eodem tertio connectuntur, ea inter se connectuntur. Quod si jam huic cognationi, quæ mediantibus duabus cognationibus cum eadem persona tertia, gradus aliquis assignandus; nullo sane alio modo id fieri poterit, nisi quatenus iisdem tribui-

Qq 5

tur

(k) §. 12. Cosmol. u

tur idem familiæ gradus, in quo constituuntur. Etenim si constituuntur in primo familiæ gradu, sunt utique cognati in primo gradu, scilicet familiæ, quia alio sensu gradus concipi nequit, ubi admittis, duos ideo sibi invicem esse cognatos, quia sunt cognati eidem personæ tertiæ. Et eodem modo patet, collaterales, qui in secundo familiæ gradu constituuntur, esse cognatos in secundo gradu, atque ita porro, quamdiu memoria communis stirpitis & graduum familiæ conservatur. Quemadmodum nimirum applicatio theorematum generalis de nexu rerum inter se cum eadem tertia connexarum parit principium generale cognitionis a latere: qui eidem tertio agnati sunt, ii cognati sunt inter se; ita facile apparet, cum cognatio cum eodem tertio seu communi tertio esse possit in primo, secundo, tertio, quarto &c. gradu, dici quoque debere: Qui in primo gradu eidem tertio cognati sunt, iidem quoque in primo gradu cognati sunt inter se, & in genere: Qui in quocunque gradu cognati sunt eidem tertio, iidem in eodem gradu cognati sunt inter se. Non video, quo-

quomodo ex notione cognationis a latere de gradu cognationis aliter ratio-
cinari possimus, quamdiu nullis hypo-
thesibus præpeditum habemus ani-
mum. Rationis igitur ductum secuti
incidimus in computationem canonici-
cam: etenim juris canonici est hoc prin-
cipium, quod in eodem gradu cognati
sint inter se, in quo gradu collaterales
communem stipitem attingunt, conse-
quenter Jus canonicum gradum co-
gnationis in linea obliqua æquali ex gra-
du familiæ æstimat, seu alium gradum
non agnoscit nisi gradum familiæ. Se-
cundum Jus canonicum 1. (1) & [1] *Fig. 1.*
sunt loca in primo gradu familiæ, ac
ideo Sempronius, Florens & Septimius
cognati primi gradus. Secundum idem
2. (2) & [2] sunt loca in secundo gradu
familiæ, ac ideo Marius, Octavianus &
Galus cognati secundi gradus. Et eo-
dem modo patet, Cajum, Pomponium
& Scævola esse cognatos gradus tertii;
Grachum, Gajum & Marcellum quarti;
Paulum, Modestinum & Julianum
quinti &c. Nihil adeo in hisce habet Jus
canonicum, quod sit a ratione alienum,
cum principia ista nexus rerum ex
com-

communi earum nexu cum eadem tertia profectus insinuet, quibus tota computatio nititur. Cognatio vero est utique aliqua nexus species (1) atque adeo ex istis principiis tanquam domesticis decidenda. Et, qui distincte principia hæc non agnoscunt, ea tamen in notionibus confusis admittunt, quatenus non aliud admittunt cognationis a latere fundamentum, quam quatenus utrique collateralium cognatio aliqua cum communi stipite intercedit. Hoc ipso enim nexum aut, si mavis, vinculum aliquod intercedere inter duos collaterales agnoscitur, quatenus nexus quidam seu vinculum intercedit inter utrumque collateralem atque stipitem. Quoniam hæc adeo evidentia sunt, ut vel confuse percepta nihil absurdi continere videantur; antagonista etiam computationis canonicæ absurda non in computatione graduum in linea æquali, sed ea, quæ in linea inæquali obtinet, quærunt. Nostrium igitur erit computationem in linea inæquali eruere ex ea, quæ obtinet in æquali, hoc est, docere, quomodo computari debeant gradus

(1) §. 10. Cosmol.

dus in linea inæquali, si admittas computationem in æquali: quam admittendam esse, ubi rationis ductum sequi velis, modo ostendimus.

§. 11. Ex computatione graduum in linea obliqua æquali patet, eos, qui in eodem gradu familiæ constituuntur, veluti in gradu primo Sempronium atque Florentem, sibi invicem cognatos esse in isto gradu, veluti Sempronium & Florentem esse cognatos primi gradus. Quod si jam Marius fuerit in secundo gradu familiæ, nempe in 2, & Florens in primo, scilicet in (1); fieri profecto non potest, ut Marius & Florens sint cognati in primo gradu, quemadmodum Sempronius, qui uno gradu stipiti Titio propior est, Florenti in primo gradu cognatus est. Quare cum Marius proxime sequitur Sempronium; Florenti cognatus esse debet in gradu secundo. Et eodem modo patet, Cajum eidem Florenti cognatum esse debere in tertio; Grachum in quarto, Paulum in quinto &c. Similiter Marius Octaviano cognatus est in gradu secundo: ergo Cajus eidem Octaviano cognatus esse debet in tertio. Cajus etiam Pomponio

*Modus
compu-
tandi
gradus
in linea
obliqua
inæquali.*

Fig. 1.

co-

cognatus est in gradu tertio (§. 10): ergo Grachus, eidem Pomponio cognatus esse debet in quarto. Grachus etiam Gajo cognatus est in quarto gradu (§. cit.): ergo Paulus eidem Gajo cognatus esse debet in quinto. Hæc ita fluunt ex computatione graduum in linea æquali, quæ ex ipsis notionibus fluit. Hinc adeo manifestum est, Marium & Florenti, & Octaviano esse cognatum in gradu secundo; Cajum & Florenti, & Octaviano, & Pomponio in tertio; Grachum & Florenti, & Octaviano, & Pomponio & Gajo in quarto; Paulum & Florenti, & Octaviano, & Pomponio, & Gajo, & Modestino in quinto, ac ita porro in infinitum. Quoniam hæc ita necessario consequuntur ex computatione in linea æquali, computatio autem in linea æquali nihil absurdi habet, quemadmodum ex antecedentibus colligitur; ideo nec absurdum esse potest, quod Paulus & Florenti, & Octaviano, & Pomponio, & Gajo, & Modestino in eodem gradu cognatus sit. Computatio in linea inæquali juris canonici ea est, quam modo ex anteriore deduximus. Quamobrem absque ratione affirmatur com-
pu-

ionem juris canonici esse absurdum. Enimvero quia nobis potissimum visum fuit computationem canoniam ab absurditate liberare; paulo citius illud doceri debet.

2. Absurdum dici solet, quod *con-* juris ca-
tionem involvit manifestam, ut nonica
alsitas ejus in aprico posita a ne- compu-
n dubium vocari possit: id quod tatio ab
t, si quid affirmatur, cujus con- absurdi-
m extra omnem controversiam dase li-
m est, siue vi demonstrationis, si- berata,
otionis communis, siue vi expe-
e. Ita Mathematici absurdum
t, quod duo anguli in triangulo re-
o sint actu recti, propterea quod
nstratum est, omnes tres simul
s esse duobus rectis æquales. Ii-
bsurdum dicunt, quod pars sit
toto, quia notio communis fert,
esse majus qualibet sua parte, seu
n quamlibet esse toto minorem,
denique absurdum pronunciant,
stella polaris sit punctum cœli
, cum observatione constet, eam
olum, tanquam punctum fixum
i. Per inconstantiam loquendi,
tamen alienus est cum Mathema-
tico

tico Philosophus (m), alienus est quicunque intellectu systematico præditus (n), absurdum dici solet, ex quo necessaria consequentia colligitur quod absurdum est: quo sensu propositio quælibet absurda appellatur, quam falsam esse indirecte ostendi potest. Subinde etiam absurdum appellatur, quod ex principiis absurdis colligitur. Enimvero ne nos in inconstantiam loquendi incidamus, sed fixum termini significatum tueamur; computationem juris canonici ab omni absurditate liberaturi ostendemus, nec principia esse absurda, nec in ipsa computatione quid præcipi quod sit absurdum, nec denique ex ea sequi, quod sit absurdum. Etenim si absurditate quadam laborat, aliquod istorum absurdorum ei convenit: fieri autem non potest, ut alio modo absurdi quid insit, propterea quod ad principia, computandi modum & ea, quæ inde sequuntur, omnia redeunt. Principia computationis juris canonici ea sunt, quæ res ipsa offert, scilicet cognationem directam esse dependentiam personarum

(m) §. 143 Disc. prælim. (n) Vide Trimbrum, Num. III, §. 1.

rum a se invicem per generationem, cognationem vero collateralem seu obliquam esse dependentiam duarum personarum simul a communi stipite; per generationem constitui gradus tum simplices, quibus distant personæ a se invicem in linea recta, tum compositos sive familiæ, in quibus constituuntur personæ eodem gradu a stipite remoti; cognatos collaterales esse cognatos inter se, quia sunt cognati communi stipiti (§. 2 & seqq.). Si quis principia hæc absurda dixerit, is negare tenetur, vel homines quosdam a se invicem descendere per generationem, vel in eo constitui fundamentum cognationis directæ; negare tenetur, vel plures descendere simul per generationem ab eodem tertio, vel in eo constitui fundamentum cognationis obliquæ; negare tenetur, per generationem gradus constitui; negare denique tenetur, cognatos collaterales ideo esse inter se cognatos, quia communi stipiti cognati sunt. Enimvero si quis horum quid negaverit, is demum absurda statuere dicendus erit, cum ea tollat, sine quibus cognatio nulla concipi potest. Nequaquam vero opus est, (Hor. subs. 1729.) Rr ut

ut de principiis multa dicamus, quæ facile admittunt omnes inter communes omnino notiones de cognatione directa & obliqua referenda. Quicquid ex principiis minime absurdis colligitur, illud minime absurdum esse, nemo non concedere tenetur, cui ratiocinatio intime fuerit perspecta. Jam vero in tota computatione juris canonici nihil præcipitur, quod non ex istis principiis fuerit deductum. Nihil igitur præcipitur, quod sit absurdum. Computatio in linea recta adeo naturalis est, ut ideo nec jus civile in diversa abeat. Computatio in linea æquali non minus naturalis est: quod vero jus civile in ea dissentiat a canonico, non alia de causa evenit, quam quod computatio in linea inæquali non æque obvia sit. Quod si vero attentionem ad differentiam afferas, quæ inter lineam obliquam æqualem & inæqualem intercedit; computatio in linea inæquali ex computatione in æquali necessario fluit, ita ut ista admissa hæc quoque admitti debeat. Probe autem notandum est, undenam sit, quod computatio graduum cognationis in linea obliqua inæquali difficultatibus obnoxia sit

fit, scilicet quod gradus cognationis in linea inæquali diversum quid sit a gradu cognationis in linea recta & a gradu cognationis obliquæ in linea obliqua æquali. Etsi enim omnis gradus diversitatem cognationis, seu relationis ad stipitem loquatur, atque in eo gradus omnes conveniant; differentia tamen intercedit inter modum, quo cognati collaterales ad stipitem referuntur, & modum, quo idem fit in cognatione directa, & in modo, quo cognati collaterales ad stipitem referuntur, denuo differentia obtinet pro diversitate lineæ æqualis & inæqualis. Quodsi tamen in linea inæquali gradus admittere velis inter personas, quæ in gradibus familiæ diversis constituuntur stipite mediante, sine qua cognatio nulla concipi potest; non alio modo eos concipere licet, salvis iis, quæ ex notionibus suis adeo sponte fluunt, quam quo in jure canonico concipiuntur. Quodsi quis contenderet, præcipi in computatione canonica, quæ sunt absurda, is contrarium ejus, quod præcipitur, demonstrare tenetur & quidem ex ipsis notionibus cognationis directæ &

R r 2

obli-

obliquæ, quas in superioribus explicavimus. Tum enim demum asseverare licebit, quod veritati manifestæ repugnet, consequenter quod fit absurdum. Istiusmodi autem demonstrationem nemo hactenus dedit, nec in posterum dabit, propterea quod ex notionibus alii gradus deduci nequeunt quam simplices isti in linea recta, & gradus familiaræ ex istis compositi in obliqua. Denique nec affirmari potest, quæ ex computatione canonica fluunt esse absurda. Ex ea enim absurdum fluere non posse patet, quod per ea, quæ modo diximus, ipsa absurda non fit. Atat ! objicis, sequi ex computatione canonica, filium fratris mei mihi & filio meo in eodem gradu esse cognatum, nempe mihi in secundo vi computationis in linea inæquali, filio meo itidem in secundo vi computationis in linea æquali ; id quod utique absurdum fit. Sed quæso te, cuinam veritati ex notionibus cognitionis directæ & obliquæ demonstratæ hoc contradicit ? Sane nulli. Ubi enim demonstrasti, eandem personam patri & filio in eodem gradu cognatam esse non posse, aut generaliter, eandem per-

personam in eodem gradu cognatam esse non posse personis, quæ diverso cognationis gradu stipitem attingunt? Nullibi profecto. Precario id sumis tanquam verum. Ecquis vero dixerit, esse absurdum, quod propositioni precario assumptæ contradicit? Apparet hinc, quam parum notionibus confusis sit fidendum, per quas tam absurdum videtur, in quo nullum adhuc absurditatis vestigium monstrari potest.

III.

De Philosophia non ancillante.

§. I.

EX quo *Robertus Baronius*, Scotus, <sup>Institu-
tum au-
toris.</sup> Tractatum conscripsit de philosophia Theologiæ ancillante, in quo quæstiones philosophicas in disputationibus theologicis subinde occurrentes explicat, adeoque usum nonnullorum principiorum philosophicorum in Theologia ostendit (o); mirifice nonnullis arrisit libelli titulus, ita ut philosophiam non modo Theologiæ, verum

Rr 3

etiam

(o) Liber hic in Germania recusatus est Francofurti ad Moenum 1676 forma minore.

etiam Jurisprudentiæ atque Medicinæ ancillari dixerint & eam communem Facultatum Superiorum, quas vocant ancillam effecerint. Quoniam itaque philosophia ancillari dicitur Theologiæ, Jurisprudentiæ atque Medicinæ quatenus iisdem principia generalia ad rationandum de rebus ad Facultates superiores spectantibus suppeditat divisio Facultatum in superiores & inferiorem eodem nititur fundamento, quod philosophia illis nonnisi ancilletur. Commune hoc præjudicium pleborumque animum ita obsedit, ut philosophiæ vel nullum esse usum affirmant, vel certe non alium, nisi quod terminos quosdam & principia nonnulla Facultatibus superioribus præbeat, quibus commode in rem suam utantur. Quamobrem philosophiam aut prorsus non addiscendam esse, aut non alio fine eidem operam navandam esse colligunt, quam ut terminorum quorundam & principiorum notitiam nobis comparemus. Si quis vero se ad munus quoddam olim in Ecclesia, vel Rep. obeundum idoneum reddere studeat; ei Facultates superiores sufficere.

Illi igitur, qui ad ministerium ecclesiasticum non adspirant, nec artem salutarem exercere cupiunt, ad solam Jurisprudentiam, subinde solam civilem, tanquam ad sacram anchoram confugiunt, quasi ab ea sola expectandum sit omne ad vitam civilem præsidium. Enimvero si quis attentius consideret, quænam rerum scientia ad Remp. bene administrandam & in ea felicitatem generis humani promovendam requiratur: is facile perspiciet, a solis facultatibus, quæ dicuntur, superioribus eam peti minime posse. Quare cum ostendi queat, philosophiam ea præstare, quæ ab illis frustra requisiveris, & Theologica, Juridica & Medica Facultates dicantur superiores, quatenus iis ad Remp. feliciter administrandam opus habemus, ita ut muneribus, quæ in viros literatos conferuntur, utiliter præesse nequeat, nisi qui uni illarum se manicipavit; Philosophia autem inferior appelletur, quatenus illis ancillatur; concludendum omnino erit, si rem, non nomen spectes, Facultatem quoque philosophicam esse & superiorem quandam facultatem, sit ita quod simul sit in-

ferior, atque philosophiam non modo ancillari, quatenus inservit Facultatibus ceteris, verum etiam dominari, quoniam eam offert rerum cognitionem, quæ in Rep. administranda opus est, quæ tamen a Facultatibus ceteris peti nequit. Sed nos de nomine parum solliciti, quibus perinde est, utrum Facultas philosophica inferior, an superior dicatur; utrum philosophia ancilla, an domina appelletur: quamvis de nomine monenda fuerint ad dispellendam præjudiciorum nebulam profutura. Misso igitur nomine, ad rem animum advertimus ostensuri philosophiam non modo præbere principia Facultatibus superioribus, verum etiam talia suppeditare, quæ in Rep. administranda utilia ac proficua sunt, a Facultatibus autem superioribus suppeditari nequeunt.

*Cultura
intelle-*

*ctus non
aliunde
quam ex
philoso-
phia pe-
tenda.*

§. 2. Plurima sunt in Rep. munera, quæ ideo in literatos conferuntur, quod eos rectius facultatibus mentis uti posse credamus aliis: tum in rebus dijudicandis, tum in iis discutiendis. Quare si a philosophia pendet cultura intellectus, qualem à ceteris facultatibus frustra expectes; philosophia non ancilla-

tur

tur facultatibus superioribus, quatenus ab ea ista cultura pendet, quoties quis intellectum excolit, qui animum ad facultates superiores non appellit, vel quatenus per illam culturam expeditionem negotiorum tractationem intendit, etsi iisdem ancilletur, quatenus eadem cultura præstat, ut ad illas reddamur magis idonei. Sunt autem omnino philosophiæ media, quibus intellectus excolitur, ut pronior, certior & latior fit facultatum mentis usus. Etenim in numero disciplinarum philosophicarum Logica est, quæ docet modum dirigendi facultatem cognoscitivam in cognoscenda veritate (p). Quare si rite pertractetur, ex eadem discimus, quomodo facultates mentis nostræ dirigere debeamus, ut veritatem, quam intendimus, cognoscamus. Qui vero novit, quomodo facultates mentis in veritate cognoscenda sint dirigendæ; ei haud obscurum est, quid fieri in dato casu debeat, ubi quid ad dijudicandum, vel inquirendum affertur. Et ubi regularum illarum applicationem in potestate habet, exinde simul certus reddi-

R r 5

tur,

(p) Disc. prælim. § 61.

tur, se facultatibus mentis suæ rite uti. Pertinent huc, quæ de usu Logicæ in praxi vitæ integro capite explicavimus (q): sed quæ ibidem uberrime dicta sunt, adeoque ibidem etiam legi possunt, ea hic repetenda non sunt. Accedit porro, quod ad facultatem philosophicam referatur *Mathesis* universalis. Ecquis vero est, qui ignorat, *Matheseos* studio comparari habitum regulis logicis utendi, postquam & ab aliis ab omnino *void* inculcatum, & a nobis etiam abunde demonstratum fuerit. Legat, qui talia nondum satis perspecta habet, quæ in opere logico de methodo logicam discendi integro capite tradidimus (r). Quamobrem cum *Mathesi* operam navare debeat, qui habitum utendi regulis logicis, adeoque mentis facultatibus in veritate cognoscenda, sibi comparare voluerit; ad facultatem philosophicam non tanquam ad ancillam accedere debet. Apparet adeo singulare quoddam officium, quod philosophia cum *Mathesi* præstat in universum omnibus, qui ad munera quæcunque publica admo-

vendi

(q) §. 1211 & seqq. Log. (r) §. 1227 & seqq. Log.

vendi sunt, & quod a Facultate alia frustra requisiveris. Non absurdum existimari debet, si quis vel solius intellectus excolendi gratia in Academiam proficiscatur, utut moribus nostris hactenus receptum non sit, ita ut culturam intellectus vel prorsus negligent, vel saltem non eo, quo fieri debebat, modo curæ cordique habeant, qui studiorum gratia in Academiis proficiuntur & in quocunque studiorum genere multo latiores experturi essent progressus, siquidem intellectum rite excoluissent. Novi equidem esse longe plurimos, qui sibi persuadent, logicam naturalem abunde sufficere; artificialem in spem futuræ oblivionis addisci. At vero hi erunt, qui vel spuriam didicere logicam, vel genuinam sensum non rite perceperunt, vel denique de ea applicanda parum solliciti fuerunt, spreto connubio Logicæ cum Mathefi. Quod si quæsieris, quænam sit genuina Logica & quomodo a spuria distinguatur, cum nemo non fateatur, eam, quam profitetur, esse genuinam, ceteras vero ab ea dissidentes spurias; nodum hunc facile solvi posse,
nec

nec opus esse ut instar Gordii secetur, veritatis fiducia asseveramus. Etenim in Prolegomenis Logicæ Latinæ aut, si mavis, majoris (s), triplicem exhibuimus lapidem Lydium Logicæ artificialis docentis, cujus ope genuinam a spuria facile distinguere poteris. Nimirum ibidem ostendimus, Logicam artificialem genuinam praxi veterum Geometrarum esse debere conformem; per regulas genuinæ rationem reddi posse cogitationum, quæ sese invicem naturaliter consequuntur; regulas denique ejus ex ipsa mentis humanæ natura & notione entium in genere demonstrari posse. Primus in primis lapis Lydius is est, quo facillime omnium utimur, cum ceteri supponant principia Psychologica. Secundum istum lapidem Lydium nos primo examinavimus Logicam nostram &, ubi quædam praxi Geometrarum veterum non satis convenire deprehendimus, ratione dissensus detecta, eadem correximus, antequam prima ejus lineamenta in libello Germanico in tyronum gratiam, deinde vero in majore opere Latino singula præ-

(s) §. 26 & seqq.

præcepta uberiori calamo explicata in publicum proferre decerneremus. Cum in Psychologiam majori studio inquireremus, quam antea ab aliis factum fuerat, ac imprimis operam daremus ut eorum, quæ in mente contingunt, rationes manifestas detegeremus (id quod ante nos nemo fuerat ausus); ipso etiam opere didicimus, quantam huc afferant regulæ Logicæ genuinæ utilitatem. Et hoc modo didicimus, eam, quam nos tradidimus, Logicam nec a secundo lapide Lydio abhorrere. Denique cum opus Logicum ederemus, ex natura mentis humanæ & notione entis in genere regulas omnes demonstravimus, atque sic & nos experti sumus, & aliis palam fecimus, eam, quam nos exhibuimus, Logicam cum tertio quoque lapide Lydio convenire. Cum necessitas exigat, ut dicamus, quæ veritati consentanea sunt, ne quis in Logicam spuriam incidens a veritate aberrare existimet, quæ de cultura intellectus modo commentati sumus; nemo nobis vitio vertet, quod ipsimet dicamus, qualem Logicam nostram deprehenderimus, atque polliceamur ei de felici cul-

culturæ intellectus eventu non esse desperandum, qui Elementorum nostrorum Matheseos lectionem attentam cum Logicæ nostræ tractatione junxerit: quamvis nec ei prorsus sit desperandum, qui solam Logicam attentamente legerit & relegerit, atque in præceptis applicandis assiduus fuerit. Poteramus provocare ad testimonium virorum cum doctissimorum in sacris & civilibus dignitatibus constitutorum, tum etiam mercatorum aliorumque, qui sponte sua literas ad nos dedere, quibus significarunt, se præter omnem opinionem didicisse, Logica nostra sapientius perlecta & ad casus obvios in negotiis suis omnique vita solerter applicata, quod ejus doctrinæ certissimum spondeant usum, neque in spem futuræ oblivionis addiscantur, ita ut ipsos non piguerit inter ardua, quæ muneris ratio iisdem imponit, negotia Logicæ vel olim neglectæ, vel rursus oblivioni traditæ nobis ducibus operam navare. Quamobrem id non moramur, si vel homines novi ex obtreptione aliorum se meliorum ad nominis quandam famam grassantes, vel alii, quorum invidia

impuntur ilia, temerariis censuris
æ nostræ sibi potius, quam nobis
ti sint: etenim si tempus, quod in-
er ac turpiter in iis taxandis consu-
, quæ non satis intellecta in sensum
im detorquent, in intelligendis
collocarent, non modo id conse-
ntur, ut censurarum inanium te-
atem ipsimet perspicerent; verum
non opus haberent ut se ab audi-
is destitutos conquererentur. Re-
ac expeditum facultatum mentis
in veritate cognoscenda unicuiq;
sse plurimum, quocunque tan-
itæ genere delectetur, nemo in du-
facile vocabit. Etsi enim pluri-
ogica naturali sint contenti, qui
nutilem Ecclesiæ ac Reip. operam
it; extra omnem tamen dubita-
aleam positum est, eosdem Lo-
rtificialis insignem prorsus utilita-
ercepturos esse, si eadem uti ipsis
ar, ut differentiam, quæ interce-
ter Logicæ naturalis & artificialis
, perspicerent. Animadverte-
nim, quam sint in rebus ad se per-
tibus acutiores, ut per experien-
scientiæ suæ pragmaticæ thesauros
mi-

minore tempore ac studio locupletarent, atq; suo loco expeditius ac certius veritates semel cognitae applicarent; in rebus autem ad se non pertinentibus circumspectiores, ne per præcipitan-
tiam sibi iudicium fumerent de rebus, quas non intelligunt, & ab aliis sibi per-
suadere paterentur, quæ sunt a veritate aliena, facilem nimirum præbentes illis
aurem, qui pendulum ab appetitu ha-
bent assensum. Voluptatem præterea perciperent tum ex iis, quæ nunc indif-
ferenter agunt, tum ex illis, quæ ob per-
plexitatem molesta tædia creant. Et
quoniam assensum ab appetitu pendu-
lum experimur, quoties ob ineviden-
tiam rationum suspendendus erat, ut-
pote per eas non determinandus; ex
assensu autem, qui ab appetitu pendet,
magna caterva prodeunt mala; nihil
profecto magis optandum est, quam ut
eorum assensus ab appetitu minime
pendeat, qui felicitati generis humani
præfunt. Quamvis vero Logica id tan-
tummodo præstet, ne evidens videatur,
quod non est, adeoq; sola impedire ne-
queat, ne pendeat ab appetitu assensus;
plurimum tamen adjumenti affert, cum
alias

alias vel infcius eundem per appetitum determines, utut tibi propositum non assentiri nisi veritati. Ad specialia commemoranda non descendimus, cum eorum, quæ commemoravimus, tanta sit utilitas, ut abunde sufficiat ad studii Logicæ verioris utilitatem persuadendam. Ut tamen hætenus dicta plenius intelligantur, non abs re esse videtur, si eorum nonnulla paulo distinctius exponamus. Logicæ usum in omni vitæ genere experimur partim in veritatis cognitione acquirenda, partim in veritate cognita ad casus obvios applicanda. Si veritates ad negotia tractanda proficuas tibi comparare volueris, aut proprio eruendæ sunt Marte, aut ex aliorum institutione hauriendæ. Communiter experientia duce sibi comparant, quæ ex disciplinis non didicerunt: unde seniores multa rerum experientia instructi præferuntur junioribus, qui animum adhuc ab experientia vacuum habent. Quodnam adjumentum huc afferat Logica, in opere Logico ex instituto docuimus (t). Ejus nimirum præsidio instructus ab iis, quæ

(Hor. *subf.* 1729.) Ss per-

(t) §. 669 & seqq.

percipit, notiones distinctas atque determinatas derivat, & ab iis universaliores non minus distinctas atque determinatas abstrahit: quo facto & experientia fit locupletior, & applicatio ejus certior. Quodsi ex aliorum institutione haurienda sunt, quæ scitu utilia; non minorem utilitatem spondet Logica, quemadmodum ex iis intelligitur, quæ de legendis libris (u) & de methodo docendi (x) integris capitibus explicata dedimus. Logica scilicet instructus acutior est in iis, quæ ab aliis dicuntur, dijudicandis, ut nonnisi ea memoria condant, quæ vera & determinata experitur, hoc est ea, quæ certum atque rectum spondent usum. Quodsi jam veritates, quas quis sibi quocunque modo comparavit, ad casus in vita humana applicandæ sunt; Logica duplicem præstat usum: efficit enim ut ad circumstantias casus præsentis simus acutiores, eumque accurate determinemus, utque in applicandis notionibus universalibus, quibus instructa est memoria, simus circumspecti atque legitime ac expediti

(u) §. 902 & seqq. Log. (x) §. 1118 & seqq. Log.

pedite de re proposita ratiocinemur. In veritatibus practicis plurimum juvat propria experientia. Quamobrem quæ de cultura intellectus hæcenus differuimus, unus omnium optime intelligit, qui ea in seipso experitur: quæ etiam ratio nos permovet, ut in superioribus ad illorum testimonia provocaverimus, qui ea in seipsis experti sunt.

§. 3. Sed mittamus intellectus cul-^{Cur Fac-}turam, qua unusquisque ad vitæ suæ^{cultes} genus redditur magis idoneus, & nunc^{superio-} porro dispiciamus, num Facultates su-^{res ad} periores, quæ dicuntur, solæ ambitu suo^{Remp.} complectantur veritates omnes, quæ in^{admini-} Ecclesia & Rep. usum habent. Con-^{strandam} stat Theologiam docere modum salu-^{sint in-} tem æternam consequendi & eadem in-^{sufficiē-}structos effici Ecclesiæ ministros; Ju-^{tes,} risprudentiam continere leges, quibus jura rerum & personarum comprehenduntur, & eadem instructos aptos esse, ad controversias in foro agitata decidendas; Medicinam denique præscribere modum sanandi ægrotos & eadem instructos ægrotis auxilium afferre. Ecquis vero sibi persuadebit in Rep. administranda non occurrere negotia,

quorum nec Theologia, nec Jurisprudentia, nec Medicina theoriam continet, cum nec agatur de vita æterna consequenda Deoque rite colendo, nec de controversis hominum juribus, nec de sanitate vel conservanda, vel instauranda. A Facultatibus adeo, quas superiores appellamus, non suppeditantur omnia, quæ in Rep. administranda scitu & utilia, & necessaria sunt. Nec defuere viri docti & longo rerum usu instructi, qui dudum agnovere divisionem Facultatum in Academiis non firmo niti fundamento & plurima peperisse præjudicia, quibus id tandem effectum est, ut in Academiis nec satis doceantur, nec discantur, quæ ad usum vitæ faciunt, sed multa negligantur, quæ non minus doceri ac disci debebant, quam quæ ad Facultates Theologiam, Juridicam & Medicam pertinent. Sed non opus est, ut autoritatibus pugnemus, ubi ea recensere licet, quæ scitu apprime necessaria sunt, nec tamen ad objecta Facultatum illarum referri possunt. Et cum præter Facultates istas alia non detur, quam philosophica & ad eam referri sueverint omnia, quæ ab objectis superior-

riorum Facultatum aliena sunt; exinde omnino colligitur Facultatis philosophicæ, siquidem satisfacere debet, esse ea docere. Enimvero missis generalibus ad ipsam recensitionem specialem accedimus.

§. 4. Jus naturæ ad philosophiam *juris naturalis usus* spectare, nemo in dubium vocare potest ac a nobis alibi (y) evictum: quamvis ideo non negemus, juris Romani notitiam plurimum prodesse ei, qui juris naturalis systema completum hætenus desideratum condere voluerit, neque refragemur, si jus naturæ ad Facultatem Juridicam referatur, mutata notione hætenus recepta, secundum quam nonnisi jus civile & canonicum cum publico Sacri Romani Imperii ad eam spectat. Diximus enim divisionem Facultatum hætenus receptam non firmo satis stare talo. Quod si ergo demonstrari possit, jus naturæ habere aliquem usum, vel etiam plures, quos frustra a Jure civili & canonico expectaveris, & illud esse addiscendum a pluribus, qui jus civile & canonicum tuto ignorant; eo ipso evictum erit,

Ss 3

phi-

(y) §. 68 Disc. prælim.

philosophiam non tantummodo ancillari Jurisprudentiæ, verum perinde ac ipsam tradere, quæ immediatum in vita & Rep. administranda usum habent. Jus civile & canonicum non omnes comprehendere casus, in quibus de jure controvertitur; vel exinde patet, quod Doctorum opiniones de istiusmodi casibus ubivis prostant, quædam etiam per leges non decisa judicis arbitrio relinquuntur. Illi igitur casus aut decidendi sunt per jus naturæ, aut conformiter illis principiis, quibus leges civiles nituntur. Decisio posterior majorem ut plurimum requirit habitum investigandi veritatem latentem, quam iis esse solet, qui casus istiusmodi decidere debent. Et ubi istiusmodi habitum sibi comparare deberent, vel ex dictis paulo ante de cultura intellectus colligitur, opem hic ferre debere philosophiam cum Mathesi Jurisprudentiæ non ancillantem. Quamobrem consultius est, ut jus naturæ recipiatur in subsidium juris civilis, atque ad illud recurratur, ubi ab hoc destitutum nos deprehendimus. Enimvero ut id commodè fieri possit, defectus utique juris na-

naturalis tollendi, quibus libri de eodem conscripti adhuc laborant. Quod si enim libros de jure naturali conscriptos evolvas, facile perspicias, disciplinam philosophiæ præstantissimam nondum in eam formam esse redactam, quæ ipsi convenit, scilicet ut sint propositiones determinatæ ac rigoroſe demonstratæ, & pauciores adhuc casus in eadem esse decisos, quam in Jure Romano, ut adeo hinc enatum sit præjudicium, quasi jus naturæ intra arctiores multo limites contineatur, quam jus civile, cum tamen ad omnes omnino casus circa actiones hominum conceptibiles extendatur, quemadmodum a nobis in moralibus demonstratum. Id igitur agendum, ut obtineamus systema juris naturalis quam maxime completum, ne philosophia frustra opem suam implorari patiatur. Conforme præterea est principiis politicis, & civilibus quoque legibus sancitum, ut judex ante partes litigaturas in foro juxta æquitatem componere studeat, quam litem decernat. Et optandum sane foret, ut idem in foro stricte observaretur: ita enim & lites multæ initio statim sopirentur &

temerarius litigator judici innotesceret
severiori pœna coërcendus, ubi causa
cecidit. Quoniam naturaliter æquum
est, quod legi naturali convenit; sin-
gularis hinc usus juris naturalis apparet,
qui aliunde quam ab eo expectari ne-
quit. Non absurdum foret constitui in
Rep. æquitatis arbitros, qui partes in fo-
ro litigaturas ante componere stude-
rent, quam actio in foro ipsis concede-
retur: quod etsi moribus nostris non
conveniat, non tamen ideo absurdum
dici potest. Istiusmodi autem arbitri
Jurisprudencia naturali instructi esse
deberent, non ignorato tamen le-
gum quarundam civilium cum natura-
libus consensu. Ceterum cum unus-
quisque hominum actiones suas ad
normam legum naturalium compone-
re teneatur, nec alia actionum dire-
ctione felicitatis illius particeps fieri
possit, quæ in his terris in hominem ca-
dit & recto facultatum mentis usu com-
paratur; nemo sane est, quodcunque
tandem vitæ genus amplectatur, cui
non hoc nomine jus naturæ maximo-
pere sit commendandum. Per jus na-
turæ, si quidem rite pertractetur, actio-
num

num humanarum intrinseca honestas ac turpitudine innotescit: quæ cum motiva præbeat exemplo Apostoli (z.) etiam a Ministris verbi divini in sermonibus sacris ad populum urgenda, novus aliquis juris naturalis usus patet, quem philosophia Ministris Ecclesiæ spondet, quatenus theologiæ neutiquam ancillatur. Et quoniam promiscue omnibus utile est nosse actionum humanarum honestatem ac turpitudinem intrinsecam, ut inde motiva actionum committendarum vel omittendarum desumi possint; jus naturæ ita pertractari debet, ut honestas intrinseca actionum ac turpitudine in aprico ponatur. Neque enim existimandum est, posse nos motivis istis carere, quibus alia sunt istis multo fortiora, cum non sine ratione ipse Apostolus motiva ab intrinseca actionum honestate ac turpitudine desumpta urgeat, etsi ceteris quoque fortioribus utatur (a). Demonstravimus sane in moralibus, motivis pluribus in unum collectis appetitum fortius impelli, ne sensitivus adversus rationalem prævaleat. Enimvero

S s 5

jus

(z.) Eph. V. 18. (a) 1. Cor. VI. 10.

jus naturæ eo modo pertractari nequit, nisi a philosopho, ut actionum intrinseca honestas & turpitudine pateat, cum sic reddatur ratio, cur actio aliqua bona sit, vel mala: quod utique philosophi est. Si quid tale facit Theologus, vel Jctus, non tamen qua Theologus, nec qua Jctus id facit, sed quatenus philosophatur: id quod palam erit differentiam inter cognitionem philosophicam & historicam intercedentem cogitanti, quam satis perspicue in Discursu præliminari Logicæ præmisso delineavimus (b). Quicumque igitur honestatis intrinsecæ ac turpitudinis addiscendæ gratia ad philosophiam accedit; is non tanquam ad ancillam facultatum superiorum accedit. Atque adeo manifestum est non uno fine juri naturæ operam navari, etsi inde subsidium in Facultatibus superioribus non expectes. Nondum tamen omnes enarravimus juris naturalis usus, quos per se sive in vita, sive in Rep. administranda habet. Supersunt enim adhuc alii hætenus recensitis non inferiores, sed ii inprimis præclari. Jure naturali opus est ad pruden-

(b) §. 4 & seqq.

dentiam legislatoriam. Etenim in Politicis demonstramus, *Ulpiano*, Jcto eximio non invito (c), jus civile effici, cum aliquid addimus, vel detrahimus juri naturali. Quamobrem leges civiles conditurus nosse debet naturales, tum ut constet, quanam leges naturales in numero civilium retineri possint, tum ut appareat, quid legi naturali vel addendum, vel detrahendum sit, ut prodeat civilis, dato Reip. statui conveniens. Qui adeo Principibus in ferendis legibus a consilio sunt, juri naturali operam dare tenentur, atque adeo de novo ad philosophiam accedunt non tanquam ad ancillam facultatum superiorum, sed tanquam ad rerum Magistrum, quas Jurisprudentia civilis docere nequit. Quamobrem non modo apud Sinas, sed alias etiam gentes legislatores vel fuere philosophi, vel philosophorum consiliis in ferendis legibus usi. Absit autem ut philosophus habeatur, qui dicitur, ac hoc nomine absurdum existimetur, quod hic asseritur? Principiis juris naturalis opus habemus in decidendis controversiis gentium; ostendit

(c) Vide Trim. brum, Num. 2, §. 22. 24.

ostendimus enim in Politicis & suo loco id uberius confirmaturi sumus, Jus Gentium oriri legibus naturalibus ad Gentes applicatis, quatenus spectantur ut personæ in statu naturali viventes. Et quamvis præter hoc Jus Gentium necessarium detur etiam aliquod arbitrarium; hoc ipsum tamen ex illo eodem modo, quo civile ex naturali efficitur, derivari debet, quatenus nimirum necessario aliquid vel demitur, vel detrahitur, quemadmodum clarius exposituri sumus, quando de Jure Gentium ex instituto agemus. Nullum adeo dubium superesse potest, Jus Gentium, si legitime tractetur, cum Jure naturali summis rerum Administris usui esse. Dudum profecto id agnovere, qui eximum *Grotii* de Jure belli & pacis opus in pretio hoc nomine habent, etsi nondum tradiderit, quæ prorsus satisfaciunt. Enimvero Jus Gentium non minus, quam naturæ manum auxiliatricem a philosopho expectat, ut in Systema veri nominis redigatur. Et, si vel maxime a Juris interprete doceatur, non tamen ideo desinit esse philosophiæ pars, consequenter denique probat esse in philosophia, quæ discun-

scuntur, quatenus Jurisprudentiæ non ancillatur. Optandum profecto foret, ut plures esse, quam vocari mallent philosophi, utque philosophiæ Professores omnes docerent philosophiam, quam ad publicam privatamque utilitatem aptam in his ipsis Horis subsecivis delineavimus (d)! Ita enim omnium optime convincere unumquemque daretur, non nudam esse ancillam superiorum Facultatum philosophiam, nec absurdum esse, si quis vel solius philosophiæ addiscendæ gratia in Academiam proficiscatur. Etsi autem præclari prorsus sint usus, qui Jus naturæ commendant, quatenus Jurisprudentiæ minime ancillatur; habet tamen philosophia thesauros adhuc plures, quos in utilitates publicas convertere licet, ac de his porro dicendum nobis erit.

§. 5. Nullum est in Rep. munus, nullum quoque datur vitæ genus, in quo sincera virtus non plurimum utilitatis afferat. Quamobrem sicuti superius (§. 2) ostendimus opus esse cultura intellectus; ita non minus inculcanda est sollicita voluntatis cultura. *Cultura voluntatis a philosophia pendenda.* Culturam

voluntatis

(d) Trim. brum. Num. 1.

voluntatis philosophia tradit moralis, siquidem genuina fuerit, quemadmodum intellectus culturam genuina Logica delineat. Etenim si philosophia moralis nomen suum tueri debet, ex natura mentis humanæ, quæ in Psychologia explicatur, deduci debet modus perficiendi voluntatem, & perducendi appetitum sensitivum ad consensum cum rationali. Plurimum adeo refert, ut philosophiæ morali veriori operam navet, quicumque ad virtutem minime fucata pervenire voluerit, ut ex rationibus intrinsecis determinet voluntatem, nec extrinsecis utatur, nisi quatenus eas intrinsecis jungi prudentia suadet. Haud parum a plerisque peccatur, quod voluntatis culturam prorsus negligant, quasi ea minime opus sit ad consequendum virtutem, sicuti haud pauci existimant, non opus esse cultura intellectus ad acumen atque iudicium acre sibi comparandum. Philosophia igitur moralis minime ancillatur Facultatibus superioribus, quatenus culturam voluntatis distincte delineat, ut constet, quibusnam exercitiis sit comparandus habitus, qui virtutis nomine

atque adeo in virtutis studio affil-
le possimus. Equidem non igno-
hilosophiam moralem hæcenus
atis fuisse excultam, ut adeo parum
præsidii expectare licuerit. Et
avis Theologus eximius *Bayerus*
n quandam Theologiæ moralis de-
tit, quæ prodesse poterat etiam phi-
his; tantum tamen abest, ut hi a-
m ad eam adverterint, ut ne qui-
Theologi, qui post eum Theolo-
morales conscribere conati sunt,
vestigia secuti fuerint. Novi etiam,
quandam philosophiæ moralis na-
is speciem, quæ ad eam, quam phi-
hus tadere debet, eodem modo se-
bet ficuti Logica naturalis ad arti-
em, neque me fugit homines in
is sane casibus philosophia morali
rali non infelicitè uti, quemad-
um Logica naturali feliciter sæpius
tur, qui artificialis ignari sunt. E-
vero quemadmodum extra omnem
tationis aleam positum est philoso-
m moralem, ut sic dicam, artificia-
multo præclariorè habere usum,
n naturalem, ficuti Logica artifi-
i illustriorem multo usum præbet
quam

quam naturalis; ita etiam operam dare
cœpimus, ut philosophiam moralem ad
genuinam formam perduceremus, da-
bimusque in posterum operam, ut ean-
dem ulterius perficiamus, speramusque
fore ut in posterum plures ad eandem
ulterius perficiendam socias conferant
operas, ubi cessante invidia tempus in
nostris intelligendis collocabitur, quod
nunc in iis per præcipitantiam carpen-
dis præpostere consumitur. Absit ita-
que ut conqueramur philosophiæ com-
mendari opem, quam petenti ferre ne-
queat! Nulla profecto disciplina ad id
fastigii evecta est, ad quod evecta esse
deberet, ut prorsus satisfaceret iis, qui
eam in futuros vitæ usus sibi perspectam
reddunt. Ecquis vero ideo vel in du-
bium vocaverit eum, quem habet, u-
sum, vel prorsus eundem contemne-
ret? Disciplinae sicuti in universum o-
mnes, ita etiam philosophia moralis,
conjunctis viribus continuo excolendæ
sunt, ut ab iis posteri percipiant fructus,
qui nobis denegantur. Quamvis vero
primi simus, qui philosophiam mora-
lem in eam formam redegimus, ut e-
mendationi voluntatis commode infer-

vi-

vire possit, de qua hic nobis sermo est; non tamen nullum esse ea in re ipsius usum fatentur, qui eundem re ipsa experti sunt. Quamobrem nobis vitio verti nequit, quod a philosophia morali eam voluntatis culturam expectari posse affirmemus, qua in quocunque vitæ genere ad promovendam generis humani felicitatem opus habemus.

§. 6. Suam quoque utilitatem hominibus affert methodus conjectandi ^{Methodus conjectandi hominum mores.} hominum mores: neque enim solum eadem juvat Legatos Principum ad Principes, sed promiscue homines omnes in omni vitæ genere, cum nemo sibi soli vivere possit, sed singulis res sit cum aliis. Sapius nimirum opus est, ut ab aliis nobis caveamus damna evitaturi; sapius necesse est, ut aliorum voluntatem flectamus in eam partem, in quam tandem determinari nobis commodum accidit. Sunt etiam qui aliorum mores ita formare debent, ut sibi sponte sua facere videantur, quod ad nutum alterius faciunt. In his casibus omnibus, qui, cum generales sint, plurimos speciales sub se complectuntur, mirifice prodest ars conjectandi hominum mores.

(Hor. subs. 1729.) T t res.

res. Agnovere hanc utilitatem artis conjectandi hominum mores jam alii viri in primis in omni doctrina summi & excellenti ingenii ac judicii robore pollentes. Sufficiat mihi unum nominasse *Conringium*, virum etiam post facta summum. Is cum *Scipionis Claramontii* de conjectandis cujusque moribus & latitantibus animi affectibus libros decem in Germania recudi curaret, non modo artem conjectandi hominum mores eam esse dixit, qua & *Ethicus*, & *Politicus*, & *Orator*, & in communi vita unusquisque in rem suam uti possit & debeat uti, sed eam quoque notitiam in omni vita, cum primis vero ad civilia negotia feliciter expedienda necessariam, immo & in foro atque concionibus apprime utilem dixit (e). Et in dedicatione ad virum illustrissimum atque excellentissimum *Matthiam Biörnklov* satis superque ostendit, non vanam esse hanc artem, sed utique possibilem. Quod si tamen non satisfaciat judicium viri, qui vitam Professoris egit, notes velim *Innocentium Maximum*, Procerem Romanum, primum *Briton-*
rien-

(e) In præf. p. m. 18. 19.

riensem, deinde *Cataniensem* Episcopum, Florentiæ primum apud Magnum Hetruriæ Ducem, postea in Hispania apud Regem Oratorem Pontificium, cohortatum fuisse *Claramontium* ut opus ederet, & exemplum ab ipso obtinuisse, quod vel sumtu suo imprimendum curaret (f). Agnovit is utilitatem artis, quam prædicat *Claramontius* (g), non curiosæ per se ac temerariæ, sed multis erga multos tum honestæ, tum necessariæ. Parentes, inquit *Claramontius*, filiorum & in universum institutores alumnorum propensiones & mores sicunde bonos aut malos contraxerint, multo debent conatu investigare. Nisi domini servos, Principes familiares & ministros exploraverint, illi sibi, hi sibi & Reip. magno damno erunt. Quæsitores etiam scelerum in præcedentes personarum mores inquirere, proque eorum differentia multo secius ex eodem facto procedere debent. Hactenus *Claramontius*. In philosophia morali, quam idiomate patrio edidimus, posthac ve-

T t 2

ro

(f) Vid. præf. *Claramont.* p. m. 11. 12.(g) *ibid.* p. 13.

ro uberius multo exposituri sumus, ostendimus, quomodo ex actionibus hominum ac passionibus animi conjectari queant hominum mores ac propensiones cum naturales, tum adscititiæ; indicavimus etiam, quemnam usum habere possit Physiognomia, quæ hodie prorsus deserta atque inculta jacet, etsi olim plurimum eidem fuerit tributum. Qui ea sola perpendit, illi non difficile erit cognoscere, quod ars conjectandi hominum mores non sit vana ac temeraria, sed certis utique principiis innixa. Illud inprimis patet, ubi quis Psychologiam habuerit perspectam: in ea enim ostendimus, dari regulas tam Logicas, quam morales, quas nunquam violare potest homo etsi liberrime agat, ibidemque abunde docui, eorum, quæ in mente contingunt, non minus perspicuam afferri posse rationem, quam illorum, quæ corporibus accidunt: quale quid etsi ante nos nemo aggredi ausus fuerit, vir tamen judicii acris *Conringius* in ea, quam paulo ante commendavimus, dedicatione non impossibile judicavit, cum genuina artis nostræ fundamenta in iis con-

contineantur. Dudum præterea agnovere philosophi & *Claramontius* inprimis, qui philosophiam moralem cum Medicina contulit, docuit, esse quoque partem quandam philosophiæ moralis semioticam, quæ signa virtutum & vitiorum tradit, non minus intellectuum, quam moralium: unde & *Bajerus* in *Compendio Theologiæ* moralis signa actionum hominis christiani recensere non neglexit. Et nos in philosophia morali tradidimus quoque signa virtutum & vitiorum specialia ac talia longius prosequemur, ubi partibus *Metaphysicæ* & *Jure naturali* ac *Gentium* ad finem perductis, philosophiam quoque moralem sermone Latino in eam formam reducemus, in quam disciplinas ceteras philosophicas redigere cœpimus. Illa autem philosophiæ moralis pars semiotica est pars specialis conjectandi hominum mores, quemadmodum generales regulæ de conjectandis hominum moribus ad philosophiam practicam universalem pertinent, ad quam eas quoque retulimus. Ars adeo conjectandi hominum mores tum demum acquiritur, ubi philosophiæ morali

rali operam navamus, in qua ex facultatibus mentis ratio redditur a priori virtutum ac vitiorum actionumque ad habitus istos spectantium. Quamobrem qui illius sibi comparandæ gratia philosophiæ morali &, quam ea supponit, Psychologiæ operam navat, is denuo ad Philosophiam accedit, non tanquam ad ancillam Facultatum superiorum. Notandum vero, si quis in arte conjectandi hominum mores felices progressus facere velit; ei tum cultura intellectus esse opus, tum animum ejus principiis & ontologicis, & psychologicis, & moralibus erudiri debere. Patent hæc ex nexu disciplinarum philosophicarum, si quis eas in systemata inter se connexas redactas consulit. Etenim ars conjectandi hominum mores supponit principia moralia & ontologica, philosophia moralis supponit principia psychologica & subinde quædam ontologica, Psychologia vero supponit principia ontologica. Præterea in applicandis regulis artis conjectandi hominum mores & partis semioticæ philosophiæ moralis ad casus in vita obvios non modo cultura intellectus opus est, verum etiam notiones

nes ontologica directricium munere funguntur. Enimvero qui philosophiam moralem, Psychologiam & Ontologiam cum in finem addiscit, is philosophiæ operam navat, quatenus ea Facultatibus superioribus minime ancillatur. Culturam vero intellectus deberi philosophiæ, Facultatibus superioribus minime ancillanti, ex iis, quæ supra diximus (§. 2), abunde constat.

§. 7. Multa sunt in administranda ^{Politica} Rep. quæ ad theoriam reduci possunt, a ^{in admi-} ^{nistranda} Jure tamen civili atque publico prorsus ^{Rep. us-} diversa sunt. Et quamvis impossibile ^{sus.} non sit, ut talia longo rerum usu addiscantur; non tamen ideo theoria contemnenda est tanquam supervacanea. Etenim in priori casu successive animo insinuantur notiones confusæ, prout casus tulerit; in posteriori vero notiones acquiruntur distinctæ, quæ multorum annorum experientia non comparari possent. Quamobrem hic obtinet differentia, quæ ubivis inter notiones confusas & distinctas intercedit, sane non exigui momenti, ac in casu posteriori brevi temporis spatio addiscuntur, ad quæ discenda in priori anni plurimi

non sufficiunt. Accedit quod theoria, quæ notionibus distinctis continetur, etsi in se imperfecta a posteriori celeriter capiat incrementa, quæ illa destitutus sibi promittere nequit. Contingit id eo potissimum in casu, quo cultura intellectus præcessit, cum sic ad quodlibet nobis obvium & attentiores simus, & in discernendis iis, quæ notionem distinctam eamque determinatam ingredi debent, acutiores. Theoria vero eorum, quæ in Rep. administranda observanda sunt, in Politica continetur. Quamvis enim non negemus, plurimos de Politica libellos fuisse conscriptos, in quibus parum vel nihil continetur, quod in Rep. administranda usui esse possit; non tamen ideo impossibile est ut in ea contineatur theoria ad usum accommodata. Et ubi veritates, quæ per plurima volumina non unius generis dispersæ sunt, & per quandam quasi traditionem inter eos propagantur, qui Reip. præficiuntur, in systema veri nominis fuerint collectæ, Politicæ studium majorem adhuc pollicebitur usum, quam nunc ab eo expectare licet. Compendium istiusmodi systematis dedimus idiomate

patrio: quod si Deus vitam ac vires tam corporis, quam animi clementissime largitus fuerit, idem sermone Latino plenius efficiemus, aliorum opera successu temporis magis magisque amplificandum. Consideremus tantummodo capita Politicæ, quæ in *Thümmigii* Institutionibus philosophiæ nostræ leguntur: ita enim constabit, ad Politicam pertinere theoriam ad Remp. administrandam utilem, sed a Jure civili, canonico atque publico prorsus diversam. Etenim ibidem agitur de forma Reip. eligenda, de cura imperantis circa numerum civium, circa virtutes intellectuales, circa morales & cultum divinum, circa honestatem externam, circa religionem, circa Justitiam, circa injurias, circa vitæ necessitatem, circa morbos præsertim contagiosos, circa vitæ jucunditatem, circa honores, quatenus Remp. consideramus ut constituendam. Constat autem exemplo Sinarum, gentis maxime politicæ, Remp. non uno continuo actu constitui posse, sed successive per plura secula determinanda esse ea, quæ quomodo optime determinanda sint non apparet, die

T t 5

diem

diem docente. Ubi jam porro Remp. spectamus ut administrandam, in Politica agitur de summæ potestatis & potentia collatione, de regimine in genere, de justitiæ administratione in specie, de salute subditorum ubivis locorum promovenda, de opibus civium conservandis augendisque, de Consiliariis, de Oneribus publicis, de tuenda Rep. adversus insultus hostiles. Ecce tibi generalia Politicæ capita, sub quibus multa specialia comprehenduntur, quæ hic recenseri prolixum nimis foret. Ecquis vero existimaverit, doctrinas istas esse inutiles, propterea quod multa illarum experientia addisci possunt? Sane novi exempla hominum illiteratorum, qui ipso usu jura & formam processus sibi adeo familiaria reddiderunt, ut causas in foro dixerint non sine applausu. Ecquis vero inde inferet, non opus esse ut Jurisprudentia doceatur & discatur? Brevior & certior via est per theoriam, quam per solam empiriam, etsi empiricum esse oporteat, ubi theoreticus esse non possis. Ecce adeo denovo philosophiam Facultatibus superioribus minime ancillantem. Recensuimus

fuimus tantummodo generalia capita
Politica, quæ strictè sic dicitur, omiſſa
Oeconomica, quæ de ſocietatibus ſim-
plicibus agit & ad Politicam una refer-
ri ſuevit, quod ex ſocietatibus ſimplici-
bus componatur tandem Reſp. Noto
notius eſt ſocietates ſimplices eſſe nu-
ptialem, paternam, herilem, & minus
compoſitam domum, unde tandem pa-
gi & civitas prodeunt. Quare cum in Po-
litica doceatur modus promovendi ſa-
lutem & tranquillitatem Reip. in parte
ejus priori, quæ Oeconomica dici ſolet,
agitur de modo promovendi ſocietatis
nuptialis ſeu conjugialis, paternæ, heri-
lis atque domus ſalutem. Continetur
hic theoria, quæ in vita communi uni-
cuique utilis, & ſine qua Reſp. felix eſſe
nequit. Quare qui hujus theoriæ gra-
tia ad philoſophiam accedit, is eam non
quærit tanquam ancillam Facultatum
ſuperiorum. Nullum prorsus eſt du-
bium fore, ut hæc multo evidentius pa-
teant, ſiquidem nobis ad ſpecialia hic de-
ſcendere liceret, ac in primis oſtendere,
quænam ſint in Rep. munera, in quibus
obeundis opem opportunam fert exa-
ſciata Politicæ theoria: enimvero non
uno

uno nomine a talibus hic abstinere jubemur, quæ multo rectius atque facilius ex Opere politico majore, quod suo ordine dabimus, haurientur.

Oeconomica usus §. 8. Etsi vulgo Oeconomia dicatur ea philosophiæ pars, quæ de societatibus simplicibus agit: vocabulum tamen alio adhuc significato accipitur pro parte ista, quæ docet modum opes acquirendi, acq̃uistas conservandi iisdemque rite utendi, seu quod perinde est, bona acquirendi & administrandi theoriam hujus artis esse possibilem, quis negaverit? Theoriam, si detur, fore utilem, quis quæso, in dubium vocaverit? Interest quoque Reip. ut cives singuli sint boni œconomi, ipsaque proh dolor! experientia satis superque loquitur, non sufficere theoriam, quam quis sibi sola experientia duce comparat, cum plerumque nonnisi boni fiant œconomi, quibus cupido habendi ingenita esse videtur, ut adeo facile in avaritiam incendant, & fraudibus obnoxii fiant, qui boni œconomi esse cupiunt. Etenim non quævis diligentia & prudentia œconommum commendat, sed ea, quæ virtutibus ceteris minime obstat. Quamobrem in

in Oeconomia quæ philosophiæ quædam pars est, ubi ad formam scientiæ reducitur; non modo tradenda sunt media demonstrandumque ea ad media rite referri, sed ostendendum præterea est, media illa esse honesta. Utramque demonstrationem nec condere, nec conditam intelligere licet, nisi præsuppositis principiis ex variis philosophiæ partibus. Equidem Oeconomia hoc sensu hæctenus ex Academiis exulavit, cum nonnisi eam docuerint, quæ de societatibus simplicibus agit; non tamen inde inferre licet, illam esse talem, ut in Academiis doceri non debeat. Dudum conquesti sunt alii, scientiam utilissimam exulare ex Academiis. Quamobrem nos ut isti defectui mederemur, principia ad eam spectantia passim commodo loco interseruimus, quibus imbutus haud difficulter specialia duce experientia sibi perspecta reddit, quando iisdem habuerit opus. Sane in moralibus agimus de officio hominis circa opes tum acquirendas, tum conservandas, tum administrandas, ibidemque non modo tradimus principia generalia, quæ cum aliis principiis moralibus de-

mon-

monstrandæ honestati & æquitati medi-
diorum opes acquirendi atque admini-
strandi inserviunt; verum etiam non
pauca, quæ in Oeconomix parte gene-
rali locum merentur. Similiter in Po-
litica, ubi curam Principis circa opes,
quibus opus habet Resp. delineamus,
plurima traduntur, quæ tam ad Oc-
conomiam generalem, quam specia-
lem spectant, & ubi de domo agimus,
singula fere talia sunt, quæ in Oecono-
miam transferri possunt. In partibus
Matheseos mixtæ, veluti Architectura
civili, Mechanica, Hydrostatica, Aëro-
metria, Hydraulica, Philosophia expe-
rimentali & Physica plurima sane oc-
currunt, quæ in usum suum convertere
potest Oeconomus prudens. Non in-
utilis tamen foret labor, si quis princi-
piis mathematicis & philosophicis in-
structus systema Oeconomix in usus
academicos conderet. Enimvero si ve
tale systema in numero disciplinarum
philosophicarum contineatur, si ve in
disciplinis ceteris tradantur, quibus œ-
conomus prudens in rem suam uti
potest; philosophia in neutro casu fa-
cultatibus superioribus ancillatur, cum

, quæ ad Oeconomiam spectant, a cultatibus superioribus peti minime sint.

§. 9. Physicæ pars altera, quæ de *Teleologia* rerum naturalium & usu partium *us.* corporum organicorum agit, & quam teleologiam appellare soleo, singulares modum habet usus in cognitione Dei naturali. Etenim quæ in Theologia naturali de Deo demonstrantur, beneficognitionis rerum naturalium in teleologia confirmantur. Nullum enim corpus naturale, quod non ita ideat a Deo, ut ex contemplatione singula Dei attributa colligere licet. Eadem igitur Dei notitia hoc modo indefinenter cum varietate alia repeti atque memoriæ ita infigitur, ut ad conspectum rei cujuscunque attributa divina in mentem nobis iniant. Neque vero hoc exigui momenti videri debet, cum attributa divi præbeant motiva officiorum erga Deum, in quibus pietas consistit philosophica nobis dicta, quatenus ea cognoscere Dei naturali nititur. Quod si quis apta nostra philosophica attentante perlegerit, ei non ignota loquimur.

mur. Et Deus profecto totum hoc universum non alio fine condidit, quam ut ex ejus contemplatione eum agnoscamus, continuo mentis res naturales meditantis in Deum ascensu. Quamobrem ex hac rerum naturalium cognitione & cum ea conjuncto mentis in Deum ascensu eruditi imprimis voluptatem percipere debebant: ita enim creaturis utentur tanquam medio promovendi felicitatem, quibus nunc abutuntur exemplo aliorum in suam perniciem, felices sese reputantes ob hunc ipsum abusum. Si quis veram notionem felicitatis animo comprehensam habuerit, quam in philosophia practica stabilio, quod nempe sit status voluptatis durabilis, hoc est, istiusmodi, quæ nec unquam in tædium degenerat, nec ipsa tædium parit; is facile intelliget, quid ea rerum naturalium, de qua modo dixi, cognitio ad veram hominis felicitatem conferat. Laudandum adeo est illorum studium, qui omnibus viribus in id enituntur, ut naturæ cognitionem in cognitionem Numinis convertant. Et suæ felicitati, utut hætenus non satis agnita, in posterum tamen clarius agnoscenda,

scendæ, consulunt, qui Physicæ ac inde derivatæ Teleologiæ operam navant, ut voluptatis illius participes fiant, quæ animam magis demulcet voluptatibus sensualibus, & adminiculo illo utantur, quod ad virtutis studium non exiguum existimari debet. Enimvero qui Physicæ ac Teleologiæ eum in finem operam navat, is eam colit non tanquam ancillam Facultatum superiorum: quam enim ipsi fert opem ad felicitatem suam amplificandam, atque ad virtutis studium, eam a ceteris Facultatibus expectare nequit. Etsi enim non negetur, ceteras quoque Facultates opem ferre ad utrumque obtinendum: diversa tamen est ab ea, quam Physica cum Teleologia nobis promittit.

§. 10. Enimvero non modo Physica ^{Physica} præbet aliquam in vita communi usum, ^{usus.} quatenus Teleologiæ inservit, cujus fere singula theoremata ex principiis physicis demonstranda sunt: verum etiam ipsa per se non unam affert ad vitam utilitatem, quam aliunde frustra expectaveris. Quando erit tempus, quo Physici magis philosophabuntur ad usum vitæ, missis sterilibus hypothesibus,
(Her. subs. 1729.) Uu bus,

bus, quæ eadem facilitate rejiciuntur, qua admittuntur; utilitas ista clarius perspicietur. Nobis igitur in præsentī pauca delibasse suffecerit. Cum in Physicis rerum naturalium rationes explicentur & per experimenta proprietates corporum latentes in aprium producantur, nos autem rebus naturalibus ad necessitatem & jucunditatem vitæ utamur; si Physica legitimo modo pertractata, quin reperiantur, quæ ad usum vitæ faciunt, nihil profecto dubii superest. Quare si missis hypothesebus sterilibus & nonnisi legitimo fœcundarum usu retento, quem nuper (h) delineavimus, de physica ad vitæ communis usum applicanda serio cogitabunt posteri, quantum ad vitam commodè ac jucundè transigendam faciat Physica clarissime constabit. Quare qui Physicæ operam navat, ut doctrinis ejus in vita communi utatur; is eam non experitur ancillam Facultatum superiorum.

*Voluptas
ex philo-
sophia
percipi-
enda.*

§. II. In philosophia rationem reddimus, cur ea, quæ fieri possunt, actu fiant & clarissime perspicimus, cur quid possibile sit, quemadmodum alibi

(i) o-

(h) In Trim. Vern. Num. 1.

(i) ostendimus. Atque ideo philosophica imprimis cognitio animum voluptate perfundit, quam ab historica expectare non licet (k). Scholastici exemplum *Aristotelis* aliorumque philosophorum veterum secuti partes philosophiæ distinguebant in theoreticas & practicas, & illas appellabant, quæ in sola speculatione subsistunt, atque ideo solius etiam speculationis gratia addiscuntur. Equidem nos non existimamus dari aliquam veritatem, quæ solius speculationis gratia addisci debeat; quin potius serio inculcamus, veritatem omnem esse utilem ad nos statumq; nostrum perficiendum ac generis humani felicitatem promovendam, modo de usu ex veritate statuere nobis detur, non ignoratis principiis philosophiæ moralis atq; civilis; sed iisdem potius intime perspectis. Non tamen ideo negamus, esse aliquem casum, in quo quis reprehendi nequit, si solius speculationis gratia philosophicas & mathematicas theorias contemplatur, nempe si quis contentus voluptate, quam ex philosophica vel

U u 2

ma-

(i) In Disc. prælim. §. 31. (k) §. 44.
Disc. prælim,

mathematica cognitione percipit, de illarum usu in vita communi, vel incrementis scientiarum ulterius promovendis non cogitat. Quodsi vero rite perpendas, quæ nuper de voluptate ex cognitione veritatis percipienda diximus, non exiguum esse hunc usum judicabis, quod veritatibus istis utaris tanquam pabulo animæ. Sed quoniam ob hanc ipsam voluptatem disciplinas theoreticas maximi fecere Scholaistici, easque practicis longe prætulerunt, verbis magis, quam re a nobis dissensere. Admisere igitur usum longe maximum eorum, quæ solius speculationis gratia addiscenda esse defenderunt. Quodsi jam fuerit, qui vitam pure speculativam acturus Physicam inprimis, Psychologiam & Mathesin, præsertim puram, addiscit, ut voluptatis illius particeps fiat, quæ ex veritatum, præsertim sublimium, cognitione percipitur, atque hisce delitiis animum pascat: is ad philosophiam denuo accedit non tanquam ad ancillam Facultatum superiorum.

*Cur non
plura hic
enumerentur,
quæ a Facultatibus*

§. 12. Sed hætenus dicta sufficiant, ut probemus, philosophiam non tantum ancillari Facultatibus superioribus,

bus, verum etiam ea docere, quæ ad omnem vitam apprime utilia, immo necessaria sunt, a Facultatibus tamen superioribus frustra expectantur. Quod si nobis cum Facultate philophica, non cum philosophia res esset; essent ad huc utique quæ silentio præteriri non poterant. Etenim ad Facultatem philosophicam refertur etiam Mathesis, etsi eam a philosophia distinguamus, cum cognitio rerum mathematica non minus differat a philosophica, quam philosophica ab historica sive communi (1). Referuntur etiam ad eandem studia humaniora. Studiis humanioribus opus habent ad futurum vitæ genus, quotquot in scholis juventutem erudire & ad academicas lectiones præparare debent. Idem quoque philosophicis principiis, immo mathematicis imbuti esse debent, ut animos puorum & adolescentum non modo terminorum præcipuorum tam mathematicorum, quam philosophicorum notitia imbuant, iisque primas ac fundamentales cum Matheseos, tum philosophiæ notiones ingenerent. Atque

*cultati-
bus supe-
rioribus
peti ne-
quunt.*

U u 3

que

(1) §. 6.17 & seqq. Disc. prælim.

que sic denuo philosophiam, Mathesin & Facultatem philosophicam experiuntur non esse ancillam Facultatum superiorum. Et dolendum profecto est, quod ad rem scholasticam non magis præparentur, qui totam vitam eidem consecrare decreverunt, sed vulgo eam administrare jubeantur ministerii ecclesiastici candidati. Sed de eo ex instituto dicemus in Politica majore, etsi jam multa huc spectantia reperiri possint in Politica, quam patrio idiomate edidimus. In Mathesi plurima docentur, quæ manifestum usum in vita communi atque civili admittunt. Quod si tantummodo animum advertamus ad Arithmeticam, Geometriam practicam, Architecturam civilem & militarem, Mechanicam atque Hydraulicam, singulasque disciplinas vel fugitivo oculo percurrimus; ex tempore apparebit, doceri in iisdem, quæ sunt ad vitam apprime utilia, a Facultatibus tamen superioribus addisci nequeunt. Et quamvis Arithmeticam & Geometriam practicam, architecturam civilem & militarem atque Mechanicam exerceant, qui sunt Mathematicum principiorumque
phy.

physicorum rudes; facile tamen ostendi poterat, quam forent illi omnes feliciores & quantum consuleretur Reip. si theoriam quandam Matheseos & philosophiæ experimentalis cum praxibus suis jungerent: quod ubi fieret, quemadmodum subinde fieri solet, Facultas philosophica in iis erudiendis non subiret vicem ancillæ Facultatum superiorum, Enimvero cum nobis propositum fuerit verba facere non de Facultate philosophica, sed de philosophia non ancillante; omnia ista nunc præterimus: reddenda tamen erat ratio, cur eadem præterire debuerimus.

§. 13. Antequam vero hinc discedamus, duo adhuc monenda supersunt, ne hætenus dicta facile in perversum sensum trahantur. Nimirum dum hic de philosophia non ancillante commentati sumus, non ideo negamus eam Theologiæ, Jurisprudentiæ ac Medicinæ ancillari. Etenim philosophia dicitur ancillari Facultatibus superioribus, quatenus & terminos, & principia suppeditat, quibus ad rectius intelligenda ea, quæ a superioribus Facultatibus docentur, opus est. Et si igitur ostenderimus,

Epilogus.

ex philosophia addisci posse, quibus cum in vita communi, tum in civili opus est, atque a Facultatibus superioribus frustra expectantur, ac in his philosophiam non ancillari Theologiæ, Jurisprudentiæ, Medicinæ; hoc tamen non obstante ex eadem hauriuntur, quæ ad Theologiæ, Jurisprudentiæ & Medicinæ studium feliciter absolvendum mirifice profunt, sicque philosophiam Facultatibus superioribus ancillari. Nos sane contendimus, antequam ad Theologiam tractandam quis accedat, ei & Logicam, & Metaphysicas disciplinas omnes, & philosophiam in primis moralem, tum & civilem atque naturalem cum Mathesi tam pura, quam aliquot partibus mixtæ addiscendas esse; antequam quis ad Jurisprudentiam accedat, ei discendam esse Logicam, Metaphysicam, philosophiam moralem atque civilem cum Mathesi in primis puram, quantum ad culturam intellectus sufficit; antequam denique quis ad Medicinam accedat, ei pariter addiscendam esse Logicam atque Metaphysicam, & præterea Physicam, cum Mathesi pura & Opticis atque mechanicis disciplinis.

nis. Et, si quis initio studiorum academicorum, unum vel alterum annum soli philosophiæ & Mathesi operam dederit, ei intra annum unum majores in Facultate, quam sibi elegit, superiore progressus pollicemur, quam si integrum biennium vel triennium in sola Facultate superiori consumsit. Sed de his dicere non est, nec fuit præsentis instituti. Notandum secundo loco venit, dum philosophiam non ancillantem repræsentamus & falli rationem contendimus, cur Facultas philosophica dici suerit inferior in oppositione ad superiores; nos non ideo vocabulis offendi, quasi ceteris Facultatibus invidemus prærogativam, quam ipsis consuetudo tribuit. Quamvis enim propterea philosophia non satis comòdo sensu ancilla Facultatum superiorum dicatur, quod ipsis præbeat principia, quibus, quæ parum sunt, & clariora fiunt, & certiora firmantur, adeoque ancilla appelletur, quatenus dominæ alias in tenebris ambulaturæ facem præfert, ne forte labatur; philosopho tamen perinde est, quocunque nomine quid appelletur, modo de veritate rei constet. Sive enim philosophiam

U u 5

phiam ancillam, five dominam dixeris, si utrumque salva rei veritate fiat, una utrique vocabulo respondet notio, nec magis commovetur ideo philosophus, qui ex notionibus, non ex vocabulis de rebus statuit, ubi philosophiam dominam, quam ubi ancillam Facultatum superiorum appellari audit. Nimis puerilis est animus, cui vocabula fastum inspirant.

IV.

De Notione morbi.

§. I.

*Institu-
tum.*

IN trimestri superiori ostendimus modum analytice inquirendi in notionem sanitatis, ut usum quendam principiorum logicorum & ontologicorum ostenderemus: ad quem laborem nos invitabat dissensus Medicorum in sanitate definienda. Quare cum morbus sanitati opponatur & non minus notio morbi, quam sanitatis notio inter fundamentales referri mereatur; operæ pretium nos facturos confidimus, si in eadem eodem studio inquisiverimus, quod illi impendimus. Quoniam morbus est oppositum sanitatis, in sanitate autem

autem definienda non prorsus consentiunt Medici (m) ; facile hinc prævidemus , non majorem esse posse in definiendo morbo consensum. *Galenus* (n) morbum definit per actionum cessationem. Non probat hanc definitionem *Sennertus* (o) , quoniam & dormientes, aut alioquin in tenebris & otio degentes, neque ulla corporis parte moventur, neque alium rei extrinsecæ sensum habent; nihilominus tamen sani sunt. Ipse igitur eam definire mavult per impotentiam naturales actiones exercendi. *Cel. Boerhavius* (p) morbum esse ait statum corporis tollentem facultatem exercendæ actionis cujuscunque. *Cel. Hoffmannus* (q) morbum rectius definiri affirmat, quod sit magna mutatio & turbatio proportionis & ordinis motuum in solidis & fluidis, cum vel nimis accelerati, vel retardati in universo corpore, aut in certis partibus sunt, juncta cum insigni læsione secretionum, excretionum & aliarum functionum

(m) Trim. æst. num. IV. §. 1. (n) lib. 1. de differ. morbor. c. 2. (o) Instit. Medic. lib. 3. c. 1. (p) in Instit. Medic. §. 696. (q) Med. ration. Tom. 2. Part. 1. c. 2. §. 3.

num corporis animati, tendens vel ad ejus salutem aut interitum, vel ad pravam partium ad alios morbos dispositionem. Hanc definitionem realem esse affirmat, utpote non modo rationem ejus formalem, quæ læsio & depravatio actionum est, sed insuper ejus genesin ac proximam & continentem causam, quæ est mutata proportio motuum in universo corpore vel ejus partibus completitur & effectum morbi in corpus declarat. *Ettmüllerus* (r) morbum definit per labefactionem integritatis vitæ hoc est, sanitatis. *Campanella* (s) ægritudinem sive morbum medium esse ait inter vitam & mortem, & alibi (t) affirmat, esse enormitatem præter naturam in individuo. Tantus cum appareat in definiendo morbo dissensus operæ pretium videtur, ut in notionem morbi eo modo inquiramus, quo perspicuum redditur, quantus sit consensus, quantus dissensus. Etenim non infrequens est, ut viri egregii in re consentiant, in verbis dissentire videantur.

§. 2.

(r) *Pathol. c. 1. §. 1. p. 1.* (s) *Medic. lib. 2. c. 1. §. 1. p. 35.* (t) *lib. 3. c. 2. p. 78.*

§. 2. Modus perveniendi ad notio- *Modus*
nem morbi duplex est. Alter præsup- *facilli-*
ponit notionem sanitatis, alter vero eam *mus per-*
non supponit: unus adeo mediatuſ est, *venienti*
immediatuſ eſt alter. Mediatuſ facil- *ad notio-*
limuſ eſt: de eo igitur dicemus primo *nem mor-*
loco. Conſtat itaque morbum eſſe ſa- *bi,*
nitatiſ oppoſituſ: etenim vulgo pro
ſynonymiſ ſunt, laborare morbo ſeu eſſe
ægrotoſ & non eſſe ſanuſ. Quare
ubi ſanitas definita præſupponitur; æ-
grotoſ definiri poteſt per eum, qui ſa-
nuſ non eſt, conſequenter de ægroto
removenda ſunt, quæ de ſano affirman-
tur. Jam conſtat (u), ſanitatē dici
eum corporiſ ſtatuſ, quo ſingulæ ejus
partes ad uſuſ ſuoſ omneſ, quibuſ de-
ſtinantur, aptæ ſunt, & eam corporiſ
partē dici aptā, quæ ad munuſ ſu-
uſ obeundū, cui deſtinatur, apta eſt.
Morbuſ igitur eſt iſ corporiſ ſtatuſ, quo
una vel plureſ ejus partēſ ad uſuſ ſuoſ,
quibuſ deſtinantur, aptæ non ſunt. Ita
oculuſ non erit ſanuſ, quando ad viſuſ
deprehenditur ineptuſ; ventriculuſ
non ampliuſ ſanuſ erit, quando ad ci-
boſ digerendōſ fuerit ineptuſ; manuſ
non

(u) loc. cit. §. 3. p. 328.

non erit sana, quando non sine dolore movetur, aut is ejus status est, quo motus quidam alias possibiles prorsus consequi nequeunt. Quare si quis illarum partium corporis status obtinuerit; corpus aliquo morbo laborat. Hanc viam ingressus est etiam *Sennertus*. Etenim is sanitatem definit per potentiam corporis humani eas, quæ secundum naturam sunt, actiones exercendi, a partium omnium naturali constitutione provenientes. Morbum vero definit per impotentiam naturales actiones exercendi. Removet igitur in definitione morbi a corpore ægroto, quæ affirmaverat, de corpore sano. Etenim cum corpori sano tribuisset potentiam certas quasdam actiones exercendi; ab ægroto potentiam illam removet, eidemque impotentiam actiones istas exercendi tribuit. Actiones, quæ secundum naturam sunt, & actiones naturales sunt unæ eademque actiones. Quamobrem exercitium illarum actionum a corpore ægroto removet, quod corpori sano concesserat. Equidem *Galenus* eodem tramite non incessisse videtur in definitione morbi investiganda. Etenim sanita-

tem

tem vocat naturalem omnium partium constitutionem, vel dispositionem secundum naturam actionum naturalium autorem. Ergo hinc colligi debebat morbum esse praternaturalem partis unius vel plurium constitutionem, vel dispositionem præter naturam actionum naturalium autorem. Vidimus tamen *Galenum* definire morbum per actionum naturalium cessationem, atque ideo censuram incurrere *Sennerti* autoritati *Galen*i alias multum tribuentis. Enimvero cum non ex verbis iudicium ferri debeat de mente autoris, sed ex notionibus, quæ verbis respondent, quemadmodum in opere *Logico* stabilivimus & in investigandis notionibus juris naturæ, gentium & civilis ex mente *Istorum Romanorum* (y) exemplo docuimus; nulli dubitamus affirmare, quod definitio *Galen*i & ea, quæ ex ejusdem definitione sanitatis colligitur, sint una eademque. Etenim cum non infrequens sit, ut subinde pauciora dicantur, quam quæ notio animo obversans continet; igitur æquum est, ut ea suppleamus verba, quæ prætermissa ipsa notio

(y) Trim. brum. num. 2.

notio suggerit. Observavit *Galenus*, in corpore sano locum habere actiones, quæ in ægroto cessant, & in ægroto eas cessare ob rationem intrinsecam, nempe quia organum seu pars corporis non amplius ita disposita est, ut eadem inde consequi possint. Quare cum morbum dixerit actionum naturalium cessationem, dum in dispositionem seu constitutionem partium animum intendit, adeoque rationem cessationis in ipsa parte, non extra eam supponit; dicendum omnino erit, cum intelligere cessationem actionum ob rationem parti, cujus actio est, intrinsecam, consequenter id definitioni *Galenii* adjiciendum, ut mentem ejus adæquate exprimas. Enimvero hoc facto nulla amplius differentia est inter definitionem *Galenii* & eam, quæ ex notione sanitatis, quam dedit, eruitur. Immo tunc non amplius valebit adversus eam objectio, quam moverat *Sennertus*: cum enim cessatio actionum sequatur ex eo, quod partes corporis ad eas edendas non amplius dispositæ sint, morbus utique consistit in impotentia actiones naturales exercendi etiam juxta *Galenum*. Quamobrem

obrem *Sennertus* eandem prorsus cum *Galeno* notionem morbi habet, nisi quod clarius enunciet, quæ ab hoc obscurius dicta videntur, ubi verba extra contextum leguntur. *Boerhavius* vero notionem morbi non formavit prorsus hoc modo, ut a corpore ægroto tantummodo removeret sanitatem: etenim genus superaddidit, quod nec ipsum in definitione sanitatis habetur, nec cuius contrarium in ea ponitur. Cum enim sanitatem definivisset per facultatem corporis omnibus actionibus perfecte exercendis aptam, morbum definit per statum corporis viventis, qui tollit facultatem exercendæ actionis cuiuscunque: id quod perinde est ac si diceret, morbum esse statum corporis viventis, quo sanitas tollitur. Quodsi sanitatem definivisset per statum corporis quo ipsum ad omnes actiones exercendas aptum est; eadem via ad definitionem morbi pervenisset, quam hic ingressi sumus, quod nempe sit status corporis viventis, quo ad actiones quas-cunque ineptum est. Quodsi definitionem sanitatis *Hoffmannianam* cum definitione morbi contuleris; apparet
(*Hor. subs.* 1729.) X x de-

denuo nec *Hoffmannum* eo modo definitionem morbi ex definitione sanitatis collegisse, quo contrarium unum ex altero colligitur. *Ettmüllerus* vero, etsi verba idem non satis aperte loquantur, in explicatione tamen, quam in contextu addit, contrariorum legem strictissime observat. Etenim ubi sanitatem per vitæ integritatem; morbum autem per ejus labefactionem definit; integritatem consistere ait in legitima dispositione seu constitutione partium quarumvis machinam corporis componentium, per quam agere & operari secundum leges a natura præscriptas aptæ natæ sunt, & contrarium in morbis fieri monet.

*Medus
alius per-
veniendi
ad no-
tionem
morbi.*

§. 3. Potest etiam perveniri, quemadmodum diximus, ad notionem morbi independentem a notione sanitatis eo prorsus modo, quo in superiori trimestre in notione sanitatis per vestiganda usi sumus. Quod si ergo definitiones autorum diversas inter se conferas, in eo tamen omnes convenire deprehendes, quod in morbo partes corporis non sint ad actiones exercendas aptæ, quibus per naturam destinantur. Ut adeo appareat,

re at, attentionem nostram in partes corporis esse dirigendam, quatenus certis actionibus destinantur, & ad has actiones exercendas ineptæ redduntur. Quod si igitur confideres, quæ in trimestri superiori de partibus, ex quibus corpus humanum constat, annotavimus & ad similitudinem quoque ab horologio desumptam animum adverteris; præter eum statum, quo partes singulæ ad suos usus, quibus destinantur, aptæprehenduntur, alterum adhuc, qui isti opponitur, concipere datur, in quo pars una vel altera, plures, vel pauciores ineptæ sunt ad eos, quibus destinantur, usus. Quoniam hæc satis aperte nuper jam diximus, non opus est, ut ibi dicta repetamus. Enimvero cum nemo dicat corpus esse sanum, quando eum ejus experitur statum, quo pars una vel altera ita sese habet, ut ad usum, cui destinatur, inepta sit, neque adeo amplius munere suo defungi possit, quo in fines toti corpori præscriptos influit; quin omnes potius affirmant, se non esse sanos, si v. gr. manum vel brachium non sine dolore movere possint, vel si ventriculus cibum ingestum statim rursus

Xx 2 ejiciat,

ejiciat, nec retentum digerere queat; hinc omnino colligitur, ægrotum esse corpus eo in statu, quo partes singulæ ad munia sua obeunda non amplius apta deprehenduntur. Quamobrem morbus recte definitur per statum corporis, quo una vel altera pars ad usus suos omnes, quibus destinatur, non amplius apta deprehenditur. Hæc definitio statum corporis ægroti a statu corporis sani, immo etiam a statu corporis mortui, quo nulla amplius pars actiones, ad quas per structuram suam disposita est, exercere valet, distinguit, adeoque completa est.

*Sedes
morbi &
morbo-
rum va-
rietates.*

§. 4. Sedes igitur morbi dicitur esse in ea parte, quæ quacunque de causa interna impeditur, quo minus suis functionibus apta sit, quibus destinatur, etsi propter nexum partium aliæ in consensum trahantur, hoc est, propter læsionem alterius simul in actionum suarum exercitio impediuntur. De morbo cum jam judicium ferri nequeat, nisi constet, quanam sit pars affecta; de sede morbi in primis dispiciendum est Medico & cautione opus est, ne in ea determinanda fallatur, cum partes internæ in

ocu-

Oculos non incurrant, adeoque illa tantum non semper ex iis colligi debet, quæ in sensum incurrunt. Atque hinc porro intelligitur, variari morbos pro varietate partium, in quibus earum sedes est, siquidem partium actiones aut, si mavis, functiones diversæ sunt. Renes urinam separant; ventriculus cibum concoquit seu digerit. Si renes ad urinam secernendam inepti sunt, corpus ob hanc ipsam impotentiam renum jam morbidum est. Similiter si ventriculus ad cibos bene digerendos ineptus est; hæc impotentia ejus in numero utique morborum est. Impotentia tamen urinæ secernendæ & ciborum concoquendorum non unus idemque morbus est, nec mutatio status in corpore, quæ inde porro consequitur, in utroque casu eadem est. Quod si ergo hanc varietatem persequi quis voluerit, is ex Physiologia usum partium sibi perspectum reddere debet: ita enim demum patebit, quomodo usus iste impediri possit, & intelligentur ea, quæ porro inde in corpore humano turbantur. Atque ita manifestus est usus Physiologiæ in Pathologia, reddique po-

test ratio, cur illa huic sit pramittenda.

*Consen-
sus au-
toris cum
Medicis
quantus
sit.*

§. 5. Et si autem definitiones morbi, quas ex diversis autoribus, quorum in re Medica magna est autoritas, in medium adduxi, plurimum a se invicem differre videantur; bene tamen & inter se, & cum definitione nostra consentiunt, si non tam ad verba, quam ad mentem illorum respicias & in illis non magis fueris scrupulosus, quam ipsimet autores fuere. Morbum definivimus per statum corporis, quo una vel altera pars ita sese habet, ut ad usum, cui destinatur, inepta sit, neque adeo amplius munere suo defungi possit, quo in fines corpori toti praescriptos influit, seu, quod perinde est, quo pars una vel altera ad usus suos omnes, quibus destinatur, vel ad quos per structuram suam & naturam corporis disposita est, inepta deprehenditur. Definimus morbum per statum corporis, quemadmodum & sanitatem nuper per eundem definivimus, propterea quod tam morbo, quam sanitati convenit notio status distincta, quod sit coëxistentia mutabilium cum iisdem fixis atque adeo mutabi-

bilium determinatione enascatur (y). Vir Celeberrimus *Boerhaavius* & ipse generis loco ponit statum corporis viventis. Videtur in eo a nobis distare, quod morbum habeat pro statu corporis viventis, cum nos morbum nonnisi per statum corporis definiamus, omitta ista restrictione. Enimvero non tam tacite supponimus, tum sanitatem, tum morbum esse statum corporis vivi, quatenus extra controversiam per se patet, tum sanitatem, tum morbum nonnisi de corpore vivo accipi, id quod aliis autoribus solenne est; quam quod cetera, quæ differentia specificæ loco a nobis adjiciuntur, non conveniant nisi corpori vivo. Is enim status corporis vivi est, in quo una vel altera pars corporis inepta est ad suos, quibus destinatur, usus; cum in corpore mortuo nullum amplius organum, quocunque nomine veniat, ad ullam amplius actionem aptum deprehendatur; propterea quod principium activum nullum amplius adest in toto corpore. Discernimus morbum a sanitate per id, quod in corpore sano partes singulæ aptæ sint ad

X x 4

usus

(y) §. 705. Ontol. 132. 133. 134.

usus suos omnes, quibus destinantur; ex adverso autem in ægroto pars una vel altera ad usus suos omnes, quibus destinatur, non amplius apta deprehendatur: id quod duplici modo contingit, vel quatenus partis constitutio talis evadit, ut usus, cui destinatur, non amplius sit possibilis, veluti cum intestinum rumpitur a percussione violenta abdominis, qualem casum paucis ante diebus hic experti sumus, ut fæces alvi non amplius continere, multo minus ad anum promovere possit; vel quatenus causa aliqua impedit, quo minus eam edat actionem, quæ per structuram & reliquam ejus constitutionem adhuc possibilis, veluti cum fæces alvi duriores obstant, quo minus ab intestinis excerni queant. *Boerhavius* ait tolli facultatem actionis cujuscunque: quæ verba cum duplicem sensum habere possint; ita explicanda sunt, ut in materiam substratam conveniant (z). Absurdum enim foret, si quis sciolorum more, quibus proh dolor! Germania hodie abundat, contenderet virum in arte Medicæ summum mentis aciem intendisse in sensum

sum a veritate alienum. Nimirum si quis affirmat, tolli facultatem actionis cujus-
cunq; in corpore; is vel affirmat, nullam
amplius actionem, qualiscunque tan-
dem ea sit, in isto corporis statu esse pos-
sibilem; vel nullum dari actionis genus,
in cujus edendæ impotentia non consi-
stat aliquis morbus. Prior sensus non
convenit in corpus vivum, cui morbum
tribuit vir egregius, sed in mortuum;
posterior autem in vivum quadrat.
Concludendum itaque juxta *Boerhavi*
mentem morbo laborare corpus, si quæ-
cunque actio, ad quam pars quæcun-
que corporis per structuram & natu-
ram suam disposita est, edi minime pos-
sit. Atque sic eadem prorsus notio
verbis *Boerhavianis* respondet, quam
nostra insinuant, simulque apparet ra-
tio, cur *Boerhavius* morbum dixerit
statum corporis vivi, nobis vero sufficiat
dixisse statum corporis: etenim ille dif-
ferentiam specificam ita enunciat, ut
lector incautus verba in sensum perver-
sum a mente ipsius alienum trahere pos-
set, adeoque illam restrictionem addere
tenebatur, ineptam interpretationem
declinaturus; nos vero eandem iis effe-

rimus verbis, quæ interpretationi istiusmodi obnoxia non sunt, atque adeo restrictione ista opus non habemus. Dum *Sennertus* affirmat, in corpore ægroto actiones naturales exerceri non posse, quarum exercitium cadebat in corpus sanum; non aliam assignat inter corpus sanum atque ægrotum differentiam, quam nos tradidimus. Quoniam enim ipsi vocantur actiones naturales, ad quas pars aliqua corporis per structuram & naturam suam disposita est; si quæ actiones naturales exerceri nequeunt, pars illa, quæ istis destinatur, ad usus suos minime apta deprehenditur. Is autem status, quo quid tale obtinet, morbus a nobis appellatur. Eodem igitur modo, si rem, non verba spectes, *Sennertus* morbum a sanitate distinguit, quo nos illum ab hac distinguimus. Dum vero ipsam impotentiam generis loco ponit, non ideo negat, morbum esse quendam corporis statum. Est enim impotentia in numero mutabilem, atque adeo per eam corporis status determinatur. Quoniam adeo absolum est in verbis esse nimis scrupulosum; perinde igitur nobis est, si quis mor-

morbum statum corporis dicat, five appellet id, quo status iste constituitur. *Galenus* jam ante (§. 2) in gratiam reduximus eum *Sennerto*; neque nos pudet illius reductionis : etenim eam essenti ipsius prorsus conformem, clarissime ostendere licet. Nimirum cum *Galenus* (a) definitionem causalem formali substituit, morbum definit per constitutionem partium corporis humani præter naturam, vitiatae functionis causam, seu, per dispositionem præter naturam, ob quam actio læditur. Atque tum luce meridiana clarius eum in morbo non aliam admittere actionum cessationem, quam quæ inde provenit, quod pars, unde proficisci debebant, ad eas edendas sit inepta, consequenter non amplius apta ad eos, quibus destitur, usus. Et cum hanc *Galenus* definitionem probet *Sennertus* (b); eidem genuinam morbi notionem fuisse omnino largitur, consequenter nec ægre ferret, si viveret, quod ipsius quoque definitionem formalem ad eandem notionem secundum nobis consue-

(a) de differ. morb. c. 2. (b) Instit. Med. lib. 2. part. 1. c. 1. p. m. 139.

fuetas interpretandi leges revocaverimus. Nobis autem graves omnino sunt rationes, cur in hisce horis subsecivis multiplici exemplo æquitatem in interpretando in opere logico per præcepta stabilitam illustremus: sed ea in præfenti recenferi prolixum nimis foret. Redeamus igitur ad institutum nostrum ! *Ettmüllerus* morbum definit per labefactionem integritatis vitæ. Verba a notione morbi, quæ nobis est & quam aliis Medicis præclaris fuisse ostendimus, prorsus aliena esse videntur, Enimvero si consideres, quomodo integritatem vitæ explicet, nec ipsi aliam fuisse notionem sanitatis optime perspicias. Integritas, inquit *Ettmüllerus*, consistit in legitima dispositione seu constitutione partium quarumvis machinam corporis componentium, per quam agere & operari secundum leges a natura præscriptas aptæ natæ sunt. Quare ubi integritas illa vitæ vitiatur, pars una vel altera corporis humani non amplius ita constituta esse debet, ut secundum leges motus agere & operari possit, ad quod agendum alias per structuram suam & naturam apta depre-
hen-

henditur. Nullus adeo denuo in re dissensus est, etsi ingens in verbis adfit. *Campanella* morbum medium esse ait inter vitam & mortem: verba nimis generalia sunt, non tamen aliam morbi notionem supponunt, quam eam, quæ hactenus communis tot viris egregiis deprehensa. Notionem morbi eruit ex notionibus vitæ atque mortis inter se collatis. Vita ipsi est (c) solidarum, humidarum & spiritualium partium consensio mutuis officiis juribusque contenta in animali esse per calorem innatum. Corpus igitur vivum sibi representat in eo statu, quo partes singulæ, ex quibus constat, agunt, quod suum est, sicque unum uni alteri servit, ut mutuis usibus totum corpus conservetur. Quamobrem corpus vivit, judice *Campanella*, quamdiu partium actiones ita inter se conspirant, ut tendant ad corporis conservationem: quando vero istiusmodi actiones in eodem amplius non conservantur, corpus mortuum est. Jam vero inter hos duos status medius quidam observatur, quo actiones quædam, quibus ad corporis conservationem

nem

(c) Medic. lib, 2. c. 1. art. 1. p. 35.

nem opus est, cessant, & aliis locus est ad corporis destructionem tendentibus. Ad hunc igitur mentis aciem intendit, dum morbum inter vitam & mortem medium dicit. Enimvero status iste medius obtinere nequit, nisi quando partes quædam ita sunt dispositæ, ut ab iis actiones proficisci nequeant, ad quas per structuram & naturam suam dispositæ sunt, consequenter ineptæ ad eos, quibus destinantur, usus. Morbum igitur tanquam medium quid inter vitam & mortem sibi repræsentare nequit, nisi qui ad diversitatem constitutionis partium animum advertit, quam omnes omnino respiciunt, quando morbum distincta cogitatione comprehendunt. Obscura utique verba sunt *Campanellæ*, quando morbum enormitatem præter naturam in individuo appellat, quæ extra contextum ægre intellexeris: quare nisi ex contextu sensum aliquem eruere licuerit, qui sit commodus; de iis intelligendis merito desperatur. Notandum igitur est, *Campanellam* affirmare, quod morbi nullus sit finis in Physica, & id probare exinde, quod morbus sit præter naturam enormi-

mi.

mitas in individuo, natura autem individualis pro fine non habeat, quæ extra suam intentionem & contra se sunt. Ex his intelligitur, enormitatis nomine *Campanellæ* venire, quicquid fini corporis humani repugnat. Est autem finis ejus conservatio individui & ea in statu naturali corporis conditio est, ut singularum partium functiones ad conservationem individui conspirent. Quare cum impotentia agendi, seu quando partes quædam vel plures ad functiones suas ineptæ redduntur, conservationi individui repugnet; morbus hoc sensu dici potest enormitas in individuo, eaque præter naturam, stylo Medicorum. Præternaturam enim esse dicitur, quod non est secundum eandem, hoc est, non conveniens usui, cui per structuram destinantur partes corporis humani. Enormitas itaque *Campanellæ* in individuo & *Sennerti* impotentia actiones naturales exercendi unum idemque sunt: individuum enim conservari nequit, si partes actiones naturales exercere amplius non possunt, quibus conservatio obtinetur. Quamvis autem æqui esse debeamus in interpretando, ne
in-

injurii fiamus in alios; quamvis etiam istiusmodi interpretationes suo non destituantur usu, cum excitent attentionem ad ea, quæ subinde eam subterfugerent, quemadmodum in præsentibus verba *Campanellæ* in notione morbi ac sanitatis opportune conservationem individui, quatenus conservationi speciei contra distinguitur, in memoriam revocant; non tamen ideo probamus ut definitionibus singulis promiscue utamur, sed eam omnino eligendam ceterisque præferendam esse defendimus, quæ determinationes definiti distincte perpendendas clarius recenset, ut & facilius, & expeditius sit ejus usus. De definitione *Hoffmanniana* non est, quod dicamus: cum enim viro doctissimo libuerit definitioni suæ multa inferere, quæ communiter ex ea exulant, utpote ex ceteris quæ eam ingrediuntur, demonstranda, eam cum definitionibus ceterorum conferre non licet; quorum aliud plane fuit institutum. Ceterum ex dictis patet, non tantum esse inter viros doctos dissensum, quantus videri poterat, si ad eorum saltem verba respicias.

§. 6. Notionem morbi egregie illustrat similitudo ab horologio petita, quod super in notione sanitatis investiganda usi sumus, cum eadem & juvet analysin, qua notio morbi eruitur. Enimvero ea, quæ huc spectant, jam tum una tradidimus, cum notionem sanitatis pervestigaremus. Duplex nimirum in horologio concipitur status, quamdiu horologii munere fungi potest. Etenim aut singulæ ipsius partes ita comparatæ sunt, ut ad usum, cui destinantur, perui ac horologii structuram aptæ sint; aut una vel altera pars ita sese habet, ut ad usum, cui destinatur, inepta sit. Quemadmodum itaque status prior sanitati; ita posterior morbo in corpore humano respondet. Eidem autem notioni morbi illustrandæ inservit machina quæcunque alia, cum nulla dari possit, in qua non duplicem istum statum concipere licet, quem in corpore humano distinguimus. Multum profecto & sibi, & scientiæ consulit, qui in omni notione morbi ad machinam aliquam, cujus structuram intime perspicit, constanter respicit: sive enim notione machinæ istius uti velit ad eruendum ea, quæ notio-

Quomodo notio morbi illustratur.

Y y tio

(Her. subs. 1729.)

tionem morbi ingredi debent, distinctam; siue eandem adhibere maluerit ad confirmandum ea, quæ de morbo ex contemplatione corporis eruit, lucemque illis affundendam, in utroque opere mirifice prodesse similitudinis hujus usum reperiet. Neque enim similitudo vaga est, sed determinata, ea scilicet, quæ ad genus constituendum sufficit, sub quo machina quævis artificialis & corpus humanum tanquam species collocantur. Patet id ex Cosmologia, ubi notionem machinæ in genere (d) evolvimus & tum ad mundum adspectabilem (e), tum ad ens compositum (f) applicamus. Hanc autem similitudinem latius patere intelliges, quam notio generis adeo remoti promittere videbatur, & fecunditatem inopinatam miraberis, ubi simul ad notionem mixti in Cosmologia itidem (g) evolutam atque corporis organici (h) explicatam animum adverteris, cum beneficio harum notionum attentio excitetur ad ea, quæ alias acumen facile subterfugerent. Notio-

nes

(d) §. 65. Cosmol. (e) §. 69 & seqq. Cosmol. (f) §. 75. Cosmol. (g) §. 152 & seqq. (h) §. 274, & seqq.

nēs enim generales non modo hunc habent usum, ut tueantur locum principii, quoties ex eo, quod observatur, vel aliunde quomodocunque tibi cognitum atque perspectum evasit, colligi debet, quod nondum innotuerat; verum etiam alterum præstant, ut attentionem in ea dirigant, quæ inter multa observabilia in objecto ad contemplandum proposito sunt perpendenda, atque in eo visipfarum directrix consistit, quæ mentem ad pervidendum ea, quæ rebus insunt, acutiorem efficit & ad ea, quæ observanda sunt, mentis aciem dirigit. Utrumque experiuntur, qui ad operationes mentis satis sunt attenti, dum eas in seipsis contueri possunt. Erunt autem in posterum ad eas attentiores, qui principiis nostris psychologicis animum imbutum habuerint, tum ut constet, ad quid attendi debeat, tum ut in observando nihil prætermittamus, ad quod respiciendum erat. Sed missa similitudine ad notionem morbi ipsam denuo accedamus, visuri quidnam ex ea consequatur.

§. 7. Controversia olim inter Medicos agitata, num subjectum morbi ^{Sedis morbo-} ^{rum quæ-} sint

Y y 2

nam sint partes. sint tantummodo partes solidæ, an vero etiam fluidæ. Ratio dubitandi inde desumpta, quod subjectum morbi statuerint partes viventes, in quarum tamen numero non esse humores, vel spiritus existimarunt. Quamobrem si quæ actiones læsæ ab eorum vitio proficiscuntur, id non a morbo, sed errore quodam externo provenire cum *Galeno* pronunciarunt. Nostrium jam non est prolixè recensere, quid in utramque partem disputatum fuerit, cum id apud *Sennertum* (i) legi possit; sed quid ex definitione morbi, quam in dubium vocare non licet, sequatur, dispiciendum. Atque ita simul apparebit, quod paulo ante monuimus; non esse prorsus indifferens, quibus mentem tuam verbis efferas, etsi in interpretando æquitas jubeat, ne aliis minus apte loquentibus sensum verborum affingas a mente ipsarum alienum. Dari partes corporis humani non modo solidas, verum etiam fluidas, nemo anatomicorum negat. Quis enim in dubium vocaverit, sanguinem, spiritus animales seu fluidum nerveum & lympham non minus esse partem

(i) In Instit. Med. loc. cit. p. m. 135 & seqq

partem corporis humani, quam ventriculum, intestina, cor, pulmones, musculos? Nec minus pro explorato haberi debet, esse singulorum fluidorum peculiarem quendam usum sicuti singulae partes solidae usum sibi peculiarem habent: quemadmodum praecunte *Galeno*, qui de usu partium ex instituto commentatus est, Anatomici usus partium indicare solent & in Teleologia imprimis usus iste stabiliri, immo in Physiologia ex ipsa partium structura, obfetricantibus experimentis, siquidem opus fuerit, a priori eruitur. Usus illi, quibus destinantur partes fluidae non minus ad finem totius corporis faciunt, quam usus solidarum: id quod probatu haud difficile, ubi recordatus fueris, finem corporis humani esse conservationem individui, quemadmodum finis organorum genitalium & seminis prolifici est conservatio speciei. Quare cum extra omnem controversiae aleam positum sit, corpus ideo fieri aegrotum, quando partes solidae non sunt aptae ad suos, quibus destinantur, usus, quia sic non inserviunt conservationi individui ceterisque finibus homini praescriptis;

ita similiter dicendum erit, corpus esse ægrotum, quando partes quædam fluidæ sunt ineptæ ad suos usus, cum etiam in hoc statu non inserviant conservacioni individui, aut ceteris finibus corpori humano præfixis. Nulli igitur dubitamus admittere etiam morbos, quorum sedes est in partibus fluidis. Atque ea in re consentientem habemus Medicum nostra ætate summum *Boerhavi-um*, qui unus instar omnium esse potest: etenim is morbos humorum tanquam peculiarem morbi speciem expendit (k). Poteramus allegare Medicos alios, quorum non minor est in arte salutari autoritas, si autoritatibus opus esset, ubi rationes sufficiunt. Ita *Oligerus Jacobæus* (l): Quemadmodum, inquit, sanitas in partibus corporis humani tam fluidis, quam solidis rite constitutis consistit; ita morbus est partium earundem (fluidarum scilicet atque solidarum) læsio, seu a statu naturali deturbatio. Ceterum ex hoc ipso exemplo intelligitur, quantum intersit, ut definitionibus non modo respondeant

ideæ

(k) In Instit. §. 724. & seqq. (l) in Compend. Instit. Medic. lib. 3. c. 1. §. 1. p. 39.

ideæ veræ rerum, verum etiam eadem verbis aptis exprimantur, cum alias in applicanda definitione præter necessitatem creentur difficultates.

§. 8. Etsi autem morbos in partibus non minus fluidis, quam solidis admittere debeamus (§. 7); non tamen idcirco negamus respondere *errori externo*, quem morbo opponit *Galenus*, aliquam notionem. Exemplum habemus juxta autores in facibus alvi duris, quæ impedimento sunt intestinis, quo minus easdem excernere queant. Simile exemplum præbet ventriculus cibi copiam nimiam ingestam digerere aut cibos qualitate peccantes in laudabilem chylum convertere minime valens. Etenim hic concedimus nullo morbo affici facies, quod earum status præternaturalis judicari queat, hoc est talis, quo sunt parum aptæ, ut expellantur. Largimur etiam, nullo morbo affici cibum, sive quantitate, sive qualitate peccet, cum enim nec facies alvi, nec cibi ingesti sint partes corporis humani; de iis nec morbi definitio prædicari potest, quæ tantummodo ad partes perinde ac ad totum corpus spectat. Quoniam etiam

*Erroris
externæ
notio.*

in utroque casu organum ita constitutum est, quale esse debet ut sit ad usum suum aptum, adeoque ipsi nullum vitium inest; nec organum morbo laborare dici potest. Enimvero cum corpus in tali constituatur statu, quo pars aliqua ob causam intus contentam actionem edere nequit, quam debebat, non video, cur tunc corpus morbo laborare dicendum non sit. Quamobrem in exemplo priore, quo fæces alvi ob duritiem ab intestinis excerni nequeunt, nullum equidem in intestinis vitium est, ast corpus tamen ab eo non immune. Et manum sane medicatricem requirit in eo statu corpus, ne malum longius serpat. Enimvero ubi major cibi copia ventriculo ingesta, quam quæ ab eo digeri possit; ventriculus non ineptus est ad cibum digerendum, nec eo sensu ipsi impotentia digerendi cibum tribui potest, quo alias tribuitur, quando cibus digerendus nec quantitate, nec qualitate peccat. Certe si eo in statu corpus morbo laborare dicendum foret, perinde omnino foret ac si in numerum morborum referre velis impotentiam elevandi 100 libras, cum quinquaginta saltem elevare pos-

possis. Quodsi ergo in tali casu impotentiam agendi, ut eam ab altera distinguas, quam morbum esse supra ostendimus, ad errorem externum referre volueris, nos minime habebis dissentientes. *Error adeo externus juxta Galenum* est impedimentum actionis organi, ad quam producendam ipsum in se spectatum aptum deprehenditur. Ita in primo exemplo intestina in se spectata disposita sunt ad excernendum excrementa; sed quia faeces alvi sunt nimis duræ ob duritiem impeditur actio, consequenter hoc impedimentum error est externus, non morbus respectu intestinorum. Hoc tamen non obstante fieri potest, ut corpus morbo laboret, etsi organum vitio careat. Similiter in altero casu ventriculus ita dispositus est, qualis ad digerendum cibum requiritur; sed quod ob nimiam quantitatem vel peccantem qualitatem non digeratur, nullo corporis vitio accidit. Impedimentum adeo digestionis, quod in ipso cibo est, error externus a *Galeno* recte appellatur. Neque in hoc casu, si nihil amplius spectes, corpus aliquo vitio laborare dici potest, quamdiu alimenta

parum digesta non aliorum malorum causæ sunt. Similitudo ab horologio petenda notionem *Galen*i de errore externo illustrat. Etenim si ponamus lapillum quendam inter rotas duas interjici, qui impedit, quo minus una earum sine multo affricu moveri possit; tardior erit motus horologii ob errorem externum, nullo quippe structuræ aut partis vitio. Neque utilitate sua caret, ut Medicus distinguat eum corporis statum, quo pars aliqua vitium quoddam contraxit seu per intrinsecam sibi rationem non disposita est ad eum, quem præstare debet, usum, ab altero, quo ob extrinsecam rationem sequi nequit, ad quod ipsa per se disposita deprehenditur. In priori enim casu removendum tantummodo est impedimentum actionis, eritque corpus sanum: at in posteriori sananda est ipsa pars affecta. Ita si fæces duræ emolliantur, ut fiant ad excernendum aptæ, nullo amplius vitio laborabit corpus, cum nulla pars vitium contraxerit, quod auferri debeat. Enimvero si fæces fuerint ad excernendum aptæ, sed intestina non sint disposita ad eas excernendas, tum non sufficit tol-

tollere faeces, sed ipsa quoque intestina ex statu præternaturali in naturalem sunt transferenda. Quamobrem attentione Medici opus est, ut in dato quocunque casu inquirat, num actio aliqua suspendatur vitio organi, an vero ob impedimentum externum, quibuscunque tandem nominibus status istos a se invicem distinguere volueris. Differentia enim realis est & in arte salutari maximum momentum habet. Nomina vero arbitraria sunt, nec ullam ad rem utilitatem afferunt. Quare perinde est, siue cum *Galeno* loqui, siue eum corporis statum, qui morbus dicitur in genere, ita subdistinguere volueris, ut corpus morbo laborare dicas vel vitio alicujus organi, vel ob impedimentum aliquod eidem extrinsecum. Ita nimirum omnis corporis status, quo actio alicujus organi suspenditur ad conservationem individui necessaria, siue mediate, siue immediate talis, dicitur morbus. Morbus vero accidit corpori vel vitio alicujus organi, quod adeo & ipsum morbo laborare dicetur; vel vitio organi nullo, verum ob extrinsecum tantummodo eidem impedimentum.

tum. Consultum tamen utique foret, ut Medici recentiores vocabulis veterum uterentur, si vel maxime subinde incommoda ipsis viderentur, cum error non in nomine, sed in re lateat, si quis admisus fuerit, quique adeo corrigi poterit, nomine minime mutato. Ita enim non modo facilius pateret, quantus sit inter eos consensus, quantus dissensus, verum etiam caveretur, ne aliis imputarentur errores a mente ipsorum alieni, scripta & veterum, & recentiorum eadem facilitate intelligerentur, nec tot diversa nomina, tot diversæ loquendi formulæ memoria retineri deberent, ut de veritate eorum, quæ a viris egregiis dicta sunt, statuere liceret. Immo tum demum facilius foret ad nova ditegenda aditus iis, qui in iis investigandis oleam & operam perdunt, quæ dudum ab aliis inventa sunt, & aliis nominibus idem proponunt tanquam novum aliquid inventum, quod dudum rectius traditum fuit ab aliis. Atque hunc scopum, tanquam genuinum philosophiæ usum, intendimus, dum dictiones veterum ab absurditate liberamus & æquitatis in interpretando ad incrementum

tum scientiarum adeo utilis exempla
cumulamus.

§. 9. Definitiones nominales omnes <sup>Quæ in-
de nullo
morbi
evoluta-
tur.</sup> sunt principia, ex quibus cetera dedu-
cuntur, quæ rei conveniunt, adhibitis
(quod per se patet) principiis, quibus
ad ratiocinandum opus est. Etenim
definitio in se spectata nonnisi judiciis
formandis inservit, quibus vel integra
definitio prædicatur de definito, vel
contra, aut aliqua in definitione con-
tenta prædicantur de eodem definito.
Ita autem constat, ex præmissa unica
non inferri conclusionem. Quare præ-
ter hæc propositiones, quæ minorem
præbent syllogismis, opus est propo-
sitionibus aliis, quæ majoris vicem tuen-
tur. Atque istæ propositiones princi-
piorum nomine veniunt (m). Præterea
demonstrationum analysis, quam di-
stincte delineavimus & exemplis illu-
stravimus (n), manifesto docet, non
uno syllogismo inferri id, quod ex defi-
nitione deduci potest; sed ratiocinia lon-
ga sæpissime, immo plerumque, aut tan-
tum non semper serie continuanda esse;
donec ad ea perveniatur, quæ ex defini-
tione

(m) §. 561 Log. (n) §. 551 & seqq Log.

tionem deducenda fuerunt. Atque hic denuo principiis opus est. Unde consequitur, eum nihil ex definitione deducere posse, qui principia ista perspecta minime habet. Hæc ad retundendam sciolorum proterviam data commoda occasione moneo, qui, cum in veritate proprio Marte pervestiganda nullum adhuc studium collocarint, tanquam absurdum exagitant, quod ex definitione nominali ea deduci posse omnia dicantur, quæ de re prædicanda sunt in se considerata. Ut igitur ex notione morbi deducantur, quæ inde deducere licet; repetendum est ex iis, quæ in simili casu de sanitate annotavimus(0), Partes corporis solidas organicas esse & qua materiam mixtas easdem usum habere a structura & vi structurae totius corporis eo in servire fini totius corporis; conservationi autem mixti deberi, ut perdurent. Quod si ergo structura quomocunque vitatur, aut mixtio materiae destruitur; pars illa inepta redditur ad usum, cui destinatur. Notio morbi in genere directrix est atque adeo viam monstrat, qua ad differentias genera-

nera-

nerales morborum perveniatur. Etenim si materiæ, ex qua organicæ partes componuntur, vel etiam fluidorum mixtionem consideres; in id imprimis inquirendum est, quid mixtionem in solidis solvat, & quomodo vel miscibilia, vel eorum proportio in fluidis non ita sese habeant, quemadmodum conservatio corporis postulat. Exinde nimirum deducenda sunt, quæ de *morbis partium similariis*, quos vocant Medici, tenenda sunt. Quod si vero partes organicas species, in earum structura tum ratio habenda est qualitatum partium, tum modi, quo partes inter se junguntur. Quamobrem hic disquirendum est, quomodo vel qualitates partium, vel eorum ad se invicem situs ac nexūs mutuus mutari queat, vel denique extrinsecus aliquid accedere possit, quod organi rite constituti actionem impediat. Atque hinc derivanda sunt, quæ de *morbis organicis*, quos appellant Medici, eorumque speciebus in genere tenenda. Qui hæc perpendit, in dubium amplius revocare nequit, Pathologiam rationibus a priori stabiliri non posse, nisi præsupposita theoria Physiologiæ ac-

accurata, idemque intelligit, quomodo Physiologia pertractari debeat, ut Pathologiæ demonstrationibus interserviat. Liquet etiam ex dictis, morbos partium similiarum esse communes omnibus partibus, in quibus eadem mixtio est, cum in vitio mixtionis consistat morbus, morbos autem organicos differre pro diversitate organorum, quorum functiones læduntur. Nostrum vero jam non est ad specialiora descendere, cum aliud non sit propositum quam ostendere, quomodo notione morbi in genere seu definitione ejus nominali sit utendum, ut eruantur ea, quæ per contenta in eadem determinantur, utque appareat quomodo notio morbi generalis directricis vicem tueatur. Notiones agnatas alias in posterum dilucidabimus:

hic enim hac vice subsistendum.

Finis Trimestris Autumnalis.

CON.

CONSPECTUS

TRIMESTRIS AUTUMNALIS.

I.

*De Voluptate ex cognitione veritatis re-
velatæ percipienda,* 359

II.

*De Computatione graduum canoni-
ca,* 386

III.

De Philosophia non ancillante, 425

IV.

De Notione morbi, 478

INDEX RERUM ET VERBORUM.

A.

A ccidentalia feudi quomodo investigentur,	250.
251. quid sint,	271 & seqq.
<i>Acumen</i> in vulgaribus,	28
<i>Acuminis</i> subsidia,	343. 344
<i>Adversarii</i> auctoris mendacii convicti,	27
<i>Aequitas</i> in aliorum meritis dijudicandis,	29
<i>Antagonistarum</i> auctoris character,	189. mos, 287.
288. 399. præcipitancia,	321. 322
<i>Antinomia</i> in jure quomodo evitandæ,	146 & seqq.
<i>Arbitrarii</i> rationum detur,	99. 100
<i>Architectonica</i> scientia,	349
<i>Aristotelis</i> ingenium systematicum,	115. 116
<i>Ars</i> inveniendi cur dilectet,	207
<i>Assensus firmus</i> in Mathesi unde,	278. 279. quomodo
generetur, 273. 274. quomodo comparetur,	277
<i>Assensus</i> successiva generatio, 271 seqq. quomodo ejus	
notio comparetur,	307 & seqq.
<i>Assensus</i> revelationi præbendus,	297
<i>Assensuum</i> genealogia, 274. unde cognoscatur, 274. 275	
<i>Astronomia</i> examina, 162. initia, 156. progressus, 158.	
165. principia,	160
<i>Astronomia & Medicina</i> affinitas,	167
<i>Astronomorum</i> ingenuitas,	163
<i>Autoritatis</i> præjudicium quomodo evitetur,	149
<i>An-</i>	<i>An-</i>

Index Rerum & Verborum.

<i>Autor</i> quomodo in legendis aliorum scriptis versetur,	
48. quomodo sibi caverit ab impugnacione aliorum,	290. 291
<i>Autoris</i> finis in philosophando, 1. 26 & seqq. propositum in philosophando, 105. in confirmanda philosophia,	241
B.	
<i>Blanchini</i> (Francisci) inventa astronomica,	299
<i>Brutorum & hominum</i> jus commune,	49 & seqq.
C.	
<i>Cannum</i> invidia qualis, 63. 64. lascivia qualis, 65 & seqq.	
<i>Cartesius</i> intellectu systematico præditus, 118. cur neminem impugnarit,	199
<i>Censores</i> intempestivi notati,	239. 241
<i>Certitudo</i> eventus unde nobis sit,	32
<i>Christo</i> qualis fuerit animus,	360. 361
<i>Christiani</i> officium circa injurias,	150
<i>Circulus</i> in probanda existentia Dei commissus,	281
<i>Cognatorum</i> definitio & divisio, 395. fundamentum,	397
<i>Cognitionis</i> acquisitæ usus in negotiis quinam,	8
<i>Cognitionis</i> historica, philosophica & mathematica discrimen,	3. 4. 5.
<i>Cognitionis</i> solida fundamenta ubi jacentur,	6
<i>Cognitio</i> rerum qualis,	32
<i>Commutatio</i> quid sit,	256
<i>Computatio</i> juris canonici controversa, 387 & seqq. ab absurditate liberata,	419
<i>Confucius</i> intellectu systematico naturali præditus, 117. cur sibi consilia tradiderit,	143. 144
<i>Contentionum</i> inter eruditos causæ,	220
<i>Contradictiones</i> quando evitentur,	142. & seqq.

Index Rerum & Verborum.

<i>Controversia temerariæ quomodo fugandæ,</i>	303. 304
<i>Copernicus a fastu liberatus,</i>	294. 295
<i>Cultus Numinis cuius juris,</i>	90 & seq.

D.

<i>Defensio cauta veritatis,</i>	303
<i>fama cur juris gentium,</i>	89
<i>sui num licita,</i>	363

<i>Definitiones ad vitam utiles quales,</i>	18
---	----

<i>Definitionum abundantium incommoda,</i>	20. 21. man-
<i>carum incommoda,</i>	19. 20

<i>Demonstratio quando voluptatem pariat,</i>	181 & seqq.
---	-------------

<i>Denominandi indifferentia,</i>	74
-----------------------------------	----

<i>Determinantia se mutuo quando in definitionem ad-</i>	
<i>mittantur,</i>	260

<i>Difficilia cur pulchra,</i>	193
--------------------------------	-----

<i>Discendorum lapis lydius,</i>	33 & seqq.
----------------------------------	------------

<i>Disciplinarum studium cur initio tædiosum,</i>	243. 244
---	----------

<i>Docens in trivialibus quomodo eum voluptate averte-</i>	
<i>tur,</i>	182. 163

<i>Docentium lapis lydius,</i>	35. 36
--------------------------------	--------

<i>Doctrinarum philosophicarum applicandarum modus,</i>	
	9 & seqq.

<i>Dominium quid sit,</i>	243
---------------------------	-----

<i>Domini utilis definitio,</i>	214
---------------------------------	-----

<i>Dominus directus quinam,</i>	255
---------------------------------	-----

E.

<i>Eclecticum quomodo agamus,</i>	149 & seqq.
-----------------------------------	-------------

<i>Elementorum Euclidis principia quænam,</i>	332 & seqq.
---	-------------

<i>Entis a Deo omnimoda dependentia,</i>	311. 312
--	----------

<i>Entis notio quam utilitatem afferat ad philosophan-</i>	
<i>dum,</i>	29 & seqq.

<i>Enunciandi modus in S. S. qualis,</i>	365 & seqq.
--	-------------

Error

Index Rerum & Verborum.

<i>Error</i> quomodo evidenter detegatur, 151 & seqq. quam imperfectionem mentis arguat.	
<i>Error alienus</i> quando voluptatem pariat, 195. 196. 197 & seqq.	
<i>Error externus</i> in corpore humano, 507 & seqq.	
<i>Errores</i> quomodo citra injuriam aliorum refutandi, 221	
<i>Erroris</i> sibi conscius cur tædio afficiatur, 242	
<i>Eruditorum mores</i> perversi in Germania, 198. 186	
<i>Euclidis elementa</i> qualia sint, 131 & seqq. quomodo legenda, 286. quomodo Mathesin ad sensum com- munem induceret, 335. 336	
<i>Examina veritatis</i> num ubivis haberi possint. 137. cur delectent, 234 & seqq. eorum utilitas, 136	
F.	
<i>Facultates</i> novæ homini vi regenerationis superacce- dentes, 303 quomodo omnes in veritatis agnitionem impen- dantur, 370	
<i>Facultates superiores</i> cur ad Reimp. administrandam non sufficiant, 439. 440	
<i>Facultatis moralis & physica</i> differentia, 245 & seqq.	
<i>Fama</i> virorum bene meritorum a quibusnam lacesse- tur, 197, 198	
<i>Fastus</i> eruditorum in quonam consistat, 295	
<i>Fædi</i> definitio. 258	
<i>Furti pœna</i> qualis apud diversas gentes, 97	
G.	
<i>Gassendus</i> intellectu systematico destitutus, 121	
<i>Genera</i> cur accurate definienda, 18	
<i>Generis definitio</i> quando loco generis in definitione ponenda, 239	

<i>Genus remotum</i> quando in definitione præferatur priori,	239 & seqq.
<i>Geometra</i> cur a philosophia alieni, 247. num rationes genuinas afferant,	7
<i>Geometra veteres</i> commendantur,	113
<i>Geometrarum</i> de viribus suis præjudicium,	213
<i>Geometria perfectio</i> unde prodeat,	246
<i>Gradus cognationis</i> quo. fundamento nitantur, 389. definitio & diversitas,	398 & seqq.
<i>Graduum cognationis</i> computatio, 404 & seqq. 412 & seqq. 417 & seqq.	
<i>Grotii</i> objectiones adversus notionem justitiæ Aristotelicam & responsiones ad eas,	262 & seqq.
H.	
<i>Habitus philosophiæ</i> unde agnoscatur,	30 & seqq.
<i>Harmonia præstabilita</i> quid sit, 192. 225. an sit absurda, 198 & seqq. an absolute possibilis, 204, quousque ab autore defensa,	215 & seqq.
<i>Harmonia præstabilita</i> quem usum faciat autor, 27. impossibilitas num fuerit probata,	321. 322
<i>Homo</i> cur nihil a seipso habeat, 289 & seqq, quomodo disponatur ad assensum veritatibus puris præbendum,	363
<i>Honestatis & turpitudinis intrinseca fata</i> , 279 & seqq.	
<i>Humilitatis</i> motivum,	306, 309, 315
<i>Hugenii (Christiani)</i> juvenis lapsus in impugnandis aliis,	200. 101
<i>Hypotheses</i> utiles quomodo inveniantur, 193 & seqq.	
<i>Hypotheses</i> impossibilitas absoluta unde colligatur,	207 & seqq.
<i>Hypothesis</i> de animæ commercio falsa num periculosa esse possit,	190 & seqq.
<i>Hy-</i>	

Hypotheses philosophica, Definitio, 177. exempla, 178.
 179. finis, 179 & seqq. quomodo non tolerandæ,
 181. 182. cur principia demonstrandi esse neque-
 ant, 182 & seqq. usus genuinus, 184 & seqq. quan-
 do in errorem non inducant, 188 & seqq. diversa
 fata, 211. cur a dogmatis discernendæ, 228

I.

Jaqueloti æquitas, 199
Imagines quid sint, 137
Immaterialitas anima in dubium adducta, 248
Imitatio Mathematicorum quando locum habeat, 30
Impossibilitas quomodo ostendatur, 318 & seqq
Impugnationis præcœcis causa, 289. remedium, 289 &
 seqq. prætextus refutatur, 220
Imputationes horrendæ adversariorum cur auctori non
 sint metuendæ, 287
Incerta cur rerum naturalium cognitio multis videat-
 ur, 324. 325
Inconstantia opinionum, 284
Intellectus quomodo voluptatem creet, 186 & seqq.
 quantum creet, 189 & seqq.
Intellectus cultura unde petenda, 418 & seqq:
Intellectus non systematicus quinam, 112
Intellectus systematicus quinam, 108. ejus exempla,
 113 & seqq:
Intemperantia in studiis unde, 192
Interpretatio extensiva S. S. 310
Interpretatio dictorum ab aliis quomodo fieri debent,
 106
Interpretationis S. S. exemplum, 353
Iridis cognitio quatuorplex, 4

<i>Judicandi temeritas & precipitantia</i> quomodo evi- tetur,	70
<i>Judices</i> intempestivi de systemate mundi, 294 & seqq.	
<i>Judicia Discursiva</i> quomodo formentur,	10. 11
<i>Judicia intuitiva</i> quomodo innotescant,	10
<i>Judicis</i> officium,	268
<i>Juris</i> definitio,	242 & seqq.
<i>Juris civilis</i> efficiendi modus 95 & seq. notio, 90 & seqq. 93. 106 & seqq.	
<i>Juris gentium</i> notio, 70 & seqq. 74 & seqq. partes di- versæ,	80
<i>Juris natura</i> notio, 42 & seqq. 100 & seqq. investi- gatio ex actionibus mutorum, 57 & seqq. 63 & seqq. 68. usus,	441 & seqq.
<i>Juris natura & gentium</i> convenientia & differentia, 73	
<i>J. prudentia</i> an internas actiones respiciat, 232 & seqq.	
<i>Juris studiosa</i> quænam discenda,	34
<i>Jus civile</i> quo sensu sit arbitrarium,	99
<i>Jus gentium</i> cur omnium hominum commune ac pro- prium, 75. quomodo ex actionibus hominum de- rivetur,	73 & seqq.
<i>Jus suum</i> quomodo alteri tribuatur,	245. 246
<i>Justitia</i> cur velatis oculis pingatur,	237
<i>Justitia distributiva</i> quænam, 251 & seqq. commu- tativa quænam,	256 & seqq.
<i>Justitia</i> cognitio cur utilis,	267. 268
<i>Justitia particularis</i> divisio,	250 & seqq.
<i>Justitia</i> definitio Ulpiani explicata,	231
<i>Justitia universalis</i> notio distincta,	247 & seqq.
<i>Justus</i> in omni opere quomodo esse debeat, 248. 249. quinam sit,	282. 233
	L. La-

L.

- Laboris* indefessi in studio philosophiæ & Matheſeos
cauſa, 204
Leibnitii (G. G.) elogium, 26. 27. ſcopus in perſi-
cienda philoſophia, 26. 27
Lex talionis qualis ſit, 353 & ſeqq.
Librorum communium defectus, 281. 282. quorum
malorum cauſa, 284. 285
Linea cognationis, 392 & ſeqq.
Linea obliqua cognationis diſiſio, 409 & ſeqq.
Loca Matth V. 29 & 1. Cor. IV. 7 explicata, 289
Logica artificialis utilitas in vita communi, 459 & ſeqq.
Lux philoſophiæ qualis affundi queat, 313. 314

M.

- Macula* in Venere conſtantes, 299
Maria in Venere detecta, 299
Mathematicorum mos in contemnendis cenſuris præ-
cocibus, 202
Matheſeos principia ultima, 332. 333. ſtudium initio
cur tædioſum, 243. 244. cur adeo certa utilitas, 17
Matheſis an hominem ad alia ſtudia ineptum reddat,
283 & ſeqq. quomodo ad ſenſum communem redu-
catur, 335 & ſeqq.
Medicæ obſervationes primæ, 169
Medici cur ſignificatum terminorum immutare non
debeant, 512
Medicina cum Aſtronomia affinitas, 167. initia, 169.
principia, 171. progreſſus, 173. theoria qualis eſſe
debeat, 175
Medicorum in definiendis ſanitate, 335 & ſeqq. &
morbo conciliatio, 490 & ſeqq. concordia & in-
genuitas, 174

<i>Mentis</i> abyſſus exploranda,	221. 222
<i>Metaphyſica</i> ſcholasticorum cur in contemptum adducta,	245
<i>Methodus</i> conjectandi hominum mores,	453 & ſeqq.
<i>Methodus</i> docendi autoris,	342
<i>Methodus</i> ſtudenti cur non ſit indifferens,	305. 306
<i>Miſericordia</i> ratio quando & quomodo cognoſcatur,	7. 8
<i>Morbi</i> notio quomodo inveſtigetur, 481 & ſeqq. definitiones diverſæ, 478. notio illuſtrata, 507. quomodo evolvenda, 73 & ſeqq. fedes,	488
<i>Morborum</i> diviſio generalis, 504. varietas quomodo detegatur,	489
<i>Mores</i> eruditorum in quibusdam Germaniæ academiis,	289
<i>Mores</i> plebeji quomodo ex orbe erudito fugandi,	291
<i>Motus</i> gravium acceleratio,	7. 8
<i>Mundus</i> an perfectus,	326 & ſeqq.
N.	
<i>Naturalia</i> ſendi analytice inveſtigata, 250. 251. quid ſint,	251 & ſeq.
<i>Neumannus</i> (Caſparus) intellectu ſyſtematico præditus,	119
<i>Newtonus</i> (Iſaacus) cur neminem impugnaverit,	199
<i>Notiones</i> directrices quænam dicantur,	316 & ſeqq.
<i>Notionum</i> directricium exempla, 318 & ſeqq. uſus exemplo juridico illuſtratur, 250. 252. uſus in S. S. interpretanda, 292 & ſeqq. uſus in augendo acumine, 343. in docendo, 341. in arcendo ſcepticiſmo,	345
<i>Notionem</i> rei quænam ingrediantur, 323. quomodo ex ea alia deducantur,	84. 86
	No.

Index Rerum & Verborum.

<i>Notio</i> propositioni respondens qualis,	25
<i>Notiones ontologica</i> quomodo experimento confir-	
mandæ,	344
<i>Notitia credendorum</i> quomodo possibilis,	295

O.

<i>Obedientia</i> cur parentibus præstanda,	87
<i>Oeconomia</i> usus,	464
<i>Ontologia</i> auctoris qualis, 310 & seqq. usus in arte in-	
veniendi, 328 & seqq. usus singularis, 314 & seqq.	
utilitas, 33. cur hæcenus non animadversa, 333.	334
<i>Ontologia experimentalis</i> ,	345
<i>Ontologicarum notionum</i> in Algebra usus, 329 & seqq.	
usus in demonstrando,	332 & seqq.
<i>Opinionum</i> inconstancia,	284

P.

<i>Pedantismus</i> quid sit, 295. cur distincte explicandus,	295. 296
<i>Perfectionis</i> notio fecunda,	185
<i>Perfectio rerum</i> cur delectet,	184 & seqq.
<i>Philosophandi</i> spuria ratio,	3
<i>Philosophia</i> cur addiscenda, 14. 15. cur ancillari dica-	
tur, 426. quomodo ancilletur, 475 & seqq. quando	
ad vitam & Remp. administrandam utilis, 2. quo-	
modo ad sensum communem reducatur, 337. &	seqq.
<i>Philosophia ancillans</i> Theologiæ, Jurisprudentiæ, Me-	
dicinæ,	476
<i>Philosophia non ancillans</i> ,	35. 418 & seqq.
<i>Philosophia auctoris</i> quomodo legenda,	286 & seqq.
<i>Phi-</i>	

<i>Philosophia</i> ampli limites, 15 .	officium, 176.	utilitas in jure, 34.	in Rep. administranda, 35.	ad vitam utilis habitus, 16 & seqq.	usus in interpretanda S. S. 363 .
					464
<i>Philosophia auctoris</i> usus, 249 .	vis in lectores attentos, 287 .	cur animum voluptate perfundat, 128 .	cum Christo consensus,		365
<i>Philosophia experimentalis</i> cur delectet, 240 .	ad quas-cunque philosophiæ partes extendenda,				345
<i>Philosophia primæ præstantiæ</i> , 5. 6.	utilitas, 22 .	utilitas in arte inveniendi, 44. 45 .	in arcendo scepticismo,		347
<i>Philosophia vulgaris</i> cur in spem futuræ oblivionis discatur,					26
<i>Philosophica cognitio</i> cur delectet,				202 & seqq.	
<i>Philosophus</i> intra terminos hypotheseos contineat,				quando scite	215
<i>Physica</i> usus,					469
<i>Politica</i> in administranda Rep. usus,					459
<i>Præcipitantiæ in judicando</i> quomodo evitetur,					292
<i>Prædicata rerum</i> in philosophia quomodo determinantur,					17
<i>Præjudicium</i> nimix confidentiæ quomodo tollatur, 247 .	authoritatis quomodo evitetur,				149
<i>Probationum</i> usus,					9
<i>Problematum solutiones universales</i> num majus acumen requirant solutionibus particularibus, 213 .					214
<i>Profunditas</i> in rebus obviis,					28
<i>Progressus</i> securus in scientiis unde,					125
<i>Promontoria</i> in Venere detecta,					299
<i>Proportio arithmetica</i> quomodo observetur in justitia commutativa,				259 & seqq.	Pro-

<i>Proportio geometrica</i> quomodo observetur in iustitia distributiva,	251 & seqq.
<i>Propositiones</i> ad vitam utiles quales,	22 & seqq.
<i>Propositionum</i> species, 23. 24, nexus qualis,	109
<i>Prudentia</i> circa hypothesen philosophicas adhibenda,	212 & seqq.
<i>Prudentia legislatoriæ</i> subsidium,	284
<i>Pudoris</i> effectus,	308
<i>Pufendorffii</i> diversa fata,	215

R.

<i>Rationis</i> cognitio confusa & distincta,	5. 6. 7
<i>Rerum</i> connexio qualis,	108

S.

<i>Sanitas</i> . Definitiones diversæ, 318. 319. quomodo notio analytice eruatur, 321. 326 & seqq quousque in potestate sit,	351
<i>Scepticismus</i> quando arceatur, 345. ejus causa,	284
<i>Sciendi</i> cupido unde nascatur,	191
<i>Scripta auctoris</i> cur non indigeant defensione, 287. eo- rum usus singularis,	308. 309
<i>Scripta systematica</i> quomodo legenda,	285
<i>Scriptura sacra</i> defendendæ stimulus,	370
<i>Serupuli</i> circa veritates puras quomodo tollantur, 364.	375
<i>Series infinita</i> quando delectent,	197 & seqq.
<i>Servitus stillicidii</i> ,	244
<i>Simplicium</i> theoriam qualem tradat auctor,	27
<i>Societatis mutua appetitus</i> cur fons juris naturalis,	28
<i>Species</i> cur accurate definiendæ,	18
	Spi-

<i>Spinoza (Benedictus de)</i> intellectu systematico abusus,	126
<i>Stirpis</i> definitio,	391
<i>Substantialia fendi</i> quid sint, 252 & seqq. quomodo inveniantur,	250. 251
<i>Subjecti</i> notio qualis,	24
<i>Superbia spiritualis</i> evitandæ remedium,	314
<i>Systema</i> quomodo ab obscuritate & contradictioni- bus liberum conservetur,	138 & seqq.
<i>Systema doctrinarum</i> quale,	109 & seqq.
<i>Systema elementare</i> quodnam sit & quale, 125. 129. quomodo ab erroribus immune oblineatur, 135 & seqq.	
<i>Systematum</i> necessitas,	276 & seqq.

T.

<i>Teleologia</i> cur delectet, 184. ejus usus,	467
<i>Termini feudales</i> cur utiliter ad ontologicos reducan- tur,	283 & seqq.
<i>Theologia</i> Studioso scitu necessaria ex philosophia,	476
<i>Theologorum</i> nonnullorum inconstans de hypothesi- bus philosophicis judicium,	211. 212
<i>Theoria sublimes</i> cur non contemnendæ,	233
<i>Tolerantia hypothesium philosophicarum</i> quibus limi- tibus circumscribenda,	205 & seqq. 212 & seqq.
de Tscirnhansen (E. W.) elogium,	167. 169
<i>Tychonis</i> præcipitantia in judicando de <i>systemate terræ</i> motæ,	193

V.

<i>Vasalli</i> definitio,	255
<i>Verborum</i> S. S. accurata determinatio,	307
<i>Veritas</i> quomodo incrementa capiat, 125. cur eadem multiplici modo demonstranda,	61
<i>Veritatem</i> quinam cognoscat,	172 & seqq.
<i>astronomicam</i> qui capere nequeat,	294
<i>latentem</i> quinam detegere possit,	207
<i>Veritatis</i> cauta communicatio,	302 & seqq.
<i>Veritates revelata</i> cur in systema veri nominis redi- gendæ,	372
<i>Veritates utiles</i> quando magis delectent sterilibus,	230 & seqq.
<i>Veritatum revelatarum</i> divisio, 360. 361. nexus quo- tuplex, 373. 374. influxus in appetitum, 301 & seqq. applicatio ad se unde pendeat,	298
<i>Via plana</i> ad Facultatum superiorum systematicam tra- ctationem,	205
<i>Vindicta publica</i> cur opus sit,	361. 362
<i>Vindicta cupido</i> cur christianum dedeceat, 357. quan- do animus ab ea vacuus,	360
<i>Virtutis</i> notio explicata,	231 & seqq.
<i>Viri magni</i> cur ab impugnandis aliis alieni,	201
<i>Ulpiani cum Aristotele</i> in notione justitiæ consensus,	238 & seqq.
<i>Ulpianus</i> defensio,	240. 241
<i>Universalia</i> quomodo existant,	22
<i>Voetii (Gisberti)</i> character,	199
<i>Voluntatis</i> cultura a philosophia petenda,	449 & seqq.
<i>Voluntatis constantis</i> notio,	234 & seqq.
<i>perpetua</i> notio,	235 Ko.

Voluptas quid sit, [170.](#) [171.](#) quænam constans, [212.](#)
 cur moveat hominem, [238.](#) ex acquisitione verita-
 tis orta, [167](#) & seqq. ex demonstratione perci-
 pienda, [181.](#) ex cognitione perfectionis rerum, [184.](#)
 perfectione intellectus, [186.](#) philosophica rerum
 cognitione, [202](#) & seqq. arte inveniendi, [206](#) &
 seqq. ex virtute, [229.](#) ex modo, quo veritates mix-
 tæ in S. S. enunciantur, [364.](#) ex veritatibus mixtis,
[362.](#) ex nexu veritatum revelatarum, [372.](#) ex earum
 convenientia cum attributis divinis, [377.](#) & influxu
 in praxin, [379.](#) [ex eo, quod eorum](#) veritatem in no-
 bis experiamur, [382.](#) ex earundem objecto, [385.](#)
 ex philosophia percipienda, [470.](#) cur ex ipsa ve-
 ritate percipiatur, [176](#) & seqq. quinam ex arte in-
 veniendi percepti sint gradus, [208.](#) [210](#) & seqq.
 usus & abusus, [209](#)

Voluptas ex cognitione veritatis percipienda num sit
 mutabilis, [225](#) & seqq.

Voluptates plures simul perceptæ in cognitione re-
 rum, [188](#)

Voluptatis ex intellectu perceptæ gradus, [189](#) & seqq.
 usus, [195.](#) abusus, [194](#)

Voluptatis ex cognitione veritatis ortæ incrementa,
[227](#)

Voluptatis spuria & nocuæ genera, [198.](#) [218.](#) [222.](#)
 quomodo spuria a genuina separetur, [214.](#) [215.](#)

F I N I S.



